





1 5 6 2.  
ἀνευ δόλου καὶ ἀπάτης.  
*Joan. Ambrosij Brassicani.*

5

(20)

XXI. H. 6. 1.

VI.

E x

D. 40.


Bibliotheca Graeco [Catholicae

Ecclesiae Cathedralis

Premisliensis.

Joan. Sturmius.

Si quantum sciunt homines in Jure &  
legibus: tantum suscipere & defendere  
uel possent uel uelint: bene ageretur  
cum rebus mortalium. sed duo potissimum  
obstant atq; officiunt: ad felicitatem  
uoluntas in facultate, & in uoluntate  
facultas.





1751

Handwritten text, mostly illegible due to fading and bleed-through. Some words like "Liber" and "1751" are visible.



1751



1751

# IMP. LEONIS AV- GVSTI CONSTITVTIO-

NES NOVELLAE, aut CORRECTO-  
riæ legum repurgationes,

Latinae nunc primùm ab Henrico Agylæo factæ.

Imp. IVSTINIANI Edicta.

Imp. IVSTINI Constitutiones aliquot.

Imp. TIBERII Constitutio vna.

Imp. ZENONIS Constitutio vna.

Eodem interprete.

Huius editionis margini appositæ numerorum notæ paginas  
Græci exemplaris indicant ab Henrico Stephano excusi.

*Joan Wil. K. & Co a Schenkerhen*



ANNO M. D. LX

Excudebat Henricus Stephanus, illustis viri  
Huldrici Fuggeri typographus.



P. xvi. 495

3  
ILLVSTRISSIMO PRINCIPI

PI GVLIELMO, NASSOVIAE ET

Buræ comiti, Arausionis Principi,

Bredæ, Grauiæ, ac Diefthemii

domino, &amp;c.

HENRICVS AGYLAEVVS

S. P. D.

CVM quæ mihi donaria obuenere, ob dignitatem suam nonnisi maiorum gētium diis suspendi atque consecrari debent: tum tu, Princeps illustrissime, is es cui si inter primos votiuā aliquam tabulam non figam, scelere me obstrin gam. Es enim in Belgis, popularibus meis, post Principem, siue spectetur genus, nobilissimus: siue ditionū numerus & opulentia, potentissimus: siue rerum gestarū magnitudo, nulli secūsus. Tuis præcipuē auspiciis vtrunque tēpus & pacis & belli gubernatur: tu quicquid est maximorum munerum, aut primarius aut solus obis. Tum priuatim ea in patriam meam, quæ Syluaducis est (barbaries Buscumducis nuncupauit) tua beneuolentia est, eaque illa abs te in dies beneficia sentit, vt si, quum nostrorum ciuium nomine commune quodpiam gratitudinis pignus edere pos sim, id primo quoque tempore non faciam: ingratus aduersum parentes, cognatos, vniuersam ciuium societatem, atque adeo ipsum natale so lum, ac nefarius esse meritò iudicāsus sim. Dum enim ditionibus tuis propemodum nos cingis,

A. ij.



commodissimum te vicinum exhibes, & vt ami-  
 cissimè cum tuis viuamus, sedulò operam das:  
 totum te publicè nobis offers: ac sæpe focerì tui  
 Maximiliani incomparabilis Principis exem-  
 plum imitatus, singulis cōsulis, subuenis, opem  
 fers. Nam quemadmodum ille honestissimam  
 quandam olim matronam (quam postmodum  
 naturali morte extinctam ipsi etiam aduersarii  
 luxerunt) iniquis criminationibus in capitis pe-  
 riculum pertractam, reis magno tandem cum  
 negotio exemiti: ita tu quoque proximis annis, o-  
 ptimæ existimationis ac canicie venerandum  
 quēdam ciuem, personati cuiusdam nebulonis  
 ac sanguinarii scurræ rictibus eripuisti. Qua re  
 vel sola qui nostrum se totos tibi deuinctos esse  
 non agnoscūt, nā illi aut in nobis sunt, aut præ  
 mentis hebetudine, quāti rei publicæ proborum  
 hominum salus atque conseruatio esse debeat,  
 non vident. Sed ad ea quæ in præsens celsitudi-  
 ni tuæ offerimus quod attinet, vt qualia illa sint  
 melius cognosci possit, quædam mihi altius re-  
 petenda sunt. Quū itaque Iustinianus Princeps  
 ius ciuile ex veterū variis multiplicibúsque scri-  
 ptis in compendium redegisset, ac insuper pro  
 rerum postmodum emergentium natura cōsti-  
 tutiones scripsisset, eæque in eam quā videmus  
 multitudinem atque molem excreuissent: is ve-  
 rò eius labor Basilio Macedoni Orientis Princi-  
 pi multis de causis displiceret: cōmunicata ipse  
 cum Constātino ac Leone filiis suis opera, quæ-  
 cunque ille eiusdē argumenti diuersis locis tra-

etasset, sub suis titulis collectim digessit: quæ ob-  
 scuriora viderentur, apertius perscripsit: verbo-  
 sitatem rescavit: ac denique prout mutatum rei-  
 publicæ statum postulare putabat, alia reiecit,  
 alia reformavit, alia nouiter introduxit. Quo ip-  
 so in opere quum post patris fratrisque obitum  
 sceptræ Leo solus obtinens, nonnulla partim non  
 probaret, partim requireret: continua (vt facile  
 cõicere est) scriptione correctis adiectisque quæ  
 viderentur, velut colophonem illi addidit, sum-  
 mamque manum imposuit. Singulas autem res  
 singulis ferè constitutionibus inclusit, atque ita  
 diligenter quasque rationibus communiuit vt  
 non iubere leges sed persuadere voluisse videat-  
 ur. In quo ille profecto cognomini suo respon-  
 dere voluit, ne, quæ aliis in rebus omnibus phi-  
 losophus dici mereretur, vbi præcipuè pruden-  
 tiam suam exerere deberet, sui dissimilis esset.  
 Qui Princeps vtinam in nostra hæc tempora in-  
 cidisset, quo melius nonnulla cognoscere potuif-  
 set, aut nunc Principes eius similes essent. Dii bo-  
 ni, quantum inde commoditatum, quantum  
 tranquillitatis salutisque in commune morta-  
 lium generi turmatim accederet! Verum (quæ  
 hodie corruptela est) frustra istiusmodi iam pri-  
 dem ab optimis quibusque operatur. Scripsit au-  
 tem ille Græcè, vt Latino orbi hætenus esse vsui  
 non potuerit: quocirca quum me versurum illum  
 publicè recepissem, posteaque vt id maturarem  
 Ioachimus Hopperus Phrisius & Iacobus Cui-  
 cius, professionis nostræ eximia duo luminaria,



propter summā haud dubiè eius vtilitatem, hortati essent: inter peregrinandum etiam, liberandam fidem, istisque tantis viris parèdum putavi. Quo in labore tametsi Henrici Stephani annotationes permultum me iuuerunt, quin tamè mihi etiam in restituèdo exemplari non parum tædii & molestiæ deuorandū fuerit, qui Latina nostra cum Græcis cōferent, ignorare non poterunt. Est quidem vir ille (vt de ipso audio, atque in hisce ipsis Leonis constitutionibus expertus sum) miræ in emendandis authoribus tum diligentia tum industriæ, quémque ad hoc vnum natum esse dicas: sed tanto hic author situ obdus fuit, ac tot vulnera temporum iniuria excepit, vt ipsum prorsus purgare plenèque sanare perquam difficile fuerit. Certe (vt verum fatear) miratus persæpe etiam sum, quum ille Leonem interpretandum non sumpsisset (quādo omnes nerui ad intelligendos authores intenduntur) tam multa tamen potuisse animaduerrere. Ex quibus ego in Héricum Scrimgerum (vt qui ita Leonem vulgandum curarit) quicquam rapi minimè velim. Quin potius, vt sæpe aliàs, ita hîc quoque optimè illi de republica merito gratias quātas possum maximas ago, qui tam vtilia, vti essent, statim in publicū emittere, quāmdum sibi castigare vacaret, premere & occultare maluerit. Leonis itaque cognomento Philosophi, inclyte Princeps, non contemnèdæ neque elegantia neque vtilitatis, Latinas à me factas, multisque locis illustratas Cōstitutiones tuo no

mini inscribo, quas (siue tanquam donarium,  
siue tanquam ciuium nostrorum gratitudinis  
pignus atque signum) si in sacrario tuo reponere  
dignaberis, rem mihi longè gratissimā feceris.  
Vale, Vefontione. Cal. April. anno instaurata sa-  
lutis 1560.

## HENRICVS AGYLAEVS LECTORI.

VT Leonis haec Constitutiones, praeter admodum paucas, doctè atque ele-  
ganter, ita contra titulorum inscriptiones prorsus imperitè scriptae sunt. Prae-  
terquam enim quod nimis uerbosae sunt, saepe etiam (quod turpe est) cum  
Constitutionibus non conueniunt: ut illas et Constitutiones eiusdem autho-  
ris esse ueri non sit simile. Quapropter etiam longè meliorem earum partem  
interiisse non usquadeo dolendum est. Interim nostri officii fuit ut super-  
flites Latinitate donaremus: quod tamen nulla cum religione fecimus, ut  
illas, ubi opus esset, accideres, supplere, inflectere pro loco nō auderemus. Vbi  
autem nullas inuenimus, nostras reposuimus, ijsque, quo dignosci possent, stel-  
lae notam apponendam curauimus. Quem porro hic titulorum indicem da-  
mus, nostrae ferè omnis cōpositionis est, quem partim breuitatis, partim illu-  
strationis causa ita conscripsimus. Quamobrem hos cum contextus titulis, et-  
iam à nobis confectis, plerumque uerbis dissentire non mirabere.

## INDEX CONSTITVTIO- num Imperatoris Leonis augusti.

- 1 Vt secundum sequentes cōstitutiones iudices causas di-  
iudicent.
- 2 Ne propter legitimos liberos quisquā episcopatum con-  
sequi impediatur.
- 3 Ante sacerdotium matrimonium contrahendum esse.

A. iiii.



- 4 Quoscunque sacerdotes, quocunque vocantur, docere  
atque sacrificare posse.
- 5 Ut monachus de acquisitis testari possit.
- 6 Decennem, monachum fieri posse.
- 7 Clericum denuo prophanum fieri non posse.
- 8 Monachū, quotiescunque fugerit, in suum monasterium  
retrahendum esse.
- 9 Si seruus ignorante domino clericus factus sit.
- 10 Si seruus ignorante domino monachus factus sit.
- 11 Si seruus ignorante domino episcopus factus sit.
- 12 De officinarum magnæ ecclésiæ vsu.
- 13 De perpetuis emphyteusibus.
- 14 Siquis monasterium imperfectum relinquat.
- 15 Baptismum in quocunque sacrario peragi posse.
- 16 Viginti annos natum, hypodiaconum creari posse.
- 17 Quando puerperæ sacrorum mysteriorum participes  
fiant: & quando infantes baptizandi sint.
- 18 In sponsalibus poenam constitui posse.
- 19 Si pater in nuptialibus contractibus filium ex æquo cum  
fratribus hæredem fore promiserit.
- 20 Ne maritus vxore mortuâ præter donationem propter  
nuptias quicquam capiat.
- 21 Quomodo dos ex paternis aut maternis bonis promissa,  
præstanda sit.
- 22 Vtrumcunque parētem matrimonium non iterantem,  
vnus liberorum portionem proprietatis iure capere.
- 23 Ne præsides in prouinciis domestica spōsalia cōtrahant.
- 24 Ne naturales cum adoptiuis matrimonium contrahant.
- 25 De emancipatione.
- 26 Eunuchos adoptare posse.
- 27 Quibuslibet adoptare licere.
- 28 Quo tempore adolescentibus rerum suarum administra-  
tio permittenda sit.
- 29 Ut ancillā partus apud alium editus ad ipsius dominum  
sequatur.
- 30 Si mulier viuo marito cum aliis de contrahendo matri-  
monio agat.
- 31 Si mulier mariti odio abortet.
- 32 De adulteris manifestò deprehensis.

- 33 Ne captiuorum vxores aliis nubant.
- 34 Si tutor pupillam suam vitiet.
- 35 De raptu virginum.
- 36 Ex captiuis natum, si libertatem consequatur, parentum suorum in captiuitate morientium heredem esse.
- 37 Domini sui testamento liberum esse iussu, tamen si id ignoret, testari posse.
- 38 Imperatoris seruos plenam de rebus suis statuendi potestatem habere.
- 39 Prodigum quæ ex re ipsius sint facere posse.
- 40 Captiuos testamenti factionem habere.
- 41 Quot testibus testamenta firmentur.
- 42 Sufficiens numerum testimonium ratum facere, tamen si neque subscriptiones illorum neque signacula habeat.
- 43 Testamenta per scribendi ignaros confirmari.
- 44 A quibus obsignari testamenta oporteat.
- 45 Iudices sententias in literas referre, suisque manibus obsignare debere.
- 46 De curiis & decurionibus latarum legum abrogatio.
- 47 Ne senatus & decuriones magistratus amplius constituant.
- 48 Mulieres ad dicendum testimonium admittendas non esse.
- 49 Seruos testes esse non posse.
- 50 Quatenus donationes in literas non relatæ valeant.
- 51 De thesauro inuento.
- 52 Vt tam veterum Principum quam recentiorum numismata valeant.
- 53 Mortuos tam intra quam extra ciuitates sepeliri posse.
- 54 Dominicis diebus omnes ab operibus vacare debere.
- 55 Vt Iudæi secundum Christianismi ritus viuant.
- 56 De ostiis marinis.
- 57 Quantum remora piscatoriæ inter se distare debeant.
- 58 Ex sanguine cibum conficiendum non esse.
- 59 Hominem liberum se vendere non posse.
- 60 De castratorum pœna.
- 61 Si tributorum exactores plus exegerint, qua pœna afficiendi sint.
- 62 De pœna eius qui rem aliquam publicam vendiderit.
- 63 Siquis res vetitas ad hostes transfuehat.



- 64 Siquis naufragio eiectas res celauerit.
- 65 De incantatorum pœna.
- 66 De plagio.
- 67 Si transfugæ sua sponte reuertantur.
- 68 Quomodo monachi & clerici tutores esse possint.
- 69 Quomodo cæcos testamentum facere oporteat.
- 70 De latronibus.
- 71 Qua lege in aruis vineisue ædificetur.
- 72 Vt pacta non constituta pœna valeant.
- 73 Cum mulieribus in Ecclesiarum cœnaculis habitare non licere.
- 74 Ante legitimum tempus matrimonium consecrari non debere.
- 75 Viginti annos natum, hypodiaconum creari posse.
- 76 Si sacerdos falsum testimonium dicat.
- 77 De falsariorum pœna.
- 78 Ne amplius S.C. fiant.
- 79 Sacerdotem diaconum, hypodiaconumque, si vxorẽ ducat, à sacro ordine remouendum non esse.
- 80 Purpuræ segmenta & particulas venundari posse.
- 81 Ex auro preciosisque lapillis aliquid confici, non in vniuersum nefas esse.
- 82 De testamento resignato.
- 83 Trientes vsuras in mutuata pecunia licitas esse.
- 84 Negotiari, ædificare, muneraque accipere, vrbs magistratus posse.
- 85 Qui pater nuptias nō iterat, eum vnus liberorum portionem percipere.
- 86 Siquis ecclesiastici ordinis se aduocationibus, sponsionibus, redempturis, similibusue rebus dedat.
- 87 Siquis ecclesiastici ordinis alea ludat.
- 88 Celebribus quibusdam in ecclesia viris festi dies constituuntur.
- 89 Matrimonia citra consecrationem non confirmari.
- 90 Qui tertium matrimonium contrahunt, sacri canonis pœnis obnoxios esse.
- 91 Concubinam habere non licere.
- 92 Siquis aliquem dedita opera oculis orbarit.
- 93 Si sponsa ex alio vterum gestare deprehendatur.
- 94 Legis quæ de consulatu agit abrogatio.

- 95 De auulso superficiario loco.
- 96 De sepulchro violato.
- 97 In contestatione litis, magistratuúmque initio iurandum esse.
- 98 Si eunuchi vxores ducant.
- 99 Vt qui iusiurandum defert, prior de calumnia iuret.
- 100 Si homo liber cum seruilis conditionis homine matrimonium contrahat.
- 101 Si contrubernalium alter libertatem consequatur.
- 102 Si pradia maritima ad constituendas piscatorias remoras perse non sufficiant.
- 103 Quomodo de maritimis pradiis ad constituendas piscatorias remoras societas ineatur.
- 104 Si piscatoriæ remoræ legitimo interuallo non distent.
- 105 Si magistratus res fiscales furatus esse deprehendatur.
- 106 Quantum indotatæ mulieres ex maritorum mortuorum bonis percipiant.
- 107 De edendis actionibus.
- 108 Siquis in ius vocatus non icrit.
- 109 Quando sponsalia iniri matrimoniæque consecrari possint.
- 110 Vt si mulier in rebus suis damni aliquid à marito passa, id soluto matrimonio sibi resarciri velit, dotē propterque nuptias donatōnē & reliquam mariti substantiam in commentarium conscribat.
- 111 Si vxor furore corripiatur.
- 112 Si maritus furore corripiatur.
- 113 Quantum subdialia ambulacra à vicinorum ædificiis distare debeant.

F I N I S.



# IMPERATORIS LEONIS AVGVSTI


Constitutiones nouellæ,

Aut

Correctoriæ legum repurgationes.

## PROÆMIUM.

429



ERV M humanarū vicissitu-  
do, vitæque inconstans atque  
multiformis status, permultis  
ac omne genus legibus ortum  
præbuere: quæ *leges* quia sua  
multitudine ad quascūque se  
facile res protendunt, quum  
illas sibi admouent, quicquid rectè aut secus se-  
se habeat diiudicāt. Sunt itaque tanquam custo-  
des quidam vitæ nostræ & medici, dum mala,  
partim ne oriantur ac in cōmunem vitam pro-  
manēt, impediunt, partim verò quæ mala occul-  
ta sint, insinuantérque irrepsérint, eorum no-  
xā corrigūt, ac velut radicitus vitiositatem eucl-  
lunt, eamque corroborari nō sinūt. Atqui *earun-*  
*dem* humanarum rerum cursus velutíque reci-  
procus quidam æstus, dum sursum deorsum o-  
mnia vertit ac voluit, & multa quæ rectè consti-  
tuta essent in peius commutat, permulta item  
obliuione obruit, vt, perinde ac si in rerum na-  
tura visa nūquam essent, incognita sint: nō me-

diocrem illis labem intulit, has profundo silentio tegēdo, in illis verò vt inter sese dissentiant efficiendo: idque aliàs dum illi ipsi qui illas tulerunt in priore sententia ac voluntate non persistunt, verum sibi ipsi contradicūt: aliàs etiam, dum posteriores modò consuetudine, modò lege illis contraria sustinent: 'vt hinc cōfundi leges, nec exiguum rebus mortaliū inferri detrimentum contingat, 'aliis cum aliis commutatis, talorūque instar huc illuc temere voluētibus. Illas itaque res, ex quarum tranquillo & imperturbato statu salus reipublicæ dependet, in tanta confusione perturbationēque versari, indignum neglectu rati, quam accuratissima leges inspectione ac consideratione dignati sumus: & quas obtinere conducibile fore animaduertimus, illis selectis scripto imperatoriae nostrae Maiestatis decreto in republica auctoritatem confirmauimus, vtque controuersias diiudicarent, insuper etiam sciuius: quas verò inutiles iudicauimus, harum nonnullas in perpetuum silentium coniectas, decreto & ipsas à legum honore atque ordine exulare iussimus: quarum autem nullam prorsus mentionem fecimus, has etiam, hoc ipso quòd earum non meminimus, iuxta atque illas in exilium ciecimus. Denique quoniam & inter receptas consuetudines nonnullas ratione non destitui, talēsque quales prudens aliquis non contemnat, vidimus: has quoque legis prerogatiua honestates ex inscriptae cōsuetudinis statu ad legis imperium atque, hono

Lego ὡς καὶ  
ἐν τῷ δευτέρῳ  
ἐν νῶν

Lego διὰ τὴν  
ἀλλοτρίαν  
referens ad  
νόμους.



rem eueximus. Quū ergo hæc ita à nobis cōpara-  
ta sint, sciat quisque, quòd quæ leges per scriptū  
Imperatoriae nostræ Maiestatis decretū autho-  
ritatem nactæ, aut quæ consuetudines legis di-  
gnitate honoratæ fuerint: hæ & in republica ob-  
430 tinebunt, & controuersias à se pendentes ha-  
bebunt: quæ autem ab illis in contrarium ver-  
gunt, aut mētionē sempiternam illis taciturni-  
tatem iniungente, citràue hanc etiam, vt quæ  
cum despectis eiusdem conditionis sint, eodem  
dedecore dignæ habitæ sunt: hæ verò dehinc &  
reiectæ & à republica exules atque extorres erūt.

*Q V O D V N V M Q V E N Q V E, Q V I I V-  
dicandi prærogatiuam acceperit, quemadmodum legalium  
capitulorum à nobis habitus delectus statuerit, dirimere con-  
trouersias oporteat: quæ uerò inter reprobata habita sunt, ut  
ex illis nulla litis ambiguitas diiulicetur.* CONST. I.

**I N N O M I N E E I V S Q V I V-**  
niuerso humano generi salutare leges tulit,  
CHRISTIVERI Dei nostri, Imperator CÆ-  
SAR FLAVIVS LEO, pius, fœlix, incly-  
tus, victor, triūphator, omni æuo venerabi-  
lis, augustus, fidelis Rex,

STYLIANO illustrissimo sacrorū nostro-  
rum officiorum magistro.

**C**eleberrimi ille inter Imperatores nominis  
Iustinianus, quum animo esset erga rem-  
publicam & optimo & eius vtilitatum stu-  
diosissimo, velut syluam quandam, constitutio-  
nes in Romano imperio inde ab initio vsque ad

ſuam ætatē diuerſis tēporibus editas, accipiens,  
 quo bene de ſubditis mereretur, induſtria & la-  
 boribus ſuis opus admiratione dignum, vniuer-  
 ſarū nempe legum illam incorporationē, ſum-  
 ma cum contentione efficere eſt conatus. Siquid  
 contrarium aut inconueniens appareret, repur-  
 gauit: ex quibus verò compoſitum reipublicæ  
 ac decorū ſtatū extitūrū crederet, hæc in vnum  
 contexuit, atque velut in artem aliquam infor-  
 mauit, quaſique in vna iuſtitia libra, à qua iuſtū  
 à diuerſo & iniuſto diſcerneretur, conſtituit &  
 collocauit. Atqui (vt conſtat) vbique eſt pulcher  
 cherrimū, *VT NE QUID NIMIS*. Quum  
 nanque in multas partes diuiſam legum ſub-  
 ſtantiam ac materiam in vnum corpus tanta  
 cum laude coagmentaſſet, præterea etiam quæ  
 legalis regiminis ordinem ac conueniētiam ſæ-  
 penumero labefaſtarent, in concordiam rede-  
 giſſet, itaque quòd ad hæc ſola omnes ſententiæ  
 ferendæ eſſent, in vnum cōſenſum iudices com-  
 puliſſet, cōſque ad pacificè iudicandum, legali-  
 bus capitulis in tranquillo & ab omni conten-  
 tione libero ſtatu conſtitutis, inter ſe conciliaſ-  
 ſet: his ille non contētus, ſed præſtantius quip-  
 piam in reipublicæ gratiam poſtmodum con-  
 ficere cogitans, imprudens iis, quæ poſtea ſta-  
 tuit, primum opus euertit: neque alterum vitu-  
 perationi non obnoxium fecit, quum ex poſte-  
 riore ipſius inſtituto non pauca aduerſus prius  
 ſuſcitata contradictiones & controuerſiæ ſint.  
 Atque ad hunc ſanè modum ipſe Juſtinianus à

*Legō ſυμμε-  
 τοποινῆταις.*



se vitium passus est. Certè quidē quum vsque ad hodiernū diem nūc ex recentioribus sanctionibus, nunc ex inscriptis, & non aliunde quàm quòd multitudini placeant, authoritatem præ se ferentibus consuetudinibus, permulta ab illo tempore innouata sint: parum abest quin res legalis prorsus turbata confusaque sit, & communis vitæ negotia sursum deorsum subsultim ferantur. Quapropter quum siquid aliud, hoc certè, quod opitulatrice nostra industria & cura necessario potiatur dignū sit, \* \* tractatū. Insuper & consuetudinibus quæ ad rerum gubernationem deuenissent, diligēter excussis, legum inter se contradictionem sustulimus: quicquid aduersarium & ad præsentem rerum cōstitutionem rationemque illicitum esset, huic legalem authoritatem abrogantes: quæcūque verò consuetudines non malè neque noxiè de rebus constituere viderentur, has non amplius inscriptas & neglectas consuetudines manere siuimus, sed ad legis vim ac potestatem extulimus: alicubi autem & ad sæuitiam quiddāque præfractius spectātem, ac ceu iustitiæ penitus oblitā legem, ad suum decentemque modum legibus debita cum æquabilitate contraximus. His itaque hoc pacto dispositis & cōstitutis, omnibus quibus iustitiæ trutinæ cōmissæ sunt, & magistratibus & iudicibus mādamus, vt quæ leges ab imperatoria nostra Maiestate à legali solo exulare iussæ sunt, has inutiles iudicātes, dehinc in omne æuū reiici sinant: secundum reliquas verò scriptas atque

atque veteres, & quæ haud ita pridem à sempiternæ memoriæ patre nostro, atque nunc à nobis selectæ aut latæ sunt, controuersis diuinationes suppeditent: neminique posthac ad aliquam à legali authoritate exterminatam iuris speciem declinare, neque ad cōsuetudinē quampiam, quæ accepta prærogatiua, pro eo quod cōsuetudo esset ac diceretur, ad legis maiestatem & honorem à potētia nostra subiecta nō sit, recurrere permittatur.

VT QVI CAETERA SECVNDVM SACROS diuinósque canones Episcopali dignitate dignus esse probatur, si liberi ex legitimo matrimonio illi sint, ob illos in consequendo honore nullum impedimentum sentiat.

*Aliter.*

VT QVI ALIOQVI PRINCIPE SACERDOTIO dignus est, si legitimi illi liberi sint, non impediatur illum consequi.

CONST. II.

Idem IMPERATOR STEPHANO sanctissimo Constantinopolitano Archiepiscopo, & Patriarchæ vniuersali.

QVVM sacrosancti diuinique canones, & quicūque alii de sacerdotio ac episcoporum creatione statuere, in optimū numerisque omnibus plenū editi sint modū (& quidē quomodo illi non exactè perfectēque editi sint, quā diuina nspiratio in authoribus efficaciter operata sit) mirari subit quomodo nō verit' nonnulli sint, sacras diuināsque leges, tanquam illæ absolutæ non essent, promulgatis aliis legibus abrogare. Etenim, quum sacri canones, quibus

*Taxatur in sin. Nou. 6, Item nec. Nouel. 113. in initio. & Nouel. 117, sequentes igitur.*

B.i.



locis de episcoporum creatione præscribunt, statuunt, cum qui ex legitimo matrimonio liberos habeat, si modò in reliqua vitæ ratione nihil impedimenti sit, ad primum sacerdotiū promoueri posse: hi in contrarium statuentes, adiungunt vt ii qui liberos habent, tametsi legitimi coniugii munus sint, ad Episcopalem dignitatē euadant, suo impedimento non vacare. Quod ideo fortasse in animum induxerunt, quòd istiusmodi affectione quadam erga liberos (quid enim quis aliud dicat?) sacras facultates oblaturus videatur. Verum non rectè sese illa ratio habet. Sic nanque nec fratribus aliisue cognatis superstitibus accessum quisquam ad Episcopatum haberet: siquidē & ad hos sanguinis propinquitatisque affectio respicit. Quin & hoc præuidentes diuini canones, fecerunt episcopis potestatem, vt si ipsis pauperes cognati essent, illorum inopiā ex sacris facultatibus subleuarēt. Nostra igitur Imperatoria quæ ex Deo est Maiestas, si man-  
432 datis diuinis insistatur, id longè conuenientius fore animaduertens, consonam illis profert legem, vt quemadmodū ipsis videtur ad primum sacerdotiū promoueri posse qui illo honore alioqui dignus sit, tametsi liberi ipsi, lege tamen honorati sint, id ita liceat: & quidē ita censens, vt à lege quæ contradicere ausa fuit, in audaciæ pœnam, perpetuum in futurum exigatur silentium.

VT QUI SACERDOTES CREANDI  
sunt, secundum ecclesiæ ritus ea lege creentur ut omnem deinceps vitam cælibem agant, aut, si matrimonium contrahere uelint, prius id faciant, ac deinde ad creationem præcedant.

*Aliter.*

QVOD ANTE INEVNDVM SACERDOTIUM matrimonium contrahi debeat.

CONST. III.

Idem IMPERATOR STEPHANO sanctiss. Constantinopolitano Archiepiscopo, & vniuersali Patriarchæ.

QVum decenter inde ab initio de iis qui faciendis Deo sacris digni essent ecclesiasticus ordo cōstituerit, non rectè (meo quidem iudicio) qui præsentis temporis consuetudinem sequuntur, interdum ecclesiasticā traditionem contemnunt. Nam vbi illa mādāt vt qui creandi sacerdotes sunt, aut per omnem vitam, si promissum non falsum fore fidant, cælibatum voueant, aut, si illum seruare impossibile ipsis videatur, legitimè matrimonium ineāt, ac deinde diuinum ministeriū suscipiant: consuetudo quæ in præsentī obtinet, iis quibus matrimonio cōiungi in animo est, concedit vt antequam vxorē duxerint, sacerdotes fieri possint, & deinde biennium ad perficiendam volūtatē iungi matrimonio volenti præstituit. Id igitur quia indecorum esse videmus, iubemus vt ad vetus ecclesiæ & antiquitus traditū præscriptum dehinc creationes procedant. Neque enim dignum est vt qui spirituali ascensu supra corpora

*Nov. infl. 69  
At contrā.*



ris abiectionem & sordes euecti sunt, hi rursus  
ad carnis sordes delabantur: sed è diuerso, vt di-  
uinum ministerium ex corporis sordibus tan-  
quam in altum aliquem gradū conscendat con-  
uenientius fuerit.

VT NON MODO VNIVERSALIS EC-  
clesiæ sacerdotes, uerumetiam qui ad quamcunque sacramen-  
tum pertinent, si in hos uocantur, licet sacra mysteria exponere,  
diuinumque cultum celebrare domi priuatæ possint.

CONST. IIII.

Idem IMPERATOR STEPHANO san-  
ctiss. Cōstātinopolitano Archiepiscopo & Pa-  
triarchæ vniuersali.

Iust. No. 57.

Hæc expla-  
natus è sine  
huius eiusdē  
cōst. 67. è con-  
stitut. 15.

PLACVIT 'veteribus vt quæ sacrificia &  
communiones in priuatis ædibus fiunt, ab  
illis sacerdotibus, qui ad generales ecclesias  
pertinent, solis celebrentur: ab aliis verò 'qui a-  
licui alii sacrae ædi addicti deseruiunt, priua-  
tæque vitæ in statu sunt, vt nullum neque offi-  
cium neque sacrificium perficiatur. Atque hoc  
quidē vt statuerent, religionis conseruandæ cau-  
sa in mentem illis venisse videtur, quo videlicet  
(vt coniicere est) dum nonnulli sacerdotii præ-  
textu letale defectiois malum tegunt, vsu non  
veniat uti qui profanati sacrificii participes  
fuerint, longè magis contaminentur quàm ex-  
pientur. Qui profecto eorum qui istiusmodi re-  
ligioni cautionem excogitarunt, propositus fi-  
nis, hoc ipso nomine quod sacrosanctæ fidei sta-

bilimentum adinuenerint, simul laudabilis, simul commendatione dignus est. Veruntamen quatenus se firmitatem allaturos existimarunt, eatenus illam ex lege promanasse atque se extendisse non videas. E diuerso verò subinde illam ipsam legem religiosi & diuinis ministeriis operam nauantibus, etiam aduersari conspicitur. Vt autem pollutus sacerdos, qui motus non est, pollutæ suæ iniquationis aliquem participem faciat, verisimile fortasse est aliquando id euenire. Verum non ita ut semper & omnino tale quiddam contingat. Quis enim animo tam facili est, tamque omnia promiscua habet, ut quem non norit sacerdotem, neque cuius religionis, neque quibus moribus sit, hunc ad sacrificandum aduocet? Rursum verò qui defectionem moliuntur, remque sacram prophananter faciunt, nam illi cum alienis ab impietate conuentus agere non velint. Vt unde stabiliri lex videtur, non inde quemadmodum existimatum sit, stabiliatur. Tum & religiosi in multis utilitatibus consequendis eandem impedimento esse comperitur. Siquidem quum diuina gratia in omnibus ferè omnium non modò potentiorum, verum etiam tenuiorum domibus sacraria Deo erecta sint: & verò sumptus reliquæque ad rem familiarem necessaria sacerdotibus ab omnibus similiter suppeditari non possint: euenit propter legem ut (quemadmodum dixi) qui tenuiores sunt quàm ut priuatim sacerdotes suscipere possint, persæpe diuinorum



myfteriorum expertes maneant, & facra delubra, quæ in illis facrificia fieri debeant, his defraudentur. Quin verifimile etiam eft, nonnunquam defunctorum memoria inftante, ob defectum facerdotis præfentem memoriæ diem nullo facto facrifício elabi: vt inde & qui hîc viuunt, & quos altera vita tenet, vtrifque non exiguum damnum obuéniat. Statuimus igitur vt non folùm generalis ecclefiæ facerdotes, fed etiam qui ad quamcûque aliam facerdotum domum pertinent, quibuscunque cuiusque domus dominus accerfitis accessum ad facra oratoria & facrarum rerum functionem dare voluerit, in quibuscumque ædibus facrificandi Deique arcana enarrandi facultatem habeant.

NE Q VIBVS, POST Q VAM MONASTICÆ vitæ institutum subierint, facultates suppetunt, in vniuersum hi de illis testari prohibeantur: sed ut si, quo tempore monasterium adierunt, in id quidpiam contulerint, in illorum potestate fit ut quemadmodum uelint, de ijs quæ sibi postmodum pararunt, in plenum assentiam testamentum condant: si uerò nihil ab initio intulerint, tum ut de beffe statuendi facultatem habeant: monasterium autem alteram partem siue trientem accipiat.

*Aliter.*

V T M O N A C H V S D E A C Q V I S I T I S  
testari possit. CONST. V.

Idem IMPERATOR STEPHANO sanctiss. Constantinopolitano Archiepiscopo, & Patriarchæ vniuersali.

**Q**uoniam de monachorū bonis quæ post  
 susceptam vitā monasticam coaceruas-  
 sent, persæpe nobis vnà cum Dei a-  
 mantissimis sub te primariis sacerdotibus dubi-  
 tare te (ô diuinum, & vt mundo præluceas, in  
 magno ecclesiæ firmamento à principe lumi- 434  
 ne collocatum lumen) dixisti, an constitutione  
 facta monachos istiusmodi bonorum dominos  
 designari oporteret, an verò ipsos ab illorum  
 dominio arceri conueniret: nimirum quòd tan-  
 quam nubes, quæ istinc ambiguitas existit, ra-  
 tionis radios, quo minus perspicuè ea res diu-  
 dicari possit, subeat & offuscet: quoniam ( in-  
 quam) de hoc dubitantes variis nōs postulatio-  
 nibus ad huius rei cōsiderationē vnà vobiscum  
 suscipiendam hortati estis: nos, vt in aliis, ita &  
 hīc sacerdotalem tuam dignitatem veneran-  
 tes, ad satisfactiōē petitionis tuæ accingimur.  
 Ac illa quidem primū à nobis dicantur quæ  
 à veteribus de illis qui se iam in monasticam, A Iust. Nou.  
 rempublicā ascribi volunt, constituta sunt, illis 123, Si mulier  
 nempe de rebus suis prius testandū esse, ac dein-  
 de ad concupitum vitæ institutum proceden-  
 dum, nec dispositionem rerum suarum vitæ  
 mutatione anticipandam. Nam si hoc ita eue-  
 nisse constet, non amplius ipsis iam tonsis vt de  
 rebus suis quicquam statuunt permittendum  
 esse, omnēque substantiam, in qua ecclesia  
 tonsi sunt, illi cessuram. Quod sanè de iis qui  
 vitam monasticam iam subierunt, decretum  
 (extraquàm si liberi, qui hæreditatem petant,



superfint) & optimum, & ita vt nemo possit melius, constitutum est: tum nec addi nec adimi illi quicquam queat. Etenim qui ante mutatam vitæ rationem, quum bonorum dispositionem in arbitrio suo positam haberet, de iis statuere noluerit: meritò postmodum id facere prohibetur, vt qui se ipse in has angustias coniecerit. Propterea enim quòd quum licitum ipsi esset, prædisponere res suas testamento noluerit, eius postea faciendi facultatem, tanquã ab ipso damnatam, sibi adimi, id verò iure longè optimo sustinet. Cæteroquin etiam, quomodo non absurdum fuerit, si, qui se ab huius vitæ curis se iunxerit, illarum adhuc onus sufferat, indèque promanante molestia prematur? Quando igitur liberos, qui in monachorum numerum adscriptus est (quemadmodum dixi) non habet, non profectò hoc decretum decreto alteri cedat. At si liberi superfint (non enim tunc illos propter parentis silentiũ damno affici fas esset) non omnino testamenti ordinationem monachicus habitus impediat: sed manifestũ est quòd de liberorum portionibus testari poterit, quæ illis æquabili legitimæque diuisione attribuentur. Quæ verò pars ad ipsum respicit, in ea testamenti factio deficiat: quippe quæ integra ad monasterium pertineat. Cæterum si mors etiam (vt multi sunt rerum humanarum casus) subitò superueniens rerum distributionem intercipiat, neque tunc quidem quæ liberis succurrat dispositio, omnino conticebit: sed secundum dictum

modum, quæ ad illos pertinet legitimo ipsis iure separabuntur: residuum autem inuolabit monasterium. Atque hæc quidem de hisce facultatibus, quas ante susceptam vitam monasticam habuerit quisquam. Verum de quo paterna vestra beatitudo prodire decretum petit (de iis nimirum rebus quæ post monasticæ vitæ suspensionem accesserunt) de eo hoc statuimus, ut inde ab eo tempore ex quo monasticæ vitæ rationem suscepit, consideratione procedente, quæ postmodum ab ipso comparata sint discernantur. Non enim quod qui à profana vita ad monasticam transit, nisi prius testetur, testandi postmodum facultate priuatur: idè & de iis quæ postmodum conquirit, quicquam statuere in vniuersum prohibeatur. Illic namque iure testamenti factione priuatur, quia quum ipsi in profano status adhuc tractanti aliquid constituere integrum esset, eo ipso quod id non fecerit, se ipse in has angustias circuncluserit. hic verò nihil simile est; ut quisquam aut à seipso aut ab alio prohibeatur. Quod si quis dicat, hoc solo nomine quod monachus sit, monasterium omnia esse percipiturum, haud scio, si istiusmodi, quæ monachos deceant, statuam. Primum enim, an qui homines opum contemptum professi sunt, hos ita illas amplecti, ac quacunque ratione retinere conuenit: Deinde sint alicui cognati pauperes aliquiue noti, qui consolatrice manu indigeant: quomodo non ab omni humanitate alienum, nullo



illos ex cognati rebus subleuamine dignari? tanquam non modò peregrinos, sed & cognatos amicósque propellere, atque omnia ad se trahere, monachis decorum sit: quemadmodù belluones voracésque homines nullam omnino partē aliis qui vnà accumbunt, relinquere velle videmus. Neque enim seruus seruitutis vinculis liberatur, neque egenus commiseratione potitur, non alius quisquam necessitatibus pressus consolationis fructum inuenit, quum omnes monachi facultates monasterio dātur. Ac propter hoc sanè statuimus vt siquis, quo tempore monasticam vitam suscepit, ecclesiæ quidpiam cōsecrarit, illi circa res postmodum comparatas liberum ratúmque iudiciū sit quomocūque de illis statuere velit: sin nihil omnino ab initio in monasterium allatum sit, tum vt bifariam substātia diuidatur: ita vt vna pars in bēssē, altera verò in trientem circūscribatur: ac monachus quomocūque ipsi visum fuerit, de bēssē testamento statuatur: triens autem applicetur monasterio. Atque hæc quidem de quibus requisitis, nostra decreuit potentia. Oportebit autem tuam beatitudinem que decreta sunt omnibus sub ipsa Dei amātissimis metropolitanis facere manifesta, & hos similiter sub se cōstitutis Episcopis, illósque quarū curam sortiti sunt ecclesiis ista indicare. quo videlicet & in præsens & in futurum hæc ab omnibus tum cognoscantur, tum hunc ad modum fiant.

VT VTRVNQVE TEMPVS, TVM  
quod sancta sexta constituit synodus, tum quod decernit di-  
uus Basilius in ijs qui monachi fieri statuunt, obseruetur: &  
bonorum eius qui à synodo præstituto tempore monachus fit,  
dispositio secundum editam à nobis formam procedat.

*Aliter.*

VT DECENNIS PVER IN MONA-  
chorum numerum assumatur. CONST. VI.

Idem IMPERATOR STEPHANO fan-  
ctiss. Constantinopolitano Archiepiscopo, &  
Patriarchæ vniuersali.

**Q**Vo tempore eos qui monasticam vitam  
subire desiderant re concupita potiri o-  
porteat, id quia non vnum atque i-  
dem, sed aliud atque aliud à diuinis nostris pa-  
tribus præstitutum sit, vt ad hunc etiam tracta-  
tum diiudicandum, & quæ subesse videtur con-  
trarietatem conciliandam me componerem, ef-  
fectum est. Itaque quæ magnus ille ac admiran-  
dus decernit Basilius (vt videlicet qui mona-  
chicum habitum ambiunt, decimosexto primùm  
aut decimosextimo ætatis anno digni illo ha-  
beantur) quæque sancta sexta mandat synodus,  
anno decimo, qui istiusmodi vitam capefferent,  
fufcipiendos esse: monens hæc cum sanctissimo  
Patriarcha Deique amantissimis metropolita-  
nis diligenter expendentes, neutram sacrarum  
legum cõtemnendam esse duximus: sed contrà  
ad vtrūcunque tempus religioso habitu qui il-  
lum sumere cupiunt dignos haberi iubemus.  
De bonorum autem dispositione peculiarem



sententiam pronuntiamus, ut nempe qui sexto decimo aut decimo septimo tōderi voluerit, de rebus suis quomodo velit, statuere possit. Existimo enim, propterea etiā magnū illū Basilium hoc tempus huiusmodi actioni tribuisse quod ad id legitimæ ætatis requisitio ad statuendum de rebus suis impedimēto non sit. Qui verò decimo anno in monasticæ vitæ sanctimoniam mutato statu transire in animo habeat, ut neque huic salutaris conatus impedimentum aliquod obuiet (hoc enim, ut videtur, & sacra synodus intelligens ac volens, tempus, quo vitam monasticam adire esset, ampliavit) ne tamen is quomodo istiusmodi vitam incundi, sic etiam de rebus suis testandi facultatem accipiat: sed donec illud tempus, quo legitimam plenamque ad testandum ætas potestatem capit, aduenerit, à disponendis rebus inhibeat. Quod si (ut sunt res humanæ) ante illius temporis completionem cōvita excesserit, serui eius omnes à seruitute liberentur, reliqua verò bona bifariam diuidantur, in beßsem & trientem: ac beßsem quidem monasterium auferat, triēs autem defuncti cognatis detur. Quorum si nulli supererūt, quò bes proceßsit, eò triens quoque abeat.

*Lego συνέσις  
λε, quod se-  
re coactus cō  
traria voce  
reddo.*

VT QVOTIESCVNQVE A CLERICO  
rum habitu ad prophanorum transire per uerēcordiam aliquis  
tentarit, in illius inuitus etiam restituatur.

*Aliter.*

NE CLERICVS DENO PROPHA-

*mus fiat.*

CONST. VII.

Idem IMPERATOR STEPHANO sanctissimo Constantinopolitano Archiepiscopo, & Patriarchæ vniuersali.

**Q**uemadmodū antehac, quando certiore[m] firmiore[m]que rerum cōstitutionē inuestigaremus, si ciuilis lex plus roboris ac firmitatis quā[m] ecclesiastica præbere videretur, illi prærogatiuam dedimus: eo modo & hīc decretum sacrum rectæ rerum moderationi, quā[m] ciuile sit, conducibilius fore intelligētes, illi per assensionem consona præscriptione edita, statuimus vt quicumque clericorum habitum mutare prophanorum habitu improbè instituerit, is, quotiescunque in istiusmodi vecordiam actus fuerit, secundum ecclesiasticum decretum quantumuis inuitus in clericorum habitum restituatur: tametsi qui ecclesiastici ordinis statum recipiat, dignus non sit, vti qui se ipse illo indignum transfugio constituerit.

VT QVI REIICERE VENERANDVM

*monasticæ vitæ habitum in animum induxerit, ac pro illo prophanorum habitum suscepit, quotiescunque hoc facere ausus fuerit, etiam inuitus in illum restituatur, & ex quo monasterio improbè aufugerit eidem reddatur.*

*Aliter.*

DE EO QVI VITAM MONASTICAM deserit, qui præsidum cohortibus ascribi solet.

CONST. VIII.

Idem IMPERATOR STEPHANO sanctiss. Constantinopolitano Archiepiscopo, &



437

Patriarchæ vniuersali.

**Q**Vum alioqui, qui incompositè viuere instituant, ac præ laudatis moribus sectantur vitiosos, quotiescunque flagitii quicquam designasse deprehensi sint, malum ipsorum institutum multifariam coerceatur, nec improbam scelestamque voluntatē ac molitionem correptione vacare toleretur: subit mirari quomodo lex vetus iis qui monasticæ vitæ exercitationi se mācipassent, deinde verò stationem suam & ordinem deseruissent, quomodoque sacræ literæ habent, tanquā canes ad suum ipsorum vomitum, aut sues, ad pristinæ vitæ cœnosam cloacam reuersi essent, ac prophanorum in habitu statūque se ipsi collocassent: improbū hoc scelus tētari omninoque perfici permiserit. Iubet enim vt qui semel monasticæ vitæ institutū reliquerint, vnde flagitiose exissent reuerterētur: qui verò iterum id ausi essent, ex eo tempore pulsi monachatu inter cohortales provincialis cohortis recenserentur. Atqui si vt desertor ordinis prophanorum habitu indueretur, id illi statutu pulchrum visum fuit, quid causæ est cur ipsum ab initio ita non vestierit, sed vt qui monachus professionem suam semel deseruerit, is ad illam quamlibet inuitus denuo cogeretur, cōstituerit: Si hoc ita præcipi decorum putauit, quare in eodem decreto non cōsistit, sed tanquam ipsum placiti sui pœniteat, miserum illum monachum ad militarem vitam protrahit: Nequaquam verò id nobis esse fas videtur,

*Circuit. Qui  
porro. Non. 5*

neque qui in diuinæ militiæ legiones receptus fit, hunc in mundanis militiis collocari placet. At cōtrā, quod ecclesiastico ordini obseruari debere visum est, vt si quis sæpius vitam monasticam aspernatus vagetur, huic prophanum habitum recipere non concedatur, id per legem etiam nos iubemus. Si enim qui vitam monasticam exiit, mundanæ voluptatis velut a filo concitus id facit: quæ ratio est, tametsi semel cupiditatis suæ motu prohibitus sit, quum si rursus ad hoc faciendum animum appellat, se ad finem insolens suum consilium perducturū, ac in prophanorum statum recipiendum esse sciat, vt is non omnibus modis monasticæ vitæ institutū iterum communi viuendi modo mutet?

DE SÈRVO QVI IGNORANTE DŌ-  
mino clericus factus est. CONST. IX.

Idem IMPERATOR STEPHANŌ sanctiss. vniuersaliq̃ue Constantinopolitano Archiepiscopo.

**E**Idem rectæ rerum ecclesiasticarum constitutionis curæ insistentes, quæque sacrosanctis canonibus placuerunt, hisce nos etiam album calculum adiicientes, ab aduersariis ciuilibus legibus hanc cōtradictionis poenam, vt ex legitimis constitutionibus subtrahantur, exigimus. Vt enim qui quum seruilis conditionis esset, ignorante domino venerandam sacerdotii dignitatem assumpserit, nudatus istinc promanante honore, in pristinum seruitutis restitue-



retur statum secundum ecclesiæ Dei volūtatē  
& nos constituimus. Legem autem, quæ seruū  
ignorante domino sacerdotem factum, seruitu-  
te liberat, huc vt neque effectum neque fandi fa-  
cultatem habeat redigimus.

438 DE SERVO QUI IN SCIO DOMINO  
*monachismum suscepit.* CONST. X

Idem IMPERATOR STEPHANO san-  
ctiss. Constantinopolitano Archiepiscopo, &  
Patriarchæ vniuersali.

**Q**uam præstans monasticæ vitæ profes-  
sio sit, quisque suaue illud & beatum iugū  
suscipiunt, quanta illi reuerentia &  
honore digni sint, scimus quidem & ipsi. Itaque  
non quo illum vituperemus, sed potius quo vitu-  
perationi eximamus, hæc statuere visum est, &  
censemus. Quantò enim illa admirabilior diui-  
niórque est, tanto maiore, & quidem quanta ma-  
xima attingi cum veneratione, nequaquam ve-  
rò in gratitudinis & improbitatis velamē ac præ-  
textum monasticæ vitæ dignitatem fieri oportet.  
Et certè quo modo improbitas dicenda non  
est, si homo seruus dominum suum fugiens, ad  
illud vitæ institutum deueniat? Quoniam igitur  
de seruis fugitiuis ad vitam monasticam de-  
uenientibus, statutum à superioribus est, vt si in-  
tra tres annos fugitiuus manifestus fiat, illum  
habitu nudatum recipiendi facultatem domi-  
nus habeat: si verò vsque in tertium annum in-  
cogni-

A Iust. Non.  
§. Siquis vero

cognitus manserit, tametsi postmodum agnoscat, ut domini potestati non obnoxius sit, præterque illius voluntatem liber nuncupetur: & verò inde multos fugiendi dominos suos occasione cepisse, ac re honesta, monastica vitæ professione, ad tegendam malitiam abuti videmus (cuilibet enim seruo perfacile est, ut ad triennium se occultet, deindeque libertatem consequatur) iubemus, ut quantocunque tempore seruus tali consilio monachus factus delituerit, si ipsum aliquando dominus inueniat, nihilominus is quem malo proposito habitum sumpsit, hoc exuatur, rursusque in domini potestatem subigatur. Nam quod pio affectu habitum illum sumpserit, quantumuis id verbis ipse fingat, ne dici quidè potest. Siue enim quum beneuolo placidoque domino vteretur, pro amore, odio concepto, fugere decreuerit, extremæ ingratitude & improbitatis argumentum habes: siue (ut sunt res humanæ) molestiis & iniuria affectus non tolerarit, ac idcirco dominum deseruerit, quomodo eam rempublicam magnificiet quæ ciues suos in CHRISTI crucē & mortem continenter respicere vult?

DE SERVO QUI IGNORANTE DOMINO Episcopus factus est.

C O N S T . X I .

Idem IMPERATOR STEPHANO sanctissimo Constantinopolitano Archiepiscopo, & Patriarchæ vniuersali.

C. i.



**Q**Uod de seruo, qui venerandam sacerdotii dignitatem furatus sit, idem & de illis seruis, quibus nesciente domino ad primarii sacerdotii honores conscendere visum est, statuimus: ut videlicet secundum ecclesiasticæ constitutionis voluntatem, exauthorati, honore in quem clam irrepserint priuentur, & ad suum seruilemque statum reducantur. Non enim profectò qui aliis in rebus furto vel fraude aliquid subtrahunt, his non modò ea quæ subtraxerint retinere non concedemus, sed interdum etiam ut maleficos puniemus: & qui tantarum rerum furta audent, hos inde honestè viuere, & ex vno fraudis pessimo exercitio duo omnium longè pretiosissima, libertatem & sacerdotii prærogatiuam, lucrari sinemus. Ergo si quis seruus ignorante domino episcopus creatus sit, inde ad seruitutis effugium nil iuuator.

DE OFFICINARVM MAGNÆ ECCLESIE  
sensus. CONST. XII.

Idem IMPERATOR STEPHANO sanctiss. Constantinopolitano Archiepiscopo, & Patriarchæ vniuersali.

Vide Nou. 43

**C**ONstantinus, is qui primus CHRISTINO mine Imperii coronam splendidiorem ac augustiorem reddidit, vbi hoc etiam (de mortuorum sepultura nempe, eorum quos in ea etiam regeſtas premeret) dignum aliis suis præclaris facinoribus Imperatoriæque cura fore prospexisset, officinas, ex quarum vectigali neces

farios ad humandos mortuos sumptus suppeditandos ordinasset, sanctæ Dei ecclesiæ applicauit. Hanc igitur prouisionem quum piorum hominum æmulatio postmodum excepisset, quæ & ipsa pauperibus ad sepeliendum sufficeret, permultum illa in hunc usum sumptus auxit. Verum nunc omnino nihil ea sollicitudine, qua initio ter ille quaterque beatus Princeps voluit, dispensari inde videas. At nos, & sciētes quidem quod postquam ecclesia officinarum vœtigalia occupauit, tametsi (quod vsus non postulet) in quem ab initio constitutū est Numinis cultum illa non expendat, in aliud tamen quodpiā ministerium, & ipsum ad Numinis cultū pertinēs, prorsus illa dispense: statuimus vt quæ de his iam olim edita constitutio est, immota & inuiolata permaneat. Officinæ autem omnes, quæ in hoc ministerium attributæ sunt, supra mille numero sunt ad centum.

DE PERPETVIS EMPHYTEVSIBVS  
CONST. XIII.

Idem IMPERATOR STEPHANO sanctiss. Constantinopolitano Archiepiscopo, & Patriarchæ vniuersali.

**R**em fraudulentam simul & illicitam, consecratarum Deo ædium (ecclesiæ videlicet, hospitiorum, & viduis pupillisque alendis destinatarum domuum) præfectos etiam audere, ad nostras delatum est aures. Narratū est enim, quum domus elocata sint, iamque tem-

C.ii.



Legō πλεον-  
εξία

pus pacto constitutum decurrat, quando loca-  
tionis terminus, ac possessionis renouatio in-  
stat, non fieri certam aliquam & statutam solu-  
tionem, quam peculiari nomine *εισδεκτικόν* vocāt:  
sed quomodo præfectis pro ipsorum auaritia vi-  
sum sit, ita exactionibus domuum possessores  
prægrauari. Id igitur cū omnibus graue, tum  
pauperioribus (quòd ita ipsis durior egestatis ne-  
cessitas imponatur) longè esse acerbissimum vi-  
dentes, ne id amplius fiat, lege cauemus: sed vt  
certa quātitate ad duplum emphyteutici vecti-  
galis constituenda solutio definiatur: & insuper  
omnis illatio locationis instrumentis inscri-  
batur, domuique nulla nouatio adferatur: non  
440 verò in præfectorum quæstum interuertatur, dū  
illi non vt domuum vtilitati consulant, sed sce-  
lestè sibi lucrum parent, hoc agunt.

DE IIS QVI MONASTERIVM IM-  
perfectum relinquunt. CONST. XIII.

EIDEM.

Vide Not. 131

**Q**Vi præcipitanter ambitiosèque ad facien-  
dum aliquid fertur, ac ipso in initio viri-  
bus ac facultate destituitur, siue ma-  
nifestum vitium, siue benignitatis speciem co-  
natus præ se ferat, simul ille reprehensione di-  
gnus, simul aspernandus est. Hoc sanè & qui simi-  
litudines ab initio prouerbiàque loquitur, Do-  
minus noster & Seruator in Euangeliiis vult, vbi  
de ædificatione vrbis & absolutione, ac de simi-  
libus sermocinatur. Meritò igitur & sacra le-

ges & ciuilia decreta similes edunt eiusdémque sensus admonitiones, vt quicumque monasteriũ construere instituerent, si ad perficiendum opus pares non essent, id aggredi prohiberetur. Oportet enim quasunque res, vbi ad perfectionẽ peruenierint, tum demum conuenientem appellationem indipisci: nequaquam verò nomen rebus imperfectis vt consummata constitutionis sint præstare potest. Itaque (quod dictum est) rectè sacra ciuiliisque lex eos qui ad rem absolendam pares non sint, fabricandi monasterii inceptione prohibet. Verùm quoniam incognitũ illud est, quando monasterium sufficienter absolutum iudicari debeat, (non enim expressè ab illis huiusmodi absolutio definita est) hac de re certum atque euident edictum promulgare placuit. Dicimus igitur (quoniam diuinum os loquutum est, *VBI DVO AVT TRES IN NOMINE MEO CONGREGATI SVNT, IBI IN MEDIO ILLORVM SVM*) quòd opus aliquod monasterii appellationem subiturum, minimũ tribus sufficere oporteat: quòd nimirum idem opus, si facultatibus quoque abundè instruatur, ad celebritatem nominis etiam valeat. Vt ergo quis liberam impedimentoque carentem ad dedicandum monasterium aggressio nem habeat, in tot minimũ monachos dedicationem concipiat necesse fuerit. Porro quia permulti, qui se istiusmodi incepto dedũt, præueniente morte, ipsosque hominum cõsortio eripiente, interdum proposito destituuntur: illud



à nobis statuitur, vt si testamentum conditum sit, quæ in illo ecclesiæ assignata sunt ea illi cedant. Si verò (vt identidem ex mortis incertitudine contingit) antequam de rebus suis statueret, eneſtus fuerit, tum si ad tres numero liberi supersint, quadrantem bonorum inuolabit monasterium: sin vltra ternarium numerû sobolis multitudo procedet, liberis monasteriû connumerabitur; & deducto ære alieno, ex vniuersa substantia quântum ipsorum quisque, capiet. Quòd si defunctus sine liberis decesserit, parentes autem superstites habeat, rebus bifariam diuisis, vna pars parentibus, altera monasterio applicabitur. At si neque parentes neque liberos hæredes habeat, & cognati ad hæreditatem prodeant, ipsi quidem, quotcunque fuerint, trientem inter se distribuunt, bes verò ecclesiæ accedet. Verum enim uero si aut per obliuionem, aut aliam quampiam causam, in contrariam laudabili legitimòque proposito testamentum sententiam conceptum sit, vt eius loci antistes Dei amâtissimus quantum ad ecclesiæ, eorûmque qui in illa assessuri sunt, sustentationem suffecerit, vendicer: de reliquis verò legum præscriptio & testamentum diiudicent.

VT SALVTAREM BAPTISMVM IN  
*quocunque sacro oratorio peragliceat.* CONST. XV.

Idem IMPERATOR STEPHANO sanctiss. Constantinopolitano Archiepiscopo, & Patriarchæ vniuersali.

**E**Tiam hic venerandæ sextæ synodi sacer-  
 non, qui non in priuatarum ædium orato-  
 riis seorsum, sed in solis in communẽ vsum  
 consecratis templis, diuinam regenerationis lo-  
 tionem perfici vult, quum similia cum illis iu-  
 beat qui sacrosancta sacrificia & mysteria in pri-  
 uatis domibus celebrari vetant, ideoque à nobis  
 iam pridem consideratius expèsi sunt: tanquam  
 illorum germanus similiter correctionem con-  
 sequetur. Statuimus igitur quemadmodum de  
 sacrificiis, sic quoque de salutifero baptisate,  
 vt & ipsum in quocũque sacro oratorio quibusi-  
 bet peragere licitum sit. Nam hæc tam stricte sa-  
 crum synodi decretũ cõstituisse mihi quidẽ vide-  
 tur propter eos qui quanquam sacerdotum no-  
 men gerant, prophani tamen sunt, & quos ad la-  
 uacrũ adducunt, pollutos reddunt: qui (vt appa-  
 ret) domos eiusdem opinionis hominũ subeun-  
 tes, nõ rem diuinam faciunt, sed cum iis qui cõ-  
 ueniunt, inauspicati aliquid moliantur. Hanc  
 verò prouisionem tametsi & diuinã esse, & multa  
 salutaria continere constet: non tamen illa ad  
 impietatis plenos à suis vitiis coercendos suffi-  
 ciat. Nam & res audax est malitia, omnique mo-  
 do, clausis etiam oratoriis, ad explendum pro-  
 positum suum, suam inueniat viam. Verunta-  
 men quum nunc diuina gratia omnes peruersæ  
 opiniones sint profligatæ, etiam quantum ad  
 hoc attinet, quamobrem reipublicæ hoc decretũ  
 ad prohibendã in priuatarum ædium oratoriis  
 regenerationis lotionem obtrudatur, nullam e-  
 quidem esse necessariam causam video.

441  
 Similis est  
 const. 4

Lego *καὶ ἐν τοῖς οἴκοις*

Quin hæc hu-  
 ius loci de-  
 mendo sus-  
 pekti senten-  
 tia sit non  
 dubito.



VT QUI VIGINTI ANNOS HABET HY-  
podiaconus creari possit. CONST. XVI.

EIDEM.

Hoc idē con-  
stituitur con-  
st. 75

**V**etus verbum, quod de rebus suis dicenti  
aures esse aperiēdas monet, quum in aliis  
omnibus perbellē sese habeat, tum hīc lō-  
gē esse pulchrius apparet. At quorsum hoc? Cui-  
lis lex statuit ne minor vigintiquinque annis in  
diuinis officiis creetur hypodiaconus. Decretū  
sacrū cōtrā statuit vt qui ad istiusmodi ministe-  
riū accedit, hūc vigesimus annus ad ordinatio-  
nē perducatur. Dignum itaque sacrā legem de re-  
bus suis prācipientem audire Imperatoria no-  
stra Maiestas rata, & in eandem cum illa sen-  
tentiam descendit, & statuit vt qui ad vigesimū  
annum peruenit, modō antea cōtā vitā ratio ob-  
staculo non sit, quantum ad ætatem, hypodia-  
coni officium suscipere non impediatur.

DE PVERPERIS QUANDO DIVINO-  
rum mysteriorum participes fiant, & quando infantes bapti-  
zantur: post quadraginta videlicet dies, extraquam si neces-  
sitas urgeat. CONST. XVII.

EIDEM.

442 **I**D quod beatitudo tua postulat, à vobis pro-  
cedere, quā à nobis originē sumere ac pro-  
ficisci æquius fuerat. De re enim sacra san-  
ctitatem tuam sancire oportebat. Verū quon-  
iam super vno dūtaxat capite concilium con-  
sultare (quū de multis decernere cōcilii sit) incō-  
ueniens esse, nos verō & citra concilium decre-

tum facere posse, dicitis: admonitionē suscipientes, quibus de rebus postulationem instituistis, de iis constitutionem emittimus. Quum itaque Dominus & seruator noster, quo splendore gloriæ ipsius illuminarentur qui in tenebris ambulant, iuxta atque nos carnis atque sanguinis nostri particeps factus fuerit: valde (mea quidē sententia) à salutifera ipsius prouidentia diuersē sentiunt quotquot eam quæ ex recenti puerperio decumbit, & morte præ foribus consistente, nec diem quem ipsi expectandum autumant (quadragesimum nempe post partum) expectante, citiùsque obtorto velut collo protrahente, corripitur: illuminatione indignam esse opinantur, & vt ob corporis immunditiem reuera illa è vita immūda excedat (quippe quæ in sacris non instituatur, nec sacri lauacri lustrationis regenerationisq̃ue particeps fiat) efficiunt. Neque verò illi periculi damniq̃ue magnitudinem, quam inconsiderata ipsorum & perniciofa religio adfert, præ oculis habent. Verum ea illa est absurditas vt oratione non indigeat. Talem enim mulierē incredulā reformationēque destitutā decedere, & istiusmodi ob causam, pro eo quòd inter seruandos collocāda esset, in perditorum damnatorumque locū reici: quomodo fas, Deoue, qui per fidem in ipsum, & in aqua Spirituq̃ue regenerationem, salutem donat, nõ graue atque acerbū est? Vanā igitur istiusmodi prudentiam dehinc in futurum è medio tollen



tes, de mulieribus, quæ recens pepererunt, quæque naturali expurgatione occupatæ sunt, statuimus, vt si quidem alia quacunque affectione morbida ipsarum vita non tentetur, vsque ad præfinitum quadraginta dierum tempus expectes maneant, nondum initiatæ, illuminatione: ad sacra receptæ & initiatæ, sacrosanctorum mysteriorum perceptione. at si quis ipsis morbus, qui vitæ internecionem minitetur superueniat & incumbat, sacrarum rerum omnibus modis participes fiant. Etenim si illis qui propter enormia flagitia multis annis viuifica cōmunione arcentur, mors adobruens præscriptum tempus incidit, neque quisquam hos sacrorum participatione prohibere sustinet: quæ ratione hæc propter naturales carnis sordes prohibebuntur? Quod profectò non tam propter muliebrem hanc immūditatē, quàm ob alias causas in intima legis ratione reconditas, & veteri prohibitum esse lege, & gratiæ tempus traditionis loco suscepisse puto. Existimo siquidem sacrā legem id præscripsisse quò proteruā eorum qui intemperanter viuerent concupiscentiam castigaret: quemadmodum & alia multa per alia præcepta ordinantur & præscribuntur, quò indomitus quorundam in mulieres stimulus retundatur. Quin & hæc prouidentia quæ legem constituit, voluntas est, vt partus à deprauatione liberi sint. Quia enim quicquid natura superuacaneū est, idem corruptiuum & inutile est, quòd hic sanguis superfluus sit, quæ illi obnoxia essent, in

immunditie ad id temporis viuere illas lex iubet: quò ipso etiam nominis sono lasciuia concupiscentia ad temperantiam redigatur, ne ex inutili & corrupta materia ipsum animans coagmentetur. Et sanè de infantibus eundem ad modum constituimus, vt si non inquietentur, inimicòsque naturæ casus superent, antequam gratiæ splendore illustrètur, quadagesimus dies expectetur. Còsentaneum nanque est vt quemadmodum fœtus quadraginta diebus in naturæ maternòque receptaculo plenè informàtur, sic etiam in æquali dierum numero in diuinæ gloriæ æternique omnium Patris domum procedant. Si tamen & octauo à partu die baptizare aliquis volet, neque id absurdū fuerit. Dominus enim noster **C H R I S T V S** octauo die circumcissus, imposito circumcisioni fine, pro hac viuifico baptismo initiari concessit. Verùm hæc obtimeant si nulla necessitas, quæ mortem minetur, existat. At si periculum aliquod emergens vim vitæ inferat, omni diligentia omnibúsque viribus etiam intra octauum diem sacram lotionem peragi oportebit, ne non illuminatus, neque sacri lauacri, atque adeo summi boni expers partus decedat.

VT IN SPONSALIBVS CONSTITV-  
*ta poena exigatur.* CONST. XVIII.  
 Idem IMPERATOR STYLIANO excellentiss. sacrorum officiorum magistro.

**I**N omnibus & rebus & dictis quod præstantius sit seligere reprehendendum non est. Atque tunc quidem vt aliquid sequare, aut de-



*Tit. De spon-  
sa. Dig. & C.*

clinandum censeas, non eorum qui aliquid aut faciunt aut dicunt, habenda ratio : sed eorum quæ fiunt ac dicuntur, cognoscendus status est. Idcirco quod consuetudini placuit ut in sponsaliorum reprobationibus pœnæ imminerent iis qui reprobare instituerent, id in legis auctoritatē collocamus. Arbitror enim, id quod consuetudini visum est, ea lege quæ de huiusmodi rebus lata est, nihil improbabilius esse, ac res ipsas referre in melius. Nā quum lex arrhæ perditione aut in duplum restitutione solūm temeritatem puniat, hæc definitum pactoque constitutum in sponsaliorum rescissione subiri damnum vult. Ac sanè, ne (ut fieri assolet) sponsalia sursum deorsum ferantur, hoc mihi (quemadmodum dixi) maiorem obtinere vim videtur. Solius enim arrhæ perditio, quæ in eum qui dedit, ac deinde sponsalibus non acquiescit, constituta est: eiúsque in duplū restitutio, quam multam is qui arrhā cepit, deindēque in pacto conuenito non persistit, sustinet: ut propter pœnæ leuitatem ad pactorum rescissionē, qui id facere cogitant, facilius ferantur, facit. At ex pacto definitæ pœnæ grauius damnum sibi obueneri videns inconstans ille, tardior omnino ad diuclenda sponsalia fiet. Quod sanè nos etiam nuptialibus contractibus magis conducibile fore animaduertentes, quod ex consuetudine fieri solet, in legitimam constitutionem traducimus. Ex arrhæ siquidem perditione faciles sponsaliorum euersiones video: ex pœnæ persolutione nō

item. Nam grauius dispendiū (pacto enim constituta pœna arrha maior prorsus atque grauior est) vel inuitum inhibens, animi inconstantiam acquiescere illis quæ antea de sponsalibus placuerunt compellet. Sic igitur quod à consuetudine confirmatum est, quemadmodū hætenus, ita deinceps & obtineto, & causas diiudicatum etiam qui sponsalia euertit, pœnæ exactio-  
ne feritor.

DE PACTO PATERNO, EX AEQVO 444  
*heredem futurum filium.* CONST. XIX.

Idem IMPERATOR STYLIANO excellentiss. sacrorum officiorum magistro.

**N**ON contēnendi alios studio (vt & antea à nobis dictum est) neque vt gloriam nobis paremus, ad legum correctionem processimus: sed vt quod conducibile non est, quoad eius fieri potest, à subditorum consortio remoueamus: id scientes, ad moderandam rempublicam legum rectam constitutionem omnium esse præstantissimam. Nam qui leges, reipublicæ oculos esse dixerit, is profectò, mea sententia, illas ita vocans nihil indecēs pronuntiauerit. Quemadmodū enim res maximè necessaria est animali non titubans oculus, ita & reipublicæ legum æquus & rectus status. Huius ergo nos curam gerentes, posteaquam in selecto Codice legē esse cognouimus, quæ propter euidentem absurditatem in hominum animis neuiquam locum inuenit, vt susciperetur: nedū vim Lego ἴπα  
χερίων.  
  
Lego ἑρπᾶ



aliquam & efficaciam habet: (cōtraria enim statuit naturali, quæ à parentibus liberis debetur, æquabilitati, aduersusque filium patri ad iniquitatem fenestram aperit: quin & parentem ut illi morem gerat obstrictum, mendacio doloque obnoxium facit) posteaquam, *inquam*, istiusmodi quandam esse legem animaduertimus, tametsi etiam ante nostram sanctionem, ipsam ne susciperetur excluderet cōmunis hominum voluntas: tamen nos nihilominus omnem illi prorsus functionem & vsum decreto adimimus.

*Dilatādo recensere videtur l. 15. De pact. C.*

At quid dicit: 'Etiam si, *inquit*, pater, quum in matrimonium collocaret filium, illum post decessum suum ex æqua parte cum aliis fratribus paternorum bonorum hæredem fore pacto promiserit: in potestate tamen illius, si velit, erit, ut pactum eiusmodi negligat, aliisque liberis amplius attribuat, & illi, cui æquam portionem in hæreditate pactum concedebat, minorem assignet. Hoc itaque quanquam alioqui (quo modo diximus) in republica nullum locum habeat, nostro etiam decreto velut in exilium eiectum, omnibus modis in rempublicā ingressu prohibemus. Statuimus verò, ut parentum nemo iura filiorum, quibus cum reliquis liberis æqualem hæreditatis portionem seruātū iri in nuptialibus contractibus sponponderint, innouare tentet. Ac si quis pactiones suas aspernari, & illius, cui tantundem, quantum alii fratres habituri essent, promiserit, portioni detrudere cōpertus fuerit: sciat is, pœnitētia mutatam voluntatem,

inualidā atque vanam habendā. Ex æquo enim cum aliis fratribus secundum initum pactum filius in bona succedet. Neque verò mēdacium veritati præferri vlla ratio patitur, neque pacta conuenta per improbationē adulterari æquum est, neque rationabile animal *id facere* conuenit. Atqui siquid aliud, hoc certè hominem decet, vt verbis suis fidem præstet: nisi mendaciis veritatem corrupēdo, destitutus ratione, corū albo quæ ratione prædita sunt excidere velit. Quinimo nec illud consentaneum est, vt parentes iis qui pariter ex ipsis nati sunt, non parem curam exhibeāt, neque æquabiliter ipsoꝝ vitæ prospiciant: sed alios quidem vberiores facultates habere, aliis verò nihil parcere, neque illorum misereri, tametsi inopes in miseria victuri sint, velint. Cæterū æquū est vt quemadmodū omnibus liberis ex æquo vitam impertiti sunt, ita etiam ad hāc facultates impertiātur: nequaquam verò, velut ancipiti libra, his leuius quiddā, illis 445 verò grauius pro inæquabilitate animi sui attri buant.

VT NE MARITVS, QVEMADMODVM  
*uxor, illa præmoriēte præter donationē propter nuptias quicquam capiat.*  
 CONST. XX.

Idem IMPERATOR STYLIANO excel-  
 lentiss. sacrorum officiorum magistro.

QVū vetustis legib⁹, quæ de pactionibus nu-  
 ptialib⁹ tractāt, tū in prima matrimonii  
 coitione, tū in eius dissolutione, quā  
 mors in alterū cōiugū irruēs efficit, æquabilita-  
 NOT. 97.



Pro παύσει  
lego παύσει.

Defectum,  
quē καὶ σε-  
ρόντι indicat,  
ita mihi re-  
ctē supplere  
uideor.  
Lego τὸ ὅλον.

Lego nudē  
ἀντὶς.

tem & viro & mulieri assignare visum sit: haud scio qua re moti, quibus postmodum leges condere studio fuit, diuersis cōstitutionibus has subiecerint. Etenim vetustiores leges mox à cōiugii coitione æquales esse collationes, tum muliebrē, tum virilē, & vt altero vita defuncto, quum liberi nulli superessent, nec pactum, in quo quippiam de lucro significaretur, subesset, ex æquo ad vtrunque sua reuerterentur constituerunt. Si verò de lucro pactum initum esset, tunc vt vtercunque vita excessisset, qui superstes esset, receptis rebus suis, in super quantum pacto comprehensum esset, lucraretur, & in ambobus lucri æqualitas seruaretur. ita vt viro prēmortuo mulier dotem, propterque nuptias donationis partem aliquam, eāque totam, si ita cōuenisset, asportaret: & si mulier ante virum in mortem incidisset, vir donationem propter nuptias conseruaret, illūque lucrum (siue dos tota, siue eius pars, prout pacta vellent) sequeretur. Atque hæc quidem quum vetustioribus placuissent, posterioribus displicuerunt. Quapropter & contrā statuunt: quāquam non rectē. Statuunt autem vt statim ab initio coniugii inæquales procedāt collationes, & maior dos sit, donatio verò propter nuptias, cōtractior, eiusque vxor ab eo die quo matrimonium contractum est, sit domina: quanquam (vt fieri assolet) alterius viri confortio postmodum se mancipet. Et iniquē iudicantes, vbi matrimonium morte distractum fuerit, mulieris mœstitiam lucro consolantur: viri verò supra

rò, supra amissionem vxoris, dispèdio rerum ipsius mœrorem adaugeat. Iubent enim vt mulier superstes cū sua dote vniuersam propter nuptias donationē auferat, & ad hęc ex reliqua mariti substantia tantum quantum dotis donationisque propter nuptias in vnā summam cōtractarū quadrans conficit, ceu hères, capiat. *Lego eic. ii.* Quòd si mulier ante maritum mortem obeat, tum vt illius hères vnà cum dote donationē propter nuptias lucrentur: maritus autem nihil aliud quàm quantū dotis donationisque propter nuptias quadrans facit, habeat. vtique res cum ad modum procedat, siue subsit pactum, siue nihil huiusmodi inter ipsos conuenerit. Verū hęc quomodo non iniqua? quomodo pro iure hęc non extrema iniuria est? Quæ quidem præmortuo marito mulier accipit, in his fortasse aliqua ratio sit: quæ verò illa præmortua ad eius hères deuoluūtur, in his quomodo non omnis iniustitia & enormitas inest? Eapropter decenter valde sapienterque perpetuò ille memorandus Imperator, & qui ex ipsius lumbis natus post ipsum *rebus præest*, fecit, qui veteribus legibus authoritatem conseruandam, quæque peruersè contrà statuerēt, eas è republica in exilium eiciendas putauit. At enim refractaria contentio- 446  
sæque cōsuetudo est, ac frequēter absurda aliqua opinio, vbi in hominū animis (eorū præsertim quibus recto iudicio illam expendere curæ non est) altas velut radices egit, haud facillè extirpari quit. Qui homines anticipatā opinionē, quanuis  
D. I.



friuola sit, amplexantur, noluntque sequi meliora. Adeo ut ne nunc quidem in aeternum comemorandi patris nostri constitutio, quæ ad veteres leges nuptialium pactio-  
num rationem reducit, absurdam constitutionem missam esse facien-  
dam persuasit, atque in quæ ille exilium decreuerat, in publico hæc etiamnum usu sint. Quid nos igitur? Postquam semel prævalere visum est ne in matrimonii coitione ex æquo collationes fiant, sed maior donatione propter nuptias dos esset, hoc in republica obtineto. & si mors matrimonium dirimat, tum si maritus sine liberis decessat, pactumque non subsit, vxor dotem donationemque propter nuptias, nihil autem amplius auferto: si verò mulierem mors abripiat, dotem hæredes eius capiunto, maritus autem suis rebus ne priuator, neque quæ ipsius sunt, alii, sed ipse habeto. Quomodo enim iniquum non est, alios ex illius rebus lucrum sentire, ipsum verò, supra amissionem coniugis, bonis etiam suis, siue donatione propter nuptias priuari?

UT DOTIS PROMISSIO EX PATERNIS aut maternis bonis facta præstetur. CONST. XXI.

Idem IMPERATOR STYLIANO excellentiss. sacrorum officiorum magistro.

Quomodo in libra videmus, cum tum recte ad rerum earum, quæ ponderantur, diudicationem desumi, quando lances æquales sunt, neque vel tantil-

lum in alteram partem proclinant: ita quoque  
lex quum ne tantillum quidem ius intorquet ac  
deprauat, digna est quæ ad rerum diiudicatio-  
nem procedat. Illius enim partes sunt, vt æqua-  
bilitatem: huius autem, vt ius stabile cōseruet.

At quorsum hæc? In Codicibus descripta cōsti-  
tutio est, quæ dum à parentibus, qui in matrimo-  
nium liberos collocarunt, promissa dotis do-  
nationisue propter nuptias nomine facta exigit,  
haud scio quomodo ius cōmisceat. Vult nan-  
que vti pater, qui pro liberis dotē donationē-  
ue propter nuptias promiserit, si promissionem  
indistinctē fecerit, illam totam de suo expleat,  
suisque solis ex bonis persoluat: sin distinxerit,  
hūncque ad modum locutus sit, EX MEIS FI-

*L. ult. De dot.  
promiss. C.*

*Ita depraua-  
ti huius loci  
sensum rectē  
exprimere vi-  
deor.*

*Lego vπερ-  
μειον τω  
πατρίω.*

LIIQUE BONIS PROMISSA EXHI-  
BEBO: tum si inops sit, nihil ille in promissum  
contribuat, sed filii facultates, quæ se vnā cum  
filio daturum pollicitus est parens, solæ expleāt:  
sed si diues sit, contrarium statuatur, vt ipse so-  
lus de suo quæ pollicitus sit expleat, filiūque ni-  
hil cum illo communicet: tametsi non se so-  
lum, sed cum filio promissum expleturum pol-  
licitus sit: quòd filium qui ipse non promiserit,  
dare quippiam indignum putetur. Hoc itaque  
æquitatis subuersionem esse rati sumus. Nam  
quantacunque inopia teneatur parens, si filius  
solus de suo promissa soluat, nulla iustitia legis  
apparet: neque rursus quū satis affluēs rerum  
patri copia est, filium contributionis omnino  
esse expertem, vniuersūque promissum à pa-



rente exhiberi conuenit. Quamobrem etiam  
statuimus vt secundum parentis verba promiss-  
forum solutio procedat, ab ipsoque solo, quan-  
447 do se solum daturum pollicitus est, promissum  
exigatur: quando verò cum filio se daturum  
promisit, filius etiam solutioni obnoxius sit:  
eaque ex æqualibus partibus, quando illæ defi-  
nitæ non sunt, fiat: actum ex inæqualibus e-  
tiā, quum vtrique certæ partes diuersè assigna-  
tæ sunt. In hoc nulla æquitatis euersio est, in-  
superque id ad liberorum vtilitatem spectat;  
quam in Codicibus edita constitutio non ma-  
gnopere curat. Quid ita? Quoniam sæpenume-  
ro parens, quum ad dispendiū respicit, ideoque  
illud tempus quod filio efficaciter promitten-  
di potestatem facit, ineundo nuptiali contra-  
ctui expectat, quod conducibile filio sit perdit:  
Vt igitur ea res ambobus commoda foelixque  
sit, neque æquitas iniquo iudicio inuoluatur,  
nec verò denique liberorum vtilitati noceatur;  
Codicis decretum vacato: hoc verò iam etiam  
consuetudini cognitum in republica obtinet:  
Hic *ἡ ἀν-  
τὶ τοῦ ἐν  
πρῶτῃ ἀνα-  
κρίσει.* Quum etenim pro decreto legis in republica ha-  
beat, iam prælatum est quæ in Codicibus est  
constitutioni.

VT MULIER QUAE MATRIMONIUM  
non iterat, unius liberorū portionem proprietatis iure capiat:  
similiter et pater. CONST. XXII.

Idem IMPERATOR STYLIANO excel-  
lentiss. sacrorum officiorum magistro.

**S**icut in plerisque aliis, quando absurdi nihil incidere, neque rebus noxium quicquā inferretur, consuetudini cessimus, quin & legis prærogatiuā illi dedimus, quum iam plebs assuefacta illi esset, nec ab illa se auelli sineret: ita etiā in parte donationis propter nuptias, quam mulier liberos habēs, nec animo alteris nuptiis applicito sponsalem torum commiscēs accipit, faciendum putauimus. Quum enim antiquior lex id donum ita circumscribat, vt donatione propter nuptias mulieri in vsumfructum data, illa præter vsumfructum ex eadem propter nuptias donatione vnus liberorum portionem proprietatis iure capiat, ac deinde posterior lex rursum hanc vnus liberorum portionem non ex donatione propter nuptias duntaxat lucrum mulieri adferre, sed in alia etiam mariti bona procedere illam velit: his ita per leges constitutis, consuetudo neutram legem directè, sed partim hanc partim illam sequens, neque ex sola donatione propter nuptias, neque ex aliis extra donationem consistētibus mariti facultatibus, vnus liberorum portionem mulieri dari dignum putat: verum immutata illa portione, omnium simul ipsius bonorum illi partem largitur. Hanc igitur consuetudinem quoniam acerbam esse rebus mortalium non videmus, vt in aliis etiam faciendum putauimus, legis dignitate honestamus: illaque quidem dehinc vim legis, non autem consuetudinis obtineto.

*Novel. 127.*

*Quia vero.*



Ac si quidem omnes mariti facultates in sola donatione propter nuptias numerentur, cum huius liberis superstes mater, portionem quæ ad ipsam pertinet, pleno dominio accipiet, residuæque vsum fructum habebit. At si ad donationem propter nuptias facultates non sufficiant, non pro quantitate imminutæ donationis portionem mulier accipiet, sed quæ tantūdem habeat, quantum haberet, si nihil imminuta & plena donatio propter nuptias esset. Huiusmodi igitur portione mulieri data, reliqua liberorum sunt: & si nihil superfuerit, tanquam hæreditatem, successionis priuationem & egestatem illi auferunt. Atque hæc quidem de muliere. Vir autē, si liberos non habeat (quo modo alibi correctum & constitutum est) nihil neque accipiet neque perdet; si habeat, neque alteris nuptiis vxoris desiderium inaniat, liberorū educationis, exhibitæque priori matrimonio reuerentiæ & honoris gratia, & ipse vnus liberorum portionem capiet.

*sup. cōf. 20.*

448

NE PRÆSIDES IN PROVINCIIS  
suis domestica sponsalia contrahant.

CONST. XXIII.

Idem IMPERATOR eidem STYLIANO.

**D**ignum hercle humano ingenio magistratumque virtute esset, si, qui in magistratum assumuntur, eo quòd supra multos alios gloria & honore fruuntur, religiosè præce-

pta Dei obseruarent & custodirent, prouidèque  
 subditorum res curarent, nequaquam verò illos  
 graui manu opprimerent. At quia sunt quos fe-  
 rox iniquusque animus è recta præceptorum se-  
 mita exorbitans in peruersam tyrannicamque  
 cupiditatem ducit, & pro reipublicæ cura effe-  
 rati animi propositum exhibere facit, tanquam  
 illos refrænatura lex vetus statuit, ne præfides in  
 suis prouinciis contractus & sponsalia ineundi  
 facultatem haberent. Atque hanc quidem iuris  
 rationem quum in filius, nepotibus, & aliis con-  
 stituisset, filiarum elocationem non prohibuit.  
 Hoc igitur nos, tanquam quod desit, optimæ le-  
 gi adicientes, statuimus, vt quibus præsidatus  
 obuenerit, quemadmodum filios aliosque virilis  
 sexus cognatos & domesticos, ita quoque filias  
 aliasque foeminini sexus personas, in suis qui-  
 que prouinciis in matrimonium collocare pro-  
 hibeantur. Quid enim causæ est quare filius, &  
 si quis alius virilis sexus est, decreto obnoxius sit,  
 filia verò à legis obseruatione libera permaneat?  
 Quum præsertim virilis sexus sæpenumero  
 multis & modis & exercitiis sibi, coniugi, aliis-  
 que quos affinitas coniunxit, utilis esse possit,  
 Nam dignitates fortasse consecutus, aut merca-  
 tura aliqua instituta, aliæue sustentandæ vitæ cu-  
 ra suscepta, neque sibi (quo modo dixi) neque a-  
 liis propinquis inutilis fuerit. Quæ vt muliebris  
 sexus subeat non ferè idoneus est.

*Tit. Si rect.  
 prou. uel ad  
 eum pert.  
 spons. C.  
 Qui hic def-  
 ctus esse ui-  
 detur, mox  
 suppletur.*

NE FILII NATVRALES CVM ADO-  
 ptiuis matrimonium contrahant. CONST. XXIIII.  
 D. iiii.



Idem IMPERATOR eidem STYLIANO.

**M**ulti, dum prisca tempora laudibus celebrant, primas illis in ordinandis cōstituendisq̃ue rebus tribuere volunt. Atque illa in plerisque recentiora vincere scio quidem & ego: veruntamē in nonnullis vinci etiam video. Et quum non pauca sint in quibus à recentioribus temporibus illa superentur, tum verò maximē in adoptionibus id fieri conspicitur. quas illa adoptiones neutiquam decenti cum ritu & ornatu faciebant, dum citra diuinum sacrificium diuinósque cantus faciebant, & qui adoptari vellent, id illis simpliciter fieri lex permittebat. Vnde vsuueniebat persape vt sororis appellatio in vxoris transiret, & quæ puella paulo antè filia dicta esset, nurus nomine compellaretur: aut filiusqui esset, pro eo gener agnosceretur: quando videlicet naturalis quémque adoptio in filiorum ordinem collocarat, matrimoniali commercio inter se iungeretur: ac súfque déque isthæc actio haberetur, quòd quum sacrum ministerium nō interuenisset, nullum inde ad matrimonialem consuetudinem existeret obstaculum. Cæterum olim quum decenti ratione non adoptaretur, quanquam matrimoniū infame quiddam complecteretur, non tamen nefarium aliquid continebat. Verum nunc quū adoptio secūdum ritus tum decoros tum iustos fiat, & per sacrosanctum sacrificium hi in parētum locum, illi verò in filiorum ius subeant, nulla amplius reliqua ratio est vt filii adoptiui

*Lego q̃d dicitur.*

*Vide tit. De  
adopt. Dig.  
C. & Instit.*

449

*Pro h̃ n̄ lego  
n̄.*

*Arrogatur  
.17 De rit.  
nupt. Dig.*

cum naturaliter genitis in matrimonium connectantur. Quocirca etiam statuimus ut qui eo modo fratrum nomē subierint, iis nequaquam mutato fraternitatis iure in matrimonium iungi liceat.

DE EMANCIPATIONE, ET DOTIS RESTITUTIONE. CONST. XXV.

Idem IMPERATOR eidem STYLIANO.

**Q**Uæ à veteribus Imperatoribus de emancipatione constituta sunt, eximia illa quidem, dignaque quæ ab innouatione libera conferuentur, haud scio quomodo non decentem reuerentiam obtinuerint: sed, tametsi non omnino, at certè despici tamen cernantur. Non rectè sanè. Quod enim statuerunt, seruis libertate donatis non prorsus non auferri munificentiam posse: sed si quis in vnam aliquam vetitarum causarum, quæ libertatis dignitatem in seruitutis habitum transformare possunt, malo animo commisisse deprehenderetur, uti tum rursus in seruorum locum deduceretur: illos religiosè omnes audiunt, legisque lationem venerantur. Quòd verò liberis parentum potestate semel liberatis, libera animi voluntate per omnia plenè uti permittunt: non visum est audiendum, neque, quasi illi improbanda statuissent, decreto acquiescendum. Sed manifestum nūc est nulla id ratione (neque enim lege nouiter lata reprobaturum est) auctoritate priuatum esse. Quidam *saltem* iudex censuit

Vide Tit. De  
liberr. Geor.  
lib. C.

Lego αλλ' εἰ  
γνώμην, ὅτι  
μὴ.

Lego τῆς ἡμέρας  
τοῦ ἐκείνου.

Lego ὅδε ὅτι  
ἐμὴ καὶ καὶ  
τοῦ πρὸς μέν  
ἡμετέραν.



*Legō α'λλὰ  
καί.*

*Valde mihi  
hic locus su-  
spectus est.*

450

(& miror quo pacto censuerit) ne, qui liberi sui iuris facti essent, simpliciter potestatem quam coepissent, haberent: sed nisi ipsis liberi essent, liberum arbitrium abrogaretur, rursúmque patriæ potestati subiicerentur. Neque verò ille vnū hoc, sed etiam si quis ex semine suo efflorescentem foetum viderit, ac verò hunc mors toruis oculis inspexerit, itaque ad liberorum orbitatem redactus sit: vti ille pariter cum liberis liberam voluntatem amitteret, neque testamenti factionem haberet, neque quæ donata à parentibus essent, pro arbitrio administrare permetteretur. Atque hoc quidem vbi nonnullis placuisset, facileque à posterioribus susceptum esset, despecta veteri legislatione, in hodiernum vsque diem in republica valere conspicitur. Nos itaque pristinam legum hac de re auctoritatem renouantes, statuimus, nequis illorum qui de dotis restitutione disceptant, reiiciatur, infectaque re inanis dimittatur. At quid aiunt illæ? Si filius liberis orbetur, donum quod illi à patre processerit, ad donatorem oportere reuerti: quod verò aut à matre aut ab extraneo quopiam donatum filius habet, non item, nisi reuerti debere, id donatores pacto complexi sint. Sed quæ filiis patres inter emancipandum dederunt, apud eos qui acceperunt (nisi pacti cuiuspiam, quum pater donaret, initii, obstaculum subsit) irreuocabiliter permanere, illósque de illis testari iubent. Nos itaque in harum sententiam pedibus euntes, scire omnes iubemus, si filius sui iuris factus, nullósque liberos

habens testetur, parentes illa duntaxat quæ ex lege Falcidia ad ipsos manant, nisi pactum (quo modo suprà dictum est) initum sit, percepturos: reliquos verò cognatos, quanquam ab intestato vocarentur, ut qui de restitutione pactum imponere neglexerunt, omnino nihil. Illud porro annotatu dignum, solius virilis personæ in potestate esse filium dici. Cæterum quoniam præter alios modos hic quoque sui iuris filium esse ostendebat, si qui ipsum in potestate habebat, (siue is pater siue auus esset) libertate ipsum suo ore donasset: nos hoc insuper annectimus, ut si pro suo saltem arbitrato vivere filius videatur (siue id eius verbis cuius sub potestate degit, cōcessum fuerit, siue verbis quidem cōcessum non sit, sed consensus tacitus filio vitæ rationes separatim instituenti non aduersatus sit, verum ipsū suo modo seorsum vivere permiserit) tamen si à coniugii cōmercio liber sit: ius tamen liberi arbitrii ratū illi & confirmatū sit. Etenim si serui semel iugo emissi, dum mali non apparēt, iterū illud trahere non coguntur: quomodo indignū non est, filios patria potestate liberatos, denuo sub iugum mittere, ipsosque perpetua libertate, qua (quo modo dixi) serui etiā fruuntur, expertes esse?

*Lego ei xai  
εξ αδελφ. υιου*

*Lego αλλα  
Abrogatur  
l. 3. De emd.  
lib. C.*

UT EVNVCHI ADOPTARE POSSINT.  
CONST. XXVI.

Idem IMPERATOR STYLIANO excellentissimo sacrorum officiorum magistro.



*Legō & sic me-*  
*prie*

**M**Agnum sanè excellēsq̃ue donū à Deo creatore ad mortales promanauit matrimonium. Non modò enim naturæ mortis ingluuiei obnoxia opē fert, humanòque generi perpetuitatem elargitur, id dum ab illa depascitur, non omnino deperire sinens: verum etiam per liberorum procreationem permagna alioqui hominum vitæ præstat. Nam quid ea quæ ex liberis percipitur voluptate ad oblectandos hominum animos suauius: aut verò quid in humanæ vitæ negotiis, cum aliis, tum quæ in senectute nobis se offerunt, vtilius: Leuari cerè senectutis molestias liberorum ministerio videmus. Verum quoniam eam vtilitatem per matrimonii commercium consequi non omnes valeant, voluit lex & rectè quidē in eos qui id donū à natura non accepissent, sua benignitate beneficiū cōferre. At id propositū nō ita erga omnes seruauit, vt omni defectu vacuū beneficium daret. Aliis enim etiam extra matrimonium acquirendi liberos potestatem fecit, alios huius beneficentiæ exortes reliquit. Quamquā eius legis, quæ in hoc semel edita esset, vt liberorū orbitate qui nullos haberent liberaret, ac sua ope patres, quibus ex matrimonio id esse non cōtigisset, efficeret, pertinere ad omnes beneficiā cōueniebat. Verum illa id ita nō vult: sed reiicit illos qui lethalia passi sunt. quorum tamē, quòd iniuria affecti, generandique facultate priuati sint, misereri par erat. Repulsæ autem causam hanc ponit, quòd dicat, QVOS NATVRA AD GEN

RANDVM NON IDONEOS NOVERIT,  
HOS NEQVE LEGEM HOC BENEFICIO  
AFFECTVRAM. At verò non natura, sed ho-  
minum iniuria his generandi vim ademit. Qui  
homines si præter iniuriam quam ab homini-  
bus sustinuerunt, alteram per leges non subirēt;  
dignum fore Imperatoria nostra Maiestas rata,  
statuit vt si adoptare vellent, liberam id facien-  
di potestatem haberent. Existimo enim illic be-  
neficium magis esse necessarium vbi eius impē-  
sius requiritur vtilitas. Eunuchis autem præci-  
puè liberorum acquisitio, quæ per legem fit, est  
necessaria, eoque magis quòd vna hac ratione  
vt patres sint consequantur, itaque liberorum  
ministerio ipsis frui contingat: quo inhumanū  
esset si, quòd genitalibus priuati sint, in super e-  
tiam priuarentur. Sed quemadmodum cui vo-  
cis vsus adēptus est, quæ linguæ munia sunt per  
manum adimplere, & qui sermonem labris fur-  
dere nequit, per scripturam ad ordinandas res  
suas procedere non prohibetur: ita neque qui,  
quòd genitalibus priuati sunt, liberos non ha-  
bent, horum indigentiam alio modo compensa-  
ri vetandum est.

*Abrogatur  
circuit<sup>9</sup>, sed  
et illud, de  
adop. insti.*

451

*Lego in  
adoptionem*

VT PARITER OMNIBVS ADOPTARE  
*liceat.* CONST. XXVII.

Idem IMPERATOR eidem STYLIANO:

**Q**Vum eos qui sua industria rem aliquam  
humanæ vitæ vtilem adinuenire student,  
in cōmune illam proponere, quàm  
certis hominibus deuouere, aliosque eius exper-



*Legomur*  
*πρὸς τὸν.*

*Legomur*  
*πρὸς τὸν.*

tes relinquere, 'decētius sit: tum verò longè magis legum beneficium commune esse convenit. Nam sicut sub Principe, virtute: sic sub legibus, quotquot illis paremus atque subditi sumus, illarum beneficio in commune frui debemus. At quid sibi vult hoc procemium? Quòd quum liberorum orbitate infœlices liberare infortunio lex vellet, adoptare, & quod à natura accipi non posset, opinione comparare iubendo, non erga omnes similiter seruavit propositum: atque viros quidem & mulieres, quas natura postquam matres nouisset, ademptione sobolis ad liberorum orbitatem' redegisset, adoptandi iure donavit: eunuchos verò & mulieres è quarum sinu nondum vllus fœtus effloruisset, beneficio indignos censuerit, tam viliter nescio quo modo ratiocinata. Non enim quia hoc incommodo vt natura patres esse nequeant, eunuchi affecti sint, continuò idem incòmodum lege augeri oportet: sed è diuerso eius rei defectum alio modo compensari non prohibere, longè magis par est: quemadmodum aliis membris, quæ ad actiones naturales requiruntur (vt manibus, pedibus) mutilatis, aut si qua alia parte priuati sint homines, illi quocunque possunt modo, mutationem sarcire non prohibentur. Iam verò neque mulieres, quia matres non fuerint, ne adoptent coerceri rationi consentaneum est. Quæ enim ratio est, vt illis, quòd liberis orbatae sint, denuo acquirendorum liberorum ius largiari: has verò, quòd istiusmodi possessionis prorsus inopes fuerint, per omnem vitam in illa ino-

pia viuere velis: Et certè si hæc præcipua liberorum  
 utilitas est, vt parentes in senio sustentent:  
 quo pacto non tam his, quàm illis, ex æquo  
 vt beneficii participes essent, concedere æquum  
 fuit: Sic enim quibus tenues arctæque facul-  
 tates sunt, filiorum ope & auxilio leuior pau-  
 pertas esset: quæ verò illas omni rerum copia af-  
 fluentes habent, & his adoptio conduceret. Nam  
 qui in filii locū assumptus esset, is & inseruiens  
 matri, & pro illa, quæ par est filium facere, sedu-  
 lō exequens, quum bona illius ita vt in suo statu  
 manerent, administraret, tum cum matre cu-  
 rarum onus partitus, vt illa tranquillius latiús-  
 que viueret efficeret. Nostra itaque Imperatoria  
 Maiestas iis legibus, quæ adoptare his quos di-  
 ximus non permittunt, administrationem ab-  
 rogans, euulgat legem, quæ omnibus quæ ado-  
 ptare velint, siue quispiam virili facultate orba-  
 tus sit, siue aliquam necdum matrē sol viderit,  
 eius faciendi potestatem facit: non solum autē ob  
 comoditates quas ex adoptione manare dixi:  
 sed etiam quod inde virginittatis decus cohone-  
 stari animaduertā. Siquidē quæ coniugali con-  
 suetudini virginittatem anteponūt, interimque  
 liberorum desiderio punguntur, quum id extra  
 matrimonii consuetudinem cōsequi se posse vi-  
 debunt, virginittatis honestatem negligere non  
 sustinebunt. Neque porro verum est, vt quia mu-  
 lieri liberos in potestate habere permissum non  
 est, idcirco illi adoptare non liceat. Primum e-  
 nim quia si quis hoc admittat, non modò mulie-

Lego nra. et  
 Gonrou. 18. 86

Abrogatur  
 circuit. Fæ-  
 mina. De a-  
 dopt. Institi-  
 452

Lego nra. et  
 opaulo post  
 nra. 18. 86



*vide circuit.  
Qua de cau-  
sa, De hered.  
qual. & diff.  
Instit.*

*Hunc corrū-  
pti huius lo-  
ci sensum es-  
se puto.*

*Legatus im-  
peratoris*

res, quæ nunquam pepererunt, verum etiam quæ  
matres extiterunt, ab adoptione arcet. FŒMI-  
NA enim (vt lex inquit) HABERE IN POTE-  
STATE NON POTEST. Deinde quæ hoc fā-  
cit lex, loquitur de illis qui à matribus receden-  
tes, seorsum suo arbitratu viuere malunt: non i-  
tem verò de iis qui materna imperia libenter to-  
lerant, ipsarumque præscriptis per omnem vi-  
tam parere proposuerunt. Non igitur obedi-  
entiā & famulatū volūtarium, quāquā is rarus sit,  
lex prohibet: sed illic fœmina potestate priua-  
tur vbi volūtatis assensus ad obedienciā nō coit.  
Nam si hoc ita sit, quomodo multæ mātres iam  
viduæ liberos secum vnā viuentes & subditos  
ad extremum vsque diem habent, & animam in  
illorum manibus expirantes, maternæ benedi-  
ctionis suarumque facultatum illos relinquunt  
heredes? Porro illud etiam Imperatoria nostra  
Maiestas benignè subditis largitur, vt non mo-  
dò ab Imperatore (quemadmodum vetustiores  
leges præcepere) sed etiam à quocunque, cui cu-  
iuscunque loci rector iniuncta erit, qui adopta-  
re volet, id faciendi facultatem accipere possit.

QVO TEMPORE ET A QVIBVS RE-  
rum suarum administratio adultis concedi debeat.

CONST. XXVIII.

Idem IMPERATOR STYLIANO excel-  
lentissimo sacrorum officiorum magistro.

QVandoquidem hoc etiam legislatoribus  
rectè placuit, vt minoribus curatores præ-  
ficerentur, qui parentum de illis cu-  
ram

ram suppletes, & ætatis imbecillitatem curæ haberent, & bona conuenienti sollicitudine illæsa conseruarent: quod legislationi rectè se habēti deest, ex nobis addendū putauimus. At quis ille defectus est? Quod à solo Imperatore, iussis recedere curatoribus, rerum administrationē tradendi minoribus: idque quū iam præfinitæ ætatis modum attigerint, (quem maribus vigesimus, & foeminis verò decimus octauus annus tribuit) & tanquā ad hanc ætatem, qua sapere rectèque atque vtiliter res suas administrare possunt, iam peruenerint, in plenam rerū suarū potestatem collocari velit. Verū quoniam vt sapiant omnibus non eadē ætate contingit, non ita simpliciter statui, neque ex sola ætate ad rerū suarū gubernationē pariter omnes produci oportebat: sed erat quam ætatem cuiusque eorum qui rerum suarum administrationē suscepturi essent status requireret, inspiciendum. Quid enim? an quum hic, postquam eam ætatē egressus sit, nōdum autem satis sapere cœperit, administratione dignus iudicatus fuerit: ille quanquā etiamnum infra eam ætatem sit, prudentia tamē non destituatur, vt rectè res suas administrandas suscipere non possit, ab administratione arcendus erit? Quando igitur non minus animo quā corpore inter sese homines differunt, & alii etiā ante legitimum tempus rationem bene constitutam habent: aliis verò etiam id supergressis mens nōdum stabilita est: quod lex hæc ita vellet, vt defectuosa eadem esset factum est. Quin &

Vide Tit. C.  
De iis qui  
uen. et. imp.

Jar. & Vogt par  
frit.

Nemo mihi  
licem fecerit,  
quasi impli-  
citi huius lo-  
ci sensum nō  
satis expres-  
serim.



alia huius legislationis incommoda sunt. Ac primum quidem, quòd difficile, imò verò prorsus  
453 impossibile sit, vt ad omnes legislatoris voluntas pertingat. Quomodo nanque qui lógis terrarum marisque distinentur interuallis (vti interim alias vitæ difficultates, vt morbos, insidiarum hostilium metus, mēbrorúmque mutilationes omittā: quæ persæpe difficultates ne in ipso quidem domicili loco prodire, nedum longinquā profectiōnem suscipere permittunt) quomodo (inquam) hisce, sexcentisque quæ mortalium vitam allidunt, rebus aliis *adolescentes* impediti, rerum suarum administrationem ab vnius Imperatoris nutu petent? Quod ergo (sicut superius diximus) legislationi decrat, id adimplentes, iubemus vt qui puberes imperfectæ ætatis tempus iam superarunt (mares nempe annum vigesimum, foeminæ verò decimum octauum) animúmque ad res gerendas idoneum habent, ac prudentiam (qua administratio refrænata res non labefactet, vt illa nocenter concessa non videatur) collegerunt: his plena rerum suarum authoritas detur. Accipiunt itaque hi, iustaque potestate res suas agunt. At quibus rerum rectè gerendarum iudiciū adhuc deest, eo quòd sibi ipsis (vt pote qui quū gubernare debeāt, imprudentiæ imperio regantur) damnosi futuri sint, etiam si id tempus prætergressi fuerint, non percipient. Siquidē si qui propositus finis erat vt bona rectè administraretur, is necdū præsens sit, qua ratione, quāquam ætas aduenerit, cum periculo ipsis

committentur quæ ipsius procuracione non rectè administrabuntur? Ad hunc ergo modum qui rebus prudenter præesse poterūt, tametsi ad administracionis tempus haud dū peruenerint, non prohibebuntur. Vnum est enim quod requiritur, ne bona labefactetur, quod quum adsit, superuacaneum est ætatem expectare. Et non tantum imperator rerum suarum procuracionem administracionemque cōcedet, verum etiā quibus cuiusque loci magistratus obtigerint, plenamque iurisdictionem habent. Ita enim legislatoris prouidentia omnibus qui indigebunt utilis erit, atque lex vim suam magis exeret.

*Lego βασιλέα*

*Lego ἄνθρωπον*

\*VT ANCILLAM PARTVS APVD ALIVM  
*editus ad ipsius dominum sequatur.* CONST. XXIX.

Idem IMPERATOR eidem STYLIANO.

QVemadmodum hunc sermonem qui nullam præ se fert mendacii peruersitatem, verum esse atque rectum scimus: ita etiam verā legē, quæ iniquitate perueriti non deprehenditur. Atque adeo si qua id non obseruat, ea lex non est, quāuis ea appellatione digna habita sit. Si enim hoc legis est, vt cuique ius suum tribuat, quomodo quæ hoc non præstat, lex erit? At cum aliæ etiam nomine tenus leges in id committere deprehensæ sunt, tum verò illa maximè, quæ partum ancillæ, quæ non apud dominum, sed furto alioue modo subducta, apud alium quempiam peperit, postquam faci-

*Vt italic. 10  
De usuris,  
Dig. Leo intellexerit, illum peritorem habeo.  
Vide l. 28. e. ius. tit. 7. li. 4. Pro suo, Dig.*



nus innotuit, non cum matre ad suum dominum abire, sed ab hoc quem alieni mancipii dominum fuisse constat, detineri iubet. Hoc itaque quia non rectè se habere visum est, conuenienti medela nos dignati, uti suus matrem partus sequatur iubemus. Non enim quia fur quæ lex domino persolui debere decernit obtinet, idcirco etià ille ancillæ suæ partu priuari, cumque alius lucrari debet. Ad lucrum autem huic satis sit, quòd illa ad ministerium pro arbitrio usus est. At dixerit aliquis, Sed siquid in illam, dum possedit, impenderit, oportet & hoc ipsum ex pretio lucrari: ideòque partum apud ipsum permanere alienum non est. Atqui si quisquam ad detinendum fœtum hoc rationem præbere putat: quomodo ut ille matrem sequi debeat, à domino persolutum pretium non maiorem præbebit? Quin quomodo conuenientius non est, si qui perdidit, indeque dolores in corde pertulit, ex accessione delinimentum sentiat: quàm si ille eam habeat, qui præterquam quod nihil amisit (ab illo enim qui furto subductam ancillam ipsi vendidit, pretium recuperare licet) ancillæ etiam ministerium lucratus est? Neutiquàm ergo (quo modo diximus) detineatur partus: sed quemadmodum matrem, sic etiam filium prior dominus habeat. Siue enim qui furtum commisit, diues sit, tumque ipsi quod malè accepit, eius pretium reddat, nihil amplius negotii restet: siue mortuus aut viuus adhuc inopia laboret, ut quæ lex à furibus exigit, exoluere nequeat, tum

454  
 Lego δὲ καὶ  
 τὴν αὐτὴν

verò quoque qui ancillā amisit, eius calamita-  
tē filii cum matre receptione deliniri æquius sit.

DE MULIERE QUAE VIVO MARITO  
*alios de matrimonio compellat.* CONST. XXX.

Idem IMPERATOR eidem STYLIANO.

**V**T quum leges reipublicæ inutiles depre-  
henduntur, necessariò illas iusta reipubli-  
cæ prouidentia in melius transformat: ita  
quoque eiusdem prouidentiae munus sit, vt le-  
ges rectè constitutas, nihilque subditos contri-  
stantes, à malè cōstitutis subditosque contristan-  
tibus seligat, hisque illas anteponat: præsertim  
verò quando eadem de re duæ inter se pugnan-  
tes leges statuunt. Quomodo enim ratione ful-  
tum sit, si, quū duces atque præfecti ex peioribus  
præstantiores eligātur, & qui in gubernatione ad  
subditorum vtilitatem omnia facturi putantur,  
præponātur: non item ex legibus, quibus donec  
respublica consistet, præesse datur, quum contrā  
temporanea ducū præfectura sit, non præstatis-  
simæ, sed peioris notæ, quasque neque à princi-  
pio innotuisse decuisset, ad gubernacula dedu-  
cantur? At quorsum hæc à nobis dicta sunt? Iusti-  
nian⁹ ille, cuius diadema præter religionē sub-  
ditorum cura etiam decorauit, quum prius de  
solutione matrimoniorū sanctionem edidisset,  
vt si mulier marito etiamnū superstite de matri-  
monio cum altero agat, non amplius illam vt  
ipsius membrū ipsi iungi liceat, sed ceu insidia-  
trix ab ipso auellatur: postmodum sibi ipse con-

Nov. 22. Si er-  
nim tanta.

Nov. 117,  
Quia verò.



Quin hic hu-  
ius loci mire  
corrupti sen-  
sus sit, non  
dubito.  
Legō δὲ αὐ-  
τῷ.

tradicens, ob hanc causam matrimoniū dirimi non permittit. Nos itaque priorem hominis voluntatem, ut quæ his ipsis quæ statuit roboretur, & aduersus matrimonia insidias præcidat, humanæ vitæ conducibiliorem esse intelligentes, eam lege lata in republica obseruari iubemus: quam verò cātata palinodia inuulgauit, eam in reipublicæ nostræ theatro locum inuenire non permittimus. Siqua igitur marito adhuc viuo, de contrahendo matrimonio cum altero sermonem habuisse deprehēdatur, ut quæ se ipsa nefario proposito abruperit, & matrimonii solutione ab illo abstrahetur, & protectò etiam pecuniariis pœnis, quibus quæ aliis modis à maritis auelluntur, obnoxia sunt, subiicietur. Quæ enim matrimonii compage in vnam carnē cum marito coit, non acquiescit autem, sed simul ad alium respiciendo, creatorē, qui illam coniunxit, contumelia afficit, simul in maritum hostili animo est: quomodo non iustè hæc, quum prius se ipsa à coniunctione prorsus abruperit, abscindatur? Et sanè quando mulier proteruo proposito oculum à membro suo auertens, in alienū respicere gestit: quæ alia signa & testimonia, ipsam in maritum hostilia cogitare desideres?

\*VT QVAE MVLIER MARITI ODIO A-  
bortat repudiari ab illo possit. CONST. XXXI.  
Idem IMPERATOR eidem STYLIANO.

Vi hominem è terra creauit, costa ipsius  
Q in mulierem transformata, adiutricē illi  
ex ipsius membris coniunxit: quo videli-

cet suæ creationis causâ illa cognoscens, vel hinc  
 discat qua lege erga coniugem beneuolentiam  
 atque amorem incôtaminatum cōseruet. Quæ  
 igitur ita animata est, beneuolentiâque suam  
 marito custodit, reuera illa auxiliatrix est, ne-  
 que conditoris promissum fallit: quæ verò diuer-  
 so animo est, nō amplius neque hoc esse cogno-  
 scitur, neque, quanquam cōiugium in vnum il-  
 lam cū marito cogere annisum fuerit, caro ex  
 carne, mēbrumue ipsius est. Idcirco quūde mu-  
 liere, quæ propter inimicitias quas cum marito  
 habet, de industria abortando, neque in vitæ lu-  
 cem fœtum producēdo, seminis ipsius fructum  
 opprimat, duæ leges latæ sint, quarum vna re-  
 pudiare iniuria affectum maritum iubeat, alte-  
 ra verò non permittat: nos legi diuortium sua-  
 denti assentientes, illi vt multo vtiliori autori-  
 tatem attribuimus. Alienum enim mihi à ra-  
 tione prorsusque iniquum videtur, vt quæ tam  
 apertum in maritum odium suscepit vt ipsius  
 semen disperdat ( vt interim omittam quòd  
 communi naturæ insidiata sit ) ipsi cohabi-  
 tet. Nam si qui alicui alii operi damnum in-  
 ferunt, eos tanquam inimicos auersamur: quo-  
 modo eam quæ procreandorum liberorum o-  
 peri, tum maximè necessario, tum præstantis-  
 simo noxam fecit, ipse qui damno affectus est,  
 vt suam apud se habere poterit, nec vt insidia-  
 tricem & hostem dimittet? Quod insuper eui-  
 dentius signum requiras, vt mulierem marito  
 inimicam esse cognoscas? Quomodo id inde

Nov. 22. Si

enim tant

Nov. 117.

Quia uerò

Quicquid

pro ad & rlu

legi debeat,

omitti pote



*Malim meo  
dov.*

*Lego xxi  
mww xli.*

manifestum non est, quòd dum aduersus illum  
hostilia cogitat, in vitam 'progressu foetum pri-  
uat: Quo modo igitur dictum est, lex quæ ipsos  
separat, obtineto, maritúsque secedendi à mulie-  
re in hoc facinore deprehensa, facultatem habe-  
to. Nam si quæ solum extra aedes mansit, aut  
cum hominibus cum quibus non deceret con-  
uiuata est, hanc lex à nexu matrimoniali sepa-  
rat (quum tamen hîc in maritum odii nullum  
tam euidentis testimonium sit, & accidisse id illi  
citra matrimonii iniuriam videri etiam possit)  
cuius rationis erit, eam quæ tantum tamque in  
maritum & naturam iniurium odium concepe-  
rit, non disiungere, si ita marito videatur, & iu-  
bere ipsum vxorem habere quæ ipsius vitæ in-  
fidictur?

456 DE ADULTERIS MANIFESTO DEPRE-  
hensis. CONST. XXXII.

Idem IMPERATOR eidem STYLIANO.

**A**dulterii scelus, si quod aliud, grauem hor-  
rendamque poenam exigit, & (vt puto) ho-  
micidii poena non minorem. Homicida  
enim per sæpe vnus tantum sanguinaria manu  
vitâ euertit: scelestus verò adulterii perpetrator  
quamplurimos ferè de medio tollit, maritum, libe-  
ros, cognatos, aliosque, dum vno vulnere dilace-  
rato matrimonio omnes prosternit. Verum tamen  
quia quum olim id facinus morte puniretur, vi-  
sum est posterioribus mitiorè proferre sententiã:  
ac verò nos ferè ad benigniora trahimur: quam

*L. 30. Ad l.  
lul. de adul.*

illi constituerunt pœnam, vt nempe nasus detestandis illis ambobus abscindatur, hanc & nos statuimus. atque hæc quidem nefarii istius sceleris esto pœna. Ac quoniam maritum pro tanta iniuria citra consolationem relinqui non oportet, in matrimonii ius iniuriæ mulieris dotem percipiendo se consolator. Insuper mulieri ad alteras nuptias profultare, neque, quasi in nasi abscissione præmium acceperit, liberè in posterum se cum libidinosis cōmiscere, nequaquam permittitor: atque ob scelus cōmissum in monasterium (vbi in contritione animæ leuiorem sibi pœnam faciat) velut in exiliū detruditor. Et, si monasticæ vitæ desiderio correpta, illā susceperit, quæcunque ipsius bona à dote separata sunt, ea liberi & monasteriū inter se distribuūto: si liberi nulli super sint, pro illis parētes, & si neque hi sint, alii cognati ad diuisionem inducuntor. Quòd si in prophano habitu è vita excedat, quū testamenti factionē omnino habeat, prout illa constituerit, quæ bona extra dotem habuit, dispensabuntur.

*Legο λαμβάνειν οὐκ.*

*Legο περιποιέω.*

NE CAPTIVORVM VXORIBVS ALIIS

*nubere liceat.*

CONST. XXXIII.

Idem IMPERATOR eidem STYLIANO.

**S**I, qui olim leges tractarunt, eo fuisse animo, vt prorsus sua, quanquam in illis correctione nonnulla indigerent, corrigi tamen nolent, suspicatus essem: fortasse nunquā hoc consiliū suscepissem, vti leges, quæ sese rectè non ha-



*Lego ὁπως  
αἰ.*

berent corrigere tentarem, & tamen si arcta rei-  
publicæ cura, quo videlicet rectè illa admini-  
straretur, necessario correctionem iniunxisset:  
ut ne tamen primos legislatores cōtristare videremur, qui nos in hoc impetus ferret, inhibuissimus. At quoniam illis quoque ipsis, si etiam nū in viuis essent, non modò illorum institutū qui corrigere conantur, non displiciturum, sed eisdem etiam qui ita faciendum censerent, his gratias acturos arbitror (nō enim gloriæ causa, sed quòd reipublicæ commoda curæ haberent leges edidere) age, quæ reipublicæ conducant, neque

457 illis ipsis veteribus legislatoribus displiceant, facientes, exactiore consideratione, ceu medicamēto quodam Pæonio, legū morbos propitio Deo

*In hanc sententiam primum scriptū fuisse, orationis tenor indicat.*

*Nov. 22. Sed  
et captiui-  
tas.*

curemus. 'Supra cætera etiā ubi de captiuis sanxerūt, hoc caput, in quo de matrimonii dissolutione statuerunt, valde rationi esse dissentaneū videtur. Sic autem & in hæc verba aiunt, *SI Vxor in marito captiuitatis infortunium accadat, manente vxore in ciuitate: siue quum vxor in ius captiuitatis peruenit, maritus in ciuitate permaneat: exquisita quidem & subtilis ratio distrahit matrimonium. Semel enim seruitute alteri superueniente, conditionis inæqualitas æquali*

*Lego ἰσότητι*

*Lego φανε-  
ρον ἦ.*

tatem, quæ in nuptiis spectatur, permanere nō patitur. Nos tamen humanius talia contemplantur, donec certum est superesse maritū vel vxorem, pro non solutis matrimonia haberi sinimus: neque ad alias migrabunt nuptias vel mariti vel vxores, nisi petulanter id egisse videri

velint, & in pœnas incidere, ille quidem exactio-  
 nis donationis ante nuptias, hæc verò dotis.  
 Hi ergo istiusmodi de captiuorum matrimo-  
 nio pronuntiarunt sententiam. Nobis autem  
 neque causa, quam exquisita (vt ipsi loquuntur)  
 subtilisque ratio suppeditat, rationi esse consen-  
 tanea: neque humanitas, quæ dirimendi matri-  
 monii facultatem præbet, dum ipsos damno  
 subiicit, sincera videtur. Si enim (quemadmo-  
 dum inquirunt) durare matrimonium fortunæ  
 non permittit inæqualitas, quomodo si ad li-  
 bertatem reuocetur captiuus, quum post matri-  
 monii dissolutionem ad æquabilitatem fortu-  
 na redeat, ambòque in libertate viuant, ad æ-  
 qualitatem matrimonium non redibit? Quæ  
 verò illa sincera humanitas, quæ amicissimo-  
 rum membrorum subtractione damnum in-  
 ferre, aliorumque substitutione id quasi sarcire  
 conatur? Quomodo item, etsi vsque ad vilissima  
 quæque captiuorum substantia iure statùque  
 ipsorum integro, taxetur, illos non ita præstan-  
 tiore parte (sui nempe membri conseruatione)  
 atque rerum suarum iure periclitari velle, im-  
 mensumque damnum fore si altera pars mem-  
 brum suum negligere in animum inducat,  
 non perquam est manifestum? Quid igitur e-  
 go? Si quum altera pars in captiuitate sit; al-  
 tera quæ à captiuitate libera mansit, ad alte-  
 rius coniugium respexerit: postliminio verò  
 reuertatur quæ in captiuitate detenta fuit:

Lego εἰ καὶ  
 μετὰ τῆς.  
 Lego ἡ τῶν  
 ἑσθια.

Pro πάντων  
 τοὺς λέγο πάν  
 ἄλλων.



ut illi, si velit, suum membrum recipiendi facultas sit, ac nequaquam quod alteri coniunctum fuerit, prius matrimonium innouetur. Si enim coniugium cum altero postmodum initum videbitur aliquibus dissolui non oportere, quomodo non æquius fuerit si primus matrimonii nexu in suum statum reuertatur? Et, si eo quod alienæ parti coniunctum sit, id quispiam auelli non permittat: quomodo quod à sua parte abruptum sit, id in suum locum restitui, rationi non fuerit consentaneum? At dixerit aliquis, Sed in lucrum captiuus cedit quod propter alterum temeritate contractum matrimonium, per compensationem pœnæ nomine introductum est. Verum hunc sermonem non dico non labris exprimi, sed ne in mentem quidē authoribus eius venire melius fuerit. Nam quomodo ille qui membrum suum pecuniis commutat, non extrema mentis infœlicitate & penuria laborat? Sancimus itaque, ut nequaquam amplius quæ pars à seruitute intacta mansit, ad alterius coniugium procedat: sed quotcunque annis altera in seruitutis miseria detinebitur, tametsi inde nullam neque de scripto neque citra scriptū significationem accipiat, illam expectet. Et quod, si præter hanc legem alterius matrimonii commercio à priore abrupti aliqui velint: idque non secundum obseruationem in Nouella centesima decima septima, de vxoribus eorum qui in expeditione sunt relatum, fiat: sciunto illi quod positum in dicta constitutione pœnis subiacebunt. In-

Legō ἢ  
Legō ἢ ἑξά-  
πορ δὲ λωστὴν  
ἐν ἡμέρᾳ ποτ.

458

Circuit. Ce-  
terum & id.

super etiam (quemadmodum diximus) ut si qui  
seruitutis ærumnas sustinet, liberetur, suum si ve-  
lit membrum recipiat licebit.

DE TUTORIS QUI PUPILLAM SUAM  
<sup>vitiat.</sup> CONST. XXXIII.  
Idem IMPERATOR eidem STYLIANO.

**N**efaria res est, si illi de quibus ea expectatio  
fuerat quasi probi futuri essent, quum ab  
illis qui talem de ipsis opinionem conce-  
perant, iam aliqua fide digni habiti sint, pro bo-  
nis atque fidis inimicos & infidos se exhibeant.  
In illis autem quibus pupillorum obuenit cu-  
ra, si, quum pupillis salutariter prospicere debeant,  
ipsorum eueriores existant, tanto id scelus gra-  
uius est, quanto illorum fides ab iis qui id ipsis  
iniunxerunt, maior iudicata est. Constat enim  
quod parens persuasum habens, quos pupillaris  
ætatis relinquit liberos, ab eo cui cura commit-  
tenda est, paternum patrocinium sensuros, eam  
cui ita fidit, mandat. Rectè igitur superiores  
fecere, qui pro patre conservatorèque pupillæ  
deprehensum vitiatorem punierunt. Deporta-  
tioni enim hunc subiiciunt, ac bonorum priva-  
tione multat. Verum in decora specie decorum  
non servarunt, neque ullam iniuria affectæ gra-  
uiæque passæ puellæ, ut illius infortunio succur-  
rerent, suscepisse curam videntur, dum vitiato-  
ris bona in fiscum statuunt esse inferenda: non  
animadvertentes hinc fieri ut vlcisci quidem  
iniuriam velle, sed in proposito non persistere

*Tit. Sig. eã  
cui tur. fue.  
corr. C.*

*pen delendum  
puto.*





sustineant: idque tum etiam quum volūtariè se mulier raptori dedidit. Quin & eius patrem, si facti cōscius fuerit, deportatione punit. Neque verò tunc solùm, sed etiam si quum quo tempore raptus committeretur, eius rei ignarus fuerit, filiola vitiationē postmodū paruipendat, reoque iudiciū remittat, aut istiusmodi matrimonium approbet, in incuriæ pœnam deportationē sustinet. Atque hæc quidem veteribus placuere. Verum sempiternæ memoriæ pater noster non tantum in mulieris raptum, verumetiā in circumstantias oculos dirigens, ad illas sententiam accommodat, ac sancit, vt si cum armis, siue gladiis, aliisue nōnullis præter gladiū lethalibus raptus cōmissus sit, qui raptum fecit, gladio puniatur: vtpote qui eo quòd cum armis ad id factum processerit, neque ab homicidio immunis sit: qui verò suppetias tulerint, factiue perpetratores susceperint, naso mutilentur, verberentur, & cute tenus tondeantur. Quando autem arma violentiæ adhibita non essent, vt mortem sentētia non spectet, quòd nempetunc homicidiū locum non habuerit: sed raptus author manus mutilatione periclitetur. qui verò ministerium præbuerint, alioquiue se isti rei immiscuerint, verberibus, tonsura & deportatione pœnas pēdant. Ac sanè corporalis pœnæ hæc est descriptio. Quod verò ad pecuniariā attinet, ne à primitiua legislatione mutetur, eiúsque effectū retineat, permittitur. Atque hæc quidē pater noster facit, quorū & nos

*Corruptum  
hunc locum ex  
eodem titulo  
ita restituo.*



approbatricem sententiam suscipiētes, legisla-  
tionem illam & in præsens & in futurum autho-  
ritate & effectu obsignauimus.

VT CAPTIVI FILIVS HAERES SIT.  
CONST. XXXVI.

Idem IMPERATOR eidem STYLIANO.

**S**I reipublicæ sustentaculū atque fundamen-  
tum sunt leges, certè vt illa in tuto sit, sanita-  
tem leges conseruent oportet. Legis autem  
sanitatem quid aliud quàm æquitatem quis di-  
cat? Circa hanc itaque, quò leges, quæ rem publi-  
cam nostram gubernant, æquabiliter sese ha-  
beant, cogitationes nostras obuertentes, legem  
illam, quæ eum qui ex duobus captiuis natus est  
hæredem bonorum eius parentis qui apud ho-  
stes mansit, fieri non vult: hanc (inquam) legem,  
ne legum sanitate (quæ æquitas est) priuetur, pe-  
riclitari animaduertentes, illam ad sanitatem  
trāsformare voluimus. Nam quòd iniuste istud  
statuat, non difficile cognitu est. Quā enim vim  
locorum natura ad ascribendam filio hæredita-  
tem habet? Neque verò hoc quisquam obiciat,  
quòd quum parēs seruus sit, propter seruilē con-  
ditionem filius exhæres erit. Quomodo enim ci-  
uilis lex, quæ, si captium liberari cōtigisset, il-  
lum liberum agnosceret, ex eo natum liberum  
hæredem esse non permittet: sed qui apud hostes  
est, seruo bonorū administrationē dabit? Tum  
etiam ad quem captiui bona aliquis pertinere  
putabit? Ad cognatósne? At quomodo seruitus obfi-

*Malim tūc.*

*Loci huius de  
fectum ex l.*

*1. Depostlim.*

*& redempt.*

*ab host. C.*

*suppleo.*

*Lego αὐτο-  
νόμοις.*

*Lego πολι-  
μοις.*

obstans his ad hæreditatem introitū non præcludit? Aut quomodo quibus permissum est, nō lōgè prius hæredes esse licebit? An verò fisco danda erunt? Verūm quomodo manifesta illa iniuria non est? Si etenim rationi consonum est ut captiuorum liberi è publico subsidium sentiāt: quomodo captiui filium bonis priuari, illaque fisco attribui, non perquam euidēs iniuria est? Quod si sæpenumero, quum nonnulli parentes grauitèr consciētia abusi, atque ideo pœnis subiecti, acerbèque è viuīs sublati sunt, liberi eorū substantiæ domini esse lege non prohibentur: quæ ratio est, quamobrem quando pium propositum parentes decorat (& quidem in fidei testimonium effusus sanguis, ut eximius ipsorū animus magnūque spiritus ipsis etiam impiis miraculo esset, persæpe effecit) liberi facultatum ipsorum domini esse non permittātur? Nequaquam itaque constitutio illa sana esse nostræ Maiestati videtur, eaque propter sancimus uti deinceps, siue quū captiuitatis caligine circumfusi parentes essent, in lucem prodit filius, siue etiam in libertatis splendore ipsum mater perierit, parentum substantiæ hæres sit: idque siue ambobus parentibus è captiuitatis vinculis liberari contingeret, aut non: siue quum vnus eorum libertatem nactus sit, alter in calamitatis vinculis vitam finiet: siue denique vterque parēs in captiuitate morietur: extraquam si mortem testamento condendo præueniant. Tunc enim illi quos testator voluerit, hæredes erunt: tamen

Legο κληρονομήν οἷς συγχέωρεν.

460

Legο τὸ ἀδύκημα.

Legο οὗτι προαιρ.

Legο δὲ πάλυσιν ἢ μήτιρ τὰ τ'



vt trientis legitimum subsidium filio seruetur.

Ex l. 14. Qui *\*VT DOMINI TESTAMENTO MAN-*  
 testam. fac. *missus, si illum decessisse, aditamque eius hereditatem esse*  
 pos. Dig. que *ignoret, testari possit.* CONST. XXXVII.

hic abroga-  
 tur, hic tur-  
 lus desum-  
 ptus, obscurā  
 hanc consli-  
 tutionē intel-  
 ligibilem  
 reddat.

Idem IMPERATOR eidem STYLIANO.

**P**Ræsentī etiam legi plena absolutione de-  
 ficiēti, eius quod deest additione, decoram  
 formam imponimus. Ait autem, seruum,  
 qui quum domini sui testamento liber esse ius-  
 sus sit, id ignorat, ideoque incertis rationibus li-  
 bertatem obtinet, interea nequaquam propter  
 ignorantiam libertate priuari, sed in libertate vi-  
 uere: vt autem tanquam liber testetur, ipsum po-  
 testatem non habere: quasi videlicet illam pœ-  
 niteat, quam libertatem dedit, hanc ipsi perpe-  
 tuò competere. Quum enim illi vt libero de re-  
 bus suis testandi facultas non sit, quomodo non  
 ad pristinam seruitutem redit? Nos itaque dici-  
 mus, posteaquam gradum statumque vitæ libe-  
 rum præbuit lex, illā etiam alia, quæ libertatem  
 comitantur, præbituram. Nam si ipsum facere  
 quæ hominibus liberis duntaxat licent, prohi-  
 bere oportebat, ipsa verò id nō prohibuit, sed di-  
 gnū illum qui isthæc faciat iudicauit: quare  
 item istis actionibus, quæ propriè libertatis di-  
 gnitati competunt, illum non dignabitur? Est  
 igitur libertate donat⁹, reuera liber, statuitōque  
 de rebus quas illi dominus eximias dedit, quo-  
 modocūq; visū sit. Nō decet enī vt qui libertatis  
 dignitatē manifestè accepit, ob incertā suspicio-  
 nē ignominia afficiatur, atq; a testando arceatur.

Legō ἐκ τῆς λυ-  
 πῆς δὲ, ὅτι οὐκ  
 ἐκρίνε.

\*VT IMPERATORIS SERVI DE REBUS  
suis quomodo uelint, statuere possint. CON. XXXVIII.

Idem IMPERATOR eidem STYLIANO.

**H**oc quoque, quāquam plausibilem præ se  
speciem (legalem nempe ordinationē) fe- 461  
rat; æquitatem mihi tamen excedere vide-  
tur. Dico autem, quòd seruis de rebus suis statue-  
re non permittitur, sed quæ laboribus suis ar-  
duisque (vt conicere licet) molestiis quæsierint,  
ea cuiusque domini manus colligunt. Ac sa-  
nè mirari subit quomodo ab initio lata lex ni-  
hil moderationis neque æquitatis huic rei attri-  
buerit. Veruntamē ii è quib' nata ista lex est, at-  
que adeò lex ipsa ab aliis, vt cuiusque voluntas  
feret, approbantur. Ego autem nequaquam illos  
probo, neque illud placitum in seruis meis obti-  
nere sinam: sed cōtrà, plenam ipsis administran-  
darum rerum suarum potestatem facio. Ex hoc  
itaque tempore in omnem posteritatē impera-  
toris serui rerum suarum reuera domini sunt:  
ita sanè vt siue sani sint, siue ægroti mortem im-  
minere putēt, de rebus suis pro arbitrio statuen-  
di potestate non priuentur: neque seruitutis no-  
mine ex rerum quas possederint dominio expel-  
lantur. De imperatoris igitur seruis hæc nouiter  
lata lex esto, vigorēque habeto. Magistratibus  
autem reliquæque promiscuæ plebi, si huic nō-  
stro placito acquiescere nolint, ad veterem de ser-  
uilibus bonis legem respicere fas esto.

L. 16. Qui  
test. fac. pos.  
Dig.  
Legο καὶ πο-  
λυπώνων.

Omisso παρ  
χάριτον, pro  
παρέχουμαι  
ligο παρ  
χάρους.



VT PRODIGVS QVAE EX RE IPSIVS  
sint facere possit. CONST. XXXIX.

Idem IMPERATOR eidem STYLIANO.

**M**ortalium nemo ad eam absolutionem  
peruenit vt non obnoxie aliquando res  
suas gerat: neque quisquam (ni fallor)  
ita desipit quin crebro sibi utilis esse possit. Ne-  
que enim qui in omnibus prudentiae suae fedit,  
hunc omnia irreprehensibiliter facere sinit Deus:  
neque idem, quum creator creaturaeque suae cu-  
rator sit, mentis inopem per omnia ex imprudē-  
tia frustrari permittit. Praefatus hoc sum propter  
illam legem quae prodigum de rebus suis quic-  
quā aut velle aut statuere omnibus modis pro-  
hibet. Quam quidem legem, coniectis in res ge-  
stas oculis, pro illarum ratione, non autē ita sim-  
pliciter sancire: & siquid inutiliter gestum esset,  
non admittere: in quo verò aliqua utilitas verte-  
retur, id suscipere oportebat. Nunc verò nihil  
istiusmodi praescribit, sed in vniuersum prodig-  
go de rebus suis consultandi potestatem adimit.  
Id nos recto iudicio non conuenire suspicati, le-  
gem illam relaxantes, statuimus vt quae iudiciū  
erroneum, quodque prodigum designet, dicter,  
neque approbatione neque confirmatione di-  
gna habeantur: quae verò ad utilitatem spectent,  
suscipiantur atque nequaquam reprobentur. Quid  
enim, si prodigus aut hereditatē necessariis suis  
relinquere, aut pauperibus sua distribuere, aut  
denique grauem seruitutis torquem seruorū cer-  
uicibus adimere velit? An ideo quod prodigus

Vide l. i. De  
curat. furio.  
et al. ext.  
min. dand.  
Dig.

Legō ἀνάσσει  
ἐν τοῖς μὲν αἰσ.

est, id illi non licere velle dicendum? Quid, si quū Λεγοβύλιος  
λεκτης.  
prædiū damnosum habeat, alter quispiam, qui  
vitio mederi possit, maiore pretio quàm quanti  
prædium sit, id emere, ipsūque damno leuare  
velit? An prodigalitas, quominus ille sibi consu-  
lat, vtiliterque negotietur, impediet? At rationē  
non video. Quod itaque dixi, rerum gestarū cō-  
ditio obseruator, & si in ea prodigi mores non cō-  
spiciantur, quod actū est, ratū esto: si verò a prudē- 462  
ti rerū gestione aberratū esse appareat, id neque  
approbatione neq; cōfirmatione dignū habetor.

VT CAPTIVI TESTAMENTI FACTIO-  
*nem habeant.* CONST. XL.

Idem IMPERATOR eidem STYLIANO.

**Q**ui olim edendis legibus operam nauaue-  
re, quum multa ad res humanas rectē mo-  
derandas in medium protulerint, lo-  
cuplēsque benignitatis suæ testimonium (leges  
nempe, secundum quas respublica concinno in  
statu conseruatur) reliquerint: tum haud scio  
qua ratione fecerint vt de captiuis tractatus,  
quibus de rebus suis statuendi potestaté non fa- L. 8. Qui est.  
fac. poss. Dig.  
ciunt, reliquæ ipsorum benignitati non respō-  
deret. Quæ enim de testamentis ipsorum legisla-  
tio cōplectitur, valde comiter ac benignè consti-  
tuta sunt. Nam quod statuerūt, vt interdū quā- L. ult. De test.  
et quemad. C.  
do inopia testium laboraretur, à minore etiam  
testiū numero testamentum obsignaretur: quin  
& nullis adhibitis testibus persæpe tamen testa-  
mentum ratum haberetur, quemadmodum Vide rittr. De  
test. mil.  
de iis qui in acie occumbunt, constitutum est:

F.iii.



permagnum sanè benignitatis est argumētum.  
 At de captiuis placitum iam dictorum non esse  
 simile, neque ex eadem benignitate prognatum  
 videtur. Quòd nanque de rebus suis constituere  
 illis non per mittunt, nō solum non benignum  
 aliquid de ipsis decreuerūt: verumetiam ipsam  
 captiuitatem alio modo intendunt. Quomodo  
 enim rursum illos in captiuitatem non ducunt?  
 aut quomodo malum irrecrabilisque tristitia  
 non adaugetur, & morte acerbiorē in corde ca-  
 ptiuus non circūferens aculeum, rebus excedit  
 humanis: quando non modò in captiuitate vitā  
 finit, verumetiam si qua apud contribules bona  
 habet, de his illi' constituendi potestas nō est: sed  
 suis rebus, tāquam alienis, expellitur, & quæ suis  
 laboribus quæ fuerit, pròque quibus suscepto peri-  
 culo in captiuorum infortuniū incidit, ab ho-  
 rum dispensatione eiicitur: Quomodo item, si  
 quos necessarios captiuis habet, vt liberos, vxorē,  
 fratres, aut alios, quos ad ipsius hereditatē  
 lex vocat, ii nō similiter omnes obuersis in hære-  
 ditatem ab intestato ad se deuoluendam oculis,  
 curam liberandi captiui, illius cōsequendæ spe,  
 non omittent? Nouimus siquidem res humanas  
 vt pauci admodum verum amorem conseruēt,  
 eiūsque vnius gratia ad opitulandum calamita-  
 te implicitis perpaucorū animus exciterur. At  
 qui spe nanciscēdæ cuiusdam remunerationis  
 ad ferendum indigentibus auxilium procedāt,  
 horum sanè longè maximus est numerus. Qua  
 re itaque moti cognatus' aliūsue quispiā capti-

Legō ὁχλόν  
 & κύριος.

Legō ἑταῖρος.

horum suscipiant curam: Si quidem de rebus  
suis statuendi facultas ipsis esset, nonnulli, labo-  
rem damnosum sibi non futurum reputantes,  
non segniter illum suscepturi essent. Cogitarent  
etenim (vt verisimile est) si aut conatus ipsorum  
ad finem deduceretur, captiuique libertatē con-  
sequerentur, se munus aliquod esse pro opera sua  
& labore accepturos: aut etiam, si conatus finem  
mors præueniens, captiuum de medio tolleret,  
illum in testamento suo eum qui ipsius curam  
habuisset, maiore portione quàm illos qui ipsū  
neglexissent dignaturum. Non enim immemo-  
rem fore ipsum, neque labores nihili facturum 463  
arbitrarentur. Hac igitur ratione (quemadmo-  
dum dixi) futurum esset vt aliqui nō indiligen-  
ter ad liberandorum captiuorum curam sese e-  
rigerent. Nunc verò quum hi testari prohibean-  
tur, illi autem ab intestato hæredes in bona con-  
cedant: haud scio si, qui pro liberatione labores  
suscipiat, quisquam inueniri possit. Successionis  
enim ab intestato spes, metusque ne in vanū la-  
boretur, si fortè liberationem mors præuertat,  
captiuumque rebus humanis eximat, *homines tar-*  
diores (vt ne prorsus animo alienos dicam) ad id  
aggrediendum facit. Quòd sanè non itidem con-  
tingeret si lex illorum testamenta irrita non fa-  
ceret. Iam verò si liberandæ animæ pretiū pro-  
pria cuiusque facultates sunt, quomodo non in  
hoc etiam captiui iniuriam lōgè maximam sus-  
tinent, quòd dum non sinuntur à lege de rebus  
suis statuere, etiam si velint, pro animabus suis

*Lego tuū ian-  
tē, omisso eis.*



nihil rerum suarū erogare possint? Ad hæc por-  
rò quum liberationis ratio hinc absurditatem  
contrahat, tum verò multò absurdissimum est,  
quòd dum testandi facultas captiuis non datur,  
frequenter illi qui inimicissimi fuissent, quòs-  
que ipsi, si viuerent, ne aspicere quidem sustine-  
rent, illorum facultatum domini existant. Qua  
quæso re quid possit esse turpius? Hoc igitur quū  
hunc ad modum sese habeat, non negligi debe-  
bere Maiestati nostræ visum est: sed quemadmo-  
dum in aliis pro viribus diuinitus nobis datis,  
vt rectè respublica nostra gubernetur sollicitè e-  
gimus: sic & de captiuis tractatum in melius cor-  
rigere decreuimus. Sancimus autè, vt dehinc ca-  
ptiui, quæ ipsos à testādo arcet legi neutiquam  
obnoxii sint: sed vt ipsis (si possibile sit) quinque,  
sin minus, tribus testibus præsentibus, extremā  
voluntatem siue literis cōmendare, siue sine scri-  
pto pronuntiare liceat: tamen vt qui ad testimo-  
niū assumpti sunt, reuera illam defuncti volun-  
tatē esse iureiurando affirmēt: idque siue quum  
liberi sub sint, illos bonorum suorū hæredes re-  
linquant, siue quum liberos non habeant, alios  
in hæreditatem introducāt. A Equum enim non  
putamus vt qui communis reipublicæ nominis  
æqualiter participes sunt, eiusdēque esse gen-  
tis censentur, non æquabili ex lege iure honorē-  
tur: vt videlicet qui liberi à seruitute sunt, statu-  
endi de rebus suis vti visum est potestatem ha-  
beant: quibus verò illa manus intulit, quasi cul-  
pam commiserint, quòd pro tribulibus propu-  
gnādo in captiuitatis necessitatē deuenerint, nō

item. Cæterum si captiuorum quispiam aut sua sponte aut eorū quorum in potestate est, vi adactus, hoc in animum inducat vti res suas ad hostes concedere testamēto iubeat: nequaquā tunc placitum ipsius ratum sit, quasque non pro' decoro reipublicæ Christianæ testamentū factum sit, in irritum concidat. Atque hæc quidē de iis qui vitæ finem testamento anteuertunt, sancta sunt. Si verò vltimus vitæ dies subito illi superuenerit, atque intestatus de medio sublatus sit: tū si qui ad quos hæreditas pertinet, siue ascendentes siue descendentes, supersint, ad hos illa cōferet: si verò nulli sint ad quos bonorū defuncti captiui successio spectet (dico quosneque ascendentes neque descendentes defuncti familia agnoscit) primū considerari an aliquibus debeat, deindēque deducto ære alieno reliqua bifariam in trientem & bessem diuidi, ac trientem demum in erogationē pro anima faciendā separari, alteram autem partem in fiscum recipi iubemus: tamen vt serui his non immisceantur. Hos enim, nisi æs alienū exolui nō possit, omnes libertate honorari volumus. Quæ eadem rerum disponendarum forma, quando nihil æris alieni fuerit, seruitutisque obnoxius (quemadmodū dictum est) sine hæredibus decesserit, custodienda erit. Quæ itaque nobis eius legislationis, quæ captiuos contristabat, in mentē correctio venit, per sacram hanc exposita est legē. Tua autē magnificētia sanctionē subditis notam facito: quōquā innotuerit, omnes de rebus suis, etiā quos captiuitas detinet, quocūque modo velint statuāt.

Lego τὰ πρὸς  
πρωτῶν.

Lego τὸν  
τῇ ἀποθνήσκοντι,  
ἐν τῷ ὁρισμένῳ  
φθιάσκοντι.

Lego πρὸς  
οὐρανῶν.



VT IN CIVITATIBVS, QVINQVE, IN  
*itineribus uerò & agris, tres testes ad testamentorū fidem suf-*  
*ficiant.* CONST. XLII

Idem IMPERATOR eidem STYLIANO.

**Q**Vum omnibus humanæ vitæ negotiis,  
 quæ testium fidem requirunt, inde robur  
 adesse oporteat: tum verò maximè  
 quæ vltimi vitæ nostræ dici cōtemplatione dis-  
 positiones fiunt, istiusmodi corroboracione in-  
 digent. Nullus enim reliquus modus est, qui re-  
 ctè ipsis ius dicet, nisi ipsis à testibus præsidium  
 adsit. Oportebat itaque, quo magis necesse est  
 statuta hominum è vita decedentium firma es-  
 se, eo quoque magis eadem per testimonia stabi-  
 liri. Verùm quoniam frequenter res propter co-  
 rum quæ strictius requiruntur penuriam, ad pos-  
 sibilem modum deduci videmus (quum nan-  
 que stricto iure vti non datur, quenque quo mo-  
 do potest vti necessitas est) de testium numero,  
 quot testamentis adesse debeant, statuere non a-  
 lienum à prouidētia nobis visum est. Atque hoc  
 quidem etiam sempiternæ memoriæ patri no-  
 stro in mentem venit: verùm quod statuit, non  
 valde id exactè statutum esse iudicatum est.  
 Quum enim superiorum legislatorum alius se-  
 ptem, alius verò quinque assumendos esse testes  
 censuisset (septem quidem in ciuitatibus, quip-  
 pe vbi propter hominum multitudinem, vt con-  
 sentaneum est, testes defuturi non sunt: in agris  
 verò & itineribus, quinque, quòd magna illic  
 plerunque hominum fide dignorum raritas sit)

I ego χρῆ-  
 στέναι τῶν  
 δὲ αἰ. & mox  
 γὰρ οἱ παῖ  
 μῶν πρὸς  
 τὴν τε λείαν  
 τῶν  
 Ομιτροῦ πα-  
 ραπνομέ-  
 νων.

Vide l. ult.  
 De test. &  
 quæ ad. test.  
 ord. C.

I ego χρῆ-  
 στέναι τῶν  
 αἰ. & mox  
 γὰρ οἱ παῖ  
 μῶν πρὸς  
 τὴν τε λείαν  
 τῶν

Quid pro d-  
 πρὸς χρῆ-  
 στέναι τῶν  
 αἰ. & mox  
 γὰρ οἱ παῖ  
 μῶν πρὸς  
 τὴν τε λείαν  
 τῶν

quum hoc (inquam) ita de illis constitutum esset, pater noster exuperantem numerum despiciebat, simul in ciuitatibus, simul in agris & itineribus per quinque testes testamētis vigorem attribuit: idque ideo (mea quidem sentētia) quod quanta nunc virtutis inopia humanam vitam occupet, considerarit. Attamen (id quod dictum est) non admodum exacta ratione placitum illud nititur. Dicat enim fortasse aliquis, aequalē numerum attribui non oportuisse, atque testimonium quod in agris & itineribus<sup>lego 3478- ad. 17.</sup> adhibetur, arētius contrahendum fuisse. Nos igitur quod ille neglexit non negligendum putantes, sancimus vt in ciuitatibus, quinque testibus stabilitū testamentum approbetur: in itineribus verò, & agris, aliisque inhabitatis locis, trium testiū confirmatio suscipiatur.

VT SUFFICIENS NUMERVS TESTIVM  
*testamentum ratum faciat, tamen si id neque illorum subscriptiones neque signacula habeat.* CONST. XLII.

Idem IMPERATOR eidem STILIANO.

**Q**Uæ in verbis residet obscuritas, multum quod tractatur inuoluere videtur, quippe quæ, tanquam expansa quædam nubes, tum intelligendi vim animo auferat, tum à 365  
 recta rerum administratione auertat. Hanc igitur obscuritatis caliginem vbi illis cōstitutio-  
 nibus quæ de testamentis agunt, neque mediocrem noxam rebus adferunt, circumfusam esse cognouimus: pulchrum fore rati sumus si illas



*I ego ὁ γὰρ  
δικαῖον.*

*Vide l. 21. De  
test. & quæ.  
test. ord. C.*

*Προπέντε λε-  
γο ἐπὶ α.*

repurgaremus, quomodóque testamenta confir-  
mari, aut non, oporteat, lege nó ambigua, neque  
quæ variè apprehendi possit definiremus. Qui  
ante nos de testamentis tractarunt, bifariam illa  
diuiserunt, & alia quidem scriptis, alia verò sine  
scriptis confici tradiderunt. Quin & modū quo  
vtrunque testamentū (& scriptum nempe & non  
scriptum) ratum fiat subiecerunt: vt scripti cō-  
firmatio in eo consistat, quòd viuēte etiamnum  
testatore testium subscriptione obsignationeque  
omnibus numeris absolutū sit: nuncupatiui ve-  
rò, siue non scripti, quòd septem non indigni fi-  
de testes, se audiuisse, quum ita testator lingua  
sua de rebus suis pronūtiaret, confiteantur. At-  
que his hunc ad modum constitutis, annectunt,  
scriptum testamentum, nisi ad scripturæ qua te-  
statoris voluntas significatur, perfectionem si-  
mul omnia conueniant, & testium subscrip-  
tiones, nempe quæ illis de synceritate testimonio  
sint, & signacula, quæ subscriptionibus fidem  
præbeāt: nisi hæc simul omnia (inquam) prius-  
quam is cuius id testamētum est è vita excedat,  
concurrent, omnino id irritū esse, vt neque tan-  
quā scriptū neque tanquā nuncupatiuū valeat.  
Ex quo sanè præoccupatiuo placito, quū non ad  
modū cautè (ne interim dicā malè) conceptū sit,  
cōfusio atque ambiguitas rē testamentariā in-  
uadit. Alii enim testamentū, velut adulterina se-  
mina, prorsus abiiciendū videtur, vt aliis quidē  
ex bonis vtilitatem capere permittatur, defun-  
ctis verò ne minimum quidem vtilitatis ex re-

bus suis accedat: si tamen defuncti vtilitatem aliquam sentiunt. Sentiunt autem quum ex ipsorum morte per beneficii erogationem nonnulli reuiuiscunt. Atque hi quidem (quo modo dixi) hunc in modum à rerum suarum vtilitate hominem prorsus arcere volunt. Quibus verò benignior sententiā animo residet, hi testamentum, quod sigillorum impressione perfectionem non accepit, si non vt scriptum censeatur, certè tamen qualem non scriptum & nuncupatiuum accipit, talem vigorem tribuunt. Nos itaque perplexitatem hanc adeò rebus humanis esse nocumento videntes, in benigniorum iudicum sententiam pedibus imus, veterisque legis caliginem & ambiguitatem in simplicem atque apertam cognitionem conuertimus, ac sancimus, vt quod testamentum, respectu eorum quæ scripto testamento adesse debent, imperfectum est, si tamen nūcupatiui testamenti testimonio non indigeat, vigore nuncupatiui testamenti firmum sit: sin testium fide indigeat, vt quod nihil ad faciendam fidem idoneum habeat, in irritum condat. Quæ enim ratio est, imò quomodo non omnino absurdum nimisque crassum est, aliàs testes istiusmodi approbatione, vt quæ nulla sui parte scripto mandata sunt, confirmet. dignari: aliàs verò, quasi qui per scripturam declarata confirmet, indigni sint, ita illos vilipendere: præsertim verò quum hic aliquo etiam modo fides corroboretur. Quomodo insuper id detestandam inuerecundamque æquitatis proditio-



nem non continet? Quid si testamentum scripto tradi cœperit, quôdque constitutum est, dignorum fide testium auribus insonuerit, deinde verò aut scribam morbus corripuerit, aut mors etiam ipsum sustulerit, & mox testator quoque enectus sit: ( vt multa hominibus ex improviso contingunt) num propterea quos is moriens beneficio dignos censuit, illi eo priuati iniuriam sustinebunt? Et verò, quod indignissimum est, non modò non cum vita id mali testatorem deserit, verumetiam mortuum insectatur, priuatque (quantum quidem ad eorum, qui testamentum irritum faciunt, sententiam attinet) misericordis Dei commiseratione, cuius participem illum fore, ex eo quòd ipso defuncto alii beneficiis subleuentur, spes est. Idcirco simulatque nostra potestas hæc animaduertit, euidentè atque indubitatam formam sancit, vt si testes tantum dicant illius hominis proprium id esse testamentum, id non improbetur, sed firmum atque ratum sit: tametsi non solum signacula, sed etiam cum illis testium subscriptiones desint.

VT PER SCRIBENDI IGNAROS TESTAMENTA ETIAM CONFIRMENTUR. CONST. XLII.

Idem IMPERATOR eidem STYLIANO.  
**N**ON quòd superiores, quia communis vitæ negotiis diligentem cautionem attulerunt, reprehendere velimus, legem proferimus: sed potius vt exacta ipsorū ratio in vsum recipiatur operam damus, resque ipsæ (quòd il-

las exacto ipsorum præscripto' respondere im- Lego εἰς τὰς.  
 possibile sit) ne, quoad eius fieri potest, debito suo  
 statu excidant, sanctione cauemus. At quid est  
 quod dico: Decretum est à veteribus de testamen-  
 tis tractantibus, ut per septem testes, minimum  
 autem per quinque, defunctorum statutis autho-  
 ritas accedat. Neque verò id simpliciter, sed ne i- L. ult. De test.  
 gnari literarum testes essent, si quidem in ciuita- et quæ ad C.  
 tibus, ubi non ferè peritorum penuria est, testa- Lego εἰς μὲν  
 menta facta sint: sed si aliis in locis in quibus li- ἀν.  
 terarum studia disciplinæque non admodum  
 visitatæ sunt, illic testium non exactè haberetur  
 ratio: neque illi soli qui ad literarum studium  
 educati sunt, quærentur, sed ad testandum &  
 literarum rudibus aditus esset. Quod itaque il-  
 lis in locis in quibus hominum scribendi peri-  
 torum abundàtia non est, lex fieri statuit, id cõ-  
 suetudo omnibus vbique locis & ciuitatibus,  
 quanquam magna doctorem hominum copia  
 esset, ita facere volentibus concessit. Quod sanè  
 & Imperatoriæ nostræ maiestati legum autho-  
 ritate dignandum esse placuit. Sancimus igitur  
 ut quocunque in loco & ciuitate etiam ab im-  
 peritis testamenta confirmètur: dummodo mo-  
 res testium fidem mereantur. Quin & numerum  
 non solum ad quinque contrahimus, sed iis in  
 locis in quibus raros fide dignos prodire con-  
 stat, tres quoque admitti, ac testimonium illo-  
 rum non reprobari volumus.



A Q VIBVS OBSIGNARI TESTAMEN-  
ta oporteat, CONST. XLIIII.

Idem IMPERATOR eidem STYLIANO.

467 Q Vum omnes alii hominum actus ac nego-  
tia, quæ in literas referuntur, necessario ex-  
quisitum testimonii subsidiū requi-  
rant: tum maximè id faciunt quæ homines na-  
tura sua ad interitum vergente, discessuque è car-  
ne imminente, literis exponunt, his in ipso è vi-  
ta excessu rationes suas & voluntatē committē-  
tes. Quæ enim inter vivos cōscripta sunt, quan-  
quā obsignata sint, nihilominus tamen illorum  
vitia ex verborum eiusqui scripsit, eorūque de  
quibus scriptum confectum est, examinatione  
deprehenduntur. Quæ verò à morientibus scri-  
pto constituuntur, ea se minus rectè habere, si nul-  
lum certum testium suffragium adsit, impossi-  
bile discere est. Verum enimvero & hic tractatus  
longè optime à legislatore cōscriptus est, dum  
sæpe testamentorum testes ad iusiurandum adi-  
gi nolens, illis census magistri qui nunc genera-  
lis appellatur, sigillo parari firmitatem iubet. Et  
enim quòd tanquam leuem promptūque ad  
iurandum aditum non præbet, insignique sigil-  
lo ambiguus testamentis vigorem tribuendo, vt  
iuramenta reprimeretur, fecit: ea sanè res & pru-  
dentissimi consilii & præstantissima est. Atque  
hoc quidem obtinuit olim. Postmodum autem  
consuetudo id mutauit, vt supra testes, eius qui  
ad quæstoris dignitatem peruenisset, sigillum  
testamento testimonium ferret. Et quidem illa  
etiam

*Lego dicitur.  
L. 23. De te-  
stam. C. quæ-  
ad. C.*

*Pro tunc lego  
m.*

etiam cōfirmatio maioribus nostris optima vi-  
sa est. Quos & nos sequētes, quo illa validior sit,  
iubemus vt sigillo magistri census ( quòd nunc  
ad illum neque legum cura neque administra-  
tio pertineat) nihil prorsus in obsignatione testa-  
mētorum iuris nec commercii sit, quemadmo-  
dum neque nunc id' illa obsignat) sed pro illo  
quæstoris sigillum obsignet. Neque verò hoc so-  
lum testamenta obsignet: verum etiam magni-  
ficentissimi nostri magistri & patricii, præfecti  
vrbe etiam, aliique qui iudiciis præfunt, sigillis  
suis illa fidei commendent. Verum hi in vrbe:  
in aliis autem locis & ciuitatibus præfecti, & in  
quaque prouincia præfides hoc sciūto & faciūto.

*Lego ὁ νόμος  
μαγιστρὸς καὶ  
αὐτὸν, ὅτι μοι  
ὁ νόμος μαγισ-  
τὸς διὰ τὸν Χ.*

VT SENTENTIAM IUDICES IN LITE-  
*ras referant, suaque manu obsignent.* CONST. XLV.

Idem IMPERATOR eidem STYLIANO.

*Vide tit. De  
sentent. ex  
breuic. re-  
cit. C.*

**D**Vm vt res iudicata firmæ mancant, & ne-  
qua suspicio atque controuersia sentētiarum  
insequatur, curam gerimus, hoc se nobis  
constituendum obtulit, vt quibuscunque diu-  
dicare ac dirimere lites obtigisset, de quibus re-  
bus iudicium pronuntiaturi essent, de iis senten-  
tiam de scripto ferrent, eamque manibus suis  
obsignarent: vt ne, si temerè iudicatum esse  
postmodum deprehendatur, negare illi suam  
sententiam possint: neque alii cuiuspiam suppo-  
sititia adulterinæque sententiæ scriptura efficta,  
illam in iudicium aliquē referre liceat. Quicun-  
que igitur iudicium dignitate honoratus est, de-



80<sup>e</sup> Hec  
pa.

hinc ita facito, ac quibus de rebus indicauit, decretum scriptū, suāque manu obsignatū edito.

\*ABROGATIO QVARVNDAM DE CV  
riis et decurionibus latarum legum. CONST. XLVI.

Idem IMPERATOR eidem STYLIANO.

Legō 6<sup>ti</sup> 2<sup>e</sup>  
2<sup>o</sup> 1<sup>o</sup> 5<sup>o</sup> 6<sup>o</sup> 1<sup>o</sup>  
7<sup>o</sup> 8<sup>o</sup> 9<sup>o</sup> 10<sup>o</sup>

**Q**uemadmodum ut quæcunque aliæ res in communis vitæ vsum assumantur, ipsarum commoditas facit, & quæ utilitatem aliquam adferunt, magni facimus, quæ verò ad nihil conducunt, contemnimus: sic omnino & ad legalium capitum compositionē nos accommodari oportebit, ut quarum vsum aliquis sit, qui bono quopiam rem publicam beet, hæ necessariò & ferantur & honorētur: quarum verò usurpatio aut nullius momenti aut mala sit, harum non modò non ratio habeatur, sed etiam è legum corpore exemptæ reiiciātur. Hæc idcirco dicimus quòd inter veteres de decurionibus & curiis latas leges, quædā grauiā intolerabiliāque decurionibus quæpiam munera iniunxerint: curiis autem priuilegium ut quosdam magistratus constituerent, suāque autoritate ciuitates gubernarēt, præbuerint. Quæ nunc, eo quòd res ciuiles in alium statum transformatae sint, omniāque ab vna Imperatoriæ Maiestatis sollicitudine atque administratione pendeant, tanquam incassum circa legale solum oberrent, nostro decreto illinc submouentur.

Vide titt. De  
decurion. et  
de eis dē pas-  
sim in Nouel.

\*ABROGATIO LEGVM QVÆ SENATU  
*prætores, decurionibus uero præfectos constituere cōcedebat.*  
 CONST. XLVII.

Idem IMPERATOR eidem STYLIANO.

QVod alius olim reipublicæ status esset, rerum ordo similiter alius erat. Quñ enim cuncta in Principis deliberationem non caderent, sed nonnulla essent de quibus discutere & iubere senatus officium esset, ea ab illo etiam proferebantur. Prætores itaque tres numero in vrbe rebus administrandis ab eo præficebatur, isque actus sanctione legis procedebat. Neque verò id in vrbe solùm, sed in aliis etiam ciuitatibus à decurionibus, ut vocabantur, præfecti quidam (non tamen quales hodie militaris præfectura nouit, sed excellentiores quidam, quique aliam curam demandatam haberent) præficebantur. Quum igitur aliter sese tunc res haberent, communis usus illam legem requirebat. Nunc autē quum omnia à Principali cura pendeant, Deoque opitulante ipsius prouidentia discutiantur & diiudicentur: ac verò illa lex nullū de se usum præbeat, cum aliis quæ de reipublica eiectæ sunt, hanc etiam eiiciendā esse statuimus. Quemadmodum enim legibus nondum enatis nascendi causam rerum usus præstat: sic quādo lex rerum utilitati non subseruit, eam abolendam esse sequitur.

*Vide l. 2. De orig. iur. Dig. Quumque cōsules.*

NE MVLIERES IN CONTRACTIBVS TESTIMONIUM PRÆBEANT.

CONST. XLVIII

G.ii.



Idem IMPERATOR eidem STYLIANO.

**H**Aud scio quomodo, re non exactiore iudicio disquisita, mulieribus ad dicendum testimonium procedendi facultatem dederint veteres. Illud saltem vulgò notum voluntandum animo fuerat, crebrum nempe in virorum oculos occursum mulieri dehonestamento esse: pudicam verò & honestā eiusdem rei fungam efficere. Qua ratione igitur illas ad testimoniū assumi permiserint, (vnde fit persæpe ut in magnis hominum turbis conuersentur, irreuerentiūque quàm mulierum sermo ferat, lingua vtantur) hoc, quemadmodum dixi, mihi dubitare subiit. Quorsum enim hisce visum est ut in negotia publica mulierum prodiret testimoniū, quibus iuxta atque viris testari permiserūt, quē admodū Scythicas mulieres cum maritis ad bella coarnari audimus? Et sanè quomodo, præter absurditatē ingētem, hoc naturæ etiam finium, quibus virilis muliebrisque sexus determinati sunt, tum confusionem tum euerسیونē non cōtinet? Quomodo item mulieribus (quas etiam domi obseruāter, nequaquam autem dissolutè atque indulgenter cōueniri oportet) debitam non produnt & verecundiam & honestatē? Si quidem ad ferēdum testimonium progressio, quum (eo quòd multorum illæ hominum commiscantur conuētibus, negotiis que implicantur virilibus) ad liberius loquendum quàm mulieribus decorum sit, fenestram aperiat: muliebris sexus submissos mores pudorēque adimit, atque ipsas

L. 18 De testib. Dig.

469

Λεγομαι μὴ  
μερομή.

ad inuerecundiam & procacitatem exercet. Iam  
verò res illa aliquo modo contumeliam etiam  
viris adfert. Quid enim hoc aliud nisi cõtume-  
lia, & ea quidem grauissima, erit, si, quarum rerũ  
tractatio virorum maximè propria est, ad illas  
sexus etiam fœmineus procedet? Quapropter  
non minus consuetudinem, quàm legis erratũ  
maiestas nostra corrigens, illis ad testandũ præ-  
cluserit aditum, ac proposita sententia sua decer-  
nit, legèque prohibet nequo modo mulieres ad  
cõtractuum testimonia accedant. In rebus au-  
tem peculiariter ad ipsas pertinentibus, quibus  
interesse viris fas non est (de partu loquor, & si-  
cui rei aliis sola mulier adhibetur) sua peculiararia  
virisq; occulta testantur.

*Lego prole-  
de mē m.*

NE SERVI AD DICENDVM TESTIMO-  
*nium admittantur.* CONST. XLIX.

Idem IMPERATOR eidem STYLIANO.

**T**estimonium quum magni momenti ne-  
cessariãque ad tuenda communis vitæ ne-  
gotia res sit, non à quibuslibet, sed ab iis  
qui extra ignominiam viuunt, ferri æquum est.  
Rectè ergo exquisita ratione de hoc disceptat le-  
ges, & non simpliciter ad dicendum testimoniũ  
cuique aditum præbent. Verũtamen, quia non-  
nullæ leges seruilis conditionis hominibus in  
quibusdam rebus testari concesserunt: visum no-  
bis est hoc nota inducendum esse: vt qui liberæ  
vitæ participes non sunt, in vniuersum ad testã-  
dum non admittantur, lexque Nouellarum cõ-

*L. 7. De re-  
stib. Dig.*

*Nov. 90. E-  
nimvero sũ*



stitutionum obtineat, & de quocunque simpliciter testimonio statuatur: idque in quacunque re siue testamenta, siue aliam humanæ vitæ actionem testimonium cōplectatur. Si enim illis quicum liberæ vitæ sint, vitam ingenuè, eaque libertate quam nacti sunt dignè non degunt, neque quantum fieri potest animi magnitudinem à seruitute liberā conseruant, sed in illicitarum actionum seruitutem subiguntur, testimonium dicere non licet: neque his, quorum vitam non esse liberam constat, ferre testimonium concedetur. Nam tametsi alius hīc seruitutis modus sit, attamen ea seruitus est quam libertatis dignitate participem esse indignum sit.

VT DONATIONES QUAE IN LITERAS  
relatae non sunt, ad quingentos usque aureos ualeant.

CONST. L.

Idem IMPERATOR eidem STYLIANO.

**Q**Vandoquidem multi aliās gratias relaturi, aliās benigno dūtaxat proposito moti, dona in nōnullos cōferunt: & de hoc capite distinctè tradēdum esse visum est, quales donationes non euerti, qualesque contrā irritas esse oporteat. Atque veteres quidē hac de re tractantes pronuntiarunt, illam donationem con-  
cidere ne firma sit, quæ quingentorum aurorū summā exuperat: nisi in acta publica relata sit: quanquam etiam donatarius donationis certā probationem propria donatoris manu solennēque modo scriptam abstulerit. At nescio quid si-

De hac cōsti-  
tutione sta-  
tue ex l. 34.  
De donat. C.  
Lego B. C. 4.  
cis 10.

bi illi superflua hac subtilitate velint. Quando enim donatio scripto comprehensa, ei que iustū testimonium adhibitu esset, quorsum amplius accurate finire oportebat? Nobis itaque, exacta hac definitione, quam neque de donationibus dictam esse omnino scimus, per sanctionem conscripta, illud proponere visum est, ut si donatio quæ quingentos aureos excedit, in literas relata sit, rata permaneat: quæ verò scripto comprehensa non est, pro eo modo qui quingentos aureos excedit, irrita sit: tametsi donatarius presentibus testibus rem donatā adeptus sit. Etenim donatio cuius æstimatio quingentos aureos non superat, etsi conscripta non sit, dummodo tribus testibus confirmetur, rata iudicatur. Ad hanc ergo formam examinata donationes aut valeant aut irritæ sint.

*Lego & dicitur  
p. 103*

*Mendo f. 103  
c. 103*

\* DE INVENTO THESAURO, CVIVS  
esse debeat. CONST. LI.

Idem IMPERATOR eidem STYLIANO.

**B**Onum sanè atque salutare esset, si diuinis salutiferisque morè gereremus legibus. Minime enim tum humanis indigeremus, illarumque luce tutam viam monstrante, humano ex legibus auxilio nobis non esset opus. Verum quoniam cæno atque luto omnes emergere, diuinisque præceptis in cælum tollentibus eleuari difficile est: humano generi salutē etiam humana prudētia per leges suas adinuenit. Quapropter etiā hunc, quum, quāquam Dominus &

G.iii.



Seruator noster misericordes esse, eorūque qui inopia premuntur, illos qui ipsius donis fruentes in affluenti rerum copia viuūt, angustis succurrere iusserit: nonnulli tamē ita in dominum ingrati, ergāque communem hominum cognitionem commiserationis expertes sint, vt non modò non benignam manum egentibus præbeant: verumetiam, tāquam solis quoque radiis tetricos thesauros suos aspicere inuideāt, in terram illos defodiant: de inhumano hoc inuento in medium legem prodire oportuit. Quæ quidem lex quum olim lata fuerit, victa autē postmodum à cupiditate, quæ multas egregias res labefactat, ab eadēque suo vigore priuata sit: nunc ab Imperatoria nostra Maiestate in integrum restituitur. Iubebat autem illa vt qui in defossū thesaurū incidisset, si prædiū in quo inuētus esset, ad Principē pertineret, alioquin publicū esset, illū ex æquo cum fisco partiretur: si verò locus vnde thesaurus in lucem prodisset, neque ad Principem pertineret, neque publicus sed alterius cuiuspiā esset, is æqualibus partibus inter inuentorem prædiique dominum diuideretur: denique, si inuētoris prædium esset, ipsi res inuenta vniuersa cederet. Atque hæc quidem lex illa faciit. Verū peruersa cupiditas, haud scio quomodo illa circūscripta, iniquoque lucro fisco donato, illi in hunc vsque diem inuentū thesaurum attribuit, legemque otiosam reddidit. At quid hinc contingit? Qui alicubi reconditos latere thesauros sciunt, dum alios laboribus suis

Lego κετο-  
ρωρυμένω  
σινωρωφ.

L. 3. Si in lo-  
cis, De iur.

fisc. Dig.

Tit. De the-  
sau. C.

gausifuros, se autem frustra illos subituros, quin  
& interdum acerbis examinationibus subiiciē-  
dos considerant, illos inuestigare negligunt: ita-  
que in perpetuum recondita manent & pereunt  
quæ in lucem producta magnam hominibus e-  
rant vtilitatem allatura. Iubemus ergo vti de-  
inceps secundum veteris legis æquitatem iudi-  
cetur, & quando thesaurus aliquis inuentus fue-  
rit, si locus vbi inuentus est, in publicis Impera- 471  
toriisue fundis sit, inuētor illum cum fisco par-  
tietur: si verò alterius cuiuspiam sit, simili mo-  
do ipsum & inuētor, & loci, in quo thesaurus in-  
uentus est, dominus inter se diuidant. Caterum  
si improbus esse, neque quicquid repererit, confi-  
teri inuentor omne velit, sed dolo mendaciisque  
ex re reperta nonnulla detineat: in vanum tunc  
ille laborarit, & tanquam malitiosus rerumque  
alienarum occultator & fur, nihil omnino acci-  
piat, ac beneficium loci domino soli cedat.

Lego *revois*

VT TAM VETERVM PRINCIPVM QVAM  
*recentiorum numismata, modò iusti ponderis probæque mate-  
riæ sint, ualeant.* CONST. LII.

Idem IMPERATOR eidem STYLIANO.

**S**I pecuniarum nerui copiosa illarum mate-  
ria est, remque publicam pecuniarum vis sta-  
bilit: rectè profecto veteres defectum, velut  
morbum quendam ac tabem, inde profugarunt,  
dum omne genus numismatis, etsi ad veteres &  
priscos Principes referretur, similiter valere vo-  
luerunt. Verum egregium hoc institutum haud

Lego *χρημα*  
*των*

L. i. De veter.  
numis. potes. C.



scio qua de causa posteriores Principes in eadē forma consistere non permiserint, ac, tanquam subditorum opulentia inuiderent, quæ numismata superiorum Principum effigiem ferrent, iis publico usu interdixerint: sua verò sola in cōmuni cōmercio esse voluerint. Næ illi quantum hinc in communibus negotiis nouitatis, quantum item detrimenti, quod cum ad omnes, tum præcipuè ad pauperiores, potiùsque auxilio & fœsione indigētes pertineat, existeret, intelligere noluerunt. Certè mercatorum vulgus, quique alioqui manibus victum quærītāt, & demum vniuersa rusticorū natio, dum, antiquata ea qua hætenus vsi sunt pecunia, alio modo res necessarias sibi parare non possunt, in perquam angustias adiguntur angustias. Eapropter nos nouo recentiorum placito non acquiescentes, veterum autem prouidentiam sequentes, sancimus vt secundum benignum illorum reique publicæ commodissimum iudicium, numismatis omne genus (quod quidem formam materiāque non adulteratam, & plenum pōdus habeat) siue vetustioris cuiuspiam Principis, siue recentioris sit, æqualiter & æstimetur & in republica tractetur. Pœna verò eorum qui rebelli animo decretum hoc contemnent, fuerit, vt flagris cædantur, & cute tenus tondeantur, insuperque libras auri tres dependant.

\*VT CUIQUE TAM INTRA CIVITATES, QUAM EXTRA MORTUOS SEPELIRE liceat. CONST. LIII.

Idem IMPERATOR eidem STYLIANO:

**M**Ea quidem sententia, leges ciuiles non  
ea modò quæ communi subditorum vi-  
tæ profint, præscribere: verùm de iis e-  
tiam qui iam vitam finierūt, humanæ commi-  
serationi cōuenientia decernere decet. Quæ au-  
tem defunctorum corpora ignominia contu-  
meliaque exponant, ac per quæ communi ho-  
minum naturæ dedecus atque turpitudine concilietur, nequaquam in leges sunt includenda. At  
quòd lex mortuos nō nisi extra ciuitates huma-  
ri vult, quomodo id humanam naturam dede-  
core afficere non est? Et quidē si hoc præcipiens,  
de iis humanis ageret quibus facilem elatio-  
nem facultates, quas viui habuerāt, suppedita-  
rent, fortasse lex aliquam ad id iubendum ratio-  
nem habuisset. Quanquam tunc etiam ad ami-  
corum, cognatorum, necessariorumque defun-  
cti commiserationē respicere oportebat. Quo-  
rum dolori atque orbitati magnum sanè sola-  
tium est, si amici sui sepulchrum amplexari ac  
in id lachrymas profūdere possint. Quæ officia  
extra ciuitatem sepulto nō facile est exequi. At-  
tamē si illos solū extra ciuitatem sepeliri vel-  
let, quibus id ipso mortis die per facultates faci-  
le esset, ad eam inclementiam aliquam lex oc-  
casionem haberet. Verū nūc quum inclemē-  
tia illa simul ad omnes se extendat, quomodo  
non manifesta est absurditas? quomodo legem  
in naturæ opprobriū ferri non esse euident? Qui  
enim, dum adhuc viuerent, inopes & deserti e-

12. Tab. nē-  
pe quæ ha-  
bet, in urbe  
ne sepelitoz

472

I ego d' b'm  
nē

I ego ei exet  
vols



*Lego ὁ ἄρχιεπίσκοπος*

rant, quomodo mortui ipso mortis die humabuntur? Quomodo item, quum propter paupertatem sepultura non accelerabitur, multis diebus insepulti non miserabile simul & horrendū spectaculum iacebunt, tabescentēque hominum naturam dedecorabunt? Extra hæc autem, quum mortui interdum, famuli Dei appellentur, propterque cælestem gloriam colātur, ipsorum corpora inhumata abiici, quomodo id verò expiationi etiam obnoxium non est? Ne igitur villo modo inter ciuiles leges hæc lex recensatur sancimus: quin potius, vt à consuetudine rectè contemnitur, sic etiam decreto nostro prorsus reprobator. Quicūque autem siue extra muros, siue intra ciuitatem sepelire mortuos volet, perficiendæ voluntatis facultatem habeto.

\*VT DOMINICIS DIEBUS OMNES AB  
operibus vacent. CONST. LIIII.

Idem IMPERATOR eidem STYLIANO.

*Lego ὁ ἄρχιεπίσκοπος*

**P**Ræstantissimum illorum est studium, qui se edendis quæ communi vitæ utilia sint præceptis dedunt, dignique sunt, eo quòd ad subditorum vtilitatem omnes suas curas intendūt, quorum pius in rem publicā amor laudibus celebretur, ac præcepta sanctè obseruentur. Interim verò multo æquius fuerit illis potius istiusmodi reuerētiam attribuere quos maiores pro humani generis salute, tanquam vniuersi terrarum orbis legislatores, suscepisse solitudines constat, quasque leges tulerint, has a-

liis omnibus anteferre: idque non solum propter id quod dixi, quod videlicet ad hominum utilitatem, incomparabiliorem susceperint atque contulerint curam: sed quod etiam divini numinis virtute scripserint sua decreta. Quoniam itaque illorum inter discipulos procerum legi, quæ Dominicæ resurrectionis diem cessatione ab operibus omnes venerari mandat, legem aliquam contradicere cōspicitur, quæ non omnes sinul operari prohibēdos, nonnullisque vti operetur indulgendū esse censet. ait enim, OMNES IUDICES, VRBANA EQVE PLEBES, ET CUNCTARVM ARTIVM OFFICIA, VENERABILI DIE SOLIS QUIESCANT. RVRI TAMEN POSITI, AGRORVM CVLTVRAE LIBERE LICENTERQVE INSERVIANT. cuius istius diei dehonestationis nulla ratione nititur causa. nam quanquā fructuū cōservatio prætendi posse videatur: nullius tamē illa momēti réque vera futilis est: quū non agriculturæ diligentia, sed solis virtus, quādo frugum largitori visum sit, fructuum abundantiam suppeditet. quoniam, inquam, istiusmodi lex in lucem prodiit, quæ Domini cultū vilipendat, diuersumque a illis, qui cōtra omnes aduersarios à Spiritu sancto victoriam obtinuerunt, decretum præscribat: statuimus nos etiam, quod Spiritui sancto, ab ipsoque institutis Apostolis placuit, vt omnes in die sacro, quodque nostra integritas instaurata est, à labore vacent: neque agricolæ, neque quiquā alii in illo il

Lego τῆς Δύσεως

Lego πάντας  
Lego ἀσέκπτως

Lego ἐν νόμῳ  
Verba l. 3. De  
feriis, C. qui-  
bus iustitia  
Gracis restituū-  
tur.

Pro ἢ λέγομεν

Lego ἐξ ἁγίου  
πνεύματος



icitum opus aggrediantur. Si enim qui umbrā  
quandam atque figuram obseruabant, tantope  
re sabbathi diem venerabatur vt ab omni prorsus  
opere abstinerent: quomodo qui gratia lucem  
ipsamque veritatē colunt, hos cum diē qui à  
Domino honore ditatus est, nōsque ab exitiū  
dedecore liberauit, nō venerari par est: aut quomodo,  
quū ex septē diebus vnus in Domini honore  
consecratus sit, nos aliorū ad opera vsu cō-  
tentos non esse neque illum Domino eximium  
& inuiolatum conseruare: sed ipsum etiam vul-  
garem facere, nostrisq; operibus applicādum  
putare, religionis non est prorsus dissoluta?

Ego μὴ ἀφ-  
αί. 3ου  
Ego μὴ οὐ  
ἀφ' αὐτοῦ

\*VT IVDAEI SECVNDVM CHRISTIA  
nismaritus uiuant. CONST. LV.

Idem IMPERATOR eidem STILIANO

**Q**UOLIM sceptris potiti sunt, de Hebræo-  
rū gente (quæ quondā quoad diuino pa-  
trocinio foueretur inclyta fuit, nūc  
autem ob contumaciam in CHRISTVM &  
Deum nostrum, in calamitatibus celebris est,  
diuersas promulgarūt leges quæ de ipsorū vitæ  
statu tractantes, iubent vt sacras ipsi scripturas  
legant, & ne à suis ritibus arceantur. quin etiam  
vt liberos supra sanguinis cognationē circunci-  
sionis etiam cognatione suo instituto accōmo-  
dent. Atque hæc quidē qui olim (vt dixi) im-  
perium obtinuerunt. Verū sacratissimus Prin-  
ceps ille ex cuius semine nos nati sumus, vt qui  
in maiore quàm cæteri salutis ipsorum desiderio  
teneretur, hos in sola superiorū legum obserua-

Ego δὲ πᾶ  
σιν pro δὲ  
ταῖς

Vide Nov.  
146.

tione relinquere (quod ante illū alii fecerant) nō contentus: sed partim sacrorū oraculorū explicatione, partim eorundē admonitionibus ad salutarem Christianorum cultum traducens, viuifica baptismi aqua initiauit. Atque quod ipsos in nouum secundum CHRISTVM hominem transformari debere persuasit, vt veterē deponerēt plenē effecit, & quæcūque vetustatem saperēt, circūcisionem, sabbathū, & siquid aliud est, cum illo simul exiit. Atqui quū tanto cum effectu à Iudaica pertinacia ipsos deduxisset, nō etiā prioribus legibus, quæ Iudaico ritu viuere permittebant, silentium & vacationē alterius legis decreto imposuit. Quod igitur pater noster prætermisit, id nos adimplendum putātes, omni antiquiori, quæ de Hebræis statuit, legi silentiū in iūgimus: & ne illi aliter quā purā salutarisque Christianorū fides vult, viuere audeāt, iubemus. Quod si quis à Christianorū ritibus defectione facta, ad Iudæorū mōres & placita reuerti deprehendatur, hic secundum leges de apostatis latis, poenas luat.

*Vide tit. de apostatis. C.*

\*DE ORIS MARITIMIS. CONST. LVI.  
Idem IMPERATORE eidem STYLIANO.

**H**AEC etiam lex quæ maritimorum prædiorum ius tollit, eorum vnde apud oras mare conspicitur: quæque insuper illorum dominum, si illic piscari volentes prohibeat, iniuriarum actioni subiicit: nobis non æqua statuere visa est. Quicquid enim

*L. 13, Si quis me. C. 14 De iniur. C. fam. libel. Dig.*



474 non iniquo titulo in cuiuspiam dominium de-  
uenit, siue parentum hæreditas laborumue e-  
molumentum, siue alio quocunque non illegiti-  
mo modo paratum sit: quæ causa est quamobré  
id non ab eo qui in dominio habet, administre-  
tur, & illi non longè potius quàm alteri cuiuspiam  
vtilitatem præbeat. Non est igitur legis, quæ qui  
dem æquitatē spectet, vt alios ad vtilitatē rei, in  
quā nihil iuris habēt, introducat: illos verò qui  
aut solutū pretiū, aut cognationis ius, aut deni-  
que alium aliquē possidēdæ rei nō illegitimum  
titulū laudāt, illa priuet. Iam verò quòd, quum  
ab illo, tanquam loci illius domino, annuum  
tributū exigatur, expellere inde illum, qui præ-  
ter ipsius voluntatem loci commodis vti velit,  
non possit: sed si hoc faciat, iniuriarū actionibus  
tētetur: quomodo id, præterquā quòd iniquum  
est, nō omnibus modis absurdū est etiam? Quid  
si prædii dominus piscatoriæ artis non ignarus  
sit, num ipsi otioso dormiendum erit, aliisque  
orarum emolumenta venari permittere debe-  
bit? aut, si otium non amplectetur, in aliorum o-  
ris errabundus piscabitur, in suis autem id ipsi  
non licebit? At quare ita fieri debeat nullam e-  
quidem rationem video. Sancimus itaque vt  
quisque oras suas inconcusso iure possideat, illo-  
rumque dominus sit, & si qui sine ipsius permissu  
illorum emolumento frui velint, hos propelle-  
re possit. Nam quemadmodum terrenis locis iu-  
ris est, vt quicunque domus dominus sit, is præ-  
ter illius vsum, vestibulū quoque atque atrium  
possi-

possideat: vt ita etiam maritimis obtineat, ratio-  
ni esse consentaneum putamus. Et sicut terrenis  
locis præter voluntatem domini ex alieno fru-  
ctus percipere nemini conceditur: sed si quis fru-  
ctus ex alieno colligit, eos vel benignitate do-  
mini percipiat, vel pro loci vsu vectigal soluat,  
necesse est: sic etiam maritimis obseruari præci-  
pimus.

Q VANTVM IN PISCATIBVS REMO-  
*ræ piscatoriæ inter se distare debeant.* CONST. LVII.

Idem IMPERATOR eidem STYLIANO.

Q Vandoquidem' quum plurimæ leges de  
piscatione statuât, illud quod ἐπιτομή (remoras

Adhibe cōst.  
102, et duas  
proximas se-  
quentes.

*piscatorias ferè semper uertam*) nominādum  
putarunt, adhuc lege definitum non est (quippe  
quòd, vt videtur, quo tempore leges illæ promul-  
gabantur, nondum id institutum innotuisset)  
hoc quoque legis constitutionem auferre volu-  
mus. Quam itaque iuris rationem in hoc pesca-  
tionis instituto pro legitimo decreto obtinere  
cōsuetudini visum est (vt nempe interstitiorum  
modus ad trecentos sexagintaquinque passus  
protendatur) hoc nos, quòd extra conueniētem  
modum non feratur, legis dignitate honorātes,  
dehinc legem esse sancimus. Nam tametsi citra  
hoc priuilegium, vt remoræ piscatoriæ ad hanc  
rationem disponantur, præsentis æui homini-  
bus bonum videatur: quo tamen id firmitus sit,  
cautiùsque in æternum obseruetur, lex esto, re-  
moræque illæ trecentorum sexagintaquinque



passuum interuallo, à consuetudine approbato, inter sese distante: idque ita ut ab utraque parte hic interualli modus desumatur. ut videlicet centum octoginta duo & semis ab vnius partis finibus exporrigantur, residuum verò ad vicinum usque pertingat. Atque hæc quidē de constitutendis introducendisque post hanc legem remotoriis dicimus. Quæ verò hoc decretum præueniunt, tametsi præstituto hoc interuallo non distent, ex eius præscripto tamen nihil nouabitur, 475 permanebuntque illa ut initio constituta sunt.

\*NE EX SANGVINE CIBVS CONFICIATUR. CONST. LVIII.

Idem IMPERATOR eidem STYLIANO.

Leuit. 7.

Act. 15. &

Can. 62.

**S**imul olim legislatori Mosi sanguine vescendum non esse mādauit Deus, simul ab istiusmodi cibo abstineri debere à præconibus gratiæ est constitutum. Et quanquam tum veteris tum nouæ gratiæ tempore illa res vilis habitata sit & nefaria: eò tamen contumaciæ imò vecordiæ homines processere, ut neutri legi aurem præstent morigeram. At contrà, alii lucri, alii gulæ causa, summa cum impudentia mandatū contemnunt, in escamque quæ vesci vetitum est, sanguinem conuertunt. Perlatum enim ad au-

Legonīs ἐν-  
τέροις.

Μαλὶν αὐ-  
θραίνων.

res nostras est, quòd' intestinis tanquam tunicis illum infarctum, velut consuetum aliquem cibum ventri præbeant. Quod tolerari non debere Imperatoria nostra maiestas rata, neque tam impio soli gulæ inhiantium hominum inuen-

to, nunc præcepta diuina, nunc reipublicæ nostræ honestatem dedecore affici sustinens, iubet nequis id scelus, neque ad suum vsum, neque ut emptores detestando cibo contaminentur, vlllo modo exercere audeat. Ac sciat quicūque dehinc diuinum mandatum contemnere, sanguinemque in cibum conuertere (siue vēdat, siue emat) deprehensus fuerit, se bonorū publicationi subiiciendum, & vbi acerbum in modum flagris cæsus ac cute tenus fœdè tonsus erit, perpetuo patriæ exilio multandum esse. Quo quidem in iudicio neque ciuitatum magistratus citra criminationem dimittendos censemus: sed ut & ipsi (neque enim si illi conuenienti alacritate magistratum gessissent, id scelus commissum esset) quod negligēter socorditèrque subditis præfuerint, decem librarum auri multam sustineant.

Lego ως τῆς  
TE

\*ABROGATIO LEGIS QUÆ HOMINEM liberum se uendere permittit. CONST. LIX.

Idem IMPERATOR eidem STYLIANO.

Quæ lex hominem liberum, qui tam ignis atque abiecti animi est ut libertatis dignitatē dedecore afficiens, quod execrabile pro seruitute persoluendi pretii lucrum participet, suam seruitutem mercetur, non castigat, neque scelus illud corrigit: profectò & illa earum vna est quæ rectum reipublicæ nostræ statum dedecēt, ac approbatione indignæ sunt, neque authoritatem & efficaciam accipere debent. Quum itaque illa lex ita constituta sit ut

Vide l. 5. De  
stat. ho. Dig.  
Lego ὅτι τῆς

Lego τὸν, &  
mox ὡς τῆς  
vov.



hominis deliri & amentis contractum firmum esse concedat, neque euerfa indigna illa mercatura, hos qui per insipientiam talia faciūt, competētibus pœnis subiiciat: eam neque legis propositum scimus seruare, neque quæ conuenienti legibus reuerentia potiatur dignam putamus. Si enim quod pater filiis est, id idem leges ciuibz esse oportet, vt in hoc vnum quod illis conducat ac salutare sit colliment: quomodo hanc legem, quæ tantum incommodum atque damnum incumbere iis qui per dementiam in id se coniecerunt, finit, legibus annumerari æquum est: Hanc itaque nos legibus excerptam in exiliū mittentes, sancimus vt si quis ita demens sit vt libertatem seruitute commutās seipsum vendat, ne is cōtractus validus sit, sed euertatur, & simul ipse libertatis suæ proditor, simul is qui cum ipso id facinus designauit, verberibus castigētur, nihilōque minus vesaniæ mancipio libertas in pristino suo statu seruetur.

\*QVA POENA CASTRATORES AFFICI  
debeant. CONST. LX.

Idem IMPERATOR eidem STYLIANO.

Virtutis ad procreādum à Deo naturæ inditæ exectio non minore cum audacia identidem cōmittitur, quàm si apud Deū nulli pœnæ obnoxia esset, quum tamen vel maximè sit: & quanquam veteribus legislatoribus curæ fuerit vt id malum vltrice lege excideretur, quò respublica ab istiusmodi inuento mun-

da esset: haud scio tamen, quum sicui alii, huic  
certè præscripto obtemperari, atque à naturæ  
mutilatione abstineri æquum sit, quamobrem  
non ita faciant homines: sed tanquam utilitatē  
quandam, istiusmodi aduersus generandi vim  
insidias reputantes, membra quæ homini na-  
scēdi causam suppeditant, lancinent, & creatu-  
ram aliam, quàm qualis conditoris sapientiæ  
placuerit, in mundum introducere contēdant.  
Hoc igitur quum inultum relinquendum non  
putemus, lege in id poenam constituētes, quibus *Lego ἀνέκ-  
στην.*  
adeo diuinam creaturam deformare religio nō  
est, eorum audaciam, auxiliante Deo, reprimere  
conemur. Ac superiorum quidem legislatorum  
decretum eos qui id auderent, ad eandem mu- *Non. 142.*  
tilationem quam aliis intulerint adigit, quod- *Lego πα-  
θούσι.*  
que ipsi in aliis videre desiderarint, id ut itidem *Lego ἐμοίγε  
δοκεῖν.*  
in se videant conficit: idque, me iudice, non ita  
præter æquitatem: quanquam non valde deco-  
rē. Non enim quia ille creaturam Dei *quasi* refin-  
gere ausus est, continuò vindicem id imitari, &  
pariter refingere æquum est. Veruntamē quan-  
tum ad inuentum attinet, non valde (quemad-  
modum dixi) id alienum est. Ad hoc autem alio  
etiam modo, qui impium hoc factum auderent *Lego τοῦ εἶναι  
τὸ ἀνόσιον*  
puniebat. Bona nanque publicabat, perpetuò-  
que ipsos exilio adiudicabat, & qui iniuriā sus-  
tinuisset, si seruus esset, libertate honorabat. At-  
que superiorum quidem decretum istiusmodi  
erat. Nos verò de re illa sententiam pronuntian-  
tes, naturæ insidiatores simili mutilatione vicif-



Legō ὁμοῦ ἐν  
τῷ

Legō ὁμοῦ ὅτι  
οἱ κ.

fini mutilari prohibemus: aliis autem isti crimi-  
ni constitutis poenis (tametsi hîc etiam ad cle-  
mentiolem sententiam respiciamus) subiaccere  
ipsum non displicet. Sancimus itaque, ut qui de-  
testandæ huius artis artificem ad castrandû ad-  
uocarit, si in albo Imperatorii famulatus sit, pri-  
mum albo eximatur, ac deinde decē auri libris  
in fiscum deferendis multatus, in decēnium re-  
legetur. Malæ verò istius artis artifex, & ipse pri-  
mum flagris cutêque tenus tonsione deforme-  
tur, & deinde bonis priuatus, eodē temporis spa-  
tio patria exulet. Qui autem iniuriam sustinuit,  
si seruilis cōditionis sit, reliquo vitæ suæ curricu-  
lo ab illa liber erit: sin liberæ, tanquā ipse, quod  
iniuriam admisit, eius sibi author sit, quod pas-  
sus est, suo consensui acceptum feret. Caterum  
si qui executionem sustinuit, ea illi (ut sæpe fit) re-  
medium attulerit, nihil neque nobis, neque le-  
gi aduersari videtur. Id enim naturam non mu-  
tilare, sed illi succurrere est.

477

TRIBVTORVM EXACTORES, SI PLVS  
quàm debeant exegerint, qua poena affiendi sint.

CONST. LXI.

Idem IMPERATOR eidem STYLIANO.

SI rectam æquitatis semitam mortales ingre-  
di vellent, sanequam magna hinc commu-  
ni vitæ tum beatitudo tum salus accederet.  
Non enim neque austeritatem præ se ferre legis-  
latoribus opus esset, neque vltrices leges in peri-  
culorum difficultates aliquos coniicerent. Nunc  
verò quanquam & commoda & salutaris æqui-

tatis via sit, plerique tamē illam ingredi nolunt: sed, tāquam laboriosa atque aspera sit, miseriasque viatoribus adferat, declināt. Sūt enim, sunt *inquam* quibus pessima quæque placent, quique ab æquitatis itinere deflecentes, ad iniquitatis viā dēsis spinis stratam (qua viatores in perditionis præcipitia aguntur) alacri auidoque animo se conferunt. Quorum etiam temerarium impetū veteres castigandum esse putantes, illum lege, tanquam fræno, inhibere instituerunt. Sed quomodo illi iniquitatem profligare, atque è diuerso æquitatē constituere studuerint, \*\*\* Et quis (quæso) quæ nostra maiestas suscipit, nō approbet? Quod verò in nōnullis non pro delicti merito poenā statuere, istiusmodi decretū amplecti recusamus. Quando etenim pro cōmissi ratione reis iudicium obuenit, æquū reuera decretū est, quæque illis irrogatur poena, iusta. At quando delictum grauius quàm oporteat punitur, non id iustitiæ sed potius iniustitiæ esse censendum est. Quocirca sanè, quum superiores legem promulgarint quæ illis qui colligendis publicis tributis præfecti sunt (*διοικηταί*) promiscuum vulgus appellare cōsuevit) si supra legitimum modum tributa extendere audeant, grauissimā poenam infligit: (morte enim id delictum persequitur) & verò non omnino meritò tātæ poenæ illos subici nos existimemus, admissionem illi denegamus, cōtrāque statuimus vt si quis in id crimen incidisse deprehendatur, semelque tantum id ausus sit, quod amplius exegerit, eius duplum

Lego συχνα

Lego ἀκατά.

Lego δέξαι.  
ζειν.De super-  
nactor. c.



dependat: sin id facere pergat, in quadruplum, quod amplius captum est, ad iniuria affectum redeat, illéque cum ignominia à concredito sibi officio decedat. Ac sit sanè posthac delicti huius hæc pœna, neque pecuniariæ fraudis reus devita periclitetur.

\*DE POENA EIVS QVI REM ALI-  
quam publicam uendiderit. CONST. LXII.

Idem IMPERATOR eidem STYLIANO.

**P**Vblicarum iniuriarum reos castigari, & huiusmodi pœnis quæ in illas pronos, ad temperantiam adigêtes, quammaximè iniurias succidât, subiici iustum est. At non idcirco amplius quàm par est puniri, neque ius, ut fines suos excedat, speciéque iustæ vindictæ cum iniustitia velut conspiret, cogi cōuenit. Si enim pro delicti modo qui deliquit puniatur, iusta ca iurisvltio sit: at si quàm pro eo pœna maior infligatur, iuris propositum seruari non existimo.

478 Eapropter nostra maiestas, posteaquam in iis quæ à superioribus constituta sunt, ubi eos qui publicæ rei aliquid diuendere ausi sunt, pœnis subiiciunt, non iustam sententiam proferri didicit: ut eius criminis persecutio non amplius hanc vim habeat decernit. Quomodo enim iustum est ut cuiquam, quia quiddam quod detrimentum fisco adferat vendidit, incurabile damnum, vitæ nempe priuatio, obueniat? Nequaquam itaque delictum illud morte puniri dignum est, neque nos hoc iudicio deprehensos feriri si-

Vide l. 3, &  
4. Quæ res  
uen. nō poss.  
c.

nimus. Quicumque autem publicam rem diuendere deprehensus fuerit, vbi quadruplum reddiderit, satis pœnarum sustinuisse putator.

\*DE POENA ILLORVM QVI RES VETITAS ad hostes transuehunt. CONST. LXIII.

Idem IMPERATOR eidem SYLIIANO.

QVin & hoc crimen, quum ex eodem fonte manet, eidēque pœnæ à superioribus subiectum sit, insanabili nos castigatōni (quippe quæ mortis pœnam contineat) eximentes, mitiore, quemadmodum & prædicta, dignamur pœna. A veteribus enim statutum est ne ad hostes transportentur quibus illi instrui firmioresque reddi possint: ac sanctionis decretum contemptores de medio tollebat. Nos verò isti quoque crimini mitiorē pœnam (licet acerbam requirat) assignantes, talia cōstituimus, vt si, qui res vetitas ad hostes trāsuexit, nauis dominus sit, consiliūque suum cum nautis non communicarit, is solus pœnam subeat, & supra vniuersum nauis onus, ni ipsum inopia valde premat, reliquorum bonorum trientem etiam fisco dependat. Si verò soli nautæ (vt multa illis maliciosum suum animum celantibus contingunt) id facinus ausi sint, ille quidem prorsus liber esto, hi verò pœnam non effugiunt: ac primū quidem flagris cæduntor, cutēque tenuis tondentor: deinde verò, si diuites sint, corū quæ exportarunt quadruplo multantor: sin inopes & pauperes, supra verbera ignominiosam

Legō διμίσ-  
σιον 2

Quæ res ex-  
port. non  
deb. C.

Pro μὴ πλεῖον  
μὴ.  
Legō ὅτι τῆς  
παιδὸς φέρει  
τῶ, αἰς



Lego ὅτι τὸ

Lego καὶ  
τοῦτο φιλεῖ  
θεῶς.

que tonsionem, 'quòd alios in seruitutem tradi-  
derint, libertatem amittunt. Nam qui quātum  
in se est, non modò quamplurimos in seruitutē  
ducunt, sed etiam *communi* vitæ acerbitem adfe-  
runt, tametsi ad seruilis vitæ conditionem adi-  
gātur, mediocris tamen 'hæc atque mitis poena  
est. Atque hæc quidem, quando *communi* con-  
sensu patratum non est facinus. Si verò *commu-*  
*ni* cōsilio & malitia res gesta fuerit, vt simul eam  
perpetrarunt, ita etiam vtrisque ad præstitutum  
à nobis modum castigandis, simul poenas sus-  
tinebunt.

\*DE POENA EORVM QVI NAVFRA-  
gum suppresserint. CONST. LXIII.

Idem IMPERATOR eidem STYLIANO.

Videl. 3. Itē  
qui, Ad l.  
Corn. de  
suar. Dig.  
Lego ἐπαρ-  
χῆς,  
Lego καὶ τὸ  
αὐτῷ

479

Illud etiam atque etiam admiror, quomodo  
qui naufragio eiectas res occultat, tātum de-  
linquere videatur vt id mortem 'ipsi inferre  
debeat. Quòd autem qui illos rebus suis defrau-  
dat quibus aliquis misericordia motus vel de  
suo 'sumptus suppeditet, 'quémque in corde do-  
lorem circūferunt, leniat (quum præsertim gra-  
ues cruciatus in bonorum amissione sustineri  
consentaneum sit) ille non mediocre flagitium  
audeat, id verò luce clarius est. Atqui quòd hos  
quos vecors cupiditas huc impulit, vita priuari  
oporteat, hoc *profecto* intellectu assequi nequeo.  
Nam quid tantum ablatum est vt cum anima  
conferri possit, qua priuari debere ille condem-  
natur? Pessimus quidē certè est & sacrilegus qui

se istiusmodi lucro mācipat: ac sanè ille (id quod ab aliquibus fit) mortuos spoliat. Veruntamen id facinus istiusmodi non meretur poenam. Pro re enim materiali & fluxa materiæ expertem atque immortalem, animam *nempe* capere, haud est æquum. Nam si persæpe neque in rebus materialibus mulcta illatum damnum longè superat, quò *in delictis* velut circuitum aliquem iniquitas excessu non conficiat: quam obrem tam inæqualis poena illos qui naufragorum res occultant, percellat, ut excessus, quem ultro ad facinus refert, exprimi verbis nequeat? Iubemus igitur ut de hoc non amplius ita iudicetur, sed pro re detenta, qui occultuit, quadruplum dependat, eaque poena id delictum defungatur.

\*DE INCANTATORVM PŒNA.

CONST. LXV.

Idem IMPERATOR eidem STYLIANO.

**Q**ui propter temulentorum incompositum malignumque animum, reprobandum esse vinum, cuiusque oblectamentum auersandum dicit: nā ille propter peruersum vsum rem per se nō peruersam sugillat. Ego verò promulgatam à veteribus legislatoribus legem considerans, eam quæ modò incantamentum malum esse rata, id punit, modò verò admittit & approbat, *quanquam* id ex ventium proposito malum nō fiat, sed sua natura, vitiositate, tanquam sterquilinia graecolentia, scaturiat: nō *tamen* illos legislatores repre-

l. 4. De ma-  
l. sic. & ma-  
them. C.



ἀλλὰ θεωρεῖν  
scriptū fuisse  
se puto.

hendendos dixerim: sed nequis legem (quòd meritò fiat) vituperet, eam ex legum quasi fūdo 'tol-  
lendam puto. Vult autem puniri incantationes  
eo quòd modestia animi sublata, stimulis furo-  
rèque amatorio rationem ad insaniam adigāt:  
ac approbat rursum illas, tãquam segetes & fru-  
ctus curèt, aliãque bona (vt ipsi quidem videtur)  
suppeditent. Atque *ita* quod tãquam insidiosum  
puniisset, idem rursum tanquam beneficum ho-  
norat. Atqui nos istiusmodi incantationes per-  
niciosas esse persuasum habemus, & vt boni quic-  
quam inde manare credamus, induci non possu-  
mus. Ac sanè etiam si boni quippiam producere  
illas appareat (quomodo *quidem* approbãti ipsas  
legi videtur) non *id* bonum esse, sed illecebram  
atque nassam, quæ illectos in malorū omnium  
extremum, vbi à summo bono excidant, absor-  
beat, compertum habemus. Notum enim nobis  
est illas, vt qui se ipsis dedūt, præ Creatore & Do-  
mino infaustis diris que dæmoniis adhæreant, ef-  
ficere: & qui illas affectātur, hos per externarum  
rerum lætam quãdam speciem vulnera in ani-  
mam excipere. Quale quiddã inter pugnandum  
meticulosus frequenter accidit, qui dum ictus in  
manus excipere nolunt, illis vel caput vel ven-  
trem exponūt. Sanè verò si quis aliquo modo in-  
cantamenti vsus esse deprehensus fuerit, siue id  
restituendæ conseruandæve valetudinis, siue a-  
uertendæ à rebus frugiferis calamitatis causa fe-  
cerit, is apostatarum pœnam subiens, supremū  
supplicium sustineto.

Λεγοῖσιν δὲ  
ἐγὼ ὡς

\*DE PLAGIO.

CONST. LXVI.

Idem IMPERATOR eidem STYLIANO.

**V**T iustitiæ libram non plus æquo ad misericordiam inclinare, ita neque nimia austeritate delinquentibus grauiorem quàm peccatum requirat pœnam imponi, honestum est. Illud enim (intempestiua cômiseratio nempe) (in illis quibus decorum excedere religio nō est, cōtemptum, & ad audenda mala feruentior promptitudinem gignat: & grauiore quàm pro merito delictum pœna ferire, id verò nō iustitiæ ultio, sed sub specie iustitiæ rem iniustam aggredi est. Nam non pro delicti modo delinquentem punire, iniuria afficere, nequaquā verò iustitiam exercere est. At quē in finem hoc dictum est? Quòd lex' quo nescio modo (est enim hoc constitutum) eum qui alienum seruum abduxit, mortē puniat. In quo illa pœnam ad delictum haud dubiè non expendit. Quē enim quod recuperari nequeat amissū nihil sit, mortis pœnam illi qui cepit inferri, irrecuperabilique ita damno subiici, non est æquū. Idcirco itaque ab iis qui digna morte non commiserūt, tam acerbæ pœnas exigī, ubi iniquū esse animaduertimus, quam legem consuetudo contēpsit (vt quæ vita plagiarium non priuet, sed alio modo puniat) eandem nos etiam legalibus cōstitutionibus eiicientes, quod consuetudini placuit, lege confirmamus: ac iubemus vt si quis alienum seruum abduxisse deprehensus sit, is eundem eiusdemque pretium, tum etiam quicquid ex indu

480

Lego τῆς, ἢ  
μοχ' ἀλαβῆ  
ῖς ἐμ-  
ποισεν.

L. 7. Ad l.  
Flau. de plagiar. C.  
Lego διώκει-  
ται.

Lego ζημι-  
ῶται.  
Græca haud  
temere intel-  
ligas.



stria eius ipsi accessit, reddere, & quantum dominus non amisso seruo eius nomine percipere poterit, tantundem dependere cogatur: atque ultra hæc delinquentibus poena nõ aggrauetur. Si quidem ita illi, qui seruum amisit, sufficienter damnum refarcitur, furique satis magna poena irrogatur: quippe quum ille seruũ cum accessione recipiat, & quam vtilitatem ex seruo non surrepto sensisset, illa non imminuatur: hic verò in duplum seruum surreptum reddere debeat, nihilque ex ipsius seruitute lucretur.

DE IIS QUI AD HOSTES TRANS-  
eunt, suãque sponte reuertuntur. CONST. LXVII.

Idem IMPERATOR eidem STYLIANO.

**S**Imul nimia austeritas & seueritas, simul immoderata lenitas & clemẽtia, ex æquo vtraque, quod utile est interuertunt. Etenim & qui supra modum præfractus est, & qui lenitate grauitate miscere nequit, vterque siue alicui vni, siue familiæ, siue ciuitati præsit, quibus præfectus est, cum illorum detrimento res administrat. Oportet enim vt qui rectè præfuturus est, quemadmodum temperata salubriãque loca æquabiliter mixtas habent aeris qualitates: ita & ipse affectionum commistione ad rerum administrandarum vtilitatem attemperata, se moderatum præbeat, & neque morositate grauis atque intolerabilis sit, neque indecora lenitate despicabilis & ad gubernadum ineptus fiat. Quod autem de aere dicimus, hoc certè & in legibus

Pro οὐκ ἔστι  
ἡ ἀρετὴ ἡ ἀρετὴ

seruari omnino conuenit . Nam oportet leges, quum reuera reipublicæ principes sint, quam di xi temperaturam conseruare, neque ad seuerita tem lenitatē mē supra modum respicere, si qui dem qui ipsarum rectionem agnoscunt, incolum es futuri erunt . Atque hæc quidem respectu præfractæ illius legis, quæ aduersus eos, qui ad hostes transfugerent, lata est, à nobis dicuntur. Vult autem illa vti transfuga, si quando pœnitu dine ductus, redeundo ad suos commissum de lictum obliterare velit, bestiis deuorandus obii ciatur, aut in furcam tollatur. Quod sanè mihi reipublicæ magnopere nocumento esse, ma gnāmque rationum ad salutem iter monstnan tium contrarietatem gignere videtur . Necessi tatem enim transfugis inducit ne vnquam re cordentur suorum, neque reuertendi in patriam concipiant desiderium . Nullus est enim omnium, qui quum se istiusmodi pœna excipiendū sciat, inter hostes viuere, quàm tam acerbā in patria mortem subire, nō malit. Quapropter rigidam hanc seueritatem, vt ne iniquitatē dicam, (nam cum qui deliquit, deindeque suapte spōte ad me dendū delicto resipiscit, tam acerbè puniri, quo modo non est iniquum?) ex iustissimis legibus profligamus, ac iubemus vt si quis transfuga in patriam recurat, quum semel duntaxat trans fugerit, veniam cōsequatur: si iterum id fecerit, in triennalem seruitutem diuendatur: si verò tertium transfugerit, reuersus in perpetuam ac æternam seruitutem addicatur . Tam incerti

L. 3. Is qui,  
De re milit.  
Dig.

481

Lego ἀπὸ  
πρωλειπῶ.



enim consilii homo, tamque inconstans, qui libertate fruatur indignus est. Cæterum si transfuga non ultro redierit, sed ab aliis cōprehensus in patriam retractus sit, morte tum illum, tanquam hostem puniri, neque iniustum neque crudele fuerit: præsertim verò si antè ciuili sanguine manus contaminauerit.

\*V T M O N A C H I E T C L E R I C I T U T O -  
res esse possint: sed ab administratione ac pupillorum rectione  
arceantur. CONST. LXVIII.

Idem IMPERATOR eidem STYLIANO.

No. 123. Por-  
ro Dei amur.

Lego ἐδοξε.

Lego τῇ πο-  
λυποῖω

**E**Dicere visum est veteribus legislatoribus ne monachi, aut quoscunque sacer ordo deuinctos habet, tutorum officio fungatur: quum (vt simile veri est) vniformis & simplex tunc temporis tutela esset, iique soli qui pupillorum tuitionem susciperent, tutorum nomine censerentur. Et certè quidem id rectè edixere. Intellexerunt enim, qui diuino ministerio cōsecrati sunt, hos ab externarum rerum occupationibus & molestiis liberos esse oportere. Quātum autem alendorum alioquique regendorum puerorum cura hominum animos distrahat, vtque Deum debite colere non possint impediat, nemo ignorat. Quum itaque non exigua difficultas isti rei insit, ac præcipuè propter temporis diuturnitatem (tota enim plerūque vita tutores laboriosis istis curis irretiti tenentur) rectè (quomodo dixi) istud illi decretum promulgarunt. Verum quoniam posteriores illis duntaxat qui tutelam administrarent,

strarent, tutorum appellationem non serua-  
runt: sed hos etiam quibus testatores, bona il-  
lorum existimatione moti, testamentarias de  
rebus suis præscriptiones committunt, ac post  
mortem earum executionem concedunt, tuto-  
res vocare cœperunt: ac verò inde dubitatio ex-  
istit an monachi, quique sacrum ordinē subie-  
runt, (quòd dictum decretum id non admittere  
videatur) hanc demandatam curam suscipere  
possint: nos discrimine adhibito sancimus vt  
ab illa tutela ad quam vetera tempora respicien-  
tia, promulgandi decreti, quod dictis personis  
ad illam aditum præcluderet, occasionem præ-  
buere, penitus illi arceantur: natam autem post-  
modum tutelæ speciem subire ipsis licitum sit.

Huius nanque muneris nō ita graues curæ sunt  
vt à diuino ministerio aliquem abstrahant, sibi-  
que totum astringant. Tum alioqui quāto hi il-  
lis qui prophanis rebus impurè inhærent, ac in  
terrenis sordibus volutantur, cautius diuiniús-  
que viuūt: tanto melius cautiúsque defunctorū  
præscripta expedienda esse spes est.

*Lego τῶν  
ἐκκλησι-  
ῶν.*

482

*Lego πρὸς  
τὴν ἀμελείαν*

CAECOS SECRETO TESTAMENTVM FACE-  
re posse. CONST. LXIX.

Idem IMPERATOR eidem STYLIANO.

**Q**Vandoquidem de eo, quomodo cecos te-  
stari oporteat, dubitatur, eaque dubitatio  
ex locis legalibus (quòd ea de re le-  
ges inter se diuersa statuunt) & ex ea quæ nunc  
obtinet consuetudine existit: neque hoc altius



L. 8. Qui te-  
stam. fac.  
poss. C.

Lego τῶν ἐ-  
κωτῶν

Nov. 119,  
Quia necdò.

Lego ἀπὸ τῶν  
τῶν

Lego καὶ ἐκ  
ματρὸν καὶ πα-  
τῶν, καὶ πα-  
τρῶν

Malim ἐκ τῶν  
καὶ

expendere atque repurgare inconueniens aut  
alienū putaui. Etenim aliā lex 'prohibet ne cæ-  
cus arcano modo testamētum condat, & ne ali-  
ter id vim habeat statuit quā si testes quæ con-  
stituta sunt, à cæci ore processisse, 'suisque auri-  
bus insonuisse asserant: atque per solum tabula-  
rium illorum fidem communiri non vult. 'Alia  
autem latam quandam ad arcanū testandi mo-  
dum mulieribus & illiteratis hominibus viam  
aperit, dum nullam aliam obseruationem præ-  
scribit, quā vt si testator literarum non omni-  
no ignarus sit, sua subscriptione testamentum  
corroborare debeat: si verò id præstare non pos-  
sit, pro se alium ad subscribendum assumat: at-  
que sic quidem ex legibus illæ inter se res diffideāt.  
Quomodo enim, si mulieres rudēsque litera-  
rum quāmpaucissimis voluntatis suæ consciis  
testamenta condent, quum fides in solo tabula-  
rio fluctuet, non ex eadem causa cæcus liberam  
testamenti factionē habeat? Iam verò & consue-  
tudo, non solum autem alterius legis ratio, cum  
lege pugnat. Etenim placet huic ne mulierum,  
'imperitorum literarum, cæcorumve testamen-  
ta arcanè facta vigore priuentur. Quod quum  
ita sit, nos quoque vt secretò confecta testamen-  
ta, siue cæcorum, siue aliorum quorumuis sint,  
authoritatem obtineant sancimus: illudque in-  
super statuēdo addimus, vt antequam testes iu-  
rent, subscriptiones eorum qui testamenta cō-  
scripserunt, in medium proponantur, quæ solumne  
quòd reuera illa scripserint quæ ipsa testatoris

lingua dictate audiuerunt. Et si quidem falsum commissum esse postmodum probetur, ipsos, si diuites sint, bonorum ademptio: sin pauperes, vehementia verbera & exilium in delicti poenam maneat. Quibus hoc insuper annectimus, ut si quando ad sui confirmationem (quod frequenter incidit) iuramenti testamento opus sit: ipsi etiam qui testamentum conscripserunt, vna cum iuraturis testibus rei fidem & veritatem corroborent.

*Fortasse scri-  
ptum fuit,  
Cicero de, de  
Desideratur  
supra dicitur.*

DE GRASSATIONIBVS. CONST. LXX.

Idem IMPERATOR eidem STYLIANO.

**Q** Vos communio in vnam aliquam eandemque conditionem coniungit, inter hos communes etiam animos esse ubique videas. Ita in negotiationibus socii lucrum damnumque aequaliter inter se partiuntur. ita itinerum comites, quum fortuito in rem aliquam incidunt, tamen si saepe vno illam momento pariter non conspiciat, eius tamen inter se ius communicant. Ita vero & commilitones, licet omnes non pari studio & impetu in hostem ferantur, attamen victoriae palmam ex aequo auferunt.

488

Quapropter etiam, ut qui malitioso consensu coitione facta, rem aliquam in quam a lege poena constituta est, inceptant (utpote si raptus committatur, vel parricidium alteriusve cuiuspiam caedes perpetretur) quanquam non omnes tantumdem momenti & opis in re peragenda conferant, eandem tamen poenam sustineant: sanequam recte veteri legislatori placuit. Et nos quoque

*De rapt.  
uig. C.  
L. 6. 7.  
Ad l. Pop. de  
parric. Dig.*



Vide l. 28.

Grassatores,

et Pamosos

De pœnis,

Dig.

que idcirco, quæ de his qui simul & communiter latrocinandi animo homines inuadunt, iam olim sancita sunt, approbantes, statuimus uti omnes, quotcunque fuerint, eodem supplicio afficiantur: tametsi parem operam rei perpetranda non omnes adhibuerint. Non enim si quis ipse manus inferenda neci non admouerit, continuo insons & à pœna immunis esse poterit. Quid enim si pressis ipse manibus, alterius tamen dextram ad cædem intenderit atque confirmarit: Sanè quòd manus homicida, à cõmuni peruersitate instigata, rem aggressa sit, constat. Nam nisi aliorum manus huic in subsidium præstò fuissent, non certè ita promptè homicidium perpetrasset. Propterea (quemadmodum dictum est) quanquam vno cuiuspiam ictu (quod fieri potest) mors illata fuerit, aliorumque manus suppetias non tulerint: ut eandem tamen omnes pœnam sustineant decernimus.

DE IIS QUI IN LOCIS ARABILIBVS  
aut vineis edificaturi sunt. CONST. LXXI.

Idem IMPERATOR eidem STYLIANO.

**P**Ræstâtissimum illud æquissimūque patris nostri sempiternæ gloriæ Principis placitum, quanto *videlicet* à vicini finibus spatium abstinere debeant qui in locis, quos hactenus aratrum secarit, in ve quibus vineæ cõstiterint, nouiter domus publicis muneribus assignandas ædificare velint: quoniam ab ipso in legum corpus transcriptum nō est, legis autoritate deco-

εις ἀπαλλή-  
ρωσιν  
Λεγο ἐχρά-  
σθαι

rari oportere iudicauimus. Statuimus itaque ut qui in locis ad sementem ex cultis nouas ædes cōstruere volunt, si loci amplitudo ferat, secundum illius placitum à vicini finibus tanto spatio adificent in quantum arcus iterata vice telum ei aculetur: sin tantum spatium interstitio loci angustia non præbeat, vno etiam arcus iactu hoc constituatur. Intra dictū autem spatium nouam domum extruendi nemini facultas sit. Cuius ratio euidentior est quàm ut exprimi opus sit. Quo enim ædificium propius vicini fruges ponitur, eo illi etiam noxa propinquior est.

*Lego ἐκείνῳ.*

UT PACTA ETIAM NON CONSTITV-  
*ta pœna ualent.* CONST. LXXII.

Idem IMPERATOR eidem STYLIANO.

**L** Egalī decreto, quod nudum pactum non actionem sed solum exceptionem parere tradit, nōnullos illudere videmus. Dum enim omne pactum quod pœna stabilitum nō est, nudum esse volunt: etiam si scripto comprehensum sit pactum, etiam si qui pactum inierunt, sua manu sacrosanctæ crucis nota scriptum signarint, etiam si diuini ternionis appellationes adiectæ sint: si tamen pœna constituta non sit, id ut inuolidum contemnunt ac reiiciunt. Qui sanè male sentiunt, minimè que iudicium suum comprobent, ut qui rebus diuinis communes res mortaliū longè præferendas censeant. Quam enim tantam, recto quidem hominum iudicio, pactis authoritatem adiectio pœnæ, quantā sacrosan-

*L. 7. Sed quæ nulla, De pœctis, Dig.*

484



Ætum signum, diuinitatisque nomenclatura in illis conspecta præbet. Sancimus igitur ut omne pactum, in quo ex diuinis hisce adiuuentis idoneum aliquid ad faciendâ fidem insit, quauis de pœna nihil scriptum sit, firmû solidumque robur habeat.

\*UT NEMO CVM MVLIERIBVS IN ECCLESIIARUM CœNACULIS HABITET. CONST. LXXII.

Idem IMPERATOR eidem STYLIANO.

**Q**Uæ res etiâ antequâ iurè prohibita esset detestabiliter cõmittebatur, ac verò post prohibitionē multo detestabilius audetur (quòd nèpe in ecclesiarum cœnaculis, quæ promiscuû vulgus κατηχούρια vocare solet, quidam cum mulieribus habitant) eam neglectim habere æquum non est: neque verò ita à nobis habebitur. Ac fuit hæc quidem res ad sextam usque synodû haud scio qua ratione impunè admissa: in ipsa autem sancta synodo, vbi penitius excussa esset, sacerdotibus ita habitantibus, remotionem à sacro ordine: prophanis verò à rerum sacrarum communione separationem induxit. Verùm ut plenè ab eo ausu ecclesias vendicaret, ad id sacerdotale decretum nō par fuit. Nam quum ad id usque tempus quo pater noster inclytus Princeps sceptrâ moderatus est, in republica constitisset: ut Principis decretum atque manus eam insolentiam sacris ædibus expelleret, oportuit. Quod nos quum dehinc obtinere velimus, statuimus ut omnino nullus, ne-

Legō κατηχούρια.

que sacerdos, neque prophanus in dictis cœn-  
culis cum mulieribus habitet: ac si quis sacram  
ad hoc modo foedare deprehendatur, hic illinc  
ignominiose Principali manu exturbetur. qui  
verò illi eum locum habitandum præbuit (siue  
sacerdos, siue aliquis aliusqui templum procu-  
rat, sit) ipse quoque propter legis contemptum sa-  
crorumque prophanationem procuratore pe-  
riclitetur.

\*NE ANTE LEGITIMVM MATRIMO-  
nii tempus futuris coniugibus benedicatur.

CONST. LXXIIII.

Idem IMPERATOR eidem STYLIANO.

**Q**Voniã in iis quæ à sacra magnâque sex-  
ta synodo de nuptiis in duodecêtesimo ca-  
none præcipiuntur, quiddã civilis iu-  
ris placitis contrarium existere videtur (synodus  
enim, ne sponsa, viuente adhuc sponso, in matri-  
monium alteri cõiungatur, in vniuersum pro-  
hibet, eãque rem pro adultério habet: civilis  
autem lex nequaquam talem dissolutionem ma-  
gnum aliquod esse crimen iudicat: sed si matu-  
rius quàm pro connubiali tempore solẽnis nu-  
ptialis benedictio celebretur, in solis arrhis, &  
quicquid pœnæ nomine promissũ fuerit, depẽ-  
dendis, pœnam circuncludit) quoniam itaque  
ipsum cõtrarietatis velut vulnus hinc acrior ra-  
tio cõspicit: (quòd enim post benedictionẽ diri-  
mantur, in eo vera sponsaliorũ dissolutio statuẽ-  
da est) sancimus, ne prius benedictiones celebrẽ-  
tur, quàm legitimum matrimonii aduenerit

Confer eum  
const. 89  
non delectum  
puto.

Vide tit. De  
sponsal.

Cum altero  
scilicet inito  
matrimonio:  
quo obscuro  
hic locus  
aliquantum  
illustratur.



Lego *et*  
485

tempus, quod in maribus decimumquintum,  
in foeminis decimumtertium expectat annum.  
Sic enim & benedictio tempestiue fiet, & despon-  
fatis à se inuicem diuertētibus, quod perfectum  
matrimonium dirimāt, à ciuili lege iudicium,  
quod ecclesiæ placitis non aduersetur, obueniet.

\*VT QVI VIGINTI ANNORVM EST,  
*hypodiaconus creari possit.* CONST. LXXV.

Idem IMPERATOR STEPHANO san-  
ctiss. Constantinopolitano Archiepiscopo, &  
Patriarchæ vniuersali.

Idem habes  
conf. 16.

SI sacrorum decretorum sanctio ad res ciui-  
les transiens, in illis saepe plus authoritatis  
quàm ipsæ ciuiles de iisdem rebus tractan-  
tes leges habeant: quanto magis sacra decreta in  
suis rebus ciuilibus legibus præualebūt? At quid  
est quod dico? Sexta synodus vicenarium hypo-  
diaconum ordinari posse sancit: huic verò ciui-  
lis lex contradicens, viginti annis quinque ad-  
metiri iubet. Nos itaque, vti sacram legem sacer-  
ordo sequatur conuenire rati, vt ad hypodiacon-  
atum, qui quidē eo digni sunt, anno ætatis suæ  
vigesimo admittantur, sancimus.

Nov. 123, Cle-  
ricos autem.

\*DE POENA FALSVM TESTIMONIVM  
*dicentium sacerdotum.* CONST. LXXVI.

Idem IMPERATOR eidem STYLIANO.

QVæ præconibus Dei (sacro sanctis Apo-  
stolis nempe) sacræ sanctiones ascribun-  
tur, sacerdotes falsò iurasse deprehe-

fos, sacra dignitate priuant. Civilis verò reipublicæ moderatrices leges, vbi huius rei constituendo tractatui incumbunt, falsum testimonium bifariam diuidunt: & quod falsò dictum in causa criminali deprehenderint, remotione à sacro ordine puniunt: qui verò in re pecuniaria falsum testimonium dixerint, hos ad tēpus relegando, non autē penitus remouendo puniunt. Nos igitur iubemus, vt qui iurati falsum testimoniu, siue in causa criminali, siue pecuniaria tulerint, prophani illi à sacerdotio abspellātur: at si ad falsum testimonium iusiurandum non accesserit, qui falsum veritatis specie obtegere conati sunt, in triennium relegentur, delictique conuenienti pœnitentia facta, in pristinū suum restituantur statum. Relegandi autem in monasterium aliquod erunt vbi illos ad aetiores vitæ quandam normam viuere oportebit.

Canone 24.

Not. 123. Re  
uerēdiss. pre  
sbyteris.

\*DE FALSARIORVM POENA.  
CONST. LXXVII.

Idem IMPERATOR eidem STYLIANO.

**C**Vm in plerisque aliis, tum præcipuè in legum tractatibus reprehendenda obscuritas est. Nam' sicubi alibi, illic certè distorto intricatòque dicendi genere vacare, rectèque informari orationem (ni fallor) oportet. Non enim arcana quædā sanctiones legis sunt, vt à multitudinis intellectu remotæ esse debeāt: sed potius, si fieri posset, neminē illas latere, neque virum, neque puerum, neque mulierem, o-

Plena locu-  
tio erit, & qd  
ἐκείνη ἐστὶν ἡ  
ἡ πρὸς



portebat. Quippe quòd id ad hominum mores in melius conuertēdos, communisq̃ vitæ utilitates vel maximè conduceret. Ob id quum in difficilem illum legalium capitum locum incidissemus, vbi ipsis verbis, quasi legislator in eo quid diceret occultare voluisset, ita comprehē-

Widel. 12. Ad  
l. Corn. de  
fals. C.

486

sum est, 'FALSARIUS IN MAXIMO DELICTO SUPPLICIO CAPITALI AFFLICTUS: quum quale tandem maximum illud delictū esse legislator ipse existimarit, non constet, illéque eius rei intellectum non definitum præcidat: euidenter & definitè illam orationem explanare nobis visum fuit. Sancimus igitur ut si istiusmodi quædam falsarius conscripserit, ex quibus is aduersus quem falsum scriptum concinnatum est, mortis pœnæ subiiciendus sit: ipse falsarius, pœnæ quam in alium machinari cogitarit traditus, decolletur.

\*NE AMPLIVS SENATVS CONSULTA  
fiant. CONST. LXXVIII.

Idem IMPERATOR eidem STYLIANO.

Lego & h. 16.  
487.

L. 9. De legi.  
593. C. C.  
lon. Dig.  
Lego & h. 16.  
10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

QVemadmodum & in aliis legibus, quæ ad communē rerū vsum nihil cōferrēt fecimus, ut eas tāquam superuacaneas è legum corpore subduceremus: ita hīc quoque facientes, eam legem quæ Senatui ferendarum legum potestatem facit, à legum quasi republica fecerni sancimus. Nam quum, ex quo Senatoriā administrationē Imperatoria maiestas sibi vendicauit, inutilem illam esse iudicari debeat, si

cum vtilibus cōiungeretur, & ineptum & super-  
uacuum esset.

\*NE SACERDOS, DIACONVS, AVT HY-  
*podiaconus, si uxorem ducat, à sacro ordine remoueat.*  
CONST. LXXIX.

Idem IMPERATOR eidem STYLIANO.

**Q**Uæ semel Deo dedicata sunt, ea deinceps  
auferri nō oportere sancitū est: idque non  
solum in donariis, verum multo etiā

magis in hominibus qui per sacrū ordinem di-  
uinæ Maiestati consecrati sunt, obseruandū est:

tametsi (vt multi sunt hominum lapsus) è statu  
in quem tanquam honestè victuri, allecti erant,  
peccatum, dominio in ipsos suscepto, exturbet.

Non approbātes igitur veteris legislatoris' pro-  
positum, qui sacerdotem, diaconum, aut hypo-  
diaconum, si post assumptum ordinem mulieri

in matrimoniū iungatur, omnino à clericali ha-  
bitu discedere, atque ad prophanam vitam re-  
uerti vult: illud decretum irritum facimus, ac

verò statuimus vt ab ordine quem ante nuptias  
obtinuerint, solum recedentes, satis tamen pœ-  
narum luere videantur, & nequaquam clericali

habitu alióque ecclesiæ ministerio, cuius quidē  
vñs illicitus non est, iudicio priuentur.

\*VT PVRPVRAE SEGMENTA ET PAR-  
*ticulae in publicis mercimonijs sint.* CONST. LXXX.

Idem IMPERATOR eidem STYLIANO.



**H**Aud scio qua ratione superioris æui Imperatores, quum ipsi toti purpura vestiretur, inducti fuerint, vti nequa omnino purpu-

*De vestib. ho* ræ particula venūdaretur statuerēt, 'neque cui-  
*lob. et aurat.* quam talem colorem videri aut emere permit-

*et Quæ res* terēt. Ac sanè si integram telam vānire illi pro-  
*uend. non* hibuiissent, aliquam fortasse eius faciendi non  
*poss. C.*

*Legō αλογον* 'alienam à ratione occasionem habuisse videri  
possent: at, quòd segmenta atque frustula, quæ v-  
tilitatem atque vsum neque vendenti neque e-  
menti inconuenientem præbeant, in mercimo-  
niis esse prohibuerunt: id verò quàm honestam,  
& quæ subditorum inuidia vacet, illorum

*Legō συνησι*  
487 iudicio prætendit causam? Nam quod aut Im-  
peratoris maiestatis aduersetur eminentiæ, aut  
eam in communem vsum deuocet, quid *quæso*  
hinc existat? Nos itaque isti decreto non acquie-  
scentes, cōstituiimus vt purpuræ frusta atque se-  
gmīna, quæ magnificentis speciem aliūmve  
non prohibitum vsum subditis præbeāt, tam di-  
uendi quàm emi possint. Decet enim Imperato-  
riam Maiestatem, quū aliis multis modis sub-  
ditos beneficiis afficiat, eorundem magnificen-  
tiæ ne inuideat.

\*NE EX AVRO ET PRETIOSIS LAPIL-  
lis quicquam confieri in uniuersum nefas sit.

CONST. LXXXI.

Idem IMPERATOR eidem STILIANO.

*Nul. lic. in*  
*fren. et e-*  
*quest. sel. C.*

**H**Anc verò etiam legem, 'quæ, mundo mu-  
liebri annulisque exceptis, aliquid aliud  
ex auro & gemmis cōficiendi omnē pror-

sus facultatem adimit, eiusdem cum illa quæ de purpura tractat esse instituti animaduertentes, in eandem quoque cum illa cōditionem reponimus. Nō enim simpliciter ex auri materia quicquam inopificium præberi, sed species operum prohiberi oportebat. Quoniam ne quod omnino ex auro & gemmis opus confiat vetare, manifesta id se supra omnes efferendi cupiditas est. Iam verò, quod in quacunque re legem transgressus esse deprehensus, tam grauem poenā sustinet (centum librarum auri multam, quodque huic accedit, capitale supplicium dico) ut ea lex non summæ immanitatis esse putetur, quæ ratione deuitabitur? Quantam autem aliam absurditatem in sacris thesauris aliisque nonnullis rebus effectus poenæ designet, non attingo. Nos itaque non simpliciter opus aliquod ex auro & gemmis cōfici, sed illa opera quæ solis Imperatoribus permittuntur, quorūque vsus magnificentiæ Imperatoriæ maiestatis, eiusque necessitatibus destinatus est, prohibenda iudicamus. Quare si quis vel monumentum sacrum, vel aliud quiddam quod supra priuatā dignitatem & honorem non sit, conficere poterit, liberam eius faciendi voluntatem habeto.

*Pro καὶ τὸ λε  
γον καὶ τὰς  
quod paulo  
ante dicitur  
ἀπλῶς.*

*Ut hic asse-  
ris cū seruem  
nihil urget.*

*Lego ἵνα  
καί ποτε.*

DE TESTAMENTO RESIGNATO.

CONST. LXXXII.

Idem IMPERATOR eidem STYLIANO.

**Q**Uæ fortuito quodam casu contingūt, eorum permulta nondum expensa criminis nomine notantur, quæ eadem ac-



Malim eis  
αἰτίαι με-  
βολῆν

Vide titer.

Quem testa-  
aper.

Lego ἴτα  
καὶ.

Lego ὅτι.

488

Videl. 30. De  
test. & quē-  
ad. test. ord.  
c.

curatius postmodū perspecta, à nota absoluun-  
tur. At quale est quod dico? Persæpe non de indu-  
stria, sed fortuitu aut ferri aut lapidis iactu ali-  
quis lædatur. Eo necdum discussso, qui iaculatus  
est, sons iudicatur: diligenti autem de eodem e-  
xamine habito, quare culpetur nulla iusta ratio  
inuenitur. Quamobrem quæ casu eueniunt, ex  
circumstantiis magis quàm è rei natura iudica-  
ri conuenit. Verum quorsum hæc dicuntur?  
Quoniam testamentum postulante necessitate  
apertum, quum interdum deinceps resignatum  
relinqui contingat, aut ipsum tempus (quod fie-  
ri assolet) sigillum consumat, fide quam signatū  
haberet destituatur, indeque incertitudo quædā  
istiusmodi testamento insidietur; testamentis a-  
lio modo ad fidē confirmatis subuenire visum  
est, ac iubemus, vt licet ad fidem faciendam illis  
sigillum saluum non sit, subscriptiones tamen,  
vt rata maneant, testimonio præstent. Quemad-  
modum enim testamenta nondum aperta, quā-  
quam (vt sit facile) sigillum illæsum seruatum  
non sit, subscriptiones confirmant: sic illa etiam  
quæ postquam aperta sunt, aut negligentia non  
obsignata manserunt, aut quibus diuturnitate  
tēporis sigilla perierunt, ne fide priuētur, dum-  
modo ex subscriptionibus fides illis super sit, iu-  
stum putamus. Illud porro insuper sancimus, vt  
si iudicis socordia ne testamentum denuo obfi-  
gnaretur factum sit, ipsi, in socordix poenā, duo-  
decim librarum mulcta imponatur.

\* VT AD TRIENTES VSVRAS PECV-  
*nia licetè mutuetur.* CONST. LXXXIII.

Idem IMPERATOR eidem STYLIANO.

**S**I à Spiritus legibus ita se mortale genus re-  
 gi sineret vt humanis præceptis nihil indi-  
 geret, id verò & decorum & salutare esset. At  
 quoniam se ad Spiritus sublimitatē eleuare, di-  
 uinæque Legis vocem amplecti nō cuiusque est:  
 ac verò quos huc virtus ducat, numero valde  
 pauci sunt: bene sese adhuc res haberet, si saltem  
 secundum leges humanas viueretur. Quæ vo-  
 cātur pecuniæ creditæ vsuræ, vbique à Spiritus  
 decreto'condemnantur. Id sciens'pater noster  
 æternæ memoriæ Princeps, vsurarum solutio-  
 nem sanctione sua prohibēdam putauit. Atqui  
 propter'paupertatem res illa non in melius (quē  
 tamen finem Legislator proposuerat) sed contra  
 in peius vergit. Qui enim antea vsurarum spe ad  
 mutuandam pecuniam prompti fuerant, post  
 latam legē, quòd nihil lucri ex mutuo percipe-  
 re possint, in eos qui pecuniis indigent difficiles  
 atque immites sunt. Quinetiam ad facilitè iuran-  
 dum, quòdque id fere consequitur, ad iusiuran-  
 dum abnegandum id occasionem præbuit. Bre-  
 uiter, propter redundatē in humana vita per-  
 uersitatem, non modò non profuit legis virtus,  
 verum etiam obfuit. Quāquam igitur ex se legem  
 culpāre (quod quidem etiam absit) nequeamus:  
 propterea tamen quòd humana natura (quomo-  
 do diximus) ad illius sublimitatem non perue-  
 niat, egregium illud præscriptum abrogamus,

Exod. 22.

Luc. 6.

Lego γενεύ.

κ. βασιλεὺς.

Lego δὲ π.

ναυ, omisso

δρα

Lego δὲ α-

δρα.



*vid. l. 16 De  
usuris, C.*

ac in cōtrarium statuimus vt æris alieni vsus ad  
vsuras procedat, idque quo modo veteribus le-  
gislatoribus placuit, ad trientes centesimæ nem-  
pe, quæ quotânis in singulos solidos singulas fœ-  
neratoribus filiquas pariunt.

VT NEGOTIARI, AEDIFICARE, MVNE-  
ràque accipere, vrbis magistratibus liceat.

CONST. LXXXIII.

*De contract.  
ind. uel cor.  
qui sunt  
circa. C.*

Idem IMPERATOR eidem STYLIANO.

**Q**Uæ à superioribus de magistratibus regiæ  
Vrbis decreta sunt (ne videlicet illi neque  
mobile aliquid, neque immobile e-  
mant, neque ad ædificandum accedât, nisi Prin-  
cipis permissu: insuper verò, ne, si qua magistra-  
tus tempore munificentia accedat, hæc rata fiat,  
extraquam si donator finito magistratu scriptu-  
ræ autoritate illam confirmet, aut post magi-  
stratum quinque anni elapsi sint) hæc, quan-  
quam huius contemplatione, ne vis locum inue-  
niat, optima ratione constituta sint: quia tamen  
alio etiam modo violentiæ viam præcludere fa-  
cile est, nobis non videntur esse necessaria. Quo-  
circa etiam abrogata illa esse volumus: *idque ideo*  
præsertim quòd ex quo transgressione illorum  
indies *magis atque magis* impunita relictæ pœna exer-  
ceri desiit, etiam ante nostrum decretum nullam  
vim habuerint. At qua de causa illa necessaria  
non sunt: Quòd cuique tam pauperi quàm diui-  
ti, (quum iis qui apud hanc urbem *habitant* com-  
pellare Principem, eique supplicare expeditissi-  
mum sit)

num sit) liceat, siquam vim sustineat, ne omnino à violento magistratu conficiatur, precibus à Principe impetrare. adeo ut nulla necessitas sit ut, quemadmodum in prouinciis omni auxilio vacuis, ita etiam in vrbe, vbi abunde auxilii est, hæc adeo exactè requirantur. Sancimus itaque ut secundum præsentem rerum statum emere tum ædificare magistratus possint, & in suscipiendis quæ sponte offeruntur muneribus criminatione vacent. quippe quum qui vim sustineant, quando cūque tale aliquid incidat, his, sup-  
 plicando Principi illam effugere integrum sit. De prouinciarum autem magistratibus illud insuper statuere visum est, ut præfectus magistratus sui tempore neque quicquam emat, neque in suum usum extruat, neque denique dona liberè admittat. Alii verò minores magistratus, relata ad præfectum re, ipsius iudicio aut remoueantur, aut administrationem expleant.

Lego βίασιν  
 π.

Lego ἀγ-  
 αζεν.

Lego ὁμολο-  
 γήσας, ac δια-  
 expungo,

VT PATRES QUI NVPTIAS NON ITE-  
 rant, unius liberorum portionem capiant.  
 CONST. LXXXV.

Idem IMPERATOR eidem STYLIANO.

Quoniam maritis cum liberis ab vxoribus relictis, quid de donatione propter nuptias statui debeat, nō præscripsimus: illā autem donante consuetudine præmorientes vxores capiunt, nihil in hoc nos consuetudinem innouandam putātes, statuimus, ut quemadmodum hætenus comparatum legibus fuit,

Recurro ad  
 const. 20. &  
 22.

K.i.



*Commodius  
hic locus  
ueri posse  
nō uidetur.*

mulieribus donatio propter nuptias detur: viris autem, si iterum matrimonium contrahant, nihil accipere liceat: si prius matrimonium venerentur, in remunerationem huius honorificæ voluntatis, ipsis vnius liberorum portio secernatur: idque hac ratione, vt si illa donationē propter nuptias vel æquet vel exuperet, eo quod aut lucrum aut *saltem* nullum damnum sentiat, hac accepta illi contēti sint: si verò non exæquet atque minor sit, neque de suo quicquam dent, neque *ē diuerso* ex mulieris bonis quicquam accipiant,

\*DE POENA ECCLESIASTICORVM QVI  
*se aduocationibus, sponſionibus, redempturis, aliisue similibus  
dedunt.* CONST. LXXXVI,

Idem IMPERATOR eidem STYLIANO.

**Q**VI à diuina bonitate ad diuinum sacrosanctumque altare delecti sunt, hos non modò nō à peccati turpitudine mundos esse, verum etiam à communis vitæ negotiis & molestiis vacare decet. Sicut enim alia incontaminati sacrique cultus monumenta vultuari cōtrectatione prophanari non licet, ad eundem modum neque animata immaculati sacrarii ornamenta communi vsu dedecorari, sed quem in ordinem cōsecrata sunt, in eodem consecrationem puram conseruare conuenit. Admodum igitur decenter Apostolorū præconum Dei decretum episcopos, sacerdotes, & clericos, qui se aduocationibus, spōsionibus, redempturis, idue

genus aliis rebus dedunt, sacro ordine denudat. Qui enim attributam sibi à sacrosancto Spiritu dignitatem adeo dehonestant, &, quantum in ipsis est, sublimitatem gratiæ deprimunt, meritò cuius beneficii magnitudinem non sentiūt, eo, vt indigni, priuandi iudicantur. Veruntamen, quia nunc temporis hominum genus, quàm vt ad constitutæ à diuinis istis legislatoribus viuendi rationis apicem pertingat imbecillius est: nō ipsis (ni fallor) displiceat, si quatenus id delictū omnino venia indignum non est, modicā quam *Lego ἀνὴρ*  
*ἡρώδης.*  
dam ipsi veniam impertiam. Certè idcirco, non quòd cōtrarium (quod absit) statuere, sed potius quòd sacram sanctionem sequi, nullasque illis qui ab illa condemnantur, excusationum tergiversationes relinqui velimus: decernimus vt si aut primarii inferiorésque sacerdotes, aut omnino clericus quispiam, vel præstando in litibus patrocinio, vel spondendo, vel alio simili modo de sui ordinis dignitate detrahant, excommunicentur, & ad aliquod tempus à celebrandis sacris supersedeant: atque vbi ita pro delicto dignam poenitentiam egerint, promisso facto, se ab humanorum negotiorum cōmercio pro viribus deinceps mundos conseruatueros, ad sacra tractanda denuo introducātur. &, si iterum iisdem rebus se pollucere deprehendantur, omnino vt prophani & indigni à sacris fūctionibus abstineant.



\*DE ECCLESIASTICORVM ALEA LV-  
dentium poena. CONST. LXXXVII.

Idem IMPERATOR eidem STYLIANO.

**I**Am verò qui sacri ordinis homines aleæ va-  
cant, neque hi rem modica aliqua poena di-  
gnam audent. Quid ita? Nam quum tranquil-  
la mente, animoque à contemplandis rebus di-  
uinis immoto, quantum humanæ naturæ possi-  
bile est, summo isti bono inhærescere deberent:  
è contrario ad iuueniles lusus deproperat. Quos  
etiam à sacerdotio succidi, secundum diuinum  
sacrosanctorum Apostolorum decretum, par-  
est. Verum quoniam id ipsum etiam præscriptum  
mitigat, ut qui non desistunt, poenam subituros  
addat, statuimus nos quoque ut qui aleæ lusu sa-  
cræ sortè cõtaminant, in monasteria relegentur:  
(quam tamen relegatione triennale tempus fi-  
niat) & quādo delictum satis expiatum videbitur,  
in pristinum statum restituantur. At si rursus in-  
fritillo vanè tempus terere instituant, tanquam  
'piaculares ex sacrosancto ecclesiastico statu o-  
mnino exturbentur, ab eoque profligentur.

Lego eis mei  
ἐγὼ δὲ.  
Canone 41  
§ 42.

Lego καὶ τὰς  
μακά.

\*CELEBRIBVS QVIBVSDAM IN EC-  
clesia uiris festi dies constituuntur. CONST. LXXXVIII.

Idem IMPERATOR eidem STYLIANO.

**V**enerabili sacrosanctorum Apostolorum  
decreto, (quod ad gloriam & honorem sa-  
cratissimorum dierum, quibus omniū Do-  
mino feriamur, & illorum qui horum ipsorum  
celebrium legislatorum, aliorumque victoriosorum

Vide cōst. 54  
Quiddā deest o-  
rationi, quod  
quale sit, facile  
intelligitur.

rum pugilum, qui morte sua impietatem in fugam verterunt, cōsecrationem significant, promulgatum est) quum hoc quod coniungatur dignum sit, vt nempe horum diuino loquorum virorum etiam, qui post illos in ecclesia claruerūt, 491 luminariumque instar ecclesiæ firmamentum rebus gestis atque documentis illustrarunt, memoria solenniter celebretur: nos, quod deest adimplentes, sancimus vt horum etiam sacri cōsecrationis dies conuenientibus honoribus collantur, quorum hæc sunt nomina: Athanasius, inclyti ille in principibus Dei sacerdotibus nominis: Basilius, regium illud ecclesiæ decus: Gregorius, cognomine Theologus: Gregorius, dulcis ille & illustris ecclesiæ fons: Iohannes, prorsus illud Spiritus aureum os: vnâque cum iis Cyrillus & Epiphanius, qui præclaris facinoribus gloriâque illis pares sunt.

NE MATRIMONIA CITRA SACRAM  
*benedictionem confirmantur.* CONST. LXXXIX.

Idem IMPERATOR eidem STILIANO.

Q Vemadmodum adoptionem promiscue habitam neglexit vetustas, quam tametsi sine precibus sacrisque ceremoniis peragi lege permitteret, non tamen illam se parvipendere putabat: ita & absolutam matrimonii constitutionem, dum id citra iam receptam benedictionem iniri sineret, neglexisse videtur. Sed veteribus istius voluntatis fortasse ratio inueniri possit: à nobis verò, quum diuina gratia

Vide Nou.  
74, illud  
quoque.



Const. 24

Lego τούτῳ.

Lego ἀπα-  
φέναι.

ad honestius multo sanctiúsque vitæ institutum  
iam res comparatæ sint, neutrum dictorum ne-  
gligi conuenit. Itaque quemadmodū adhibitis  
sacris deprecationibus adoptionem perfici præ-  
cepimus: sic sanè etiam sacræ benedictionis te-  
stimonio matrimonia confirmari iubemus. A-  
deò vt siqui citra hanc matrimonium incant,  
id ne ab initio quidem ita dici, neque illos in vi-  
tæ illa consuetudine matrimonii iure potiri ve-  
limus. Nihil enim inter cælibatum & matrimo-  
nium, quod reprehēdi non debeat, medium in-  
uenias. Coniugalis vitæ desiderio teneris: Con-  
iugii leges serues necesse est. Displicent matri-  
monii molestiæ? Cælebs viuas, neque matrimo-  
nium adulteres, neque falso cælibatus nomine  
culpam prætexas.

\*VT QVI TERTIVM MATRIMONIVM  
contrahunt, sacri canonis poenæ obnoxij sint.

CONST. CX.

Idem IMPERATOR eidem STYLIANO.

**O**Portebat nos, quum diuina manu for-  
mati, mentéque ac ratione præditi simus,  
quorundam brutorum præstantiæ non  
cedere. Non enim illa imbecillitas reprehensio-  
ne vacat, neque à iustis vituperationibus libe-  
ra est: sed tanto obnoxior, quantum brutali na-  
turæ rationabilis prudentia antecellit. Opor-  
tebat (inquam) homines, cum in aliis, tum præ-  
cipuè in castitate matrimoniali, à brutis nō vin-  
ci. Multa autem brutorum animantium gene-

Lego τὸ πο-  
νέιν ἀμεί-  
ναι.

ra coniuge mortuo perpetuam viduitatem amplectuntur, alterisque nuptiis priores velut congesta terra obtegere nolunt. Verum quoniam hanc imbecillitatem turpem non esse (quanquā turpissima sit) existimans natura, primo matrimonio cōtenta nō est, sed nullo pudore tacta ad secundum etiam procedit: quin quum illam hīc saltem sistere deberet, non tamē id facit: & quāquam per sacram legem non liceat, à secūdo matrimonio ad tertium prorūpit, haud dubiē constitutam in tertium matrimonium pœnam, quòd non exerceatur, contemptui habēs: id quē eo etiā magis quòd ciuili's lex, qua nescio de causa, Spiritus pœnam constituentis decreto non consentiat, sed qui post alterum matrimoniāle consortium à matrimoniis porrò abstinere nolint, hos à reprehensione liberat: idcirco nos, quæ Spiritui placent sequentes, statuimus vt qui ad tertium matrimoniū peruenerint, pœnæ quam in ipsos sacer canon promulgauit, obnoxii sint.

*I ego ai'ma-  
cau'z'etay.*

492

*Vide l. 6. De  
secūd. nupt:  
C*

\*VT CONCVBINAM HABERE NON LI-  
cet.  
CONST. XCI.

Idem IMPERATOR eidem STYLIANO.

**N**Eque minus ea lex quæ probrosē cum concubinis commisceri non erubescen-  
tibus id permittendum iudicauit, honestatem sūsq; dēque habuit. Ne ergo hoc legisla-  
toris erratum dedecore nostram rempublicam afficere sinamus. Itaque lex illa in æternū silentio. Ab illa enim non modò religionis, verumē-  
K.iiii.

*Tit. De con-  
cubinis Dig.*



*Alludere ui-  
detur ad c. 5.  
Prouerb.*

tiam naturæ iniuria secundum diuina Christi-  
anisque conuenientia præcepta prohibemur. Et  
quidem si quum fontē habeas, sobriè inde hau-  
rire diuino præcepto moneare: qua ratione, quū  
puras aquas haurire liceat, lutū tu mauis? Tum  
tamen si fontem non habeas, rebus tamen vetitis  
vti non potes. Cæterum vitæ consortem inue-  
nire difficile non est.

DE POENA EIVS QUI ALIQUEM DE-  
dita opera excæcavit. CONST. XCII.

*Innuere uide-  
tur legem talio-  
nis, Exod. 21, &  
in 12 Tab. de in-  
iuriis latam. De  
qua uide Instit.  
De iniuriis, Pœ-  
na autem iniur.  
& Aulum Gell-  
ium, lib. 20, c. 1.*

Idem IMPERATOR eidem STILIANO.  
**T**Ametsi aliter quàm veteres leges sanciant,  
de eo qui alteri violentis manibus oculos  
effodisset, quum ipse iudicio interesset, à no-  
bis sententia lata sit: nunquam tamen in legem  
illam transformare animus fuit. Nōnihil enim  
misericordia moti (id quod ipsa res etiam indi-  
cat) tunc ita iudicauimus. Quoniam oculi, qui il-  
los amisisset, restitui non possēt, eum qui id dam-  
ni dedisset, quanquā qui idem pateretur dignus  
esset, in eandem esse cæcitatem cōiiciendum non  
putauim. Interim tamen tantam pœnam cōstitui,  
vt qui oculos eruit, eius signa ferat: & cui eruti  
sunt, in tanta calamitate adeoque profunda cæ-  
citate ex laboribus eius, qui illa ipsum affecit, a-  
liquam consolationem habeat. Veruntamen, li-  
cet ita iudicatum esset, ex re iudicata legem face-  
re (quemadmodum dixi) non tamen animuse-  
rat. Sed quoniam qui inter sacra nostra officia re-  
latus est (cuius ego qua ratione postulationem

*Si sacrorum of-  
ficiorum magi-  
strum intelligit,  
restitutus hic lo-  
cus est.*

reiciam?) illam sententiam, quòd mitis sit, inter leges collocari petit, quò deinceps, siquãdo tale quippiam incidat, qualiter in præsenti in iniurium pœna constituta est, taliter ea res diiudicetur: postulato paremus, iudicialèque decretū legis autoritate donamus. Siquis ergo cuiusquã visum læserit, hunc, si vnum oculum ademerit, vno similiter eodémque priuari ac talionis pœnam subire iubemus. Si verò ambobus oculis maleficas manus iniecerit, quoniam hîc pœnæ æqualitas neque cui nocitum est profit (quæ *Omissum xpo*  
enim *in hoc cæco* vtilitas est, si alius etiam cæcus *pœi aut quid*  
sit?) neque pœnæ obnoxio, tametsi nō immerito, *simile puto.*  
tamen *diu o μος* acerbius quàm par sit (quū cæcis nihil miserior sit) inferratur: *o βίος αβί-  
ωτος.* iubemus ne æquabiliter, sed diuerso modo  
pœna procedat: ita vt & maleficus puniatur, &  
qui læsus est, vtilitatis quiddam sentiat. Hunc 493  
autem in modum legem concipimus, Quicumque amborum oculorum iacturam alicui intulerit, quo sceleris sui notam ferat, ipse vno orbator. &, quoniã scelerata manu mutilari ipsum æquum esset, pro manus amissione besse bonorū suorum mulctator: eūque in *acrbæ* vitæ consolationem, cui eruti sunt oculi, accipito. Atque sic cæcus quidem inde, quòd ad sustentādā vitam sumptus accipiat, modicum quodpiam calamitatis lenimentum sentito: ille verò pro manuum mutilatione in facinoris sui pœnam (vt dictū est) tum altero oculo, tum bonis priuator. Et hunc quidem ad modum, si reus diues sit, pœna procedito. At si omnino pauper sit, atque in



αρχουρ-  
ματ super-  
fluum iudico

angustiis vitam agitet, neque quicquam illi qui  
ipsum violentia in miseria coniectus est, in com-  
pensationem dare possit: similis tum calamita-  
tis & socius & particeps esto, orbatúsque vtro-  
que lumine, cæcus viuito. Siqui verò in scelere  
malefico opé tulerint, si quidem manus rei ad-  
mouerint, simulque oculos effoderint, eundem  
ad modum & ipsi puniuntur. At si nevnà manus suas  
in oculos conicerent cauerint, aliud autē quod-  
piam auxiliū in facinus contulerint: his ad cor-  
poris verberationem, cute tenus tonsionem, tri-  
entisq; bonorum multam, poena sistitur. Qui  
verò cæcitatibus auctores sunt, prædictis poenis  
subduntur.

\*VT SI SPONSA EX ALIO GRAVIDA  
deprehendatur, sponsalia rescindi possint.

CONST. XCIII.

Idem IMPERATOR eidem STYLIANO.

I ego xpi-  
bis.

**Q**Vando quidem veteres qui de sponsali-  
bus tractarunt, quo nescio modo ea de re  
non absolutè præceperunt (siue quod  
hoc de quo nunc sancituri sumus, inter causas  
dissoluendorum sponsaliorum comprehendere  
noluerint, siue quod tale quiddā quale impræ-  
sentiarum exortum legis promulgationem re-  
quirat, tum nondum inciderit) nos, quod hac in  
parte deest adimplentes, sponsaliorum tracta-  
tum ad iustam absolutionem deducimus. Vetus  
autem constitutio sponsalia dirimit aliis atque  
aliis de causis: ob diuersam videlicet de religione

L. ult. De spo-  
salib. C.

opinionem, & si alter insanix morbo capiatur, ac insuper ob nonnullas alias: atque harum vtrālibet vtercūque desponsatorū haberet, sponsalia diuelli iubet. Quod verò nunc in cōsiderationem nostram venit, siue tunc temporis (vti diximus) nōdum euenerit, siue legislatores nōeuenturum arbitrati sint, siue qua alia causa eius silentio *prætereundi* fuerit, inter dictas causas non commemoratur. Est autem istiusmodi, sponsam quandam furtiuis complexibus ab alio esse grauidatam (quum illa interim sponsalem præ se castimoniam ferret) sponsaliorum tempore compertum est. Atque hoc quidem illud est quod veteribus legibus comprehensum non est. Nos igitur, quod desit adiicientes, decernimus vt non modò propter diuersitatē religionis, neque propter mētis emotionem, aut alias ob causas: verum etiam propter hoc, quo nihil magis matrimonio aduersatur, quos sponsaliorum opinio non veritas copulauit, disiungantur. Quomodo enim vera sponsalia sunt, in quibus nihil verum neque genuinum conspicitur: vbi meretriciū se offert scelus, vbi causæ sunt dissidiorū, & odii, vbi *animorum* alienatio (quæ mala *adruant* omnia pariter cum peregrino alienoque semine suscipiuntur) quomodo ibi matrimoniales concordia, quomodo purus sponsalisque est amor? Quin vt quispiam alterius foetū sibi subiiciat, id verò ratio non patitur. Neque item iustum est vt qui spe honestæ casti matrimonii oblectationis sponsam in domicilium suum reci-

Lego *omne*  
*ex vobis.*

Hunc depra-  
uari huius  
ci scēsum esse  
nemo negat.

Lego *etiam*  
*9045.*

494

Lego *etiam*  
*idē p. a. 1109*  
*in idē p. a.*  
*mutus*



pere constituerit, si illa matrimonii legibus insultet, & cum aliis lasciuiendo, oblectationis spem euanidam ipsi reddat, in meretricia illa facilitate ipsam vxorem agnoscere debeat.

\*LEGIS QVAE DE CONSVLATV AGIT  
*abrogatio.* CONST. XCIII.

Idem IMPERATOR eidem STILIANO.

**Q**Voniam nostra legum repurgatio hunc sibi propositum finem habet, vt non modò illa quæ subinde rerum statum labefactant, verumetiam quæ longo tempore silentio obruta, inutilia prorsus & tanquam propter cariem publico vsu non contrectata esse videntur, è legali solo debeat: consequens est vt & quæ de senatu tractat, legem, tanquam nihil in præsentem ad rempublicam pertinentem, cum aliis inutilibus legali corpori eximat. Olim quidem consularis dignitas veneranda erat, venerandosque qui ipsam subirent & magnificentia præstantes efficiebat. Ac idcirco quibus cōsultatū gerere obtingeret, pro honore quem ex dignitate perciperent, remunerari rempublicā volentes, liberalia promiscuæ plebi munera largiebantur. Ac initio quidem, quantam munificentiam faceret, cuiusque arbitrio mittebatur: postmodum autem ad certum modum decreto legali circūscribi illam placuit. Atque hoc quidem, donec senatoriæ dignitatis in republica maiestas floruit, obseruatum esse apparet. Nunc verò, quum qui omnia mutat, temporis

Nov. 105.

Lego πάλιν

curfus, hanc etiam consularē magnificentiam  
 è pristina gloria & amplitudine in abiectā spe-  
 ciem transformarit: ac verò qui ad illam proce-  
 dunt, interdum sibi non sufficere, nedum aliis e-  
 rogare quicquam possint: illam de consulatu le-  
 gem, quam propterea altum silentium occupa-  
 uit, cum aliis inutilibus (vt dixi) frustra legali-  
 bus constitutionibus immistam, decreto maie-  
 statis nostræ illinc eximimus.

DE AVVLSA TERRAE CRVSTA.

CONST. XCV.

Idem IMPERATOR eidem STYLIANO.

**A**Ntiquioribus, quæque antè natæ sunt le-  
 gibus, ortus causam rerum vsus præbuit.  
 legislatores enim quæ in communem vi-  
 tam incidunt, singulatim accuratè excutientes,  
 pro illorum natura leges cōdunt. Quoniam er-  
 go ex communis vitæ negotiis (quemadmodū  
 diximus) legibus nascēdi occasio existit: & verò  
 propter nouam quampiam rem, quæ ad veterē  
 aliquam legem referri nō potest, legem edī opus  
 esse videmus, quò videlicet si aliās quoq; istius-  
 modi aliquid contingat, id legitimè diiudicari  
 possit: legem pro conditione rei in rerum natu-  
 ram producimus. At quæ illa lex? Quādo diuersi  
 domini agri sibi inuicem adiacent, & alter supe-  
 riore loco, alter autem depressio & campestri si-  
 tus est, si superioris & impēdentis agri pars ali-  
 qua cum arboribus aut sine his prærupta subia-

*Lego νόμος*

*Lego αἰαφ  
 πεν.*

*Viderur Leo-  
 ni non occur-  
 risse l. 9. Al-  
 fenus, De dā  
 no infecto,  
 Dig.*



495 centem agrum, qui ruinam exceperit, obteget, ne simpliciter neque inferioris agri dominus auulsam materiam tanquam suam vendicet: neque superioris dominus, qui auulsionem passus est, de finium qui ruinam incidentem exceperunt dominio, illi litem moueat: sed inferioris agri dominus superioris agri domino, si diuulsam materiam (siue arboribus consita sit, siue illis vacet) recipere & asportare velit, id permittat: ille autem optionem habeat vtrum receptam fuisseque finibus restitutam materiam, quemadmodum solet obtinere: an verò (si illam asportare nolit) prorsus tum à materia, tum à finibus, qui illam exceperunt, abstinere: neque agri qui diuulsa suscepit, domino negotiū facessere velit. Quē-

*Vide l. 7, Vnde queritur, eodem tit.* admodum enim quum domus sibi inuicem adiacet, & alterius structura supereminet, alterius humilis & pressa est, si eminentiorem domum in humilem collabi contingat, dominus eius aut delapsam materiam recipere, aut, si id nolit, illa prorsus cadere, neque domus quæ casum exceperit, dominum inquietare debet: ita hinc quoque, eo ad consequentiam & exemplum tracto, idem custodiri & obseruari conuenit.

\*DE SEPVLCHRO VIOLATO.

CONST. XCVI.

Idem IMPERATOR eidem STYLIANO.

Quæ delicta sola animi nequitia committuntur, nullaque naturali necessitate excusari possunt, his neque venia tribuen-

da, neque inferendæ pœnæ effugium concedendum est. Quæ verò non omnino à malitia procedunt, sed mixtam naturæ violētiam habent, his vtrique ab illis qui proposita sibi naturæ vi iudicare volent, venia non denegabitur. Ex hac ego ratione ciuile sacrūmque decretū, dum de sepulchrorum perscrutatoribus statuunt, sibi mutuò contradicere coniicio. Ciuilis namque lex, malam voluntatem tantūmodo intueēs, negata prorsus venia, id' delictum punit: sacra *Vide l. 3, De sepul. viol.* verò (ad paupertatem, quæ humanā vitam miserè vexat, sæpèque pressos non audenda audere cogit, ni fallor, respiciēs) pœnam in deprehēsos non constituit. Nos itaque, ad vtrunque decretum nos accommodantes, ac, quoad fieri potest, pœnam atque veniam inter sese coniungentes, sancimus vt qui semel duntaxat id ausi fuerint, leni misericordique sententia feriātur: qui verò ex clementia illa iterum peccandi occasionem rapiunt, nec inde prudentiores facti à malitia desistunt, nullis precibus admissis pœnam sustineant. Illa autem in dorsi verberatione criminūmque tonsione consistet.

VT IN CONTESTATIONE LITIS, ET 496  
magistratum initio iuretur. CONST. XCVII.

Idem IMPERATOREIDEM STYLIANO. *Vide Nou. 8.*  
**T**Ametsi lex quæ in magistratum initio, *Ad cū itaque*  
tiumque contestatione iurandum præci- *Vide tir. De*  
pit, diuino iussui, qui iusiurandum prorsus *iureiu. prop.*  
cuiandum præscribit, aliquo modo cōtradice *cal. dan. C.*  
*Matth. 5.*



re videatur: tamen si quis verborum mentē perspiciat, non in cōtrarium illam rogatā esse, sed ē diuerso iurisiurādi susceptione idem quod eius prohibitione sacra lex, efficere conari deprehendat. Etenim hęc quidem, quò mendacio prorsus viam præcludat, in vniuersum iurare vetat: illa verò, dum hoc ipsum vult, ad fugandū mendacium iurisiurādum in auxilium assumit. Quapropter nobis non in verborum formā, sed propositum illorum finem cogitationes adigentibus, nō aspernari ciuile decretum, tanquā cum diuino & Domini nostri mandato pugnet: sed tanquam eodem vergat, illi honorem conseruare visum est. Cæteroquin etiam hoc sentimus, Domini iussum non simpliciter ad moderanda communis vitæ negotia, sed ad constituendum illis qui ad beatam illam sublimitatem ascendere desiderant, in perfectiorem rempublicam gradum esse promulgatum. Cuius sanè generis nonnulla etiam alia sunt, vt hoc, *NE SOLICITI SITIS ANIMAE VESTRAE, QUID ESURI SITIS, & NE REPONATIS THESAVROS IN TERRA. & cætera* quæ eodem dicta sūt. Hęc enim & similia seorsum perfectionibus demandantur. Eapropter nos ciuili legi suam vim (quomodo diximus) imminutam conseruantes, sancimus, vt qui magistratum ineunt, litēm ve contestantur, se veritatem mendacio prælaturos, nec vllō modo recta via declinata, in obliquam fraudis semitā concessuros, iurciurando affirment,

Scriptum fuisse  
fuit φε  
ρούση αὐτῶν  
σωτηρεῖν  
τιμῶ

Matth. 6.

Legο καὶ οὐσα

Legο πομι-  
νηκα.

DE POENA EYNVCHORVM SI VXORES  
ducunt, CONST. CXVIII.

Idem IMPERATOR eidem STYLIANO.

**L**Egum ortus tum vt respublica rectè consti-  
tuatur, hunc sibi finem proponit, tum inter-  
dum naturæ iniuria affectæ auxiliū offert. *Lego weg-  
Balmey.*

Iustum est ergo vt nunc etiam de hac specie, an  
eunuchos in matrimonium coniungi liceat, in  
quæstionem ducta, lex enascatur. Sed priusquā  
illa proponatur, rem examinare, & an istiusmo-  
di coniunctio matrimonium appellari possit: im-  
mò an omnino in illa quæ in matrimonio per-  
agi fas sit (quæ sunt sacræ preces, sacrificiū, car-  
nalis oblectatio ac voluptas, & quæcunque in  
matrimonio fiūt) cognoscere cōuenit. Sacerdos  
igitur ad imitationem cælestis à Conditore (qui  
sexus ad multiplicationem copulauit) pronun-  
tiatæ benedictionis, verba sacra effatur. Humani  
autem ingenii voluptas & latitia ad geniales  
cōplexus & vtriusque sexus foetū respiciēs, pro-  
gressum facit. Sponsorū enim parentes, dum se  
viscerum suorum visuros foetum, & sponsi ipsi,  
dum se in lucē edituros generis successores spe-  
rant, multiplici voluptate perfunduntur. At hīc

*Lego εναισθη-  
τιω βρω-  
ση.*

497

*Mendo bis lo-  
cus nō caret.*

nihil tale subest. quali enim cum oblectatione  
illi conueniant? quale sacrificium eorum aggre-  
gationē stabiliat? Quum autē illorum coniun-  
ctio adeò omni oblectamento vacet, & consecra-  
tionis, sacrificiorum, benedictionisque adeò nō  
capax sit, quomodo in ipsos matrimonii appel-  
latio quadrabit? Imò, quomodo nō aliqua, quæ

L.i.



Legō' οκ δὲ  
 σμῶν.

nefariis debetur, idque ex lege ipsos poena sequetur? Atque quòd ne ab initio quidem matrimonium vocari possit, breuiter ita dictum sit. Sed magis exactiusque rei indignitatem oratio exploret. Rerum cōditor quum initio marē & fœminam confociaret, ad largum, quod inde extitutum esset, incrementum respiciens, confociationem illam faciebat. Quin & naturæ (quæ tãquam famula, quantum potest, à conditore tradita præcepta obseruat) vt in hoc matrimonii consuetudo ineatur, quò sobolis procreatio procedat, quoad quidem ab ipsa tale ministerium Cōditor præstari velit, propositum est. Si igitur vel hîc quod naturæ Conditor ipsâque natura voluit apparet, quod prohibêdum ducimus, ne prohibeatur: sin minus, (vt certè nihil istiusmodi est, sed contraria omnia, & nulla ad implendâ Domini volûtatem vis, & eius generis quiddam quod natura non agnoscat) quare non omnibus modis prohibebitur? Quòd si quis contentionibus gaudens, dicat, si propter sterilitatem eunuchi à coniugio secluduntur, multis etiam aliis coniugium interdici debere, quum non omnes quicunque in coniugiũ coeunt, fœtificos se præstent: ad contentionem in promptu est respõsio, quòd tametsi nullus ex iis fœtus gignatur, non tamen in hoc congregati sint nequam communis vitæ vtilitatem coniugalis copulæ adferant: quum potius contrà procreandorũ liberorum desiderio congregatos constet, quos effectum de-

siderio responsurū opinantes in euētū spes fefellerit: hīc verò vt tale aliquid dici possit permultum absit, quum' qui ad peregrinam illam commistionem conuenerunt, liquidò scientes se steriles ac ad gignendum inutiles conuenire, naturæ quasi infidiati sint. Ac sanè ob hoc duntaxat odio etiam ambo digni sunt: mulier, quòd quū coniugalis consuetudinis cupida fœcundo se iungere potuisset, infœcūdum & sterilem prætulit: eunuchus verò, quòd vt in vanū Dominus benediceret, impotentia sua effecerit. Siquis porrò fundum ex quo alius aliquis fructus metat, vastet, & incultum relinquat, an hunc tantum malū atque perniciosū odio habebimus, eiūsque si fieri potest institutum reprimemus: illi verò, qui fundum ex quo ratione præditum germen pullulet, desolat & inutilem reddit, tantum nihil indignitatis committat, id facere permittemus: Et sanè quid quisquam dicat: Sed Paulus (inquiunt) ait, MATRIMONIUM CONTRAHERE QVAM VRI SATIVS EST. quapropter naturalis feruoris contemplatione cōiunctio prohiberi non debet. Sed tu qui Paulū laudas, ad Pauli verba attende. Matrimonium contrahere, inquit, id est per matrimoniale commercium cum muliere coniungi. Si igitur tua cum muliere commistio, consociatio matrimonialis, & benedictione quæ in matrimonium coeuntibus debetur, digna est, matrimonium illam nomina, & obserua vxorem: sine tantillæ quidem benedictionis vnquam ca-

Lego εἰς  
τὴν ἐκφυ-  
λόν

Lego τὴν ἀ-  
καρπύην.

Lego ἀργύρον

Lego καὶ πᾶσι  
πρὸς φάσιν;  
Cap. 7. ad  
Corinth. I.



pax fueris ( quæ enim aut qualis consecratio, in iis qui simul contra Conditoris decretum, simul contra naturæ legem coniunguntur, locum habeat? ) quid Paulum in approbationem cælibis tui & peregrini matrimonii pertrahere audes? Ad hoc verò, si qui ipsis naturalem & propriam marium potentiam execât, hoc consilio id faciunt ( tametsi vitiosè, ac quadâ in Deû rebellione id faciât ) ne amplius viros se exhibere queant, sed quantum ad libidinis stimulos attinet, prorsus elanguescant, cubilisque fidi & in quos suspicio non cadat, custodes sint ( quod sanè ipse vocis sonus promittit ) quomodo in hoc non iustam aduersum se indignationem cudet, quòd non solum inimicam naturæ voluntatem capeffant: verum etiam illis ' qui licet malitiosè quomodo tamè ipsis videretur, vtiles illos reddere studio habuerunt, aduersari deprehendantur? & quum nouum atque peregrinû sexum repræsentent, non tamen se neque initio attributæ naturæ, neque qua transformati sunt, malitiosè arti accommodent? Propterea sancimus vt si quis eunuchorum ad matrimonium procedere cõperiatur, & ipse stupri pœnæ obnoxius sit, & qui sacerdos istiusmodi conjunctionem prophana- to sacrificio perficere ausus fuerit, sacerdotali dignitate denudetur.

\*VT QVI IVSIVRANDVM DEFERT,  
prior de calumnia iuret. CONST. XCIX.

Idem IMPERATOR eidem STYLIANO.

**Q**uæcunque ad rectè cauendum spectant, quæcunque ad bonos mores pertinent; hæc & singulis & vniuersæ reipublicæ, quæ à me adinuenienda, dummodo possim, aut ab aliis inuenta in publicum vsum deducenda petant & contédant, in medium pono. Ac idcirco supra alias hæc etiã 'lex quæcum qui aliquem ad iurandum adigit, se nullo dolo malo, neque faceßendi negotii animo, sed, vt rei cuius ambiguitate ratio ipsius æstuat, veritatè cognoscat, iusiurandum exigere, prius iurare iubet: quum velut desperierit, quæ reuiuiscat digna visa est. Quum enim id decretum rectè veterioribus placuisset, recentiores eius cautionem negligentes delato' iureiurando, à quo exigitur, hunc id subire volunt: qui verò exigit, de eo nihil solliciti sunt. Statuit igitur nostra Maieestas vt secundum veterum legislatorum decretum iuramentorum forma seruetur: & qui ab aduersario auferre iusiurandum conatur, quam fidem ex aliis quærit, de moribus suis prius ipse præstet: quòd nèpe nò dolo, sed necessario & ineuitabili de causa ad deferendũ iusiurandũ procedat. Existimo enim, quũ ambo ita ad iurandũ adigètur, aut dilucidiorè in iuramētis extiturã veritatè, aut hos aliquo modo reprimèdos, neque tã pròptè alacrique gressu atque nunc progredi videntur, ad deferendũ iusiurandũ prodituros.

L. 34. Qui  
iusiurandũ  
De iureiur. si  
ue uol. siue  
necess. Dig.

Lego ὁρκίζω

DE SERVIS QUI LIBERIS IN MATRIMONIUM coniunguntur.

CONST. C.

Idem IMPERATOR eidem STYLIANO.

L. iiii.



**L**Eges, quia ex benigno iudicio prognatae sunt, bona sua ordinatione & moderamine iis etiam cōtrouersis quae non admodū crebrō in res humanas incidūt, auxiliū ferre instituūt. At verō quum tantae benignitatis sint, quomodo non longē magis eorum quae in hominum vita assiduē versantur curā suscipient? Si enim medicus quispiā iis quae minus angunt curam adhibeat, quae verō magis angunt negligat: id quod minus angit, non per peritiam & prudentiam curare videatur. Ea propter legū dignitati plus maiestatis attribuentes, quod hactenus ex consuetudine diiudicatum est, de iis nempe qui ex inaequali fortuna (libera videlicet & seruili) amore instigante in matrimonium cōiungi cōtendūt, in legē includimus: ac sancimus vt si homo liber seruilis personae nuptias secūdetur, sub duplici hac conditione matrimonium ineatur, vt is aut aequalem cum seruili persona, cui per amorem associatur, fortunam suscipiat, aut pretium, quo illa seruitute liberata in libertatem perueniat, soluere promittat. Atque hoc quidē, tanquam inaequalis matrimonii arrham quandam, eum qui cōsuetudinis societatem cum seruili persona init, persoluere oportebit. Statuimus verō etiam ne domini hac in re se inhumanius gerant: & si persona quae seruum in matrimonium delegit, seruire malit, utriusque seruitus domini morte terminetur, eaque vbi inciderit, cum liberis, si quos ipsi matrimonium largitum est, dimittantur liberi: sin in seruitutem non cō-

Ex his Graeca recte restitui posse puto.

Consule tit. De liberali causa.

499

Lego δευτε-  
ραρχίου το  
υ ποστώπου

sentiât, neque in promptu habeat unde pretium  
plenè persoluat, libertate per vim non mulctetur: sed seruiens apud eundem dominum, mercede quotannis binis solidis æstimâda, seruitutem tot annis duret quot pacto pretio in plenâ summam deducto, dominû satis pro seruo accepisse, neque iustam causam ad detinendû amplius habere, sunt ostensuri.

L.3. De liber.  
causa. C.

DE SERVIS CONIUGIBVS, SI ALTER  
*illorum libertate donetur.* CONST. CI.

Idem IMPERATOR eidem STYLIANO.

**N**on solûm quod inter personam liberam & seruilem ab initio contrahitur matrimonium, sed quod cõmuniter in seruitute degentes in pari fortuna contraxerunt, hoc etiam, altero illorum fortè à domino libertate donato, altero verò in seruitute retento, ad inæqualitatem redactum, ex istiusmodi causa valde contentiosas ambiguitates & quæstiones, eo quòd lege diiudicatum nõ sit, persæpe exuscitare conspicitur. Quum itaque hoc quoque à nostra maiestate lege conceptum, conuenienter distinguì deberet, hanc perquam rectè diiudicetur legem accepit. At verò quæ illa lex? Iubemus vt si seruitute liberata persona coniunctioni eius quæ in seruitute relicta est acquiescat, secûdum formam de personis liberis & seruilibus matrimonio coniungendis lege comprehensam, matrimonium indisruptum maneat. Oportet enim vt aut datam sibi libertatem non vsurpet, & æ-

Cõst. prox.  
mè præcedente.



qualiter cum altera libertate non donata, seruitutis iugum subeat, donec extremus vitæ dies domino obuেনiat, aut, si quidē libertatis dignitatem exuere nolit, pro adiūcta sibi persona pretium se soluturam promittat. Cæterum si hoc negligat, & ex libertate sua occasione arrepta, in seruitute relictam personam in suæ vitæ statum abripere conetur, non solum non hac arrogantia quicquam efficiat, neque alteri libertatē donandi potestatem habeat, verumetiam ipsa quam libertatem nacta est, hac excidat, rursumque seruitutis iugo collum subdat: utpote quæ ingrato animo benignæ dominisui ac beneficæ voluntati iniuriam intulerit, eiúsque iudicium, quod reuereri & venerari debebat, tanquam per rebellionem contemnere cogitarit.

DE PRAEDIIS MARITIMIS AD REMO-  
*ras piscatorias constituendas seorsum non sufficientibus, & ut  
 minus etiam ad societatem adigatur.* CONST. CII.

Idem IMPERATOR eidem STYLIANO.

Recurrere ad  
 const. 57.

**M**ulta cumulatim bona mortalium vitæ confert prudenter & cum ratione instituta rerum communio. Etenim qui viribus valet, si cum altero, qui similiter viribus valeat, communicet, longè præstantiores atque virtuosiores eius vires fuerint: & diuites, si diuitias communes faciant, maiorem ex diuitiis voluptatem capiant: denique si paupertas premat, operarum communio consolatione, qua paupertatis acerbitas mitigetur, non indigebit. Verum quum a-

deo cōmoda atque vtilis in cōmuni vita cōtī-  
nio & societas fit, mirabilis quā dā hominū ani-  
mos subiens prauitas, nedū aliis ad vtilitatē im-  
pedimento est; verum etiam qui ipsam fouent,  
vt rebus suis noceri, quātm vt inita cum vicinis  
societate ipsis aliquid lucri accedat, permittere  
malint, persuadet. Ac tale quiddā certē de non-  
nullis audiuius, qui quū maritima prādia hā  
beant, quæ per se non ita multum lucri adferāt,  
cum vicino autem & adiacēte pradio commu-  
nicatione coniūcta, vberiorē vtilitatem red-  
dant: societate inire, neque illa cum vicinis prā-  
diis commiscere (qua ratione ambo aliquid lu-  
crari possent) per malignitatem nolūt: sed coti-  
trā, dum modovicino nocumento sint, seipsos e-  
tiam damno afficere malunt. Verumenimvero  
tamen si damnum suum tales agnoscere nolint,  
suāque malè administrantes, vtilitatem per im-  
probitatem negligant, tanquam immanes bel-  
luæ, vt propinquos lædant, in sua vulnera pro-  
ruentes: nō tamen istiusmodi malignitatem in  
cōmuni vita Imperatoria nostra Maiestas inso-  
lescere patitur, neque quia illi vtili cura digni  
non sunt, auxilio vacuos relicturi sumus. Quare  
ex parte aliqua ipsis, præcipuè verò vicino, quē  
ista inhumanitas malè torquet, prospiciētes, san-  
cimus vt, si istiusmodi prādia mare versus non  
adeò singula lata sint vt septi remoratorii consti-  
tuendi ius habeant, eius iuris consequendi causa  
communione coniungantur: quò per istiusmo-  
di communionem domini ex suis possessioni-



bus vtilitatem sentire possint : & , si dominorum alter communionem facere nolit , ad illam inuitus etiam cōpellatur. Quum enim quāuis inuitus aliquis beneficii particeps sit , id benignitatem etiam esse persuasum habemus. Hīc autē longē maior se exerit benignitas , vbi non solum qui beneficium non agnoscit , illo tamen afficitur , verum etiam qui illo iniquē priuabatur , id sentit & percipit.

DE IIS QVI DE MARITIMIS PRÆ-  
dijs ad constituendas remoras piscatorias societatem ineunt.

CONST. CIII.

Idem IMPERATOR eidem STYLIANO.  
 SOI **I**N societatibus vsitatum est vt ferē qui plus contulit , idem plus lucri sentiat . Et rectē sanē negotium instituunt inter quos ita conuenit. Veruntamen de maritimis prædijs societate inita , nō ideò rectē , cuius prædium latius est , eo cuius arctius est , maius lucrum auferat . Exempli gratia , huius prædium centum passus latum sit , illius verò longē angustius , si hæc coniungens communio inde vtilitatem suppediter , vt æqualiter , non autem secūdam cuiusque portionem , prouentus inter socios diuidatur , rationi cōsentaneū est. Quid ita ? Quia in aliis negotiis ( in collocatione pecuniarū nēpe , aut pecorū , aut etiā , si quis ita velit , terrestriū locorū ) vnaquæque res quæ in cōmunionē coiit , per se domino , quātum eius natura fert , vtilis esse possit : in maritimis verò prædijs id similiter se non habeat . Nam non

Lego ἐκαστον

Lego συνέν

ἑκάστη

quemadmodum illa, sic quoque maritimi iuris  
 portio in se cōsiderata, peculiare lucrum habet. *Lego ὁππότε  
 εὐσφοδῆν.*  
 (Non enim praeda ibidem semper loci consistit,  
 tanquam venatores expectans) Alioqui verò e-  
 tiam, quòd maior portio propter minoris defe- *Lego ἐλατ-  
 τήτος*  
 ctum inutilis sit. Quis enim ex re imperfecta v-  
 sus aut utilitas? Additio autem minoris quum  
 imperfectionem expleat, quòdque per se ad ni-  
 hil conducatur, vtile reddat, rationi cōsentaneum *Malim εὖ-  
 λογος*  
 sit vt utilitatis ex maiore portione, quæ citra ac-  
 cessionem minoris nihil emolumenti adferat,  
 provenientis æqualem partem domino suppe-  
 ditet. Propterea igitur legē etiam quæ deinceps  
 iustè hoc gubernet, Imperatoria nostra Maiestas  
 profert. Statuimus verò vt si duarum maritima-  
 rum portionum, quarū altera maior, altera ve-  
 rò minor sit, ad constituendas remoras piscato-  
 rias in communionem coniunctio fiat, vtrius-  
 que portionis domini ex æquo inter se lucrū di-  
 uidant.

DE PISCATORIIS REMORIS INTER  
*quas legitimum interspatium non est.* CONST. CIIII.  
 Idem IMPERATOR eidem STYLIANO.

**Q**Vandoquidē sæpe vsu venit vt, quum le-  
 gitimo intervallo vicinæ inter se remo-  
 ræ piscatoriæ non distent, cōtentio-  
 nes atque lites exuscitētur: de iis etiā cōtrouer-  
 siis statuitur vt reus, vbi legitimè cōuictus fue-  
 rit, si loci spatium patiat, eò remoras transse-  
 rat, vbi tanquā legis præscriptū despiciat, litem



subiturus non est: si verò quò transferat locus non sit, annorum curriculum obseruetur quot in litigioso loco remoratum septum fixum fuerit:& si actore præfente, nullámque protestationem interponente decem annos constiterit, immotum eodem in loco permaneat: at si actor peregre sit, vt septum non moueatur, decennium non sufficiat, sed alterum annumerari oporteat, vt anni omnes viginti sint. Atque hoc quidem præscriptum in prophanis obtineat: Ecclesiæ verò & monasteria, & si qua alia venerabilis domus, tum denique quæcunque ad fiscum referuntur, quum ipsis ad annum quadragesimum iura conferuentur, dictum tempus despicient.

Lego ἡμῶν  
πολιτῶν, ὅ  
μοις ἐστὶν ὡν.

§ 02

Quicquid  
pro κατὰ τὸν  
reponas, omis  
ti poteris.

Ac sic quidem de remoratum statione quæ propter temporis longitudinē moueri non possint, sancientes, iubemus ne actor maritimæ oræ emolumento priuetur, tametsi quod tempus elapsum sit, obtinere litem non potuerit.

SI MAGISTRATVS ALIQVIS RES FIS-  
cales furatus esse deprehensus sit. CONST. CV.

**L**audabilis res est legitima castigatio & poena, quòd incomposita emendet, & ad mala propensos, ne in illa proruant, vel inuitos restringat. Laudabilis est (inquam) quādo legibus conuenientem seruat clementiam, neque hanc excedere argui potest, neque verò castigādi prætextu crudeliorem se exhibet. Quando & pater, donec benignè delinquentem filium castigat, simul prudentiæ, simul castigationis nomine lau-

dādus est. vbi verò, paterno affectu abiecto, non  
 vt patrem decet, sed atrocē in modum pœnam  
 filio infligit, non paterno more castigat, neque  
 quisquam atrocitatem approbat. Ac sanè si le-  
 ges reuera reipublicæ parêtes sunt, (quemadmo-  
 dum sunt profecto) requiritur omnino vt pro  
 ratione delictorum pœnas etiam constituent:  
 nequaquam verò immanem aliquam, multo-  
 que quàm pro delicti modo grauiorem pœnam  
 imponant. Nam quomodo id legitimæ est cor-  
 reptionis, quomodo inde manantis medicatio-  
 nis, si qui cuiquam mortem intulisse conuictus  
 non sit, morte puniatur? Medici sanè quidē non  
 præcisē integra mēbra secari iubent, & lex quū  
 medicorum cōmiseratione infinito maiorem  
 præ se ferat commiserationem (si quidem corpo-  
 ra tantummodo spectat medicinæ beneficium,  
 leges verò tam animo quàm corpori benefi-  
 cia præstant) tantam crudelitatem in eos qui-  
 bus mederi vult exeret? Hæc itaque quum hunc  
 ad modum sese habeant, placuit nostræ Maiesta-  
 ti, vti quæ lex mortem decernit in magistratum  
 qui res fiscales furatus esse deprehēsus sit, neque  
 verò in hunc solum, sed in illos etiam qui hac  
 in re illi focii fuerint: hæc tanquam ab huma-  
 no legalique ingenio aliena non amplius in le-  
 galibus constitutionibus locum habeat, neque  
 nominetur quidem, & velut superuacanea extra  
 rempublicam proiciatur. Dehinc verò istius-  
 modi magistratus pro fiscalis rei furto dignita-  
 te expellantur, quæque surriperint, hæc in du-

*Mutari nec-  
 ne d'èis è-  
 sty debeat,  
 uiderit cui  
 uacat: mihi  
 sensum ex-  
 pressisse sa-  
 tis est.*

*Orationis ra-  
 tio ποσὶ πε-  
 ται ὁ ὅτι  
 δεικται πο-  
 σιταρ.*

*Vide tit. De  
 crim, peculi*



Lego bñi  
Causas.

plum dependant. Qui autem in hoc communi-  
carunt, si diuites sint, eidem poenæ subdantur;  
sin pauperes, flagris cæsi, ignominiosèque tonfi  
exulare iubeantur.

DE INDOTATIS MULIERIBVS, QUAN-  
tum maritis mortuis ex ipsorum bonis lucrentur.

CONST. CVI.

Idem IMPERATOR eidem STYLIANO.

S Ir em quæ modo aliquo absurda æquitati-  
que esse dissentanea apparet, lata de illa lege  
ad decentem cōstitutionem deducamus, o-  
peræpretium nos facturos videmur. At quæ il-  
la tandem est? Quod quæ mulieres inopes (id quod

Secundum  
Nov. 117, Po-  
steaquā ue-  
rò quondam.

503

Videtur de-  
esse è vera

non rarum est) locupletibus viris matrimonio  
iunguntur, hæ illis defunctis provenientem ex  
ipsorum bonis portionē ('provenit autē, si pau-  
ciores quatuor liberi sint, cognominis isti nume-  
ro portio, quadrans nempe: sin tot aut plures, quantum  
quisque illorum habet) non in perpetuū domi-  
nium, neque ut de illa testari possint: sed ad vitā  
'in vsum fructum tantūmodo, & ut inde vitam  
sustentent, accipiant: & ipsis mortuis in liberos  
huius portionis dominium transferatur: neque  
illis rebus suis vtendi quomodo velint potestas  
concedatur, extraquam si nulli liberi supersint,  
quod infortunium illas rerum dominio bect: ut  
haud sciam vtrum mulier ex se fructum videre  
præoptet, an verò ne nascatur aliquis, quo de-  
uoluendæ ad ipsam portionis domina fiat, ex-  
crabūda precetur. Hanc verò absurditatem Im-

peratoria nostra maiestas corrigens, sancit ne istius portionis dominium mulieri auferatur, vti que ipsa quomodo visum sit de illa statuatur, & nihil aliud liberis quàm quod ex Falcidia ipsis competit debeatur: tamen vt priorum nuptiarum illa non obliuiscatur, neque inducto altero marito, prioris toro cõtumeliam inferat. quòd si contingat, à nobis attributo dominio prorsus excidet, illaque fato functa, liberi rerum domini fient.

VT ACTOR ANTE LITIS CONTESTATIONEM PORRECTO LIBELLO IUDICI FIDEM SUAM PROBER.

CONST. CVII.

**S**I quicquid honestum vitæque humanæ utile est, à senio liberum ac semper vernas permaneret, neque vnquam eius vtilitas deficeret: id verò lógè præstantissimũ foret. Quãobré etiã, si cõtingat (vt sanè persæpe cõtingere solet) vt eo neglecto vtilitas depereat, quorũ curæ cõmunis vitæ bona incubũt, hi certè vt ne id quod de se multum vtilitatis in commune diffundat, restituere negligant, sanequam conueniens est. Eapropter & nostra Maiestas legem quãdam rebus humanis multo quondam vtilissimã, nunc verò velut senio confectã, & ne prorsus inutilis fiat, periclitãtem, ad pristinum robur reducẽs senii incommodum quasi abradit, & ad primitiuũ ipsius vsum rei que publicæ vtilitatem renouat. Lex autem de illis qui actionem mouent agit, vt hi, priusquam ad rei disquisitionem deuenia

Hanc legem  
intercidisse  
puto. Cõsules interim  
Nov. 112, Cæ  
terum.



h<sup>ic</sup> ex-  
pungo.

tur, de suo instituto iudici fidem faciant, scripto complexi, se nullo dolo malo aduersarium inquietare, neque alio iudicio condemnatos esse, neque in præsens scire se nullum ad tribunal auditum habere, & maligno consilio negotium facessere, neque denique mendaciis veritatem interuertere conaturos esse. Atque hæc quidem legis præscripta sunt: quæ sanè rectè sese habent, eaque qui transgrederetur, huic poena infligebatur. Neque verò huic soli, sed causarum etià patronos iisdem dicta lex adiudicabat. Itaque hæc (quemadmodū dixi) ceu deperditam, prorsusque inutilem redditam, Imperatoria nostra Maiestas tū ad pristinas vires reducit, tum in rem publicā reditu donat. Ac verò sancimus vt qui dehinc in iudicium procedere volēt, ante introitum, quæ à lege præscribuntur exhibeant.

504 DE EO QVI AD PRIMAM DENVN-  
tiationem iudicio se non sistit. CONST. CVIII.

NEQUE verò hoc, tamen si neglectum hæc-  
nus contemptuūque habitum sit, incorre-  
ctum relinqui fas est, potiùsque vt conue-  
nienti auxilio potiatur conuenit, vtpote quod  
humanis rebus multam de se vtilitatē præbeat.  
Nos itaque, quemadmodum is tractatus qui li-  
tem instituere volentibus formam præscribit,  
innouatus est, ad cōsimilem etiam modum hoc  
innouantes, sancimus vt qui semel iudiciali ci-  
tatione in ius vocatus, neque ipse paret, neque al-  
lium qui pro ipso in iudicio se offerat mittit, i-  
terum

Legō δὲ καὶ  
βουλομένη  
πάντων  
Cōsule Nou.  
112, Porro  
quī omnes

terum iudicii denuntiatione impetatur: cui si similiter non obtemperet, neque tertia denuntiatione indignus censeatur: & si quidem, quū tam patienter iudicialis clementia ipsum expectet, ipse nihilominus, tertiam citationem contemnens (quum nulla iusta causa comparitionem eius impediat) neque per se neque per alium iudicio sistat: tunc omnino etiam absens condemnatur, & nequaquam deinceps vel quæstionem mouere, vel condemnationem subterfugere ipsi permittatur. Atque hoc in vtrūque litigatorem decernimus, siue quis in ius vocatus, comparere negligat, siue quis actione instituta, aduersariōque in iudicium producto, deinde ipsi molestias protelationesque litis machinans, ab intenta actione dolo malo desistat. Etenim hic quoque, ubi ter à iudice citatus non paruerit, absens condemnabitur. ita tamen (quemadmodum dixi) si nulla causa, quæ illum qui se in iudicio non obtulit, verisimiliter purget, ad iustam excusationem subsit.

*Quomodo-  
que Græci  
legi debeant,  
hic eorum  
sensus est.*

NE INTRA SEPTIMUM AETATIS AN-  
num sponsalia ineantur, neque ante decimum quintum maribus,  
aut decimum tertium foeminis, matrimonium consecratur.

CONST. CIX.

**Q**Uum suum cuique rei tempus esse Sapiēs tradat, idque cōmunis omnium, qui mōdō mentis cōpotes sunt, sentētia tum amplectatur tum probet: in omni actione tempus obseruare lōgē pulcherrimum fuerit. Quod si fortasse alibi, in contrahendis certē matrimo-

*Ecclesiast. 3.*

M.i.



*Idem habes*

*l. 14. De spō-*  
*sal. Dig.*

*Recurrere ad*  
*const. 74*

*Leg. 7. de test.*  
*pro 14. d.*

niis negligi non debet. Oportet enim vt quò ea res in communi vita magis necessaria est, eò prudentius cautiùsque ad illam procedatur. Quam sanè nos ob causam secundum veteres, 'qui rectè hac de re lege lata statuerunt, sancimus nequo modo ante septimum ætatis annum sponsalia constituentur, neque matrimonium, sponsalia duodecim, 'sponso verò' quatuordecim annis minore, sacris cæremoniis confirmetur. Atque hoc quidem, quantum ad communem publicumque reipublicæ vsum attinet, ita veritum sit. Verùm si imperator (vt sæpe accidit) nouam familiam conficiens, & sponsalia, & consecratione peragendam coniunctionem intra præstitutos annos desponsandis decreto permittat, id nihil legi aduersabitur. Licitum enim est vt quibus Deus vniuersi terrarum orbis, tanquam familiæ cuiuspiam, administrationem demādauit, hi secus quàm lex, quæ subditos deuincit, præscribat, familias cogant.

VT MV L I E R, S O L V T O M A T R I M O N I O  
dotem suam, propterque nuptias donationem, & reliquam omnem mariti substantiam in commentariū conscribat, ac eo prolatore sacari sibi postulet si quid damni in rebus suis à marito se passam dicat: citra commentarium autem euidentemue probationem nihil petat, aut petendo accipiat.

C O N S T. C X.

*Vide tit. Soluto matrim.*

*l. 12. De iure deliber.*

*C. Nov. l. etiam, Hinc*

*nos curis. C. Nov. 97*

**Q**Uum præter alia, quæ sanctè à veteribus de matrimonii rebus tractata sunt, huic quoque tractatui satis prospectū sit: vt nempe mulier soluto matrimonio non quoquo

modo res maritales percipiendas & detinendas vendicer: sed, si de illis controuersia moueatur, confectum post mortē mariti de dote sua & donatione propter nuptias, reliquísque maritalibus facultatibus commentarium publicè prius exhibeat: & siquid ex dote à marito consumptū esse appareat, id ex ipsius bonis repetat. quū hoc (inquam) quo modo ius atque æquitas postulat, à veteribus constitutū sit, at verò nūc eius nulla ratio habeatur: quoniam veterum prudentiæ utilitatem conseruandam ducimus, illorum sanctionem renouātes, statuimus vt dehinc omnibus modis de dote, propterque nuptias donatione, & aliis quibuscūque maritalibus rebus à mulieribus commentarius cōficiatur: quò si quando ad istiusmodi controuersię speciem adigantur, & ad res maritales pro eo quantum ipsarum res deteriores redditæ sunt, procedere velint: ex eo commentario aut probatione petitionis æquitas cognoscatur: *ut tum* rectè res maritorum vendicer, quando commentario comprehensa ab illis insumpta esse constabit. Citra commentarii autem testimonium neque petitio locum inueniat, neque illæ contentiosè petentes aut audiantur, aut quicquam eorum quæ petunt consequantur. Porro commentarii conficiendi tempus statuimus, vt intra tres menses fiat: & cuiusmodi multa à veteribus in tutores constituta est, talis etiam hic procedat.

*Vide l. 7. De  
administ. &  
peric. tutor.  
Dig.*



UT SI VXOR MENTE CAPIATUR, ID-  
que neque dolo mariti, neque ipso cōscio aliorum maleficio fiat.  
et ultra tres annos id malum duret: matrimonium dirima-  
tur, alteramque uxorem ducere marito liceat.

CONST. CXL

Idem IMPERATOR eidem STYLIANO.

**N**ihil adeo ad conseruandum genus huma-  
num esse necessarium, atque quod è costa  
viro attributum est subsidium, cū ar-  
506 tifex ille qui istud condidit, tum ipsa natura di-  
uino documento attestatur. Quod quum ita sit,  
istiusmodi de re illa commētari & statuere, quæ  
per omnem vitam illis qui coniugii nexu vniti  
sunt, auxilio gaudiōque sint, quæ in initio propo-  
situm coniugii finem confirment (non verò con-  
tra affligant & miseriam perpetuūque mœro-  
rem adferant) legis prouidentiam, & si qua aliun-  
de cura mortalium rebus succurrit, par atque  
conueniens erat. Si ergo coniugiū tale esse oportet (quemadmodū certè oportet) non sanè sus-  
cipienda mihi illa lex videtur, quæ, si post initū  
matrimonium furore vxor corripitur, maritū  
illam perpetuò retinere, & furoris incommodū  
semper ferre cogit. Vbi enim approbetur, vbi ra-  
tioni consentaneum, aut matrimonialis conui-  
ctus solitudine dignum videatur, vt per totam  
vitam maritus insanienti vxori alligetur, eiūs-  
que fœditatibus conficiatur? Si enim nullus a-  
deò truculentus est vt vel momento quenquam  
cum feris in eundem locum includere sustineat,  
quomodo legis benignitate prædita illa lex est,

Lego vult-  
p. 107

L. I 6, Furor,  
Derictu nupt.  
Dig.

Lego d. modo  
p. 107

quæ perpetuo efferatæ furore coniugi cohabitā-  
 re maritum iubet: Sed per coniugium (inquiūt)  
 in vnum corpus coierunt, oportetque membrū *Gen. 2.*  
 alterum alterius morbos perpeti: & diuinū præ-  
 ceptum est, quos Deus iunxerit, ne separentur. *Matth. 19*  
 Præclara quidem hæc & diuina, vtpote quæ à  
 Deo pronuntiata sint: verum non rectè neque  
 secūdum diuinum propositum hîc in medium  
 adferuntur. Si enim matrimonium talem statū  
 conseruaret qualem eius in principio pronuba  
 exhibuisset, quisquis separaret, improbus profe-  
 ctò esset, neque reprehensionem effugeret. Iam  
 verò quum præ furore ne vocē quidem huma-  
 nam à muliere audias, nedum aliud quidquam  
 quæ ad oblectamentum & hilaritatem matri-  
 monium largitur, ab illa obtineas: quis adeò a-  
 cerbum horredūque matrimonium dirime-  
 re nolit? Eapropter sancimus vt, siquando post  
 initum matrimonium mulier in furorem inci-  
 dat, ad tres annos infortunium maritus ferat,  
 moestitiāque toleret: & nisi interea temporis  
 ab isto malo illa liberetur, neque ad mentem  
 redeat, tunc matrimonium diuellatur, maritus  
 que ab intolerabili illa calamitate exoneretur.  
 Cui sanctioni hoc adiicim⁹, vt furoris causa in-  
 uestigetur, in eāque inquiratur, num fortè ma-  
 riti, aut *ipso consilio* familiarium eius aliorūque  
 quorumlibet technis atque dolo sit conflatus. *Legō ei p̄p̄*  
 Quod si sic esseprehendatur, & quidem mari-  
 tus malefici arguatur, vt hic in monachū trans-  
 formatus, nolensque volens monasterio inclu-  
 M.iii.



*Lego uxorem  
eius tui*

ius nequitiae suae poenas luat, manantique ex sacris canonibus animae curationi subiectus sit, decernimus. At si à cognatis ipsius, aut aliunde ipso conscio noxa orta sit.\*\*\*

VT SI MARITVS PER MATRIMONI  
tempus in furorem incidat, iura quinquennium matrimo-  
nium solui nequeat; eo autem elapso, si furor eum adhuc occu-  
per solui possit. CONST. CXII.

307  
Plenior interpre-  
ratio ex l. 16, De  
rii nupt: Dig. I  
démque facitis  
ex l. 8, De spon-  
sal. Dig. si iun-  
ctur sponsalia  
uertere uelis,  
quod hic non co-  
uenire uidetur.  
Adhibebis por-  
rò commodè his-  
ce constit. l. 2. Si  
maritus, Solutio  
matrim. Dig.  
Lego uxorem  
eius tui

V Eterum iurisperitorum sententiam, qua  
furorem matrimonium impedire, iam  
initum autem non infirmare constituitur,  
neque conuellere neque reprehendere est ani-  
mus, illósque ipsos ad iudicium suum, quo ad id  
decernendum commoti sunt, expendendum re-  
mitto: ut tamen illam aut approbem aut con-  
firmem, quòd id mihi approbatione indignum  
videatur, induci nequeo. Nam quum matrimo-  
nium, si furor praeueniat, impediatur: at verò si  
inito iam matrimonio furor superueniat, illud  
nihil laedi dicatur: quomodo hinc ad compro-  
bandum illestemur? Si enim hoc in matrimo-  
nio spectatur, ut cum utriusque coniugis còmo-  
do còtrahatur: quomodo qui ne id ab initio, tan-  
quam inutile, consistat, suadet: si, postquam ini-  
tum erit, eadè calamitas existat, non idem eius  
compagem, tanquam inutilem, dissuadebit? An  
operam dari oportet nequis omnino in mali  
cuiusquam periculum incidat: qui verò iam in-  
ciderit, hic sine omni ope relinquendus, ipsius-  
que calamitatum non miseresendum est: Quod

*perinde sit atque si quis, priusquā morbo quispiam corripitur, adhibendum remedium existimet, at iam correptum negato remedio mori sinat. Veruntamen (id quod dixi) reprehendere iuriconsultos non est animus: ut tamen ipsis astipuler permultū abest. præsertim verò quum multi alii modi ad soluendum matrimonium constituti sint, quorum nullus cum furoris malo cōferri rectè possit. Quomodo nanque mariti prodigalitas, aut religionis diuersitas, aut in naturali cōsuetudine impotentia & imbecillitas, aut siquid aliud his connumeratur quod ad dissoluendum matrimonium valeat (cuiusmodi est, si seruilis conditionis coniugem esse appareat, & si quæ in pactationibus nuptialibus promissa sunt propter paupertatem plenè præstari nequeant) hæc (inquam) & similia, quibus matrimonia dissoluere lege tributum est, quomodo tandem cum furoris calamitate comparari possunt? Nos itaque sancimus ut, si furor post initū matrimonium superueniat, ne intra quinque annos coniuges disjungantur. Etenim quemadmodum quando per omnem vitam furor duraret, nec tamen matrimonium dirimi posset, id durū & acerbum esse visum est: ita tanto tempore expectare & perseverare necesse est. At si, postquam tantum temporis decurrerit, malum se non remiserit, neque furiosus resipuerit: cum neutrius commodo aut incommodo coniugium dirimatur. Atque hæc quidem statuimus, non quò superioribus legislatoribus obtretemus: sed ut*



quam subditis curam debemus adimpleamus. Iam verò si furor ipso nuptiarum die animaduertatur, quominus confestim matrimonium, tametsi sacro ritu confirmatum sit, dissoluatur, nihil obstitit: perindèque ac si ante nuptias furor animaduersus esset, matrimonium in irritum recidet atque distrahetur. Sed quòd post consecrationem disiungendos esse coniuges dicitur, fortasse id nonnullis recto iudicio destitui videbitur: quasi, posteaquam sacrificio iuncti in vnum corpus coierunt, non dirimi illos sed vnitos fini oporteat. Et præsertim quidem quum præstantius membrum, adeòque caput maritus sit: neque præcipua corporis membra, si morbo aliquo occupentur, amputari soleant. Atqui hæc ratio, dum à coniunctione stare atque illam defendere se putat, quid sibi benedictio velit ignorare videtur. Hæc enim præstantissima quæque cōubio largiri cogitans, pudicitiam, indissolubilique quodam amoris vinculo coniuges deuinciens, propagationem generis, & siquid aliud matrimonium iucundum reddit, consecrat. At furori *quæso* quomodo cum hoc sacrificii proposito conueniat? Vbi enim pudicitiae integritas, quando mens seipsam non nouit, miserabilisque ignorantiae infortunio premitur? Vnde verò propagatio generis speretur, quum furor spectaculum solo aspectu horrendum miseræ vxori miseriorem maritum exhibet, nedum ipsi cum illo cōsuetudinem habere permittit? Quali porro amoris vinculo colligentur, quum morbus

Ε. γο σωφρο-  
σύνη, καὶ  
ἐπιήκετο

uniuersum hominē efferat, & vt quiduis potius  
quàm homo videatur efficit? Ac profecto si forte  
ex tam infortunato connubio fœtus in lucem  
prodeat, quum natura fructus rebus ut plurimū  
assimulare soleat: quomodo non hic ipse fœtus  
humano generi commune detrimentum adfe-  
ret? Mihi igitur propter hæc etiam, matrimo-  
nium post furoris correptionem soluendum  
esse constituere, iustum rationique esse consen-  
taneum, neque ad reprobationē matrimonialis  
benedictionis, neque ad aliud quodpiā crimen  
vergere visum est. Quòd si quis sanctionem à cri-  
mine nō liberet, hic apud se furiosi matrimonii  
utilitate expensa, quantum momenti iudicium  
suum habeat cognoscat.

VT, Q UEMADMODVM IN ALIIS STRV  
cturis lege cautum est: ita etiam subdialium ambulacrorum stru-  
cturæ, quæ solaria appellantur, decem pedibus à vicinorum  
ædificiis distent.

CONST. CXIII.

**Q**Uæ veteres de domuum & alioqui parie-  
tum structuris tractauere, perbellè illa se  
habent: & vicina ædificia decem in-  
ter se pedibus distare debere, ab iisdem rectè cō-  
stitutum est. Verum quoniam de subdialibus  
deambulationibus, & (quomodo aliquis fortas-  
se vocet) prosceniis spectatoriis, quæ ad apricā-  
di vsum, & cum quidem solum excogitata sunt,  
atque à sole nomen acceperunt (solaria enim  
appellantur) in lege nulla mentio facta, nihilque

Videt it. De  
ædificiis pri-  
uatis, C. &  
Zenonis con-  
stitutionem  
à nobis Lati-  
nam faciam



constitutū est: decreto quod de illis statuatur, quæque subinde (vt verisimile est) de iisdem contē-  
tiones emergunt dirimat, opus est. Decerni-  
mus igitur vt & in his structuris, solariorum nē-  
pe, inter vicinos tantum interstitium seruetur  
quantum in aliis cōstitutum est. Etenim quem-  
admodum in illis conspectus *prohibendi* causa de-  
cem pedum interstitium statutum est: ita hīc  
quoque meritō idem spatium eadem de causa  
præscribetur: præsertim verò quum conspectus  
maiorē etiā distantiam hīc requirere videat-  
tur. Nam si, ne se inuicem vicini cōspiciant, in-  
ter alia ædificia decem pedum intercapedo re-  
linquitur, hīc tanto id magis fieri debet, quanto  
huiusmodi structuræ conspectui magis sunt ex-  
positæ. Constat enim sedentem quippiā mue fa-  
facientem in ædibus aliquem, quod multa se-  
ptorum obstacula intersint, non ita facilē posse  
conspici. In prosceniorum verò de quibus agi-  
tur operibus, aut (quomodo multi dicere ma-  
lint) menianis, quominus in quancunque par-  
tem circumspectes nihil obstat. Eapropter san-  
cimus ne aliter cuiquam talem structuram fa-  
bricari liceat quā si decem pedibus à vicino-  
rum structuris abstineat. SIMILITER si quis  
ædium suarum fastigium mutans, marmoreas  
crustas obducatur, hic etiā non aliter id faciat  
quā si dictum decem pedum interstitium  
inter se & vicinum relinquat. \*\*\* aut alius  
quispiam modus auxilium ferat: longi tempo-

ris præscriptio, nempe si ex quo opus constitit,  
à legibus præfinitum tempus decurrerit: aut pa-  
ctum 'asseruetur, ex quo quis facultate acce-  
pta ad ædificandum accesserit: iubemus vt in  
suo statu structura maneat, tametsi à vicini stru-  
ctura decem pedibus non distet.

Non temerè  
obscurè hæc  
locū melius  
exprimas.

FINIS.



# IMP. IVSTINIANI

## EDICTA, AB HENRI-

### CO AGYLAEO LATINITA-

te donata, excepto primo.

EDICTVM VBIQVE LOCORVM CON-  
*stitutis Dei amantissimis Archiepiscopis religiosissimisque pa-*  
*triarchis conscriptum.* EDICT. I.

*Primum hoc e-*  
*dictū uerit Ha-*  
*loander, quod Iu-*  
*stiniani Nouella*  
*octaua adin-*  
*sum est.*



Vram gerentes traditæ nobis  
 à Deo reipublicæ, simulque vt  
 subditi nostri ex omni parte  
 cum iustitia vitam degant stu-  
 dentes, subiectam legē descri-  
 psimus, quam quidem & san-  
 ctitati tuæ, & per eam omni-  
 bus qui in prouincia tua sunt, manifestā facere  
 pulchrum duximus. Tuæ igitur religionis & re-  
 liquorum episcoporum fuerit ista obseruare, &  
 siquid præfides transgrediantur, ad nos referre,  
 nequid eorum quæ religiosè simul & iustè à no-  
 bis sancita sunt, despiciatur. Nam si nos quidē  
 subditos nostros miserati, quòd vltra publico-  
 rum tributorum pensitationem ingentibus præ-  
 terea iniuriis propter vèditiones prouinciarum  
 ex præsidum rapina supprimebantur, eas per  
 subiectam legem tollere properauimus: vos au-  
 tem, in vtrunque dormientes aurem, nihil nobis  
 renuntietis: sit quidem Domino Deo consecra-  
 ta, vos autem rationem ei reddetis de iniuria a-

illis illata, si per hanc occasionem quòd de his non instruamur, nocumēti aliquid vestris istis hominibus irrogetur. Imò vos, qui in loco præsētes estis, & tam pro vobis quàm pro cæteris decertatis, oportet certiores nos reddere & de iis qui rectè se in administratione gerunt, & qui hanc nostram legem transgrediuntur: ut utroque cognito, in hos quidem animaduertamus, illis verò aliquā referamus gratiam. Simulac verò lex publicè proposita & omnibus manifesta facta est, tunc suscepta intra sacrosanctam recondatur ecclesiam unà cum sacris vasis, nimirū quum & ipsa Deo dedicata, & ad salutem sub ipso constitutorum hominum scripta sit. Multo autem speciosius & magis ex usu hominū qui per ea loca sunt, facietis, si eam tabulis aut lapidibus insculptam in porticibus sacrosanctæ ecclesiæ perferibatis, promptam omnibus legendi & parandi ea quæ sancita sunt facultatem præbentes. Quum verò de præsidum synceritate tantam in animo sollicitudinem reposuimus, manifestum est multo nos minus permissuros ciuitatum defensoribus ut vel aliquid accipiant vel dent. Dabunt enim pro præbitis sibi in foro gloriosissimorum præfectorū iussionibus, si quidē maiores sint ciuitates, tantum solidos quatuor: si minores, solidos tres, & præterea nihil à nemine autem quippiam, si redditus illis ex publico constitutus erit: aut, si nihil, ex publico percipiant, ultra ea quæ sacra nostra constitutione ipsos ferre debere expressum est, accipient. Alioqui si quid vel



ipsi, vel ipsorum (vt vocant) chartularii, vel quipiam eorum qui circa ipsos sunt, accepisse deprehenduntur: in quadruplum ei quod acceperunt restituent, neque non ea sollicitudine depellentur, & præterea perpetuo exilio mulctati, & corpore castigati, locum dabunt melioribus viris, qui pro malis eam sollicitudinem obeant. Eritis autem vos quoque huius rei custodes, simul inhibentes ea quæ cōtra hæc fiunt, simul ad nos referētes, vt neque aliud eiusmodi admissorum lateat, neque latendo relinquatur impunitum, sed vndique subditis nostris æquitas & iustitia reflorescat. Sed & qui etiamnum in officiis sunt, si post huius legis insinuationem non omni rapina abstinerint, sciāt etiam ipsi se constitutis in hac lege pœnis subiiciendos. *scriptum est hoc editum ad episcopos* DAT. XV. CAL. APRIL. CONSTANTINOP. BILIS. V. C. CONS.

NE PRAESIDES IN FISCALIBVS CAV-  
*sis fidem publicam dent.* EDICT. II.

Idem IMPERATOR IOHANNI prætoriorum præfecto.

EX iis quæ à gloria tua sine scripto ad nos relata sunt, non exiguam publicorum tributorum illationi difficultatem prouinciarū præfides, dum quibuslibet fidem publicam dāt, attulisse cognouimus. Eos enim qui tributa publica suscipiunt, inde sibi securitatem atque tutamentum prætendētes, quod aurum ipsis perfusum sit, non transmitters, sibi que maximam

partem retinere, & quum aurum debeant, malè sibi data fide publica abuti. Missa igitur ad excellentiam tuam hac sacra pragmatica forma, statuimus vt per edicta sua omnibus clarissimis prouinciarū præsidibus interdicit, ne in fisci causis fidem publicam dent: in priuatorum autem solum causis liceat ipsis, iis qui id desyderāt fidem publicam dare, idque ad certum tempus: quod non cōtinuò poterunt, vbi elapsum fuerit, denuo renouare. Sciāt verò omnes quòd vbi tales securitatis promissiones ab illis acceperint, nullam inde vtilitatē sensuri sunt: sed facultas cuiusque, cui hoc iniūctum est, vt quæ ab illis debentur publica tributa perfundat, fuerit, vt illos comprehendat: vt quæ illis in prouincia data fides publica fuerit, in nulla re ipsis vtilis futura sit. Cæterum illi soli securitatē habeant qui aut ad sacram nostram iussione, aut ad excellentiæ tuæ mandata securitatis promissiones abstulerint. P O S T E A Q V A M etiam à gloria tua edocti sumus quomodo nōnulli in diuersis prouinciis, inquisitione in eos qui se hæreticorum erroribus dedidissēt, facta, quū multos subditos hanc ob causam cōprehendissent, sportularū ratione magnam vim auri ab ipsis ceperint: sancimus vt qui id ausi sint, & comprehendantur, & ad clariss. prouinciarū præsides adducantur, post probationes quod ceperint, in triplū refuturi: vt simplū iis qui damno affecti sunt, reddatur, duplū verò in fiscum inferatur. P O R R O qui in vica-



riana cohorte, quæ spectabili Asianæ iurisdictionis vicario apparet, locum & ordinem obtinent, suo bonorumque suorum periculo publicorum tributorum illationi incumbant: quum quidem qui in prouinciali cohorte numerantur (quomodo & id ad nostram pietatem excellentia tua retulit) deficiant, numerusque ipsorum in paucos admodum coarctetur, ac à longo iam tempore clariss. prouinciæ Phrygum Pacatianorum gentis præsidis magistratum etiam vicarius assumpserit. Qui ergo in vicarianâ cohortem referuntur, facultatem habeant vt ex vicarii qui nunc est, & pro tempore futurus est, iussu publicas contributiones exigant, illasque fisco inferendas curent. **C O N S T I T V I M V S** etiam vt qui in quacunque prouincia prouinciales tributorum susceptores sunt, in acceptilationibus quas faciunt, quod ipsis perfusum aurum est, distinctè describant: distinctè etiam ponant, quantum occasione eorum, quæ excellentiæ tuæ mensæ, quæque sacris nostris largitionibus competunt, transfusum sibi sit: vt persolutam quantitatem per huiusmodi acceptilationes euidenter explicent & manifestent: denique nequi facultatem habeant vt quæ ex aliis titulis acceperint, in alios transponant & accepta ferant. Quæ igitur nobis placuerunt, & per hanc sacram pragmaticam declarantur legem, ea excellentia tua ad effectum deduci præcipito.

## DE ARMENIORVM SVCCESIONE.

## EDICT. III.

**A**Rmenios pristina iniustitia liberatos, tū ad nostras per omnia leges deducere, tum decora æquabilitate donare volumus. Et quoniam barbaricam quādam insolentēque, & quæ neque Romanos neque nostræ reipublicæ iustitiam deceat, apud ipsos esse legem nuper didicimus (vt nempe masculi in parentum hæreditatem succedant, fœminæ verò non) emissâ præsenti ad magnificētiam tuam sacra lege, decernimus vt successiones æquales sint, & quæ de viris mulieribûsque Romanorum legibus constituta sunt, hæc etiam in Armenia obtineant. Sanè idcirco illuc nostras etiam leges transmissimus, vt in eas oculos conuertentes ad præscriptum illarum rempublicam gubernarēt. Quoniam verò quæ præcesserunt, ea omnia commouere absurdissimum esset, statuimus vt hæc lex inde ab initio pij nostri imperii vim & vigorem habeat: vt ab eo tempore hucusque defunctorū successiones hūc ad modum fiant: præterquam si qui iam transegerint, aliōue modo se inuicem liberarint. Si enim tale quippiam factum sit, id in suo robore permaneat, nullōque modo commoueatur, iubemus. Porro *mulieres* à prædicto tēpore eorum etiam prædiorum quæ genearchica vocantur participes esse volumus. Si verò inueniri nonnullos contingat qui filias, quāquam non vocarentur ab intestato ad successionem, hæredes tamen scripserint, illæ similiter, quique

N. i.

392

*Id est, olim à  
principe ge-  
neris fami-  
lie suæ ascri-  
pta.*

*Lego τὴν ἑ-  
αὐτῆς κτν*



Legō. ὁρῶ

ex illis nati fuerint, in res genearchicas successio-  
nis participes sint. Quæ igitur nobis placuerūt,  
& per hanc sacram declarantur legem, excellen-  
tia tua & custodire & fini tradere studeto: vt le-  
ges nostræ per omnia obtineant, authoritatē-  
que habeant. Ac præsens quidem lex ab initio  
imperii nostri (vt iam diximus) incipiat, & si-  
mul in omne tempus extensa, in posterum om-  
nibus modis in republica vim habeat, atque ab  
omnibus obseruetur. DAT. X. CAL. AVG.  
BILISARIO V. C. CONS.

DE MAGISTRATV PHOENICIAE LIBA  
nicæ. EDICT. IIII.

Idem IMPERATOR IOANNI glorio-  
siss. sacrorum per Orientem prætoriorū præ-  
fecto, iterum ex consule & patritio.

**M**Agistratus creari oportere gratuito, iam  
lex nostra præcipit, quam sanè & autho-  
ritatem per omnia obtinere volumus.  
Posteaquam verò omnia ad subditorum bene-  
uolentiam *demerendam*, locorūque custodiam &  
munitionem vndique indagantes, magistratus  
partim coniunximus, partim diuisimus, alios in  
aliā atque aliā formam transmutauius,  
nonnullos verò sublimiores fecimus, nomini-  
būque maioribus, quā quæ tunc essent, deco-  
rauius, prætores, proconsules, moderatores, &  
comites præter pristinā consuetudinem in  
republicā introducentes, omniāque ad ipsius  
vtilitatem facientes: oportere etiam putauimus

vt magistratum Phœnicia ad Libanum ex du-  
 calibus in spectabilem transferamus, & mode-  
 ratoris formam illi demus, tum etiam annonas  
 ad decē auri libras assignemus: ipse verò istius  
 prouentus occasione fisco nihil præbere debeat.  
 Interim apud Phœnices scrinii tractator, pro  
 nuper attributo illi munere, quod & beneficium  
 nuncupatur, ex canone eiusdem prouinciæ cla-  
 riss. pro tempore spectabilium tribunorum no-  
 tarios primicerio denas auri libras in singu-  
 los annos dabit, quibus ille solis contentus esse  
 debebit. Moderator porro à muneribus omnia *Lego nō*  
 pura conseruet, & quatenus ipsi sacra nostra cō-  
 stitutio permittit, militum ministerio vtatur.  
 Veruntamen eximium illi fortissimorum Ter-  
 tiodelmatorum numerum, vt in Phœnicum re-  
 gione est, assignamus, qui præcepta ipsius ex-  
 audiant, qui ipsum insequantur, qui denique  
 iussis ipsius, quæ aut de vectigaliū exactionibus,  
 aut de reipublicæ statu, aut de ciuitatum incolu-  
 mitate procedent, pareant. Qua de re quum in-  
 strumenta cōfici iusserimus, statuimus vt excel-  
 lentia tua hæc omnia cognoscens, huius magi-  
 stratus præfecto decem libras auri in annonas  
 assignatas, ex prouinciæ tributis persoluendas  
 constituat. Interim quæ constituta sunt, vt quot-  
 annis à publicarum rationum procuratore spe-  
 ctabili clariss. tribunorum notarios primice-  
 rio darētur, imminuenda non sunt, neque verò  
 præterea quicquam illi est addēdum. In primis *393*  
 autem *moderatori* studio sit vt fisco faueat & com-



modet: dehinc, vt disciplina & conueniens ordo in ciuitatibus conseruetur: tertio, vt iustitiā inter plebeios exerceat. Quæ verò de moderatorū reliquorumque magistratuum statu in sacra nostra constitutione à nobis (vt dictum est) scripta sunt, ea omnia & in illo locum habeant. Sanè si dictus deuotorum Tertio delmatorum numerus nostro iussu in alia transferatur loca, alterum illi *in eius locum* surrogatum subiiciendum curabimus: vt nequid ex solenni plenoque auxilio omnino illi desit. In his porro iam dictis rebus spectabilis dux nihil communionis habebit. Nolumus enim quicquam illi commercii esse aut cum militibus spectabili moderatori certò assignatis, aut cum plebeiorum quoquam, aut cum illorum controuersis quas inter se habuerint, aut si qui plebeiorum, in quos illi nullum ius cōcessimus, dica impingatur: propterea quòd inter rei militaris curam & ciuilem administrationem permultum intersit, ac discerni hæc oporteat, quemadmodum patres reipublicæ id nobis ordinarunt & constituerunt. Ac sciant spectabiles duces, quòd, si rebus ciuilibus seingere audeant, militarem magistratum non retinebunt, & huic magistratui subiiciendi erunt. In nulla nanque re inferiorem hunc magistratum ducis magistratu esse volumus. Volumus insuper vt (quomodo dictum est) quàm vehementissimè publicarum contributionū exactioni incumbat, plebisque incolumitati inuigilet, & ne spectabilibus ducibus, neque clariss. tribunis,

neque cuiquam potentium domuum, imò ne sa-  
cro quidem nostro patrimonio, aut sacris no-  
stris priuatis, aut sacrae nostrae domui, quaecun-  
que tributariis nostris damnum inferre permit-  
tat: vt ne etiam demisso animo neque pavidus  
sit, sed virilem in modum subditis praesit, om-  
niāque faciat quibus alii moderatores ex prae-  
scripto obstricti sunt. Atque ita *quidem* rerū sum-  
ma ab ipso administretur. Illud sanè etiam fieri  
& obtinere volumus, vt spectabiles duces inde  
annonas auferant, vnde spectabilis prouinciā  
moderator eas auferendas constituerit: propter  
ea quòd manifestum sit eos non tam socorditer  
ad res animum aduersuros esse vt quae sibi com-  
petant petere non possint. Sciant verò quòd si  
praeter hanc quippiam fecerint, viginti librarum  
auri multam perfundet. Quae igitur nobis pla-  
cuerunt, & per hanc sacram declarantur legem,  
excellencia tua effectui & fini tradere studeo.

DE TEMPORE ACTIONVM QV AE SA-  
cris locis competunt. EDICT. V.

**Q**uod medicamenta morbis, hoc ius prae-  
stat controuersis. Vnde cognoscere est,  
quae rectè se habere cuiusque visa es-  
sent, saepenumero effectum habuisse prorsus di-  
uersum, & quod cuiusque ratio ac coniectura fo-  
re vtile existimasset, ex ipsa experientia inutile  
inuentum esse. Arguit hoc etiam praesentis con-  
stitutionis necessitas, ob quam quod nuper pri-  
uilegiū ex pio proposito sanctiss. ecclesiis, mona-

N.iii.

De hoc uide  
que in Nou.  
Supplemento  
ad tertiam  
constit. scri-  
psimus.  
Pro νόμος  
lego νόμος  
Lego ἐπιτομή  
λες, et mox  
ἀρχισυν  
Mire passim  
hoc edictum  
corruptū est,  
quin tamē-



*ius sensu re-  
cte expresseri  
mus, non pote-  
rit negari.*

steriis, & aliis venerabilibus locis per nostrā cō-  
stitutionē concessum est, necessaria quadam cor-  
rectione euertimus. Siquidem quum aliquot ab  
hinc annis ad centesimum vsque annum præ-  
scriptionis curriculū venerabilibus locis extē-  
di iussissemus, permultæ ex illius legislationis  
laxitate controuersiæ motæ sunt, ac velut anti-  
quorum vulnerum obductæ cicatrices in oculo-  
s denuo incurrerunt: verū curari illæ sanita-  
tiq̃ue restitui non potuerunt: quippe quæ proba-  
tionum difficultatibus impedirentur. Propterea  
quod per tātum seculi (ne dicam temporis) spa-  
tium, neque probationibus integritas neque a-  
ctus fides constare, neque etiam testibus vita sup-  
petere possit. Quamobrem quum liberalitati no-  
stræ controuersiarum angustia arctiorque velut  
ambitus non respondeat, adhibita ratione simul  
& religiosè dictum priuilegium retractantes, id  
ad possibilem modum ab ipsa experientia in-  
ducti deducimus, iubemusque vt in controuer-  
siis, quas antehac triginta annorum præscriptio  
fustulit, nunc in rebus ecclesiarū, monasterio-  
rum, xenodochiorū, orphanotrophiorū etiam,  
brēphotrophiorū, & ptochiorum, quadraginta  
annorum dilatio inducatur. Ea verò iuris ratio  
& virtus quam triginta annorum præscriptio  
vindicare solita est, circa alias, & personas & res  
integra interitū & salua maneat. Solis nanque  
(vt dictum est) venerabilibus locis eorūque iu-  
ri & contractibus hoc decem annorum auctariū  
elargimur, vt exacto hoc temporis spatio tum

personales tum hyphothecariæ actiones in perpetuum cōquiescant. Aliarum autem perscriptio-  
num nihil omnino imminuimus, & annalem  
triennalēque, & quæ aliæ in lōgiora angustio-  
ræ tēpora producantur, vim robūrque suum  
obtinere volumus. In solis etenim (vt dictū est)  
venerabilium locorum controuersis religio-  
sos contractus memorato quadraginta anno-  
rum priuilegio perfrui volumus, in quibus cen-  
tum annorum priuilegium illis constitutio no-  
stra concedebat. Illud verò in confesso sit, quòd  
si quæ controuersia ante hanc nostram cōstitu-  
tionem ecclesiis reliquīsque sacris locis quocun-  
que loco motæ iudicis autoritate & sententia,  
transactionisue modo finitæ sint, eas refricari  
redintegrarique nolimus. In reliquum autē tem-  
pus, iis quas antehac octo lustrorum silentio so-  
pitas nondum aut moueri, aut motas terminari  
contigit, rectè hac constitutio opponetur. Illu-  
stris itaque tua magnificaque autoritas, quæ  
per hanc generalem legem nostra statuit sereni-  
tas, ea vt propositis edictis ad omnium notitiam  
deueniant curet.

EDICTVM PIENTISSIMI DOMINI NO  
stri Iustiniani. VI.

**C**Ognouimus quomodo post castigationem  
domini Dei benignitate immissam, qui ne-  
gotiationes & ludos literarios exercent, di-  
uersi etiā generis artifices & agricolæ, insuper &  
nautæ, quum potius meliores fieri deberent, lu-  
N.iiii.



cri cupiditati se dediderint, & duplicia triplicia  
 que pretia ac mercedes præter veterem cōsuetu-  
 dinem requirant. Visum igitur est per sacrum  
 edictum omnibus interdicare detestandam isti-  
 usmodi auaritiam, & nequis in posterum cuius-  
 cunque disciplinæ aut artis magister, qualiscun-  
 que etiam negotiationis negotiator, qualiscun-  
 que demum agriculturæ agricola, quàm vetus  
 cōsuetudo ferat, plus pretii mercedisue nomi-  
 395 ne exigat. Iubemus verò etiam vt ædificiorum,  
 & colendæ terræ, aliorumque operum mensores  
 nihil amplius operariis imputent, & illis anti-  
 quam consuetudinem conseruent. Hæc autem  
 obseruare iubemus & eos qui qualiacunque ope-  
 ra demadant, & eos qui aliqua redimunt. Siquidẽ  
 nec ipsis amplius quàm more constitutum sit  
 dare concedimus. Sciant verò qui quicquā am-  
 plius quàm pro veteri consuetudine requirunt,  
 quòd triplicem quantitatem in fiscum inferre  
 cogentur si supra id quod ab initio cōstitutum  
 fuerit cepisse illos quicquam aut dedisse osten-  
 sum sit. Hæc porrò inquiri ac vindicari iubemus  
 & ab excellentia tua, & à gloriosiss. fœlicis huius  
 vrbs præfecto. Volumus enim per vos ab huius  
 nostri edicti transgressoribus constitutam mul-  
 ctā exigere, pœnisque illos subdi: ita vt quæ vobis  
 parent cohortibus, quinque librarum auri mul-  
 ctā incubitura sit, siquid ex iis quæ à nobis cōsti-  
 tuta sunt neglectum fuerit. DAT. II. CAL. A-  
 PRIL. CONSTANT. DN. IVST. PP. AVG.  
 POST EILIS. V. C. CONST. :

FORMA PRAGMATICA DE ARGENTARIORUM CONTRACTIBUS. EDICT. VII.

In nomine domini IESU CHRISTI Dei nostri.

IMPERATOR Cæsar Flavius IUSTINIANVS, Alemanicus, Gotthicus, Francicus, Germanicus, Anticus, Alanicus, Vandalicus, Africanus, pius, fœlix, inclytus, victor, triumphator, omni æuo adorabilis Augustus.

*Quod in Graecis Iulianus his adicitur utrosque mudeo.*

**Q**uemadmodum virtutis vis in rebus aduersis semper elucet, ita etiam Imperatoria cura & gubernatio in subditorum controuersis manifesta fit. Et optandum quidem nobis est nequid vnquam rei publicæ nostræ aduersi eueniat: verum si aut rerum humanarum mutabilitas, aut commota ad id diuina voluntas mortalibus mala immittat, desuper benignè inducta castigatio, imperatoriae curæ benignitatisque occasio fit. Quod sanè hoc tempore ita euidenter accidit vt opus expositione non sit. Quum enim mortis aculeus & periculū omnia loca peruagata sint, quod quisque sensit, nemini audire necesse est. Quando itaque multa ex improviso inciderunt quæ non temere tēpus aliud induxisset, qui in corpore ac collegio argentariorum recēsentur nos accesserunt, dicentes hæredes nonnullos ac successores quorundam, qui scriptura non interueniente ab argentariis aurum, aut argentum etiam, aut alias species acceperant, ad perfidiam improbitatēque spectare: quod videlicet neque qui cœperant superessent, ne-



que ipsi hæredes siue successores, quum contractus conscripti non essent, conuinci possent. Huic igitur rei mederi conantes, statuimus vt qui ad hunc modum iudicium subeunt, oculis in conscientiam defixis, expressè ac plenè quæ illis in quorum bona & ius successerunt, ab argentariis data sint, confiteantur: vt etiam *qui adhuc superstites sunt*, eius collegii quod ipsis actionem intendit, argentariis id ipsum faciant. Idem etiam à seruis, qui ab iisdem iudicibus examinatur, fieri iubemus. Sciat verò vtraque pars si ministrorum testimonio, aut quæ cum iureiu-  
 396 rando fiat, diariorum productione, aut alia etiã aliqua sufficienti probatione res conuincetur, quòd qui ita improbè & ingrati egerint, quæ fraudulenter & per improbitatem negauerint, in duplum depèdent, siue rei veritatem occulta-  
 uerint, siue illam cognoscere neglexerint. A L-  
 T E R V M ad nos ab eiusdem corporis argen-  
 tariis relatum caput est, vt ne quæ ab illis, cum quibus contraxerunt, confessiones, tabulæ, aut ratiocinia ipsorum manu conscripta, sibi exhibita sunt, posteaque in dubium deuocantur, ista ipsi per publicorum instrumentorum collationem probare teneantur: propterea quòd ipsorum collegium multis & præcipuè nobilibus credat, qui contractus suos publicari, aut statum rerum suarum manifestum fieri non sustinent, noluntque (vt consentaneum est) eo modo  
 existimationem suam minui: sed vt propria manu (vt dictum est) conscriptæ literæ eandem cum publicis instrumentis vim obtineant. Et in hoc

Legomur  
 21. 10. 15

mediam quandam nos viam ingressi, quæ & argentarios aduersus eos qui de talibus capitulis litteram mouebunt, & rursus hos aduersus illos vti volumus: statuimus vt si istiusmodi illorum qui contraxerunt propria manu scriptas literas argentarii proferant, quas aut ipse, cuius esse dicuntur, aut ipsius hæredes successorésue non possunt cum iureiurando abnegare, tanquam *proculdubio* ab illo cuius præ se nomen ferunt scriptæ sint, numeratam pecuniam non esse opponi nequeat. Insupèr verò si argentarius ex publico instrumento propriæ manus scripturam confirmare possit, aut ipse quidem id negligat, aduersarius verò ex alterius publici scripti comparatione scripturam illam vt falsam redarguere nequeat: tunc ex instrumentis, quæ illorum manu, *de quibus agitur* conscripta esse certò constat, & testium subscriptione stabilita sunt, ad ea *corundem* scripta, quæ ab argentariis, aut aduersus eos ab iis qui contraxerunt, proferuntur, comparatio fiat, firmæque sint, nec minorem quàm publica instrumèta, vim & auctoritatè habeant, non ex firmitate & vigore, qui illis insit, sed ex sola forma. Nihil etià præiudicii in hoc supplicibus sit, quòd in scripto ab iis qui contraxerunt ipsis dato, hypothecæ, aut hæredum successorumue nomina nò insint. E I V S D E M porò corporis argentarii, similiter etiam qui cum illis contrahunt, dūmodo similes aduersus illos actiones mouent, facultatè habebunt vt si qui defuncti propter inopiã hæredes nò habuerint, debitores verò reliquerint, aut res aliquæ quæ ad ipse s

Legiōis  
por, aut po-  
tus idē  
pov



Post autem  
addo res-  
pondens, quod  
tunc respon-  
deat.

397

pertineant, apud aliquos depositæ oppigneratæ  
ue inueniantur: aduersus illos competentes ac-  
tiones moueant, & ex illis satisfactionem si-  
bi parent. Idem etiam ipsis in bonis illorum qui  
cum ipsis contraxerunt, & debent, dum illi ad-  
huc viuunt, seruabitur, vt ipsis, siue actores siue  
rei sint, si velint, tametsi in instrumentis hypothe-  
cæ nulla mentio insit, hypothecarias tamen ac-  
tiones mouere liceat: quasi cæ naturaliter argen-  
tiorum eorumque qui cum ipsis contrahunt  
contractus comitentur. Habebunt verò id etiam,  
vt tempore posterioribus creditoribus præferā-  
tur. Non æquum enim est, à nostrorumque tem-  
porum iustitia alienū, eos qui bene de aliis me-  
rētur, rebus suis priuari, qui verò debent, super-  
bire de alieno. ILLVD sanè etiā in illorū sub-  
sidium adiicimus. Quoniam enim quæ ab ipsis  
ineuntur contractibus vehementer nouella no-  
stra lex repugnat, quæ iubet ne creditores aduer-  
sus eos qui aliquid à debitoribus emerint, prius  
iudicio agant quàm principales debitores per-  
cessionem bonorum non soluendo esse constet:  
(id quod admodum illis graue & molestū fuit,  
propterea quòd qui emunt, velut ex consuetudi-  
ne quadam & ob euictionem fideiussores quærant,  
& aliam sibi omnem securitatem parent: ipsis  
verò id neque consuetudo neque in cōficiendis  
contractibus celeritas permittat) per præsentem  
sacram pragmaticam formam, quam speciali  
munificētia ipsis elargimur, quæque alteri per-  
sonæ collegio, corpori, aut officio nullo modo

competat, statuimus vt & ipsi & qui cum ipsis cōtrahunt, quando aduersus ipsos actiones instituunt, in inquirendis persequendisq̃ue rebus in quibus ipsis tempus pr̃erogatiuam pr̃æbet, tali priuilegio vtantur quale ante legis nostræ latuonem habuerunt: vt probatione debitores bonis cessisse non grauati, si quidem satisfactionem à principalibus consequi nequeant, aduersus res ab illis abalienatas, & ex speciali generalique hypotheca ipsis obnoxias, in quibus (vt dictum est) antiquius quàm alii creditores ius habet, actionem mouere possint. Existimamus enim quæ prædicto argentariorum corpori & qui cum ipsis contrahunt conceduntur, in communem se beneficentiam extendere: ideo quòd illi non paucis quibuspiam, sed omnibus ferme quæ in vniuersa republica fiunt contractibus ministerium præstent. Hoc quoque illis ad petitionem ipsorum concedere visum est, vt, quādo dicam aliquibus impingunt, & ad promissionem decimæ partis adiguntur, ne ab illis fideiussiones exigantur, sed sufficiat ipsorum hac de re factum promissum: quippe qui digni sint quibus per se credatur, quum ipsorum fides & pro aliis sufficere existimetur. Illud manifestum sit, quòd si legi succubuerint, nihil illis proderint fideiussorem non dedisse; sed nihilo minus decimæ partis poenam depensuri sunt, quemadmodum & qui illos in ius vocant, ipsis. Insuper & qui ab illis in ius vocantur, similibus poenis subiicietur. Hoc vnum discrimen in hoc capite fuerit, quòd (quemadmodum iam iam dictum est) qui è co-



legio argentariorum actiones instituunt, fidei-  
iussorum datio in decima parte per speciale no-  
strum beneficium his condonata & remissa  
sit. Q V O N I A M verò quòd supplices ad diuersa  
tribunalia protrahuntur (idcirco quòd eorum  
qui cum ipsis cōtrahunt infinitus, numerus sit,  
& vt contingit, pauci probi sint & grati) non so-  
lùm ipsis damnum, verum etiam communibus  
rebus impedimentum inferri compertum est: e-  
tiam in hac parte priorem nostram circa illos  
prouidentiam imitamur, ac iubemus vt specia-  
les illis iudices sint, siue in ius vocent siue vocen-  
tur, & prudentia tua, & Petrus gloriosiss. sacrarū  
nostrarum largitionum comes, consularis & pa-  
tricius: vt apud vtruncunque horum mouendæ  
inter ipsos & alios qualescunque controuersia,  
aut etiam apud iudices antehac à nobis illis da-  
tos, ac deinde defunctos iam motæ examinen-  
tur, atque breui finem, qui nostris legibus conue-  
niat, capiant: & supplices prætiorum vexatio-  
ne liberati, officio & rebus suis vacent, tantòque  
candidius & libentius subditorum contractibus  
operam nauent, quanto minore improbitate &  
ingratitude tentantur, aut qui improbi esse co-  
nantur, iniqua illis damna inferre non sinūtur.  
P O R R O postquam & aliam nobis doloſorū ho-  
minum fraudē exposuerunt, denūtiantes quo-  
modo quidam à dicti collegii argentariis pecu-  
nias mutuati aut mutuantes, emerint aut emāt  
possessions immobiles suarum vxorum, alio-  
rumue quorūpiam familiarium nomine, quò

videlicet generalē illā acquisitorū acquirendo-  
rumque bonorū oppignerationē circūscribant:  
nonnulli etiā quæ sibi debētur, à debitoribus aut 398  
in pecuniis, aut omnino in immobilibus rebus  
recepturi non in suam personam, sed (quemad-  
modum dictum est) aut vxorum, aut cognatorū  
istiusmodi solutionem, sessionem, aut venditio-  
nem faciendam curent, quò per istiusmodi ra-  
tionem inopiam præcedere possint, ipsi verò qui  
ex dicto argētariorum corpore de illis bene me-  
riti essent, hos quibuscum contractum iniisse nō  
videantur, in ius vocare nequeant: in hoc quo-  
que capite parem munificentiam argentariis, &  
qui aduersus ipsos similes controuersias mouēt,  
exhibētes, iubemus vt, si debitorum quempiam  
dolo fecisse quominus res suas possideat, aut ius  
suum clām in alium transtulisse demonstretur,  
liceat aëtoribus in rē, aliāue legitima aëtione id  
factū esse ostendere, aduersusque dictas res, quasi  
debitoris sint, procedere, & vndique technis pul-  
sis, indēnitati suæ & in debito & in hoc factis ex-  
pēsis, cōsulere. Eam autē prudētiā tuā memora-  
ti que gloriosiss. viri diligentia esse scimus, vt iā  
motas, nondum autem finitas, aut in posterum  
etiam mouendas controuersias ita diiudicaturi  
sitis, vt neque supplices ex debitorum improbi-  
tate aut fallacia iniustum dispendium subeant,  
neque innoxii ex iniquis obliquisque cōmentis  
importunas euersiones sustineāt. Ita verò etiam  
vt quæ nuper ipsis petentibus præbita sunt, rata  
& inconcussa maneant, & quæ per præsentē sa-



Προφείλονται  
ταῖς λόγο-  
φειλοῦσιν,  
quo Iustinia-  
nus frequen-  
tissime uti-  
tur.

Quod deest  
(desse autē  
quiddam nō  
orationis stru-  
ctura modō,  
perum etiam  
sensus indi-  
cat) tale esse  
certō mihi  
colligere ni-  
deor.

Pro τῷ στο-  
λό πύττι

cram nostram pragmaticā formam liberaliter conceduntur, ad mentis voluntatisque nostræ scopum perficiantur: qui hoc agimus ut omnes subditi rectē & non captiosē in negotiis versentur, & quibus debetur, quod ministerium reipublicæ negotiis præbeāt, quieta vita fruantur, ac neutiquam per improborū machinationes iudiciis, quæque inde manāt difficultatibus & dispendiis implicentur. C A E T E R V M quod in quoque dictorum capitum specialiter posuimus, id in orationis oblatione & fine generaliter ponere visum est, ut in omnibus prædictis, his qui in prædicto argentariorum corpore recensentur, eorūque hæredibus & successoribus tum etiam illis qui cum ipsis contrahūt, ac eorum hæredibus & successoribus in quibus rebus aduersus argētarios actiones mouent, æqualia priuilegia sint. Conuenit enim ut utraque pars eam simplicitatē integritatēque in cōtractibus ac negotiis suis seruet, quam sibi ab altera seruari velit. H I S demum per præsentem sacram nostrā pragmaticam formam iussis & hoc addimus, ut prudētia tua omnesque magni magistratus eos qui in prædicto collegio recensentur iuuent, ut siue per edicta, siue per literas, siue per aliū quencūque consuetū modū seruato iuris ordine competēs subsidium consequantur, possitque illis aduersus improbos succurri, neque cogantur & ipsi aduersus alios improbi esse, sed æquos atque bonos se illis, qui cum ipsis contrahunt, exhibeant: quippe quū id nostrorū temporū bonitati vniuersæque reipublicæ cōtractibus

bus, quorum præcipui quique & maximè neces-  
sarii semper per prædictum collegium fiunt, cõ-  
ueniat. Quæ igitur nobis placuerunt, & per hanc  
sacram pragmaticam declarantur formâ, pru-  
dentia tua, & quicumque alius reipublicæ nostræ  
iudex, firma seruato. Supplicibus verò hanc sa-  
cram pragmaticam formâ (utpote quæ tantam  
in præsentis proposito & prædictis tractatulis  
vim habeat, quâtam in aliis negotiis generales  
nostræ leges obtinent) in quocunque iudicio, &  
maiori & minori, producendi illâque reci-  
piendi, ac inde subsidium consequendi facultas  
esto. DAT. V. CAL. MART. CONST. IMP.

DN. IVST. PP. AVG. ANN. XV. POST BA-  
SIL. V. C. CONS.

DE PONTICI TRACTVS VICARIO.  
EDICT. VIII.

Idem IMPERATOR BASSO gloriosiss.  
sacrorum pratoriorum præfecto.

**S**Uffecturos ciuiles magistratus Pontici tra-  
ctus prouinciis existimâtes, præpositû quon-  
dam illis locis vicarium medio post tem-  
pore inhibuimus, nihil eorû quæ postmodum  
ab illis facta sunt commissum iri expectantes.  
Atqui posteaquam ex rerum experientia cogno-  
uimus in prouinciis hisce homines habitare la-  
trociniiis & cædibus innutritos, & homines \*fe-  
rentes semper \*congregantes & \*armis vtentes  
\*\* & his, effugiuntque in has res constitutas pœ-  
nas, dum prouincias in quibus deliquerint dese-

O.i.



runt, neque provincialium magistratuum quifquam ex attributa sibi prouincia egredi audet: vt nos etiam, quinquā persæpe homines in prouinciam emiserimus, fiscumque stipendiis grauauerimus, nihil tamen amplius effecerimus, quòd ad manum is magistratus non esset, qui auxilium ferre, & istiusmodi insolentiam reprimere posset: reuocare vicarii magistratum visum est, & Galatiæ primæ magistratu' *ad pristinum statum redacto*, vt non nisi ciuilis sit, quemadmodum antè erat quàm nos illū, sublato vicarii magistratu, dignitate annonæque maiore decorauimus: vicarium denuo omnibus Pontici tractus prouinciis præficere: *ita uero* vt non solius præfecti locum adimpleat, verum etiam gloriosiss. magistri sacrorum nostrorum officiorum, gloriosiss. etiam ducum, magnificentiss. denique *eorum* magistratuum qui sacro nostro patrimonio, cubiculo etiam, & domesticis protectoribusque præfecti sunt: deinde istiusmodi potestatem habeat qualem cuiusque prouinciæ magistratus in sua prouincia habere solet: vt neque per dignitatē, neque per sacerdotium, neque per cingulum, neque per militiam, neque demum per quodcūque aliud quisquam huius iurisdictioni eximatur: sed ad consimilem modum omnes illi subsint, siue plebei sint, siue etiam cingulo, dignitate, militia, aut sacerdotio etiā decorati fuerint: idque non in criminibus solū: (non enim militare tantū hunc magistratum facimus) verum etiam si quis de re pecuniaria litem institue-

*Vt non temere hac adiecta, ita neque temere mox quedā omissa esse concedes.*

re velit. Omnibus etenim hominibus, omnimo  
disque rebus magistratum hunc communem  
facimus. Reddimus autem illi quod & antea ha  
buit sacrum auditorium, vt cōtrouersia in ali  
qua Pontici tractus prouincia prouocatione sus  
pensa, dummodo quingentos aureos non exu  
perent, non in foelicem hanc urbem deduci, sed  
apud ipsum ad sacrarum formam examinari  
debeant, siue ex ipsa ciuiliū magistratuum iu  
risdictione *proenerint*, siue etiam ex sententiis cu  
iuspiam magnæ huius urbis magistratuum, aut  
ex nostra iussione motæ sint. Nemini verò pote- 400  
statem facimus vt, postquam prouocatione sus  
pensa controuersia mota fuerit, altera prouoca  
tione utatur. At sanè si qua controuersia ab ini  
tio apud illum cœpta sit, eamque prouocatio cō  
secuta fuerit, procedet prouocatio quemadmo  
dum solet, antequam magistratum vnissemus,  
tanquam si medio tēpore nihil noui interueni  
set. Quod sanè & in Galatiæ præfide iubemus:  
quem simplicem denuo magistratum fecimus,  
quasi in illo nihil medio tēpore innouatū esset.  
Facultatem etiam huic vicario damus, vt à vici  
na hac Bithynia incipiens, vsque ad Armenios  
ipso, Trapezūta etiam, & reipublicæ nostræ Per  
sas versus fines, in quacunque Pontici tractus  
prouinciam velit proficiscatur: vt velut ab ini  
tio ac primario quæ hucusque cōmissa sunt, cō  
petentibus pœnis persequatur: (quorsum sanè &  
gladii ius illi concedimus) præcipuè verò mili  
tes adoriatur, si qui desertis stationibus suis istius



modi se nequitia dediderint. Et si quidē criminibus obnoxium quēpiam inuenerit, hunc cingulo priuet, qualecunque etiam habeat, non expectās donec cum magistratū sub quo is militat, ea de re certiorē fecerit, tanquā qui istius magistratus locum adimpleat, & in omnes omnino ius & potestatem habeat. In quatuor etiam legatū latifundia, siue ad sanctiss. ecclesias, aut ad religiosa pertineant monasteria, siue etiam ad sacra nostra priuata, aut ad sacrum patrimonium, aut etiam ad nostrā domum, aditum illi & introitum concedimus: & (vt simpliciter loquamur) nullum omnino locum ipsius iurisdictioni eximimus. Inspectabit verò etiam militares transitus, an satis ordinatim procedāt: & si quicquam in illis committi inueniat, id corriget, tum milites ipsos castigādo, tum etiam subditis nostris, in quibus iniuria affecti fuerint, satisfactionem curando. Potestatem item cōcedimus vt armis priuet qui illa ad nullam militiæ necessitatē habēt, illaque omnia in publica magnæ huius vrbis armamentaria inferat. Inhibebit etiam adulteria, homicidia, latrocinia, præcipuē verò mulierum raptus, rerum ereptiones, infestationes etiam & vim, denique vniuersum istiusmodi delictorum cumulum, tanquam id præcipuum à nobis illi assignati magistrat⁹ caput sit. Refrenabit quoque iniurios, siue sacerdotes, siue magistratus sint, siue etiā nobiles, siue plebei: neque cuiquam quod leges nostræ non probent, facere permittet. Sustinebit autem controuersiarum & examinationes & diiudicationes, habebitque

*Scriptum for-  
taffe fuit, κα-  
ταλιπτα' το-  
μῶν α' μοιρον*

*Lego πῦρ*

propriam cohortem virorum vicarianorū septuaginta, qui per sacra nostra probatoria stipendia facient, quæ ex illo scrinio præbeantur ex quo & olim solebāt, quum vicarius esset. Reddimus illi mulas etiam, quod quondam vicario assignatas, nunc prouinciæ præses in vſus suos & ministerium percepit. Quum enim hic aliud nihil quàm ciuilis magistratus sit, superfluum ipsi illarum vſus est: spectabili verò vicario, vt qui hac illac circuncursare debeat, necessarium illarum ministerium est. Obediet verò ipsi vniuersus in illis locis constitutus exercitus, dictoque illi audientes erunt domestici & protectores, scholares etiā & milites: ita vt prædiali mandato nostræ iussu non indigeant, sed ipso iure magistratus obedientiam ministeriumque præstent. Præstabunt autem ministerium quo loco degunt, extraquam si qua iusta ineuitabilis que necessitas, maioris auxilii indiga, ipsū huc adigat vt ex vno loco in alium trāsferre ipsos necesse habeat. Utetur porro præconis voce, & lāpibus quatuor, (quippe quū in hāc rem sumptus à nobis cōstitutus sit) quin & aliis omnib⁹, quæcunque ciuilis simul & militaris magistratus sunt, insigniis. Vnde ad gloriosiss. nostrorum dum imitationem & ad responsum ministrare illi iubemus: per quos milites, si quando ita tempus postulabit, compescet, & in necessariis rerum ministeriis ac officio continebit. Quantum verò illi, assessori quoque eius, & cohorti annonarum nomine assignauerimus: quantum etiam de reliquo, Galati æ primæ præsidē pro se, assēs-

Legο δε βα  
τω λων

Legο απο  
φο ρον

401



fore suo, & obediēte ipsi cohorte habere oporteat: item quantum ipsum aut in sacro nostro palatio, aut in gloriosiss. præfectorum prætorio pro magistratus codicillis dare conueniat, per subiectam descriptionem omnibus fiet manifestum. Hunc autem nos magistratum illis locis reddidimus, vt iis qui iniuria afficiuntur in promptu auxilium esset, omnesque qui in illis locis habitant, quibus hætenus pressi sunt difficultatibus liberarentur: & verò magistratuum opera quos tales illis locis præfecimus, vt ad omnem iniuriam ac aliena inuadendi cupiditatem reprimendam sufficere queant, quiete atque recta legum moderatione fruerentur. Hæc igitur gloriæ tuæ manifesta facere visum est, quò ipsa cognoscens quid hac de re nobis nunc placuerit, id in omne deinceps tempus obseruet, & quemadmodum in subiecta à nobis descriptione comprehenditur, annonas illi præbeat. DAT. XV. CAL. OCTOB. CONST. IMP. DN. IVST. PP. AVG. ANN. XXV. POST BASIL. V. C. CONS. ANNO VI.

DE ARGENTARIORVM CONTRACTI-  
*bns.* EDICT. IX:  
 IMPERATOR IVSTINIANVS A. Tribuniano præfecto vrbis.

**C**ommune collegii argentariorum qui in hac magna vrbe sunt, libello supplici à potentia nostra petiit vt supra alia omnia quæ ipsis munificè largiti sumus, alio nunc etiā modo sibi opitulari velimus. Exposuerunt au-

tem quomodo nonnulli, quum debuerint, aut etiam debeant, quando pecunia aut res ab ipsis repetuntur, quod soluendo non sint, à se petant ut puras sponſiones pro ipsis subeant: & aliàs quidem hoc ipsum in pacti instrumentis conscribere, aliàs verò, propter contrahentis fidem, & sine scripto hoc facere sibi mandent: ipsi autè, illorū petitionibus cedentes, iis qui illis molesti sunt, certum tempus constituent, intra quod sponſor omnino debitum transfundat: se' itaque adhuc *Lego i dno* *modum* illis spondere, ac deinde ad diem liberaliter iis qui sponſiones susceperunt satisfacere: debitores *autem interea*, quasi per sponſiones satisauerint, aut mutui fortè syngraphas obligationisque suæ schedulas recipere, aut acceptilationes capere. *quomodo iam* multi, quum parare sibi rem aliquam voluerint aut velint, sibi mandent ut pro ipsis pecuniam aut rem aliquam se duros spondeant: & illis quidem quod affecta rint obtingat, ipsi verò promptè pecunias aut res transfundant. *denique quomodo quum* ita simpliciter mandantibus illis sponſiones fiant, pecunias tamen aut res non aliter soluere velint quàm qui sponſionem accepit, se pecunias aut res accepisse testibus aut scripto probet. *unde, quum* ipsi pecunias aut res dederint, quod illi probationes, pecunias aut res datas esse deſcant, postmodum contentionibus ac controuersis irretiatur. Quæ res simul in præteritis, simul in futuris sanequam perplexa illis est & formidabilis, imò & impossibilis. Quisnam eorum enim



qui aut pecunias aut res sponponderint vel spondent, *ut cui sponse sint uel spondetur*, is probationem nō faciat, aut in publica instrumenta referat, quōd eas acceperit ad sponsonem descendere velit? *Ac idcirco* persape se fatigatos aliis cedere actiones: neque hęc sibi actionē intendentibus opponi solum, verum etiā quibus actiones cessę sunt aut ceduntur. Petierunt *itaque* ut ab hac difficultate liberētur: ut etiam, si quidē nulla omnino appositā cōditione purē mandatū factū sit aut fiat, ut pecunias aut res intra certum tempus transfundant, simulatque pręfinitum tempus elapsū sit, mandator sibi, & quibus à se actiones cessę sunt aut etiam ceduntur, ad debiti persolutionē teneatur: idque non solum si hoc interueniente scriptura mādauerit, verumetiam si sine scripto totum negotium cōfectum sit. Nos ergo, succurrere isti rei volentes (cum omni æquitate tamen & iustitia, atque ut in posterum omnibus citra periculum hęc procedant) statuimus ne aliter ipsi spōsiones subire velint quā scripto comprehensū de his mandatū ipsis detur, quod quomodo quanque rem fieri oporteat, luculēter explicet: ne ex bona *scilicet* fide in euidēs exitium manifestē incidant. Verū si quo modo scriptura non interueniente mandatū factū sit, tempus autem determinatum sit, & tacuerit per omne tempus ille pro quo sponsio facta est, neque querelam mouerit: decurrat verō etiam constitutum tempus, neque tum demū intra alios duos menses hoc ipsum in querelam deduxerit: om-

nibus modis mandator soluat spōsori debitum  
 quod ex ipsius voluntate ab aliquo eorum qui  
 argentariæ mensæ propositi sunt sponsum esse  
 constituterit: & neque ipsis, neque ipsorum hæredi-  
 bus, aut quibus cessæ ab ipsis sunt vel ceduntur  
 actiones, istiusmodi quiddam opponi queat:  
 sed illud obtineat quod mandati ostenderit te-  
 nor: qui quidem si literis comprehensus sit, lite-  
 ras iudex sequetur: sin in literas contractus rela-  
 tus non sit, probationibus ea de re secundum le-  
 ges prolatis insistet. Atque hæc quidem teneant  
 & in iam factis ad hunc modum, & in faciendis  
 etiamnum sponfionibus. *S I Q V I S* verò ipsis in-  
 terueniente scriptura, aut sine ea, famulatus pro-  
 missus fuerit, aut promittatur, probatio verò  
 aut ex scripto, aut ex testium fide sufficiens & le-  
 gitima producat, hunc suam vim obtinere  
 volumus, & vt quod pacto conuenerit, exigi pos-  
 sit, ita vt nulla prorsus lex obsistere queat, quasi  
 id gratis & non pro mercede fieri oporteat: pro  
 pterea quòd omnis illis ex eo viuendi facultas pē-  
 deat quòd vsuras pendant, quòd mercedem pro  
 habitatione dent, & velut propugnaculum com-  
 munis vtilitatis sint: vt ne damnum sentiant, ne  
 que alimonia destituantur, sed hanc habeant suo-  
 rum laborum consolationem. *S A N E* si vel ra-  
 tiones, vel mutuas syngraphas, vel propria ma-  
 nus scripta quippiam ediderint edantur, aut ipsi  
 illis qui cum ipsis cōtrahunt, aut illi ipsis, in qui-  
 bus pecuniarum illatio & solutio descripta sunt,  
 quæque ipsius mensæ præpositi, ipsius etiam a-

*Lego bñi dē*  
*or*



manuensis (quos Samaritanos vocāt) & eorum  
rursum qui cum ipsis contraxerūt, literas præ-  
ferunt, aut per omnia illius qui cum ipsis cōtra-  
403 xit manu scripta sunt, subscriptionē mē habēt:  
non poterunt qui cum ipsis contraxerunt, pecu-  
niarum quidem illationem, quam argentarii  
in commentariis aut à se scriptis breuibus de-  
scripserūt, agnoscere, atq; inde in ipsos exactio-  
nem constituere: expeditionis verò solutionis-  
que, tanquam facta sit, descriptionem refellere.  
neque rursum poterunt argētariæ mensæ præ-  
positi solutionem quidem exigere, illationem  
verò non agnoscere. Verum si aut ex antisyngra-  
phis, aut ex ratiociniis, aut ex propriæ manus  
scriptis probetur & de illatione & de solutione  
literarum veritas, vtrunque omnino firmum &  
ratum erit: neque vnum quidem aduersus ipsos  
obtinebit, alterum verò pro ipsis irritum fuerit.  
exigetur autem quantum ratiocinia perhibe-  
bunt: nisi altera aut vtraque pars in calculo se-  
errasse, aut in vsuris dispendium sustinuisse de-  
monstret. Si enim tale quiddam euidenter com-  
monstretur, id, quò quisque iustitia & æquitate  
fruatur, correctione dignandum esse statuimus.  
Hoc verò etiam nos docuerunt, quomodo qui-  
dam illorum postquam à pluribus aut vice mu-  
tua inter se fideiubentibus, aut aliis pro aliis mā-  
dantibus, obligationis cōfessiones abstulissent,  
deinde debiti longè maximam partem perce-  
pissent, vt reliqua perquā iam exigua essent, re-  
liquorum nomine extrinsecus ab vno aut duo-

bus illorum obligatione capta quòd intra certum tempus isthæc persoluent, acceptilationes fortè aut liberationis cōfessiones omnibus ediderint: &, quum aut vnū aut plures eorum qui reliquorum obligationem subiissent, mori contigisset, hæredes qui ab illo aut ab illis pecuniæ pacto promissæ essēt, eas exoluere noluerint. Statuimus igitur vt, si hæc ita sese habeant, quæ pecuniæ in obligationibus comprehensæ sunt, & quas defunctus aut defuncti scripto pacti fuerint, hæ ab hæredibus cum pactis vsuris exigantur. Q V O D si qui datis pignoribus ab illis mutuati fuerint aut mutuētur, deinde etiam in mutui syngraphis permiserint aut permittant vt pignoribus pro ipsorum bona fide diuenditis, eorum pretium in debiti solutionem imputaretur: ipsi verò hoc fecerint: ne molestiis illi implicantur, neque propter hoc negotia sustineant: sed iuratis quanti pignora vendiderint credatur, idque ipsis ad omnis improbitatis abolitionem suppeditet. At si quis non interueniente scriptura mutuatus, pignora obsignata aut non obsignata det, necesse habebit qui mutuatus est, vt aut pignora recipiat, agnoscens sigilla, vel ipsa etiam pignora non obsignata, & adimpleat sortem pactasque vsuras, aut, si pecunias non habet, ad iustam æstimationem illa relinquat, & reliqua expleat. neque dicere poterit pignoribus, quanquam minus valeant, creditorem contentum esse oportere: sed omne debitum quod cum pactis vsuris in rationem deductum fuerit, om-

Non pactis rep-  
miserint sed  
et ex illis dicitur  
ta iego.



nibus modis adimplebit. Si verò datis pignori-  
 bus, siue obfignatis siue non obfignatis, mutua-  
 tionis tempus præfinitum sit, ac intra id nō fa-  
 tis fiat, tantūque elabatur alterum: liceat ipsis,  
 præfētibus tabulariis, sacrisque eloquiis in me-  
 dium propositis, & æstimatoribus adhibitis, di-  
 ligenti æstimatione facta illorum pretium con-  
 stituere, ac, siue ad plenum debitum siue ad eius  
 aliquam partem sufficiant, sibi imputare atque  
 assignare. *H V I C* sanè etiam medicinam ad-  
 hiberi cupierunt, ut, quoniam mutuò & dan-  
 do & accipiendo, pro aliis etiam spondendo, &  
 denique vsuras pendendo vitam tolerant, ne i-  
 404 pps in mutationibus nostra opponatur cōsti-  
 tutio, qua nemini vltra duplum accipere quic-  
 quam permittimus, si quidem quantum fors &  
 vsuræ faciāt persolutum sit. Nos igitur in poste-  
 rum eam legē omnino violari nolumus: quod  
 verò præcessit, quia nondum insidiis obnoxiiū  
 sit, huic ipsis medentes, sancimus ut in contracti-  
 bus qui re vera argentariorum sunt, ad hodie-  
 rum diem factis, facultas ipsis sit, ut licet in iis  
 debitis vsuræ supra duplū datæ sint, nihilomi-  
 nus tamen quæ debentur, cum constitutis vsu-  
 ris exigant: ita ut, neque in vsuras, neque in pri-  
 mitiuū debitum, quæ supra sortem iam soluta  
 sunt, imputare compellantur: & ne ipsis in hac  
 specie, & quidem sola nostra de duplo constitu-  
 tio obsteret quominus secundum cōtractuum na-  
 turam hæc exigant. Verū nequis ipsi aduersus  
 eos qui cum ipsis iam contraxerunt, nostra con-

stitutione abuti, neque solutas iam vsuras aut duplo vsurarum, aut primitiuo debito imputare poterūt. QVANDO QVIDEM verò postquam argentariæ mensæ præpositis, excepta armata militia, cum omnibus aliis militibus in hac alma vrbe commercium instituere permisimus: illique deinde quum mutuum dedissent, aut etiam darēt, besiales vsuras, (quantas argentariis concessimus) stipulati sint: hi illi liberaliter hoc ipsis opponant, quòd dicant, ipsos non quæ argentariis, sed quæ militantibus conueniāt, vsuras capere oportere: hanc eorum iniquam & improbissimam obiectionem vacare, nulliusque momenti esse, & quæ pacto conuenerint aut etiam conueniant, obtinere volumus. Neque verò id nobis placet quod de argentariorum contractibus nonnulli petunt, vt omnino non dentur aut sortes aut vsuræ, vel (id quod iis etiam peius est) vt quæ legitimæ vsuræ dantur, sorti imputetur. Etenim hoc quoque in contractibus qui cum argentariis initi sunt aut ineuntur, obtinere volumus. VNVM certè & hoc eorum est quæ illi inter supplicandum proposuerunt, quòd persape nonnulli qui ipsis obnoxii sunt, quum illi alios obnoxios habeant, ab istis sibi non satisfacciant: sed id prætextu dotis, eorumque quæ præter dotem data essent, aut aliorum etiam debitorum, suis vxoribus soluendum, ab iisque acceptilationes siue solutionis probationes ferendas curent: & quòd quum illi ad inopiam deuenierint aut deueniant, vel mortui sint etiam aut

Expungo hic  
πύρρα, &  
μοχρὸς ὅρα  
πίας



postmodum moriantur: ipsi verò tum debitum accipere velint: vxores, licet latenter illa acceperint, aut postea accepturæ sint, integra tamen ipsis debita opponat, vt ipsorum prorsus omnis spes concidat. petierunt autem vt, siquid istiusmodi factum sit, aut posthac ( vt consentaneum est) fiat, necesse habeant qui acceptilationes liberationemue à mulieribus acceperint, aut etiam siquis contractus factus sit, aut omnino faciendus est, hæredibus ad probationem eorum quæ gesta sunt *denotatis*, eas eumue proferant: ne vxores, quibus nihil debetur, emolumentum sentiant: ipsi verò, quibus debetur, defraudentur. Statuimus *nos* verò vt si tale quippiam factū sit, aut fieri, necessario illi instrumenta proferant: attamen absque omni suo incōmodo, & vt nullum damnum ex prolatione sustineant (memores enim sumus nostræ constitutionis, quæ ad aetas literarū, ex quibus quis ius quodpiam suum tueatur, prolationes innoxias iis qui proferunt esse vult) sed proferant illi quidem instrumenta & recipiant. Et si quidem inde aliquam vtilitatem qui aduersus mulieres prolationē fieri coegerint, habere possint, hanc secundum legem ex 405 ipsis sentiant, nulloque prorsus damno qui protulerint, ob prolationem afficiantur. *quod* si mutuis syngraphis cum aliquo pacta, liberationes, aut etiam qualescūque conventiones instituerint, aut posthac etiam instituant, & quæ apud ipsos manserint, modo aliquo (quod facile est) perierint: volumus vt qui aduersarias syn

graphas habent, eas proferre, aut se nihil istiusmodi habere, vel proferre posse, iusiurandum dare cogantur. Quod iusiurandum ubi apud acta monumentorum præstitum fuerit, non ulterius illos molestia affici oportet. Nemo verò in exigendis sportulis iudicialibusque expensis, poenam quæ talia committentibus imminet reueritus, constitutionis nostræ modum transcendat.

QVONIAM deinceps quando petere semel coepissent, hoc etiam petierunt ut tua excellentia curam ipsorum suscipiat, quibusque ipsi controuersis impetuntur, eas audiat, & si quos obligatos habeant aut alii ipsos, his velut peculiaris iudex audientiam præbeat: (propterea quod exacta cura quæ ad leges pertinet tractes, ac cuique suum ius tribuas, & facile rationem inuenias quæ quæ valde difficilia videntur, quæque alii non assequuntur nec intelligunt, dissolui queant) sancimus ut secundum ea quæ à nobis constituta sunt, & ipsos, siue actores siue reos, in peculiaris iudicis modum audias, & præterita secundum hanc legem componas, & quomodo æquum esse videbitur, futuris curam adhibeas: ut legitimum quoddam ipsis ac decens à nobis accedat auxilium. Conuenit enim ut qui pro omnibus se obstringunt, ac cuique utiles se exhibere studet, eximio etiam aliquo fruatur auxilio. Et certè quæcunque & hoc tempore & olim, aut ex nostris legibus, aut ex sacris pragmaticis formis concessa ipsis sunt, illa sa rataque conseruantor: ac in speciebus rerum iam gestarum,

Legō ἑπεροὶ  
αὐτοῦς

Malim παρ  
ὀφείλει αὐτοῖς

Legō ἡμῶν  
καὶ τῶν παλαιῶν



atque etiam munum gerendarum, locum habentor.  
 Quæ igitur nobis placuerunt, ac per hanc sacrâ  
 pragmaticam declaratur legem, ea gloria tua,  
 & quicumque alius reipublicæ nostræ iudex, fir-  
 ma seruato,

DE APPARITORIBVS PRAESIDVM.  
 EDICT. X.

Pro βουλευ-  
 τῶν lego τα-  
 ξῶν τῶν.

Quin huius  
 valde depræ-  
 uati loci hic  
 sensus sit, nō  
 dubito  
 Quem dese-  
 ctum Græca  
 innuunt, ita  
 expleas.  
 Hic etiam lo-  
 cus ita sani-  
 tati restitu-  
 tur.

**C**Viusmodi insidias prouinciales apparito-  
 res seu cohortales fisco struant, per sepe ex  
 ipsis rebus didicimus. Posteaquam autem  
 & hoc vnum ipsorum audaciæ caput esse edocti  
 sumus, quod fiscalia inuolēt, ac deinde in sacris  
 locis se occultent, hac ratione meritas pœnas se  
 effugituros existimantes: statuimus (id quod &  
 Dei amantiſs. prouinciarum episcopis scripsi-  
 mus) vt si qui illorum in sacra septa confugiant,  
 in potestate tuæ excellentiæ sit vt hos ex illa pro-  
 uincia exire, & in quocunque velis loco esse iu-  
 beas: hoc adiecto vt Dei amantiſs. episcopi ne-  
 cesse habeant vt illos ex sacris locis producant,  
 vbi tamen fidem publicam acceperint, se ex il-  
 lis locis vnde discedunt, sine aliqua distortionem  
 à publicis ministris ad constituta loca ducēdos  
 esse. Ad hunc igitur modum in cohortales excel-  
 lentia tua imperio vtitor. Illud sanè etiam Dei  
 amantiſs. episcopis & religiosiss. ipsorum clericis in-  
 terminati sumus, ni è prouincia, data fide publi-  
 ca, illos eiicere, & in constituta loca cum fide pu-  
 blica ducere velint: ob sacrorum autem fortasse  
 locorum priuilegium illos illic morari sinant: ipsos  
 de suo

de suo, minimè verò de ecclesiasticis prouentibus, fisco indemnitatem præstituros, neque à sacerdotii adèptione liberos futuros. Tua igitur excellètia quæ nobis placuerunt, quæque per hanc sacram pragmaticam exprimuntur formam, cef- 406  
fectui simul & fini tradere studeto.

VT PONDERATORES ET MONETARII  
*apud Aegyptios quicquam pro obryzo exigendi nullam de reliquo facultatem habeant: sed quemadmodum in magna hac urbe, ita illic quoque signatum aurum aestimetur: & illi signa pro pondere quod in signatura seruatum est, imponant.*

## EDICT. XI.

Idem IMPERATOR PETRO gloriosiss.  
sacrorum Orientalium præfectiorum iterum præfecto, iterum etiam sacrarum largitionum comiti, & exconsule.

QVòd obryzum apud Aegyptios sermone hominū celebre est, quòd idem, superioribus seculis quum prorsus incognitum fuisset, admodū nuper in Aegypto cōtractus inuoluere & turbare coepit, ad tantamque absurditatem processit vt in vnāquamque libram noueni aurei dentur, in posterum reprimi ac ex communi vsu tolli oportere putauimus. Ideo id autem, ne rem publicā oblædat, neu subditorum contractus obturbet ac inuoluat: præcipuè verò, quòd huius absurditatis longè maxima pars (quantum cognoscere potuimus) in ipsa Alexandria solū confederit, neque similiter per Aegyptum aut illius tractus alias ciui-



tates in publicum vsum peruenerit. Sancimus itaque vt secundum id quod olim obtinuit, tametsi mediis postmodum temporibus in signatura quæ apud Alexandrinos absoluta dicitur, vitiatum sit, in AEgyptiaco tractu de auri tractatione & valore statuatur: ita vt non possit à quoquam pro malè adinuento atque excogitato obryzo quicquam exigi. Item vt quod aurum per AEgyptum ratum & receptum est, sic in contractibus cõputetur, quomodo quod in hac magna Vrbe signatum est: idque periculo pro tempore præfecti apud Alexandrinos Augustalis, & quæ ipsi apparent cohortium, seruetur. Quoniã verò fraudulentis huius facinoris ponderatores monetariique authores sunt, iniūximus illi qui illos magistratus nunc obtinet, vt ad dandam idoneam cautionem se per absolutam signaturã contractibus ministraturos, & si quando signare oporteat, tantum solummodo se inscripturos quantum reuera quod signauerint aurum pendeat, ipsos adigat: vt pro eo more qui perperam hætenus obtinuit, nõ liceat illis amplius quàm reuera signati auri pondus sit, signaturæ inscribere. Si nanque tale quippiam ausi fuerint, & bona illorum publicamus, & corporalibus pœnis ipsos subiicimus, vt qui secundum iussa nostra ab vfitato sibi & consueto scelere nõ destiterint. Sed & necesse omnino habebunt vt tum præfecto apud Alexãdrinos Augustali, quique pro tempore eum magistratum habebunt, in consuetis frumenti emissionibus, tum verò etiam alabar-

chæ qui nunc est, quique pro tempore futurus  
 est, & sacrorum nostrorum thesaurorum præpo-  
 sito, nullo prorsus accepto lucro, aurum suppe-  
 ditent. Ita verò illi, quique post ipsum magistra-  
 tum suscepturi sunt, & cohortibus quæ ipsis ap-  
 parent, ut huius rei curam haberent iniunxi-  
 mus, ut sciant, si pro obryzo aut à sacrarum no-  
 starum alabarchiarum præfectis, aut à sacrarum  
 nostrarum largitionum præposito quicquam ex-  
 actum esse manifestum fiat, sibi id de suo tum  
 ex suppeditatis ipsis & cohortibus annonis, tum  
 etiam ex facultatibus suis dependendum fore: 407  
 idque non solum donec in magistratu fuerint,  
 verum etiam postquam magistratum deposue-  
 rint: deinde etiam, siue initis ab initio pactis (ve-  
 tus enim illud de obryzo non est, cœpitque tē-  
 poribus admodum nuperis & recentibus) partici-  
 pes istius lucri fuerint, siue etiā nihil istiusmodi  
 pacti sint. Aliis porro qui mercaturam faciunt,  
 & hætenus lucri aliquid capere consueverunt,  
 interdicto similiter denuntiabis, quod siquid in  
 contractibus capere pro obryzo, aut in compu-  
 tationem deducere comperiantur, & bonis exca-  
 suri, & corporales poenas subituri sunt. Rē per-  
 uersè cœptam, tantoque progressu facto vniuer- *Legomur*  
 sam rem publicam dispēdiis inuoluentem, per *Idi*  
 præsentem legem in reliquum tempus tolli iu-  
 bebimus, ne de cætero contractus afficiat & obtur-  
 bet: idque ita obseruari periculo præfecti apud  
 Alexandrinos Augustalis, quique pro tempore  
 eundem magistratum gesturi sunt, & utrorun-



que cohortium. Adeò autem id iubemus, vt vel eius memoriam aboleri *uelimus*, quò à tanto incommodo & damno per AEgyptiacum tractum còtractus *aliquando* liberi fiant. Quæ igitur nobis placuerunt, & per hanc sacram exprimuntur legem, gloria tua effectui finique tradi & obseruari iubeto. DAT. VI. CAL. IANVAR. CONSTANT. IMP. DN. IVST. PP. AVG. ANNO XVII. POST BASIL. V. C. CONS. ANNO XVIII.

## DE HELLESPONTO. EDICT. XII.

**E** Docta nostra est potentia quomodo Iohannes scriniarius per Hellespontum, vt cui nomine ratiociniorum ciuilium, siue (vt vocantur) solennium prouentuum commissæ formæ essent, quum in regionem illam venisset, à nulla re quæ ad summam deprædationem spectaret abstinuerit, ciuitates populatus sit, & reuersus in aliam hanc urbem ipse quidem auro abundauerit, Hellespontiorum verò regioni omnem summamque paupertatem reliquerit. Ac sanè quomodo *idcirco* cum illo agi oporteat, & iniuria affectis refarciri damnum possit, iam à nobis definitum est. At quoniam, propter eorum quibus istiusmodi demandantur insatiabilem avaritiam, generali *legis* forma vniuersale isti rei remediū adhiberi debere putauimus, sancimus vt, si quis istiusmodi rei causa in prouinciam quampiam siue Hellespontiorum siue aliam quolibet, profectus, præsidiale iussum habeat, ne quisquam il

li obtemperet, citráque periculú ipsius exactio  
 propulsetur: si verò cum sacra pragmatica for-  
 ma venerit, & quod profert cōmonitorium sit,  
 aut literæ de hoc cōceptæ, neque iis obtempere-  
 tur, vtiquæ ad depradationē præterque nostrā  
 notitiam & voluntatem prodierint: sin quod o-  
 stenditur pragmatica forma sit, vt ne sic quidem  
 ex eo confestim aliquid fiat, sed talem pragma-  
 ticam formam' prouinciæ præses apprehendat,  
 de eaque ad nos referat, & alterā à nobis iussio-  
 nem expectet: vt si illam cuique talis forma cōm-  
 missa est, agnoscamus, altera nostra pragmati-  
 ca forma, quæ exactiōnem fieri demandet, pro-  
 cedat: sin aut rem aut personā reprobemus, ni-  
 hil istinc fiat, sed sacra forma à prouinciæ præsi  
 de remittatur. qui sciat quòd si hanc rem negle-  
 xerit, indèque damnum aliquod subditis nostris  
 proueniat, istud ipse de suo refarciet. Faculta-  
 tem verò etiam episcopis damus vt, si prouinciæ  
 præses pragmaticam formam inhibere negli-  
 gat, cuique illa demandata est concedat & con-  
 nueat, eam rem nobis significant. Ac si hoc di-  
 dicerimus, illum tanquam criminis socium, de  
 magistratu deiciemus, cingulo quoque & facul-  
 tatibus priuabimus, & qui quacunque in re iniu-  
 riam passi fuerint, iis indemnitate recuperabimus.  
 Tua igitur excellētia, quæ nobis placue-  
 rūt, ex præsentī sacra pragmatica forma discēs,  
 effectui simul & fini tradere studeto. DAT. XV.  
 CAL. SEPT. CONST. BILIS. V. C. CONS.

Λεγο λαμ-  
 βανειν τον ε-  
 παρχα της η-  
 γουμνον, &  
 μηνυει εις

408



LEX D'E ALEXANDRINIS ET AEGY-  
ptiacis provinciis. EDICT. XIII.

**Q**Uum vel minima quæque nostra cura di-  
guemur, certè multo minus quæ maximè  
ponderis & momenti sunt, ac rem-  
publicam nostram continent & conseruant, pro-  
derelicto habere, aut neglecta competentique or-  
natu vidua esse debemus sinere: præsertim quò-  
tua excellentia ministerio nobis sit, cui per om-  
nia nostra incolumitas, rerum publicarum in-  
cremētum & subditorum nostrorum governa-  
culum curæ est. Considerantes itaque quomodo  
superioribus temporibus, tametsi aliis locis pu-  
blicæ exactiones sic satis constitutæ viderentur,  
in AEgyptiaco tamen tractu adeo confusæ fue-  
rint, vt quid in prouincia ageretur hîc cognosci  
non posset: eius rei conturbatum modum at-  
que ordinem, qui hucusque durauit, valde admi-  
rati sumus. Sed Deus hoc etiam temporibus no-  
stris tuoque officio seruatum voluit. Vt enim no-  
bis frumentum inde adiiciebant, sic nihil aliud  
contribuere volebāt. verùm subditi omnia ple-  
nè à se exigi omnino affirmabant: pagorum au-  
tem præfecti, & rei publicæ administratores, pu-  
blici exactores etiam, & præcipuè pro tempore  
præsides, hætenus eam rem ita administrarunt  
vt nemini innotescere posset, ac ipsis solis lucro-  
sa esset. Quoniam igitur si rem in genere ac pro-  
miscuè administrari sinamus, haud vnquam il-  
lam perpurgare decentèque constituere pos-  
simus: idèò magistratum qui AEgypti rebus

Lego ἀποστέλλειν  
πρὸς τοὺς

Scriptū fuisse  
se arbitror  
ἐν ὁμαδίᾳ,  
aut καὶ ἐν ὁ-  
μαδίᾳ

præest (præfectorum Augustalium nempe) moderatioribus curis præficere visum est. Non temere enim vnus hominis industria tãtis curis par sit, nec ita rē administrare valeat vt inde cuiuspiam boni sensus ad nos resultet. Propterea igitur statuimus vt excellentia tua hanc nostrā ea de re legem ad se receptam sic formet 'atque ordinet, vt illam nos tulisse, tuam verò excellentiam ministeriū adhibuisse dignum sit. In primis autem spectabilem præfectum Augustalem ipsi Alexandriae præesse, & omnium eius rerum curam habere volumus, & insuper duabus Aegyptis, ac iis solis, excepto oppido Menelaita dicto, quod Aegypto præiacet, & præterea Mareota. De illis enim quæ videbuntur constituturi sumus. Volumus autem ipsum (vt dictum est) non vni Alexandriae, verumetiam duabus Aegyptis, dictis Mareota Menelaitaque exceptis, ita præesse, vt magistratus prouincialis dictarum duarum prouinciarum (quomodo etiam hucusque obtinuit) ipsi soli subsit. Et (quod in idem recidit) volumus spectabilem præfectū Augustalem propter dictæ maximæ vrbs populositatē, magistratus militaris ius habere: nō vt res diuidatur, in duosue magistratus distrahatur: (id enim cōducibile esse omnino non putamus) sed vt vnus homo dicto solio præsit, & in omnes qui illic sunt milites, siue in ipsa magna Alexandrinorum vrbe, siue in duabus (vt dictū est) Aegyptis stationes habeant, ius & potestatem habeat. Curare enim te oportet vt decorum in ciuitate

*Quum hinc discas hoc edictum ita esse editum ut primum a legistatore tumultuariè conceptū est, confusum eius ordinem minus mirari debebis.*

*Quaquam in Græcis negatio non est, ponendā tamen mihi fuisse concedi debet.*

409



seruetur, neque tumultus quispiam in dicto populo oboriatur: & quum dicti magistratus præfectus & ciuilis magistratus vim & militum robur in subsidium habeat, quòd quātum ad ipsos milites, tū qui in Alexādria, tum qui in vtraque AEgypto sunt, vicarius sit, ille Deo duce & auspice dicti decori per ciuitatem seruandi curam gerat: illique gloriosiss. generosissimúsque dux præsentium. Orientalis etiam \* & ad responsum præstò sint, & quæ is iubeat, in iis obsequiosi sint. Est autē ipsi cohors & Augustaliana & Ducalis, militū plus minus sexcentorū: non vt seorsum Ducales sint, seorsum etiā Augustaliani: sed vt vna cohors vnāque recensio sit, in qua cētum primates sint, quinquaginta in Augustaliana cohorte, totidē inter Ducales, quorū inter ipsos ordo alternet, vt priores partes Augustalianus, alteras Ducalis habeat. quā cētū inter ipsos primum formam deinceps cōseruari volumus. Cætera vt ei qui magistratum obtinet videbitur cōstituantur, vt tamen cohortis mixtim ex Augustalianis & Ducalibus cōstantis numerum (sexcentorum militum scilicet) non excedat. Omnia verò quæ sub illo fiunt, & ad tuum solium, & per excellentiam tuam ad nos referantur: vt quod à vobis fit, si rectum & bonum sit, auctoritatem accipiat: & vbi cohors constituta fuerit, absque probatoriis, quibus nostra manu subscriptū sit, vt hætenus obtinuit, nemo Augustalianus fiat. Ipsa autem vniuersa cohors Augustaliana appellabitur. Enimuero qui ab Imperato-

Non hęc,  
sed vniuersa lego

re designatus, Imperatorióque iudicio dignus habitus, magistratum assumet, & puras manus conferuabit, & se in omnibus Imperatorio iudicio dignum exhibebit. Neque enim nos tantam solummodo consolationem quantam vsque ad hunc diem spectabilis Augustalis habet (quinquaginta annonas, & quinquaginta capita videlicet) ex publico illi dabimus: sed magno auctario adiecto, quadraginta auri libras pro annonis, consuetudinibus, & calandicis quotánis ipsum accipere volumus: idque à vindice, & huic ex subiectis formæ locis & causis. Assessores autem eius ex eisdem quinque libras auri accipient, quæque ipsis apparet cohors, mille solidos: quanquã antehac tertiam eius summæ partem solummodo habere solet. Ita res ista per se splendida erit, próque nostrorum temporum dignitate administrabitur. Vt porro solennis statáque frumenti illatio rectè procedat, id eius qui istiusmodi magistratū tenebit primã curam esse volumus, vt ipse spectabilis præfectus Augustalis, & quæ illi cohors apparet, suo bonorúmque suorú quæ in præsentia habet, quæque aliquãdo habiturus est periculo, cohortis verò etiam tãto periculo, vt non de his modò verum etiã de salute & vita iudicium subitura sit, omnem curam & diligentiam subire debeat, vt dictum felicitis solénisque illationis frumentum & exigatur, & consuetis temporibus emittatur. Atque hoc quidem, quod ex vtraque AEgypto contribui debet, exiget: a-

*Natura loci  
hanc lectio-  
nem postula-  
re videtur.*

*Αἰσία ἐμὸ  
λῆ, Theodo-  
sius felicem  
embolam uo-  
cat, Lib. 2. De  
nauib. non  
excusand. C.*



liud verò citra dilationē suscipiet, aut etiam nauibus iniiciet, quantūque canon eiusdem solēnis illationis quæ in hanc almam urbem aduehi solet postulat, huc emittendum curabit. Volumus insuper vt similiter quod à nobis magnæ Alexandrinorum vrbi donatum est, quantum quidem ex vtraque Aegypto pēdi debet, exigat: quantum verò ex vtrisque locis provenit, 410 suo cohortisque suæ periculo suscipiat: quod tradatur modo quàm qui hætenus obtinuit lōgè explicatiore, qui in sequentibus declarabitur: & (quo modo consuevit) in eiusdem vrbis alimoniā expēdat, quò illi Deo propitio per omnia satis sit. Quò autē huic rei nullum omnino impedimentū adferatur, cum ipso spectabili Augustali eidem periculo subiici placet quotcunque in militum sub ipso constitutorum, clariss. etiam tribunorum, & cuiuscunque ciuilis publicique auxilii officium atque numerum ascripti sunt. Cæterum quod frumentum ex locis ipsius iurisdictioni nō subiectis exportatur, id eatenus inducere ipsi periculum & necessitatem volumus, vtpostquam exportatum sit, ipse sine vlla mora id suscipere, & quæ ipsi paret cohors ad hanc almam urbem suo periculo deuehere debeat. Summa etiam cum diligentia curabit ne ex subiectis ipsi ciuitatibus, prouinciis, quibuscunque locis, portubus etiam aut ostiis, prius frumenti quicquam exportetur quàm stata illatio Alexandria soluerit. Ac verò vt ne tum quidem, extraquam si id à nobis per sacras no-

stras formas, aut soliorum tuorū iussa permis-  
sum fuerit, aut permittendū sit. In omnibus au-  
tem cohortales, quæ ipsis iniunxerit (quo modo  
prius dictū est) ipsi ministeriū præstēt: nauicula  
rii verò frumentū suscipiant, nauibúsque impo-  
nāt, atque Deo duce ad hanc almā urbem naui-  
gent. Sanè si ex vtraque AEgypto frumentū non  
exegerit, neque illud huc mittendæ felicitis soli-  
tæque illationis Alexandriae importandum, ac  
ante finem mensis Augusti ad almam hanc re-  
giāmque urbem vehendū curarit: si etiam fru-  
mentum Alexandrinis à nobis in alimoniam e-  
largitum, mense Septembri in ipsorum urbem  
non importarit: sciat quòd quantum illationis  
alimonixue frumēto, pro eo modo qui ex vtra-  
que AEgypto inferri consuevit, deest, in ternas  
artabas pro singulis solidis à solio tuo & ipse, siue  
magistratū adhuc obtineat, siue priuatus factus  
sit, & hæredes successorésque ipsius exigētur: nul-  
lòque modo bona ipsius libera erunt, antequam  
quicquid inde debet, ad ternas aestimatum arta-  
bas tuis mensis intulerit. Interim conuenit om-  
nino vt ad prædicta tēpora ipse ex vtraque AE-  
gypto plenariam etiam exigat. Quandoquidē  
verò de solenni illatione tractatus connexū &  
inseparabilem habet porteriorum titulum, vo-  
lumus etiā quæ ad ipsum pertinent (quo isti ne-  
gotio plenè conuenienterque prospiciatur) cer-  
ta iuris forma comprehendere. Volumus igitur  
ne in posterum porteriorum susceptor faculta-  
tem habeat vt se quibuscunque publicis vectiga-



I ego Basilis-  
reper

libus immisceat, ac nonnullis soluēdo vectiga-  
li obnoxiiis illud remittat, itaque quæ <sup>indolentia</sup> ~~indolentia~~  
nuncupantur (quæ per indulgentiam & gratuito data di-  
xeris) accipiat, & publica inde negligat: ab aliis  
verò plus quàm par sit exigat, & plures\* vt vio-  
lentius & \*supra consuetos\* ac hinc confunden-  
dæ rei occasionem initiūque capiat, portoria  
quidem recusari non posse prætendens, ex rei  
verò confusione suum commodum captans: &  
mensas quidem tui tribunalis despiciens, simul  
autem lucri causa cuncta ad se trahere conans.  
Quoniam etiam tua excellentia vigilanter cun-  
cta gubernās, nos docuit quantum porteriorum  
canon, qui ex Alexandria suppeditatur, subdu-  
cta ratione conficiat, solidorum videlicet octo-  
ginta millia: (quippe quū quod frumentū trās-  
mittitur, in octogies centena millia exurgat) vo-  
lumus ex subiectis prouinciis, locis & prouenti-  
4<sup>II</sup> bus porteriorum susceptori octoginta hæc soli-  
dorum millia dari. Quam largam liberalita-  
tem ideo fecimus, vt nequid omnino ex dila-  
tione defectūue solennis frumenti transmissio-  
nis cōficeretur. Spectabilis autem præfectus Au-  
gustalis, & quæ ipsi cohors ex Augustalianis pri-  
oribusque Ducalibus (vt dictum est) in vnā coi-  
tionem coniunctionemque conflata paret, por-  
teriorum susceptori per ciuitates atque loca, &  
ab hominibus ex Alexandria & vtraque AEgy-  
pto in hoc delectis, ex actiones facient. Cuiusmo-  
di exactionem ipse etiam porteriorum susce-  
ptor similiter faciet. Vt suo periculo (quo modo

dictū est) præfectus Augustalis ac ipsius cohors  
vnā cum portoriorum susceptore hæc exigant.  
Ipsi verò harum rerum exactiois periculum e-  
tiam incumbit, vt irreprehensibiliter aurum  
exigat, & in dictū vsum expendat, & prout hæ-  
tenus moris fuit, nauiculariis distribuat: vnā cū  
ipso portoriorum susceptore in omnibus labo-  
res & pericula sustinente spectabili præfecto Au-  
gustali cum ipsi parente cohorte, & fortissimis  
per illa loca cōstitutis cohortibus cum suis tri-  
bunis: quippe quia conueniens sit vt omnibus  
modis portoriorū ratio per contributionē sup-  
pleatur, hæcque susceptori dētur, qui cōuenienti  
consuetōque modo illa dispēset, ac pro omni so-  
lenni illatione nauiculariis præbeat. Atque hæc  
quidē prima illi cura administratiōque applicā-  
da est solennis illationis & portoriorū. Secundo  
deinde loco excellentiā tuā, & pro tempore hu-  
ius magistratus præfectum, scriniarios etiam &  
tractatores, & duos ex AEgypto & Alexandria  
curam habere volumus exactiois publicorum  
tributorum in tribunalis tuæ excellētiae vtran-  
que mensam, & priuatam & publicam, inferen-  
dorum, ex illis scilicet ciuitatibus, & ab illis per-  
sonis, horūque fideiussoribus, & è locis quæ in  
hoc selecta sunt & sacræ huic legislationi subie-  
cta: vt nullo modo neque spectabilis præfectus  
Augustalis, neque quæ ipsi paret cohors, neque  
Dei amatiss. Alexādrinus episcopus cuiuspiam  
publicæ exactiois rationem reddere vel exige-



gere, aut etiam per qualencunque causam in dicta exactione, quæ ad excellentiæ tuæ mēsas aut ad homines ab illa delectos pertinet, cōmunio- nem habere possit: præterquā si tractatores, quique in prouincia illorum locum suppleant, auxilii causa id fieri petierint. Si enim hoc petant, aut si gloria tua, quique pro tempore eundē magistratum obtinebunt, id iubeant, necesse habebit præfectus pro tempore Augustalis, quique sub ipso sacramento obstricti milites sunt, & horum tribuni, cohors etiam quæ eidem magnificentiss. Augustali apparet, & quodcunque ciuile publicumque auxilium, vt scriniariis tuis suppetias veniat: & vt omnes istiusmodi illationibus vtrique tribunalis excellentiæ tuæ mensæ competentibus obnoxii citra omnem dilationem imposita sibi publica tributa inferant, neque contradicere audeant, faciat. Si enim qui in vtraque Aegypto (excepta Mareota & Menelaïta vrbe, de quibus in sequentibus conuenientia statuemus) aut Alexandriae habitant, istiusque modi illationibus obnoxii sunt, ad dationē vultū obuertere, in aliquoue aduersari audeant: & spectabilis præfectus Augustalis militarem simul & ciuilem magistratum obtinens, cohortiumque primores & tribuni, illū aut illos qui

412

debent inferre atque in fiscum beneuolos esse non coegerint: sciant & ipse magnificentiss. præfectus Augustalis, & quodcunque auxilium cu-

Legō ἀμφο-  
τερον εἰς μέ-  
ρος

ius paulò antè mentionem fecimus, se in cingulis'fisco in partem eorum quæ debentur adiudi-

candis periclitaturos: qui verò contradicere au-  
 si fuerint, bona sua publicāda, seque è prouincia  
 eiiciēdos esse. Manifestū verò sit quòd in omni-  
 bus quæ ab excellētia tua decernētur, præfectus  
 pro tēpore Augustalis tuæ excellentiæ potestati  
 ac imperio, prout hætenus moris fuit, subfutu-  
 rus est. Cæterū si gloria tua, aut scriniarii, aut  
 tractatores, aut qui illorum locum suppleant, in  
 prouincia fidem publicā nonnullis dari volue-  
 rint, pro illis ipsi periclitabūtur. Dabit tamē illā  
 Dei amātiss. patriarcha in tot dies, atque in hūc  
 modum in quem ab excellentiæ tuæ magistra-  
 tu iussum aut à tractatoribus petitum fuerit. Et  
 si præter hæc publica fides detur, erit illa omni-  
 no irrita. Non enim quenquam præter hæc ho-  
 minibus in quaque causam delectis fidem pu-  
 blicam dare concedimus: præterquam si quis  
 in hoc fidem publicā capiat, vt in publico verse-  
 tur, & intra certos dies quicquid debet omni-  
 no fisco persoluat, aut sufficientem tractatori-  
 bus scriniariisue cautionem præstet. Ad hoc qui  
 præter hæc fidem publicam quocunque modo  
 ceperit, æqualis cum iis qui non acceperunt  
 conditionis sit, intrāque sacra etiam septa exa-  
 ctionem sustineat. Verū si Dei amātiss. archie-  
 piscopus extra dictū modū fidē publicā dederit,  
 necessariò Dei amantiss. œconomi & sanctiss. ec-  
 clesiæ defēsores, quod damnū fisco hinc obortū  
 fuerit, id agnitū de suo & de facultatibus suis re-  
 sarciet. Qui si sat diuites non fuerint, ex sanctiss.  
 ecclesiæ pecuniis & rebus fisco satisfiet. Quòd si

Pro κυρία  
 legο ἄκυρος

Legο ὅτι ἐν  
 ἀπὸ λαμβάνει  
 ἔσται.



καὶ πῶς  
expungo

præter notitiam & voluntatem Dei amantiss. episcopi fidem publicam ipsi dare ausi fuerint, non modò ea omnino irrita erit, verumetiam ipsi fisco damnum rependent: & beatiss. patriarcha, siquid præter voluntatem ipsius fecerint, omnino ipsos & ab officiis quæ habet remouebit, & è sacerdotio eiiciet. Si verò magistratus quispiã contra vetita cuipiã qui publica tributa tuis mēsis assignata debeat, fidem publicã dederit, siue præfectus Augustalis, siue clariss. tribuni qui cohortibus præsumt sint, & à dignitate magistratūque remouebitur, & fisco priuatus factus damnum refarciet: idque non modò quum adhuc supererit, verumetiam vbi mortuus fuerit. Obnoxii enim ipsi hæredesque & facultates ipsoꝝ huiusmodi exactionibus erūt: vt *uidelicet* pœnarum metu istiusmodi nihil committatur, neque *quisquam*, donec omne debitum persolutum non sit, pœnam effugiat. Item si quis ex iisdem ciuitatibus locisue in ius vocatum exemerit, aut exactioni impedimento sit, oportet & hunc in quantum exemptus tenebatur obnoxium esse, eiusque exactionem cum hæredibus successoribusque suis & in bonis sustinere. Cæterum quibus (vt dictum est) omne periculum incumbit, (tractatores nempe & scriniarii) omnem potestatem procuracionemque huius rei habeant, totūque canonē qui ex dictis ciuitatibus, prouinciis, atque locis mensis tuis infertur, ad mensas tuæ excellentiæ, tum publicam tum priuatam, emittant, & quibus tu dari constitueris, tradant. Statuimus porrò vt spectabilis præfectus Augusta-

lis iis qui à solio tuo in hoc mittuntur, siue tractatoribus, siue scriniariis, siue qui ipsorum locum supplēt, in exactiōibus ipsos respicientibus, & in publicam priuatāque mensam inferendis, necessariò opem ferat. Et siquem ex dictis locis in fiscum improbum esse, atque ut exactiōem effugiat, tumultum ciere cōtingat, volumus tractatori, siue scriniario, siue qui illorum locum obtinet, facultatem esse ut hoc magnificentiss. præfecto Augustali manifestum faciat: qui suo cohortisque sibi apparentis periculo milites succurrere rei, inhiberēque improbos, & quæ mensis debentur, exigere cogat: ut dum hæc per ciuilem militarēque manū perficiuntur, citra dilationem exigi, & in magnam hanc urbem importari possint. Sciant autem clariss. tribuni fortissimique milites, & maximè qui inter illos principatum obtinent, quòd si hoc neglexerint, neque ut illa omnia quæ diximus facerent curarint, de annonis etiam periclitabuntur. Retinebuntur enim illæ à præfecto pro tempore Augustali ipsiusque periculo mēsis tuis inferentur. Tum & bonorum publicationem sustinebunt clariss. ipsorum tribuni, quique inter ipsos primas tenent: qui sanè & capitale supplicium metuant, & vniuersum agmen è prouincia motum ultra Istrum flumen siue Danubiū transferretur, ut in illorum locorum limitibus custodiæ causa perseveret. Illi verò qui in fiscū improbi fuerint, atque istiusmodi necessitatem expectarint, publicationem ac perpetuum ex-

*Quin aliquid  
desit, mihi du-  
bium esse nō  
potest.*

*Lego αἰά-  
κη*



lium Sebastiam & in Pityusam (quæ in extre-  
 mis \* Euxini Ponti finibus est) deportati sustine-  
 bunt. Eandem verò similémque curam & occa-  
 sione largitionalium titulorum omniumque  
 quæ ad sacras nostras largitiones pertinent, spe-  
 ctabili præfecto Augustali imponimus, quæ qui-  
 dem ab ipso eiusque cohorte & Alexandria &  
 per vtranque AEgyptû debeât expediri. Etenim  
 harum rerum hæc à nobis constituta procura-  
 tio est. Et conueniens est vt ipse eiusque cohors  
 suo periculo largitionalium tributorum om-  
 niùmque causarum ad sacras nostras largitio-  
 nes pertinentium exactionem curet: vt huius-  
 modi publicæ illationes quæ sacris nostris the-  
 sauris applicantur, omni periculo spectabilem  
 præfectum Augustalem ipsique obsecundantem  
 cohortem concernente & exigantur, & sacris no-  
 stris largitionibus inferantur. Si enim horum  
 quicquam neglectum fuerit, periculum illi & de  
 magistratu & de bonis imminet: idque non  
 solum dum in magistratu erit, sed postmodum  
 etiam, quando magistratum deposuerit: adeò vt  
 illud periculum ad successores quoque eius &  
 hæredes transiturum sit. Donec enim quacun-  
 que ex locis ipsi subiectis sacris nostris largitio-  
 nibus debentur expleta fuerint, non ipse tantum  
 huiusmodi exactionibus obstrictus erit, verum  
 hæredes etiam eius & successores. Sed neque asy-  
 lum dabit quisquam iis qui ipsius iurisdictioni  
 subsunt, præterquam ii qui exactionis periculû  
 (vt dictum est) sustinent, quæ sit periculo specta-

*ὅφιστοι, aut  
 simile quid-  
 dā, haud du-  
 biè hic omis-  
 sum est.*

bilis pro tempore præfecti Augustalis & obsecū  
dantis ipsi cohortis. Pecuniæ autem deuotis fa-  
crarum largitionum palatinis (quorum hæc res  
curæ incumbit, aut qui alioqui ad hoc à glorio-  
fiss. præfecto, inclyto huic magistratui præposito  
emittuntur) transfundendæ sunt. Neque contra  
ea quæ antè excepta sunt, fidem publicam dare  
quisquam, aut in exactionibus impedimēto esse  
poterit. Deuoti autē milites, & qui in agris & qui in  
urbibus illis sunt, passuri eadē sunt, nisi ipsi quo-  
que opē tulerint, omnibúsque modis largitiona-  
les pecuniæ collectæ, ac iis qui in hoc missi fuerit  
trāsfusæ sint, & denique tāta cū alacritate exactio-  
nem exercuerint quantā in ea ab arcariis exhi-  
beri præcepimus. Illud item spectabili præfecto  
Augustali tribuimus, vt ipsi & militib⁹, & regio-  
nis primoribus, & rerū fiscalium sub ipsius iuris-  
dictione & potestate cōstitutarum exactoribus,  
in omnibus imperare licitum sit: vt tamen re-  
gionis primores, si aut circa frumentum, aut cir-  
ca portoria, aut alias fiscales res, quæ vel dictas  
causas vel sumptus per prouinciam faciēdos cō-  
cernāt, improbuli atque refractarii sint, pro im-  
perio remouere non possit. Siquid autem mali-  
fecerint, non remouebit quidem illos, sed in cu-  
stodia constituet, delectis que circumspectis aliis  
qui rectē in negotio versentur, oīa huc folio tuo,  
& per hoc porro Imperatori nuntiabit: quò nos  
omnia cognoscentes, & de illorum qui rectē in  
negotio versati nō sunt ciectiōe, & delectorum  
regionis primorum (si videbitur) insitiōe, co-

414

Legos παλινο  
τα, & οί εν,  
Ομοx ruy-  
sum & οί εν

Malim τοῦτ

Legos ἄλλ

Q.ii.



*Lego si πολι  
τινός μὲν*

*Legendo pro  
ei ex (quæ hic  
locū non ha-  
bent) ἵετα, hūc  
locum ita re-  
stitui.*

*Pro ἡμῶν  
ἡμῶν*

rūmque quæ ad regionis primatum ac primo-  
rum bona pertinent traditione, quod æquum &  
cōueniens sit, statuamus. Sed & qui Alexandria  
& per vtranque AEgyptum rempublicam ad-  
ministrant, omnēsque etiam qui tributa ipsius  
exactionibus assignata in locis ipsi subiectis tra-  
ctant, ipsius imperio suberunt. Quin & in alias  
quascunque prouincias ipsi non subiectas, vt &  
debitorēs ad se adducat, & fiscalia exigat cōcedere  
& si qui, quū Alexādrīæ aut in duabus AEgyptis  
possessiones habeant, alibi degant, aut in prouin-  
ciis ipsi non subiectis habitent, hos in prouinciā  
quam deseruerūt (quò rebus fiscalibus ipsi sub-  
iectis nihil impedimenti obuēniat) reducere il-  
li liberum fuerit. Quod idem faciet, si qui ad mē-  
sas tuas pertinentia debeant, & tractatores, quiue  
illorum locum suppleant, aut qui exactionibus  
publicis priuatī sue tuis mensis inferendis incū-  
bunt, tale quippiam ipsi significarint. Nam &  
tunc ad eundem modū & emittere & adducere  
hos debebit, vt à tractatoribus tuis exactionem  
sustineāt. Non poterunt autem debitorēs, quum  
in aliis locis sunt, in fiscalium rerū causa præ-  
fectum Augustalē exceptione submouere, quasi  
competens ipsorum iudex non sit. quòd sanè &  
in largitionalibus exactionibus fieri volumus.  
Restat ea exactionum cura quam expectabilis  
præfectus Augustalis ipsique obsecundans co-  
hors militaribus impensurus est sumptibus iis  
qui Alexādrīæ, quique in duabus subiaciuntur AE-  
gyptis, tum etiam ciuilibus solennibúsque ma-

gnæ Alexandrinorū vrbis & vtriusque AEgypti tributis. Erit igitur spectabilis præfecti Augustalis ipsique obsecundātis cohortis, vt hæc suo periculo & exigant & tradant. neque eam rem amplius tuæ excellentiæ scriniarius exequetur: quem, quod res militares administret, *quod duæm fortasse uertas* AEgyptii nuncupāt. Atque hic quidem in vniversum desinet: spectabilis autem præfectus Augustalis, ipsique obsecundans cohors, quibuscunque voluerit modis, suo periculo exactionē faciet, omnibūsq; deuotis militibus qui Alexandria stationem habent, sumptus suppeditabit, eos suo periculo à subiectis locis & ciuitatibus exigens. Coges porro pro tempore Alexandrinum vindicem vt quos sumptus facit, eos omnes in accédendis calefaciendisque publicis balneis ac aliis omnibus ciuilibus solennibus faciat: qui quidem *sumptus* sacræ huic nostræ legi expressæ omnes subiecti sūt. quæ descriptio hoc quoque euidenter declarabit, ex cuiusmodi locis, atque titulis siue causis & personis hi colligantur, deinde quanti sint, quæque ad modum dispensari debeant: solennes sumptus videlicet, & quotquot in duabus AEgyptis ciuiles sunt, qui ciuitatibus periculo peculiaris harum prouinciarum magistratus porriguntur. In iis verò qui à spectabili præfecto Augustali ipsius cohortisq; periculo dispensabuntur, fidem publicam dandi, & quæcunque negotio conducere putauerit,

*Lego ex ætate  
eos adiungit*

*Hic fere huius  
loci mirè  
mendosi sensus est.*

415

Q.iii.



faciendi facultatem habebit : quippe quum  
 periculum in ipsum eiusque cohortē omne con-  
 cedat. ut tamen qui sumptus Alexandriae fiunt,  
 per illos qui hactenus eos faciunt, servata con-  
 suetudine fiant. Nullus autē hoc prætēxtu, quod  
 spectabili præfecto Augustali non subsit, neque  
 verò etiam ipse spectabilis Augustalis, neque e-  
 ius cohors improbitatem aliquam incoepent,  
 fraudēque quampiam aut in illationibus aut  
 in frumenti solenniter illati transuectionibus  
 committant: sed purē rem tractent, eoque mo-  
 do quo quammaximē reipublicæ & prospiciāt  
 & commodent: expendentes quā ea res ne-  
 cessaria atque inevitabilis sit, & scientes etiam,  
 quod extremo supplicio obnoxii erunt, siquid  
 hac in re non solum maleficiose perpetrarint:  
 verum etiam vafre quicquam & per cōmentum  
 egerint. Enimverò illud etiam quod ab excellē-  
 tia tua ad nos relatum est, in hac lege inscriben-  
 dum esse duximus. Gloria enim tua, in dicta ci-  
 uitate Alexandria omnia perscrutata, inuenit in  
 tabula quæ temporibus Anastasii pientiss. Prin-  
 cipis confecta fuit, quando Marianus vir incl-  
 tus sub ipso res administrabat, extitisse tabulam  
 publicam, quum vindicis in modum Poramon  
 fiscalibus Alexandrinis præesset, qua in tabula  
 descriptus esset rerum exportandarum titu-  
 lus, qui diuersis causis mille \*aureos ita expen-  
 sos ferret, quadringentos nonagintaduos publi-  
 cis eiusdem ciuitatis balneis, quadringētos item  
 & vnde viginti anticantharo quod vocant, quin-

Lego τοι-  
 κεδύου

Ut καὶ τα-  
 pos pro na-  
 uigii quopiā  
 genere repe-  
 ritur, sic hic  
 ἀντιανθάρου  
 pro nauigii  
 genere poni  
 dubitari nō  
 debebat.

gentos postremò & quinquaginta octo cum dimidio, portoriorū susceptori: vt descripta summa in mille quadringentos sexaginta nouem aureos exurgat. Deinde verò ab iis qui rempublicam administrant, in eandem rerum exportandarum causam aureos centū perceptos esse. Præfectum autem pro tempore Augustalē pro triginta sex pullis equinis trecentos & viginti aureos accepisse. Similiter \* præbere dictæ Alexandria ciuitatis equestribus ludis. Atque hanc quidem formam esse nō solū magistratus illustriſs. Strategii, verumetiam vsque ad secundam indictionem præteriti circuli (quæ fuit ante annos quindecim) durasse. Ex eo autem tempore quorundam negligentia, aliorum autem dolo malo, plurimorum verò etiam furto eam rem paulatim imminutam, & publicas balneas illa quadringentorum nonaginta duorum aureorum summa, portoria autem quingentorum quinquaginta octo & semissis aureorum illatione defraudata esse: idque occasione illis data, quòd nonnulli partim ex Principis aula, partim ex soliis tuis facultatem sibi pararent vt gratis è dicta ciuitate Alexandria tegulas aliàsque species quæ istiusmodi tributo obnoxia sunt, exportarent. Atque ita quidem memoratam ciuitatem paulatim esse depauperatam. Excellentia itaque tuam & in his animum intendentē amplexati, statuimus ne aliquibus istiusmodi sacra Principalis forma data quicquam utilitatis adferat, sed omnes agnoscant quod vsque ad

Leg. i. cap. 1.  
Xlv.



416 illustris. illius Strategii tempora dare consue-  
 uerunt: ne etiam spectabilis praefectus Augusta-  
 lis maiores sumptus faciat quam antea & tem-  
 poribus illustris. Strategii fieri soliti sint, neque  
 nouo aliquo commento tributa illa attingat si-  
 bique vendicat: sed vetus forma, quae usque ad  
 Strategium illustris. illū & ipsum obtinuit, cu-  
 stodiatur. ne denique pro tempore Augustali co-  
 tentionis occasio detur, vthic quod nihil ceperit,  
 ille verò quod minus ceperit dicat: sed ex vni-  
 uersa summa mille octingentorum & vndeno-  
 ginta aureorum aurei trecenti & vndeseptua-  
 ginta leuentur & demantur. Aliquanto enim be-  
 nignius quam pro exactiore iure agere, & ob co-  
 pias à praefecto pro tempore Augustali colligen-  
 das alios mille quingentos & viginti aureos so-  
 los ex titulo inferri volumus, quibus ex aureis  
 trecentos illos & viginti aureos occasione trigin-  
 ta sex' pullorum, quos ex antiqua consuetudine  
 Alexandrinis equestribus ludis suppeditare te-  
 netur, spectabilis praefectus Augustalis sibi im-  
 putabit. Reliquos verò mille ducentos aureos  
 eidem in annonas ipsius annumerari volumus.  
 Atque ita quidem ea res non difficilis solutu-  
 fuerit, & pristinam rationem seruabit, neque  
 ulli prorsus ad dolum malū fenestra aperietur.  
 Publicarum autem balnearum calefactioni, &  
 anticantharo, & publicis portoriis ex aliis causis  
 descriptio in hac sacra lege adhuc instituetur.  
 Quoniam verò Mareotam Libyco tractui sub-  
 iecimus, & nonnullos Alexandrinos in popula-

lego πάλιν

ribus seditionibus deprehensos, quò sibi inferendas à spectabili præfecto Augustali poenas effugiant, illuc profugere constat: statuimus vt pro tempore spectabili Augustali facultas sit, vt ob hanc causam, & quidem solam, commentariensem illuc mittat, qui ad eum qui clariss. prouinciæ Libyæ præsidis locum obtinebit, cum publicis literis proficißcatur, quò illos & comprehendat, & per cohortes militesque qui sub ipso sunt tradat: vt nemo qui Alexandriae publicos tumultus mouerit, illuc confugiat, & spectabilis præfecti Augustalis poenas euitet. Insuper & illi ipsi qui istis partibus præfuerit, facultas erit vt siquos tales inueniat, eos & comprehendat, & castiget, atque etiam \* publicè manu emittat & liberet. In his itaque dictum magistratum circumscribimus, quæque in hac lege explicauimus, hæc illi facienda iniungimus. Sic enim cura ipsi rei facilè par, contracta etiam vndique neque confusa fuerit, nullamque ad confusionem furtumque propèsis maleficii occasionem præbebit. Hinc nos cura Libycorum limitum vocat, quos ad Paratonium constituimus, collocata inibi militari manu, quæ in illis locis barbaros compescat. Spectabile enim Libyæ ducem (vt dictum est) per Paratonium & per subiectas illi ciuitates (in quibus qui sub ipso sunt milites ipsius iussis obsequuntur) velut statiuca castra obtinere volumus. Percipiet autem ipse attributas sibi annonas, vt pro annonis quæ in speciebus sunt, nonaginta, próque capitibus centum &



viginti aureos cōsequatur supra mille quinque  
 & quadrantem : pro annonis autem quæ in  
 auro consistunt, quinquaginta, ac pro totidem  
 capitibus aureos quadringentos. Ipsi item ob-  
 secundans cohors habebit aureos centum octo-  
 ginta septem. Et milites, qui videlicet ex his  
 Libybus Iustinianeis, quique apud aliquam  
 Iustinianearum cohortium dictis locis assigna-  
 tarum sunt, suas annonas, quemadmodum res-  
 publica ipsis constituit, percepturi sunt. Mani-  
 festum *interim sit* quòd & omnia solennia quæ  
 ciuitatibus ipsis assignatis *dari solent*, quo modo  
 hætenus data sunt, deinceps *ipsis* dabuntur. Si-  
 militer verò & prouincialis magistratus obsecū-  
 dānsque ipsi cohors suas annonas habebit. Ve-  
 417 rùm quoniam, si quis omnes hosce sumptus sup-  
 putet, non paria neque sufficientia futura sint  
 quæ ex locis ipsi subiectis, siue ex Libyrum pro-  
 uincia inferuntur : idcirco necessarium esse  
 duximus vt Mareotam (quo modo dicitur) &  
 Menelaitam urbem (quæ ante Aegyptiacam  
 prouinciam sita est) ipsi adiiceremus. Efficere  
 enim alioqui nequeat vt è publico militibus  
 sub ipso constitutis salarium suppeditetur, si  
 quæ danda sunt, aliunde pendeant, ac sub alio  
 magistratu contribuantur. tum etiam hinc ex  
 diuersitate magistratuū innumeræ solitudi-  
 nes atque tumultus essent exoritur. Atque ille  
 quidem dictis locis præerit : tu verò tuo pericu-  
 lo, tibi que obsecundans cohors, & ciuilis magi-  
 stratus vnà cum cohorte exactionem perficies,

& quod collegeritis, militibus vobisque ipsis distribuetis, vt ipsorum & sumptus & annonæ hinc conficiantur, proprio periculo exactione illorū faciendā. Ne verò hīc cuiquam ex cogitandi quomodo aut maiores sumptus faciat, aut minorem illationem colligat, occasionem demus. hac etiam re decenter constituta, per subiectam huic sacrae legi descriptionē manifestum fecimus quantus sit canon' qui & ex dictis prouinciis locisque, & ex Libya ipsa, Marcota etiam, Menelaitaque vrbe illatus, ad tribunal tuæ excellentiæ defertur: tum etiam quanti sint sumptus quos circa magistratus, cohortes, solennia, & deuotorum militum alimoniam fieri conueniret. Spectabilis autem præfectus Augustalis, ipsiusue cohors, aut quicumque alius prouincialis magistratus, cum dicto duce' in subiectis ipsi prouinciis, ciuitatibus, & locis nullam omnino cuiusquam rei communitem habebit. Verum ipse spectabilis dux, & ciuilis' Libyæ magistratus in' dictis locis, tum in pecuniariis & criminalibus causis, tum etiam in publicis exactionibus omnem potestatem obtinebit: vt quæcunque' in Libya sunt, & omnes qui illa loca possident, in suis quisque possessionibus, & qui incolæ sunt etiam, spectabili duci subiecti sint. Adeò vt, tamen si qui sub dictis ciuitatibus aut locis quibus spectabilis dux præest, possessiones habent, in aliis prouinciis habitent, similiter tamen in publicis exactionibus ipsi subiici velimus: vt potestatem habeat vt ad' ipsos

Expungo ὁ-  
πέρους.

το τὸν φο-  
τασσε scriptū  
fuit κατὰ.

Legō καὶ τῶν  
τῶν λιβύων.  
τοῖς πρæποσι-  
τοῖς.

Legō ἀπὸ τῶν  
τῶν ὁμῶν

Legō ἀπὸ τῶν  
αὐτῶν



*exactores* emittat, omniâque quæ exactiōnis ratio postulat, faciat. Porro quia etiam sacræ nostræ largitiōes ex his prouinciis atque locis quæ dicto Libycorum limitum duci parent, nonnulla recipiunt, nōsque æqualem atque similem illis curam impendimus: sancimus vt dictus Libyæ, & Mareotæ, Menelaitæque vrbis *Pro παρ' λε- go 7d* (hæc enim illi adiecimus) spectabilis dux & prouinciæ præses cum obsecundante ipsi cohorte suo periculo largitionalium pecuniarum quæ ex omnibus dictis debentur locis, exactiōnem faciat: ita vt plenæ illæ citràque vllum defectum quotannis exigantur, & ab ipsis Alexandriam emittantur: porroque cui pro tempore ex deuotis palatinis, vt illic præpositi officium adimpleat, commissum fuerit, tradantur: qui *I ego αυ'ν, ειδ'ον* 'ipsis auxilium ferre debebit, sciens quod nisi has res omnibus modis curauerit, in idem cum duce, præfide, & obsecundantibus ipsis cohortibus periculum incidet. In hoc etiam milites suppetias venient, & nisi id fecerint, in periculo erunt ne easdem pœnas subeant quas Alexandria & in vtraque AEgypto cōstitutis militibus, nisi & ipseam rem æquali cura dignarentur, im-  
 418 posuimus. Neque verò præter causas superius exceptas, præterque deuotorum dicti magistratus palatinorum voluntatem, qui à suo pro tempore præfecto ad exactiōnem publicorum largitionalium omnino emittuntur, aliquæ securitatis promissiones in largitionalibus causis dari poterunt: sed è diuerso, in iis etiam locis quæ

asyla appellâtur, exactio exercebitur, omniâque  
 alia similiter per Libyam, Mareotam, Menelai-  
 tàmque AEgyptiacam ciuitatem in largitiona-  
 libus exactiõibus exigentur, quemadmodum  
 Alexâdriæ atque in vtraque AEgypto arcaria-  
 rû exactiõum occasione fieri oportere diximus.  
 Cæterum neque portoriorû neque priuatæ pu-  
 blicæue tribunalis excellētia tuæ mensæ ratio-  
 nes cum dicto Libycorum limitum magistratu  
 & exactiõne (eo autem magistratu eâque exactiõne qui  
 quæque hætenus fuit, & qui quæque iam adii-  
 citur, Mareotæ nempe, Menelaitæ ciuitatis, quæ  
 AEgyptiacæ prouinciæ sunt) nihil prorsus cõ-  
 mune habeant: propterea quòd iam antè con-  
 stituimus vt vniuersus canon qui ex Libya,  
 Mareota, Menelaitaque vrbe quocunque mo-  
 do, & ex quocunque eorum quæ ad excellen-  
 tiæ tuæ magistratum referuntur titulo contri-  
 buitur, ad hos sumptus quos suprâ diximus  
 procedat, nempe ad alimoniâ magistratuum,  
 cohortium, & militum, ac denique ad solennia.  
 Quæcunque autem occasione largitionalium il-  
 lationum dicta nobis sunt, omnibus modis ob-  
 seruentur. Quoniam verò hoc etiam in curam  
 nostram suscipimus, ne subditi nostri ex ma-  
 gnis locorum interuallis collisionem subeant,  
 itaque iniuria afficiâtur, \* sed vt quia Mareota  
 Alexandriæ vicina sit, & nonnulli qui illic tu-  
 rant, veniant \* necesse est facere adimplentem  
 magistratus officium \* tradentur autem ipsi  
 consolationis causa aurei centum. Atque hîc:

Λεγομένης  
 ἐν ταῖς  
 πότερος  
 ὁσας



Legō ταύτην  
 λόγῳ μὲν πε-  
 ρεσέχεται

'quidem quæ à nobis de Libyæ administratio-  
 ne constituta sunt, *nunc demum* finem habento.  
 Sequitur dehinc vt transeamus ad limites The-  
 baicos, hoc est, duas Thebaidas, quibus præest  
 spectabilis dux, qui à nobis hanc administratio-  
 nem accipit: cui etiam harum prouinciarum  
 peculiare magistratus obediunt, quique in eo-  
 dem honore in quo præfectus Augustalis est,  
 tanquam si is ipse esset, futurus est, ac per omnia  
 tuæ excellentiæ statutis tribunalique Orientali  
 suberit, quemadmodum nunc etiam spectabi-  
 lis præfectus Augustalis subest. Damus enim  
 illi omnem iurisdictionem & potestatem quam  
 spectabilis Augustalis habet \* iam olim ipsi at-  
 tributis, hoc est, duabus Thebaidis. Hoc ipsius  
 curæ suo periculo incumbit, vt primùm sum-  
 ma diligentia frumentum solennis illationis  
 exigat, dein emittat, tradâtque spectabili Ale-  
 xandrino Augustali: & omne frumentum quod  
 ad ipsius prouincias, ciuitates, atque loca perti-  
 net, quódque etiam ad illationem felicitis huius  
 vrbis, & ad alimoniam à nobis Alexandria be-  
 nignè donatam refertur, vt ad iam dictas con-  
 stitutas dies citra defectum & cum effectu para-  
 tum sit, suo periculo operam det: ita vt nulla in  
 his dilatio fiat, quippe quum omne \* etiam obse-  
 cundantem ipsi cohortem. \* Periclitabuntur  
 etiam milites qui in illis locis sunt, & tribuni,  
 omnéque ciuile atque publicum auxilium, nisi  
 in his suppetias ferant. Oportebit autem solen-  
 nis illationis quæ huc emittitur, mensuram

ante diem nonum mensis Augusti ab ipso cum effectu fluuialibus nauibus imponi, & quæ sub ipso est plenariam ab ipso exigi: deinde idem frumentum ante decimum mensis Septembris Alexandriam deportari, atque spectabili præfecto Augustali, aut qui ab illo in hoc designati sunt, tradi: alimoniam autem à nobis per liberalitatem magnæ vrbi Alexandriae donatam, ante decimum quintum mensis Octobris. Illud enim in confesso est, quòd nisi ad dictas dies omne solennis illationis huc mittendæ atque Alexandrinis in alimoniam datum frumentum Alexandriam emissum, spectabilique præfecto Augustali traditum fuerit, ipse quod frumenti mensuræ deest, quòdque traditum non est, id omne in ternas artabas \* singulis solidis apponere debebit. Hoc autem periculum non ad vitam neque ad magistratum ipsius modò durabit, verumetiam priuatus factus, & mortuus productiorem vita sua exactione sentiet. Hæredes siquidem & res ipsius istiusmodi difficultatibus obnoxia erunt: cum negligentia illius continenter aduersus ipsos periculum, curam, & exactionem dabit, quoad omnis debiti ad dictum modum dissolutio fiat. Neque verò eorū quicquam quæ hætenus facta sunt, conquisitis aliis innouamus. Scimus enim quomodo Iohannes gloriosiss. comes illius magnificæ memoriæ filius ante completum eundem mensem primæ indictionis iam nunc præteritæ omne frumentum Alexandriam intulerit, eique qui eo tem-

419

Malim ٧٧  
μέλει, ex pñ-  
στο μὴ



Legō ἐχούμεν δὲ  
 τὴν πρεσβυτέρω

Legō σὺν δὲ  
 τῇ συνέλευσι

pore Augustalem magistratum obtinebat, tradiderit Mareotæ. Ne' autem spectabilis Alexandrinus Augustalis amplius metuat, statuimus ut clariss. pro tempore Libyæ ciuilis magistratus suo periculo hominem industrium eligat, atque hunc vicarium emittat, qui Mareotæ & Menelaitæ residebit, pecuniariasque atque criminales causas, nec non alia omnia quæ in vicinis circa Mareotam & Menelaitam ciuitatem locis aguntur audiet, ac quæ deceât faciet: tum etiam si qui Alexandrini seditiosi fugerint, hos comprehendet, & ut eorum quæ ita committuntur nihil inultum relinquatur, ad spectabilem præfectum Augustalem, scriptis ad illum publicis literis mittet. Sanè si quum seditiosi aliqui Mareotam fugerint, hos spectabilis præfectus Augustalis prehendere velit, facultatem habebit ut vnum aliquem ex commentariensibus suis cum publicis literis ad eum qui clariss. Libyæ prouinciæ præsidis locum supplet emittat, quò ipsius cura & periculo ordinis honestatisque turbatores comprehendantur, tradantur, & Alexandriam emittantur. Assignamus enim dicto vicario viginti cohortales ex ea cohorte quæ prouinciali Libyæ præsidi paret, & milites ex illis qui illic statiuam habent, numero ad quinquaginta, ut & qui pareant & ministrent habeat, & ad exigenda ea quæ competunt par sit. Ministerium autem ipsi præbunt dicti cohortales & milites tum in conseruatione ordinis, tum in aliis omnibus quæ illorum officii essent, qui

ab

ab ipso in hoc quod iam constituimus designari solent. Exiget etiam plenariam, prout quondam à nobis constitutum est. Deinde quod huic rei annexū est, (de portoriis loquimur) omnino ipsius, prouincialiumque magistratuum, & obsecundantium ipsi cohortium curæ atque periculo subiacebit: vt quocunque ciuitates, loca atque homines suppositæ huic legi descriptioni subieciimus, porteriorumque titulo assignauimus, ab his citra vllam imminutionem omne aurum quod inde prouenit, & exigat, & porteriorū susceptori tradat: idque intra constituta tempora, in nulloque prorsus illa transgressus: ne videlicet porteriorū rationi impedimentum inferat, quod rursus solennem illationem impediāt. Certè enim ita ipsum huius rei periculū respiciet, vt quodcūque porteriorum suscepto- 420 ri ad diem persolutum non fuerit, huius duplū ab ipso eiusque cohorte' deposcendum sit. Quæ *Malim à meq* *trāg* cunque verò ex prouincia ipsi à nobis tradita excellentiæ tuæ mensis inferuntur, hæc per excellentiæ tuæ cohortem, & scriniarios, dictarumque prouinciarum tractatores à locis, ciuitatibus & personis huic sacre nostræ legi subiectis, euidentiorēque \* exactiōis facilitatem facientibus, proprio ipsius periculo exigi volumus. Illi enim hæc exigent, atque huc trāsmittent. Neque securitatis promissiones dabit quisquā, siue magistratum gerat, siue ciuitatis episcopus sit, ne spectabilis quidem Alexandrinus Augustalis, nisi iussio à solio tuo procedat, quæ



I, ego καὶ πρὸς  
δοσίαις

I, ego καὶ ἰδίῳ  
τοῦ

I, ego καὶ παρ-  
τες δὲ τοῦ  
τοῦ καὶ τοῦ  
τοῦ καὶ τοῦ

id velit, aut etiam ipsi tractatores \* Hoc ipsum etiam fecit qui in praesentia eundem magistratum obtinet, Orion videlicet gloriosiss. \* Urbicas plenarias, & quæ sub Iohanne, & quæ sub Orione collecta emissa est, tua excellentia nosque inspeximus. Socordiae igitur solum modo fuerit & proditoris, eos qui tanti fuerint nolle imitari: praesertim quum maiorem potetiorumque illum fecerimus, & Augustalis dignitatem atque iurisdictionem ipsi dederimus. Et profecto tolerabile non esset, si qui maiorem potestatem indeptus sit, superioribus se inferiore exhibeat, vniuersamque rempublicam periculo subiiciat, se verò perpetuo exitio implicet, dum magistratu excidit, atque in iudicium protrahitur: dum in priuata vita, & post mortem per suos haeredes debitum dissoluit, donec in ternas artabas frumenti omnis mensura quæ exportata non fuerit, per solum excellentiae tuae exacta, fisco plenè admensa sit. Imperium verò habebit & in milites & in paganos, in illos quidem, pro iure militaris magistratus, in hos autem, pro ratione iurisdictionis Augustalis: insuper in subiectos ipsi (quemadmodum antea diximus) prouinciales magistratus, quibus dictae prouinciae curae sunt, atque in obsecundantes illis cohortes: in omne item ciuile publicumque auxiliū, & in omnem magistratū quique rempublicam tractat: breuiter, in omnes qui in illis prouinciis aut sunt, aut habitant, aut pagos gubernant, aut quoquo modo rempublicam administrant. Quos facultatem ha-

bebit vt ad se adducat, quanquam in aliis pro- Lego εἰς αὐτὸν  
 uinciis ipsi non subiectis habitent, in solis tamē πρὸς ἐπαρ  
 publicis exactionibus. Quod faciet, tametsi χὰς οὐκ ὄντων  
 qui in ipsius locis sunt, aufugerint. Ita enim in ἢ χ' ἵσταται.  
 publicorum tributorum exactione vndique ex- Expungo εἰς τε  
 cusationes atque prætextus excludentur. Quod  
 siquos illorum qui pagos gubernant (pro qui- Lego ἀπὸ τῶν  
 bus etiam periclitatur) circa solennem frumēti ναυλοῖς καὶ  
 transmissionem, aut circa ea quæ portoriorum ταῖς κατὰ χῶ  
 prouincialiumque sumptuum nomine dantur, ραι δαπάναις  
 refractarios experiatur, non hos remouebit, sed ναυλοῖς δίδωμι.  
 in custodia constituet, aliosque ad eam rem Lego ἐτέρους  
 idoneos quæret, atque hæc tuæ excellentiæ so- ἀναζητήσας  
 lio indicabit: quò res per te, & qui in posterum  
 eundem quem tu magistratum obtinebunt, Lego σὺν τῷ  
 ad aulam Imperatoriam relata, inde dispositio- αὐτῷ  
 nem diiudicationemque suscipiat: ita vt im-  
 probitatis accusati, si sic nobis videbitur, re-  
 pellantur: qui verò in horum locum delecti  
 sunt, si idoneos esse iudicabimus, sufficiantur,  
 & diuina sacræque nostra atque solii tui de hoc  
 iussione facta, in illorum pagarchias (*pagorum gi-*  
*bernationem uertas*) atque bona subeāt. Ante omnia  
 itaque curare ipsum volumus solēnem illatio-  
 nem atque Alexandrinorum alimoniam, vt  
 suo prouincialiumque magistratuum & obse-  
 cundantium ipsis cohortium periculo illam  
 Alexandriam emittat, quatenus sub ipso consti-  
 tutæ prouinciæ & ciuitates \* periclitaturis etiā  
 clariss. tribunis cum omni ciuili publicoque  
 auxilio circa cingulum, bona & salutem ipsam, 421



nisi auxiliati fuerint. Verùm huc \* felicis frumenti transmissionis vsque ad decimum mēsis Septembris , vniuscuiusque indiētionis \* nisi Alexandria emiserit, & huius Augustali, quē ab ipso designati sunt, tradiderit. Donatam autem à nobis Alexandrinæ vrbi alimoniā vsque ad decimum quintum mensis Octobris mittet, tradetque spectabili præfecto Augustali \* aut scriniarii, aut qui ipsorum locum obtinent, hoc petierint: veruntamen ad eandem diem, & in hos terminos quos solium tuum præstituerit, si & ipsi hæc fieri velint: extraquam si nonnullis in hoc fidem publicam dent, vt è sacris locis egressi res suas inspiciant, omnibūque modis explendum fiscum, illiue satisfaciendum curent: quò hoc tribunalis tui scriniarii, qui huius rei periculum in se receperunt, accipiant. Nam quæ præter hæc fides publica datur, eam nullā esse, atque vbiunque, in sacris etiam locis, eum qui eo modo frustra fidem publicam acceperit, exactionem sustinere volumus. Insuper & qui ita fidem dederit, quæ hinc exactiones & damna obuenient, iis ipse, hæredes ipsius atque successores & bona subiacebunt. Quòd si quis Dei amantiss. episcoporum contra iam dicta fidem publicam dederit, necesse habebunt Dei amantiss. ecclesiæ ipsi subiectæ œconomi & defensores, vt inde proueniēs damnum fisco resarciant: ac primum quidem de suo & ex bonis suis: deinde verò, si inopes sint, ex ipsis etiam sanctiss. ecclesiæ rebus. Verùm si præter voluntatem

Dei amantiſs. epiſcopi aliquo modo ipſi dare fidem publicam auſi fuerint, non modò quod factum eſt omnino irritum erit, verumetiam ipſi damnum fiſco reſarcient. Ad hoc etiam, ſi tale quippiam præter epiſcopi ſui voluntatem fecerint, & ab officiis quæ habent remouebuntur, & è ſacerdotio eiciuntur. At ſi præſes contra vetitum modum cuiſpiam, qui publica tributa ſuis menſis assignata debeat, fidem publicam dederit, aut tribuni aut primores.\*\*\*

Λεγο ἑλμυ-  
σαγεν αὐπὶ





422 IMPERATORIS  
IVSTINI AVGVSTI  
NOVELLAE CONSTITV-

tiones, ab Henrico Agylæo latinitate donatæ, præter primam & quintam.

Ponit hanc  
Haloëd. inter Iustiniani  
const. 148

DE INDVLGENTIA TRIBVTARIORVM  
reliquorum. CONST. I.



Vantū studii & prouidentia  
iam inde ab Imperii nostri  
primordiis in cōmoda pu-  
blica cōtulerimus, dum se-  
dulò traditæ nobis à Deo rei  
publicæ curā gerimus, om-  
nibus manifestum reddidi-  
mus ex iis quæ iam gessimus. Nam & ærarium,  
quū multis prægrauatum debitis, & ad extremā  
reductum inuenerimus inopiam, ære alieno in  
nos suscepto, onere pariter & magna difficulta-  
te subleuauimus: & rem militarem, quæ iam  
necessariorum rerum inopia diffluerat (vt vn-  
dique res publica barbarorum labefactaretur ir-  
ruptionibus & incurfionibus) quantum in no-  
bis fuit, competente correctione dignati su-  
mus. Nihilominus tamen iuuandis subditis nō  
tantū hucusque terminos præstituendos arbi-

trati sumus: sed etiam collatores alterius cuiusdam humanioris sententiæ participes faciendos esse putauimus, quæ liberos eos reddamus à reliquorum solutione, quæ ab ipsis debetur ærario. Commune igitur & hoc beneficium nostrum in omnes extendentes, omnia præteriti temporis reliqua à collatoribus fisco debita, usque ad octauam instantis circuli indictionem & ipsam indulgemus. Et sancimus nequa celebretur exactio eorum quæ in reliquis debentur, usque ad prædictam indictionem, siue generalem aut specialem mensam concernunt gloriæ tuæ, siue administrationem sacrorum prætoriorum in Illyriis, aut gloriosiss. Iustiniani præfecti militarium numerorum in Mysia & Scythia, aut sacrorum nostrorum thesaurorum, aut etiam sacratiss. nostri ærarii, aut sacri patrimonii, aut magnificentiss. curatoris rerum priuatarum. sed quicquid in auro pariter, & argento, & reliquis speciebus debitum fuerit, id omnibus debitoribus indulgeatur: ut neque ab agricolis, neque colonis, neque emphyteutis, neque item possessoribus reliqua fisco debita usque ad prædictæ indictionis tempora & ipsius exigantur. Excipimus autem hac nostra munificentiâ discussiones militares simul & foederatorum. hæ enim nulla parte collatores nostros solent contingere: sed illos, & quidem solos, qui uel è publico erogatas pecunias incompetenter accipiunt, uel eas quæ militaribus ordinibus & foederatis deputatæ sunt è publico, ad suum lucrum transferunt.

R. iiii.

*Ira restitui hunc locum puto, Sed illos, & quidem solos, quibus quum è publico pecunie præbitæ sunt, illas ad suum lucrum transferunt: quum tamè militaribus ordinibus assignatæ sint. Tam siqua apud, &c.*



Cæterùm si qua apud eos qui vel susceptores, vel exactores, vel exceptores dicuntur, à collatoribus nostris in auro, aut argèto, aut aliis quæ dependuntur in specie, inueniantur soluta: exigentur & ipsa, atque prædictis à nobis magistratibus, ad quos quæque pertinent, præstabuntur.

Consimili quoque modo omnes alios, qui à collatoribus nostris aurum aut aliud quiddam in prædictis à nobis indictionibus acceperint, neque id fisco persoluerint, cui persolvere conuenit, præsentem nostram largitionem excipimus: quo  
 423 magis hæc fisco, aut etiam quibuscūque talia cōpetunt, persoluant. Siquidem ducti misericordia collatores præsentem humanitatem dignamur, non etiam eos qui publicas ab ipsis susceperūt pecunias, defraudareque voluerunt aut publicum, aut illos ad quos extraordinariè exigendos destinati fuerant. Illud sanè manifestariū est, quòd si qui, quum hanc nostram munificentiam præsentirent, vafritie quadam animi à collatoribus pro indultis reliquis confessiones aut expromissiones acceperint: etsi ea ad priuata debita transposuerint, aut aliud eius generis ad circumscriptionem excogitasse effecisseue videantur, nullam tamen ex iis vtilitatem habebunt: sed confessiones restituent iis à quibus hæc abstulerunt. In vniuersum autem omnes Deo ac nobis agent gratias: hi quidem qui reliqua debent, quòd horum indulgentia & humanitate dignati sint: illi verò qui nihil in

reliquis debent, quòd sollicitudine liberati sint, quam in obseruatione susceptorum habuissent, reueriti nequando interciderent, & eorundem temporum nomine denuo sustinerent inquietudinem. quin' rursus,\* quasi furto proprias res receperint, omisso animo sunt, quòd omni cura ac sollicitudine vacent: vt meritò in omnes præsens nostra distribui videatur largitio. Quæ igitur nobis placuerunt, & per hanc sacram *pragmaticam* nostram declarantur legem, ea literis vñ gloria tua, omnibus per hanc regiam urbem manifesta constituet.

πάντες δὲ  
ἐνδοκίμη-  
σαντες παρ  
ίτασαν ἀ-  
χρί τῆς ὁ-  
γδοῦς ὅπου  
νεμίσαις,  
ἐχόντες τὸ  
ἀμέμνον,  
ego sic uerte-  
re ausim, Ac  
uerò iterum  
se exactionē  
iugo subdu-  
centes, tran-  
quillo letō-  
que animo  
ad octauam  
indictionem  
perueniant.

VT CONSENSU MATRIMONIVM SOLVI POS-  
sit.

CONST. II.

**N**ihil in rebus mortalium perinde venerā- dum est atque matrimonium, quippe ex quo liberi omnisque deinceps sobolis series existat, quod regiones atque ciuitates frequentes reddat, vnde denique optimæ reipublicæ coagmentatio fiat. Quocirca coniugibus matrimonia adeò fortunata optamus vt nunquam aduerso numine inita esse videri queant, neque illi citra iustam dissoluendi matrimonii causam à se inuicem recedant. Verùm, quoniā vt in omnibus hoc seruetur, perquam id difficile est, (vt enim in tanta multitudine non aliquæ atroces irreconciliabilesque inimicitiae incidunt prorsus impossibile est) par esse putau-



mus ut huius rei remedium aliquod comminisceremur: præcipuè verò ubi pusillanimitas eò progressa sit, ut quod odiū inter coniuges obortum fuerit, mitigari & componi nequeat. Pro veteri sanè iuris ratione fas atque licitum fuit ut istiusmodi à se inuicem recederent, dummodo id communi voluntate atque consensu facerent. Adeò verò ut multæ leges essent, quæ hac de re & agerent & constituerent: tum etiam talem matrimonii dissolutionē bona gratia fœripatria lingua dicerent. At postmodum à patre nostro sacratiss. principe (qui pietate atque sapientia omnes quotquot vnquam imperarunt superauit) dum ad benignum suum atque firmū propositum respiceret, necnon ad aliorum etiā miserum & pusillanime consilium oculos conuerteret, scripta lex est, quæ consensu matrimonia solui vetat. Quam sanè nos etiam obtinere atque in suo vigore manere magnopere velimus. verum permulti nos adierunt, qui matrimonium quo inter se nexi essent, mutuò odissēt atque auersarentur, & (id quod dolendum valde ac alioqui molestia mœroréque plenum est) propterea belligeratum domi pugnatūque esse per criminationem exponerent, ideòque matrimonium solui peterent, tametsi causas, ob quas tutò id illis facere lex concederet, nullas adferre possent. Nos verò aliàs monendo, aliàs minis terrendo, ut à mutuo inter se eòque citra causam suscepto odio desisterent, & ad concordiam

proclinaient, animisq[ue] inter se pacatis essent,  
illorum in his desiderium festinationemq[ue] ad  
tempus suspendimus. Sed nihil profecimus.  
Eos siquidem qui violento affectu odioq[ue] se-  
mel correpti fuerint, perquam est difficile recō-  
ciliare. Contigit enim vt ex his nōnulli ad mu- 424  
tuas insidias procederēt, venenisq[ue] & aliis qui-  
busdam quæ lethalia essent, vterentur: in tantū  
vt sæpe neque liberi, qui ipsis communiter nati  
essent, illos in vnam eandemq[ue] voluntatem  
coniungere potuerint. Quum itaque hæc à no-  
stris temporibus aliena iudicarem[us], ad præsen-  
tem sacram legem respeximus, per quam sta-  
tuimus vt, prout olim iuris fuit, matrimonio-  
rum solutiones ex consensu fieri liceat, & ne am-  
plius patris nostri sanctione in eos qui consensu  
matrimonia dirimunt, cōstitutæ pœnæ in vsu  
sint. Si namque mutua affectio matrimonia con-  
ficit, meritō diuersa voluntas eadem per con-  
sensum dirimit, modò hanc missi repudii libelli  
satis declarent. Caterū illud manifestum sit,  
quòd alia omnia quæ legibus, & præcipuè sa-  
cris nostris patris nostri constitutionibus de ma-  
trimoniis, liberis, & causis per quas dirimere ma-  
trimonium permissum est, aut de iis etiam qui  
nulla de causa (non tamen ex communi volun-  
tate & cōsensu, quo modo præsens nostra lex cō-  
stituit) matrimonium soluūt, & de constitutis in  
illos pœnis, cauta sunt, ex præsentī etiam no-  
stra lege obtinebunt, suamq[ue] per omnia vim



habebūt. Proinde quæ à nobis in publicū vsum  
producta sunt, & per præsentem sacram decla-  
rantur legem, gloria tua consueto modo per re-  
giam hanc urbem omnibus manifesta reddi iu-  
beto. DAT. XVII. C. OCT. CONSTANT.  
IMP. DN. IVST. PP. AVG. ANNO I.

DE IIS QUI IN OSROENA ET MESO-  
*potamia illicitas nuptias contraxerunt.*

CONST. III.

Idem IMPERATOR PETRO sacri æra-  
rii comiti.

**L**Egum seueritati interdum Imperatoriam  
clementiam immisceri conuenit, præci-  
pue verò quando subditos multis damnis  
atque incommodis ea res eximit. Quale profe-  
cto quiddam in præsentia nostræ potentia face-  
re visum est. A patre enim nostro, qui vnà cum  
aliis virtutibus pudicitiam mirificè amplexa-  
tus est, conscripta lex est, quæ eos qui illicita  
matrimonia ineunt & punit, & mulctat, & ad  
honestatem reducit, vt ne quæ extra ipsius na-  
turæ fines posita sunt concupiscant. Ac sanè  
perpulchra ea lex est, mirumque in modū no-  
bis placet: adeò vt eam & ratam habeamus, &  
omnibus modis vigorem suum obtinere iubea-  
mus. Verum multi ex Mesopotamia, Osroena  
quoque & Euphratica prouincia nos adierunt,  
qui docerent quomodo nonnulli, dum consue-  
tudinem cum Persis (à quibus hæ prouinciæ nō  
multum distant) & qui inter illos sunt Sarace-

nis habent , partim per ignorantiam legis , partim amoris affectu victi, *illorum imitatione* illegitimis matrimoniis coniuncti fuerint , ita vt nonnullis horum liberi atque nepotes nati sint: *quomodo item* nonnulli , hac cupiditatis suæ occasione capta , quòd paululum quiddam pro acceptis iussionibus quæ istiusmodi inuestigari atque vindicari velint , gloriæ tuæ magistratui quotâ nis depensuri sint, post huius rei faciendæ commissionem turpis lucri causa per caluniam multos iniuria afficiât, vexent, ac innocentibus negotium faceffant: adeò vt sæpe mortuis illis qui illicitè inter se iuncti fuerant , ab horû filiis, nepotibus , & vltioris seriei liberis (qui nihil deliquerint, quòd parentes maioresque ipsorum illicitè in matrimoniû coierint) pœnas exigant. Atque hæc quidem quum dicerêt, simul à potentia nostra clementiam petierunt. Nos igitur, horum precibus admissis, statuimus vt nullus omnino eorum in tribus *istis* prouinciis qui ante eû <sup>425</sup> diem quo Deus nobis Romanorum imperiû est largitus , in illicitas nuptias inciderit, ob id negotiis irretiatur, vel difficultatibus ac dispendiis subdatur. Quanquã enim sacratiss. nostrû ærarium ita damno afficiatur, & iis quæ ex lege per hanc occasionẽ ipsi dabantur , priuetur, nihilominus tamẽ quod præteriit, ex speciali beneficio vsque ad id tẽpus cõdonamus. Quod profecto facimus , nõ quasi pudicitia aut quæ de hac lata lex est negligamus: sed quò iis qui paruo redep̃ta talia ex fisco subtrahunt, multorûmque



facultates ac substātiās in dictis prouinciis quā-  
 fāt, & cōmunes calamitates ciēt, omnē quāstus  
 occasionem succidamus. Quocirca sanē legem  
 illam, & quā in illa aduersus eos qui illicitē nu-  
 ptias contrahunt poenā constitutā sunt, vbique  
 per nostram rempublicam, & in paulo antē di-  
 ctis prouinciis inde ab initio Imperii nostri  
*vim & auctoritatem habere* iubemus. Prouinciis au-  
 tem istis ideo benignitatē simul & veniam clar-  
 giti sumus, quōd qui in illis habitant, Persis &  
 qui sub ipsis agūt barbaris Saracenis finitimi &  
 vicini sint, itaque, humanis affectibus tacti, illos  
 imitati sint, neque naturā motū atque vim illos  
 superare valuerint. Proinde quod nobis visum  
 est, & per hanc sacram pragmaticam declaratur  
 formam, gloria tua quique pro tempore eidem  
 magistratui prærit, effectui atque fini tradere  
 & obseruare studeto. DAT. C. IAN. CON-  
 STANT. IMP. DN. IVST. PP. AVG. A. N. N. O. I.

VT DEI AMANTISS. EPISCOPI CVM PRO-  
 uinciarū indigenis incolis, quos sibi præsides esse uelint, eos  
 sibi à sacratiss. Principe concedi petant, itque gratis præsides  
 fiant: ut tamē qui in præsidē petitur, idoneē sese caueat. Si uerò  
 præsidem petere distulerint, ut tum aduersus eum qui ipsis  
 præses missus fuerit, quodcunque etiam occasione publico-  
 rum tributorum fecerit, querelam instituere nequeant.

CONST. IIII.

**D**Vm reipublicæ à Deo nobis datæ curam  
 gerimus, simulque ut subditi nostri in om-  
 nibus iustitiæ bono fruantur operam

damus, hoc vnum nobis inde ab initio propo-  
 fuimus, vt quicquid antea imperfectum & con-  
 fusum fuisset, id & corrigeremus, & vndique per-  
 fectū exhiberemus. Anxia itaque reputatione ha-  
 bita quomodo & fiscus & subditi illæsi & inden-  
 nes permaneant, animaduertimus nos facile id  
 consequuturos, si efficeremus vt prouinciarum  
 præsides (vbi magistratu gratis suscepto, rite fi-  
 sco cauissent) in omnibus rectè ac legitimè ma-  
 gistratu fungerentur: ita vt ab omni iniustitia,  
 quæstu, alioquique turpitudine atque re vetita  
 abstinerent. Ne igitur peregrini aliqui in pro-  
 uincias se ingerentes, illas iniuria afficiant,  
 nōsque crebris aduersus illos interpellationibus  
 instituendis molestias sustineamus: hortamur  
 cuiusque prouinciæ sanctiss. episcopos, cōsque  
 qui ex indigenis & incolis primas tenent, vt per  
 communem libellum supplicem de iis ad no-  
 stram potentiam referant quos idoneos esse ad  
 prouinciæ suæ gubernationem existiment. His  
 enim magistratus insignia gratis tradituri su-  
 mus: tamen vt publicum & fiscalem canonem  
 se illaturos caueant, atque nihil contra leges se  
 exacturos, neque cuiquam collatorum vim il-  
 laturos, illis, datis sponforibus promittant, \* se  
 annonis contentos publicorum tributorum exa-  
 ctioni inuigilatuos, iisque qui in sacris illatio-  
 nibus probi & prōpti sint, mites simul & paterno  
 affectu exhibituros, cum improbis verò atque re-  
 fractariis acerbius in exactiōib<sup>9</sup> acturos, neque  
 inde quicquam lucri ablaturos. Oportebit verò

*Legō αμχο-  
 εδρως*

426

*Legō ασφδς  
 ζοδωοις*

*Legē παρρυ-  
 γωσιτε*



etiam nihilominus illos, coniectis in leges oculis, quibuscunque litigatoribus æqualitatē atque iustitiam tribuere, &, ne sumptibus ac longinquitate temporis atterantur, citò illos dirimere: tum & eos qui deliquerint in ius rapere, & secundum legem pœnas illis infligere: denique in omnibus iustitiam exhibere. Ac sanè nō hīc solis hęc præcipimus, verumetiam cuiusque magistratus assessoribus, aliisque quicunque magistratibus subseruiūt. Nam si quis illorum aut in publicorum tributorum exactiōe negligenter se gesserit, aut collatores nostros damnis contumeliosisue oblæsionibus inuoluerit, simul bonis excidet, simul summo subiicietur supplicio. Etenim Deo auspice hoc vnum nobis studio est vt prouinciæ bonis legibus regantur, tutòque habitentur, atque præsidum iustitia fruantur: & verò publica tributa citra querelam inferantur. Impossibile enim est vt, sacris tributis non illatis, alioqui respublica conseruetur. Militares namque copię, assignato sibi salario inde percepto, hostibus resistunt, & collatores à barbarorū incursionibus & truculentia vindicant: denique agros atque ciuitates à latronum aliòque modo incompositam vitam sectantium vi & irruptionibus, agendis excubiis defendunt: ex illis etiā reliquæ cohortes ea quæ ipsis attributa sunt accipiunt: muri atque ciuitates indidem instaurantur: publicarum balnearum hinc calefactiones procedunt: postremò spectacula, aliàque omnia quæ ad delectationem subditorum inuenta

uenta sunt, ex iisdem curantur: ut quæ ab illis  
contribuuntur, partim in ipsos, partim propter  
ipsos insumantur & impendantur: nobis autem  
prorsus nihil inde præter istarum rerum curas  
habere contingit, non tamen eas mercede va-  
cuas, quum magnus ille Deus, & Seruator noster  
I E S V S C H R I S T V S magnitudine clementiæ  
suae permultis propter hoc nos bonis remuneretur.  
His itaque omnibus prouincialibus homi-  
nibus velut præconio à nobis denuntiatis, &  
quanta nostra sit erga subditos beneuolentia &  
liberalitas per hoc ostenso, magis propitium  
ac benignum Deum habituri sumus, qui tanto-  
pere nequid detrimenti subditi capiant cure-  
mus. Si verò hoc nostrum beneficium cōsecuti,  
in præsidum electione, opinione atque spe fru-  
strentur, neminem præter seipsos culpæ pote-  
runt. Neque etiam si hos eligere & ad nos referre  
distulerint, vllò amplius iure de iis qui hinc  
in prouincias emittentur, si propter publicorū  
tributorum collectionem nihil nō fecerint, que-  
rimoniam instituent: neque verò nos ut de his  
nos adeant, eosque deferant, dehinc sustinebi-  
mus. Qui enim facultatem eligendi præfides à  
nobis ceperunt, ut illi gratis magistratibus su-  
sceptis publica tributa inferrēt, ipsique ab illis  
nulla iniuria afficerentur, si hi in illorum ele-  
ctione negligenter versati fuerint, permittendū  
illis nullo modo erit ut de ipsis conquerantur,  
nosque illos delaturi adeant, atque molestiam  
exhibeāt. Cæterum nullus omnino in persoluē-



dis quæ ipsi incumbunt publicis tributis vlla  
 dilatione vti poterit, non sacra domus, non san-  
 ctiss. ecclesia, non pium pauperum receptaculū  
 aut monasterium, non denique clarus aut ob-  
 scurus quisquam. Neque verò eos qui rempu-  
 blicam administrant, neque quos *ἐκκλησιαστικοὶ* (sus-  
 ceptores Latine fortasse dicas) vocant, neque etiam alios  
 427 quibus publicarum contributionum cura in-  
 cumbit, periculo quod hinc existere possit exi-  
 mimus. Quæ enim in commune omnibus con-  
 ducunt, illorum qui in fiscum improbi esse ve-  
 lint iniusto proposito anteferimus. Vt autem  
 quæ pulchrè à nobis proponuntur, omnibus ma-  
 nifesta fiant, iubemus vt tua excellentia hoc  
 præsens sacrum edictum per felicem hanc urbē  
 & in prouinciis, conspicuis in quaque ciuitate  
 locis proponat: quò neminem ratio qua fisci  
 subditorumque indemnitati consulatur, à no-  
 bis sereniss. adinuenta, lateat. DAT. XV. C.  
 FEBR. CONST. IMP. DN. IVST. PP. AVG.  
 ANN. VIII. POST CONS. EIVSDEM ANN.  
 III.

DE SAMARITANIS.

CONST. V.

Idem IMPERATOR DIOMEDI sacro-  
 rum pratoriorum præfecto.

VT impiam Samaritanorum hæresin &  
 omni ratione carētem horum vāsaniam  
 ad meliorem frugem perduceremus, ne-  
 que non ipsorum animas quo detinentur mor-

bo liberaremus, sæpenumero tam pientiff. Princeps pater noster quàm etiam nos ipsi studio habuimus. sed in plerisque horum non potuimus id in quod longo studio incubuimus, effectui tradere. Euaserunt enim in tãtam nonnulli eorum vãsaniam, vt vel salutarì baptismo dignati, denuo ad id mali vnde discesserant redierint, & eadem cum Samaritanis habere in pretio, eodem cum ipsis agitari furore dignoscãtur. Præclarum igitur nobis visum est, veterem illam & prius contra ipsos propositam patris nostri legem renouare. Ac propterea sancimus vt ipsi neque ex testamēti tabulis neque absque iis hæredes fiant, legatãue capiant, aut donationis titulo rem aliquam nanciscantur. Sed neque Samaritani aut in vniuersum hæretici, quicquid re& tam se Christianorum fidem amplecti simulât, (quum reuera neque ita sentiât, neque huic consentanea faciant) ad hæreditatē ab intestato vocati, successionem habeant. Item neque testamēta conscribant, neque legata relinquunt aut donent, nisi qui ea percepturi sunt, & rectè de fide sentiant, & fideles sint operibus. Nam si nemo horum sit, iubemus vt post ipsorum mortē horum bona ad sacratiss. pertineant ærariū. Vnde & sacra illa forma, per indulgentiam ipsis à patre nostro cõcessa, quæ, legis vicē obtinens, largitur ipsis vt hæreditatem pariter adire & transmittere, item legatis honorari & legata relinquere possint, in posterum vacabit, neque prorsus vllam firmitatem habebit. Nam si huius se



*Græca sonāt,  
& nostra Im-  
peratoria  
Maiestate:  
sed rectè Ha-  
land. ab illis  
recessit.*

428

*Omissum est  
ab Haloan-  
dis.*

clementia indignos esse perhibuerint qui Samaritanorum agitantur vāsanīa, neminem alium quā seipsum accusabūt, quū à benignitate Dei & Seruatoris nostri IESV CHRISTI alieni sint. liberalitates autem ab Imperatoria olim Maie-  
state' ipsis concessas amittunt, in hoc vt ad meliorem mētem redeant, non vt perpetuò in peruerſa hac opinione sua permaneāt. Excipimus autem à præſente lege ruſticos qui Samaritanorum opinionibus honorem habent, (idque non ipſorum gratia, ſed propter cōſtitutionem prædiorum quæ ab ipsis coluntur, propterque redditus & tributa quæ exinde inferuntur publico) vt qui ruſticitate ſeducātur. His etenim permittimus vt tam aſcendētes quā deſcendentes & ex tranſuerſo cognatos ſuos hæredes legatariōſque ſcribāt; (tameſi Samaritanorum errore detineantur) vt tamen fundos rectè colant: quò magis & vberior exinde prouentus ad prædiorum dominos deferatur, & per ipſos ad fiſcum. Sed & ſine teſtamenti prædicti alter ad alterius hæreditatem peruenient, propter eandem cauſam. Quandoquidem etſi nemo horum inueniatur, nihilominus tamen volumus vt prædii dominus in quo ruſticus deſunctus eſt, ab illo relictā capiat, & fiſci locum teneat, vt pote qui & pro illo publicis ſatiſſacit tributis. Præterea Samaritanum omnino neque militiam capeſſere cōcedimus, neque ad ciuilem adminiſtrationē accedere, neque poſtulare in iudicio, neque aſſeſſorē eſſe; neque poſtremò in cōſortium diſertiſſimorum

assumi rhetorum, neque adolefcētes instituere. Sed & siqui ex iis salutari dignati baptismo, ad pristinum denuo errorem reuersi, obseruare sabata, aut etiam alia quædam agere videantur, quæ coarguant per simulationem ipsos sanctū baptismā assumpsisse: eos proscribi iubemus, & in perpetuū tradi exilium. lisdem quoque pœnis eos subdimus qui contra rectam Christianorū fidem impium istis patrociniū præstiterint. Perpulchrum verò nobis videtur vt ad incontaminatū accurrentes baptismā, non temere suscipiantur, sed cum quad obseruatione & instructione, quæ' initiationis tēpore fieri solet. Dicimus autem vt qui omnino sensu aliquo bonæ doctrinæ tangi possunt, per duos primū annos in fide instituantur, & pro viribus scripturas ediscant: tūcque demum sacro redemptionis offerantur baptismati, tam longi tēporis pœnitentia prorsus redemptionis fructum assecuti. Pueros autem admodum, qui per ætatem doctrinas intelligere nequeunt, etiam absque hac obseruatione sacro dignari baptismo admittimus. Porro nullus Samaritanus Christianum habebit mancipium: sed simulatque emptum fuerit, protinus in libertatem rapiatur. Quòd si æquè peruersa opinione mancipium vt ipse dominus fuerit, licitum ei esto, si Christianorum de fide sententiam exosculetur, ilico & Romana ipsum libertate potiri. Quæ igitur nobis placuerunt, & per præsentem declarantur legem: ea proponens gloria tua solennibus lo-

*Melius*

*scrip.*

*in scriptis n*

*χρόνῳ πρὸ-*

*εὐθὺς, Quæ*

*sufficienti*

*tēpore fiat*




cis effectui & fini contradi præcipito. DAT. XV.  
C. IVN. CONST. IMP. DN. IVST. PP. AVG.  
ANNO VII. POST CONS. EIVSDEM, AN-  
NO III.

FINIS.

# TIBERII IMPERA- TORIS DE DIVINIS DO- MIBVS CONSTITVTIO, EO- dem interprete.

In nomine domini IESV CHRISTI Dei  
nostri.

IMPERATOR Cæsar, FLAVIVS TIBE-  
RIVS CONSTANTINVS, fidelis in CHR-  
ISTO, clementiss. beneficentiss. pacificus, Ala-  
manicus, Gotthicus, Francicus, Germanicus,  
Alanicus, Vādalicus, Africanus, pius, fœlix,  
inclytus, victor, triūphator, semper colendus,  
Augustus, SACRATISS. SENATVI.

 N supplices beneficium esse,  
maleficia extirpare, & quæcū-  
que subditis vtilia sint, ea &  
meditari & facere, quā opera  
sint quæ Deo conueniant, si-  
mūlque eundem cum huma-  
no genere ortū habeant, tum  
ea ipsa nos præcipuum Imperatoriæ Maiestatis

insigne esse arbitrati : ex quo Deus nobis reipublicæ imperium atque gubernacula dedit, nulla (vt ita loqui liceat) neque die neque nocte quicquam earum rerum studio antiquius chariùsque habuimus. Hinc certè quum permulti qui partim in inclyta hac vrbe habitarent, partim ex omnibus fermè subditorum nostrorum prouinciis *alii aliunde prodirent*, diuersimodè nos adierint : qui *iidem* quum possessiones aliquas domùsue Imperatorias prope' prædia & bona sua haberent, aliisq; rebus & controuersis inuoluti essent, variis iniuriarum modis à procuratoribus, chartulariis, conductoribus, & qui alioqui ad Imperatorias domus attinent, in se peccari annuntiarent, atque res mobiles, interdum etiam possessiones, agros & agricolas sibi ereptos lamentarentur : ea autem ratione, quòd illi aliquid faciendum conducere ab ipsis \*alienis prædiis & agris defensionem quæ illis non competit tribuant, tabulàsque Imperatorias ac signacula affigant, & (vt vno verbo dicamus) quæ ad ipsos non pertinent, suo dominio subiiciat : quòd aliorum aduersus alios nulla ratione nitentes lites suscipiant, itaque & actores rebus sibi debitis potiri non sinant, & reis citra iudicium indictaque causa debiti exactionem vi inducant : ad extremum uerò, quòd vt nonnulli fraude inducti, rerum debitarum syngraphas in ipsas diuinas domus concipiant & conscribant, efficiant, alienisq; emptionum, aut fortasse donationum, contractibus in eorum qui aliis debent circun-

Legο ἐπαρ-  
χίδην ἀπὸ  
κατάσε, ὅ  
μοχ, ταὶ ἐ-  
αυτῶν ὑστέρως

Sancii huius  
loci intelle-  
ctus euidens  
in subsequen-  
tibus est.

51;

S.iiii.



scriptionem immisceant: *inde (inquam) factum est ut*  
 quaecunque ad nostras aures peruenierint, de iis  
 rectè & competenter statuerimus, quum his qui-  
 dem restitui ablata iusserimus, ac incompeten-  
 tes defensiones interdixerimus: illos verò à iu-  
 diciis liberauerimus, debitorumque syngra-  
 phas irritas iudicauerimus, & fraudes in contra-  
 ctibus fieri solitas prohibuerimus: quum denique  
 Imperatoriarum domuum procuratores leges  
 iustumque pietatis nostrae propositum sequi ius-  
 serimus. Verum quoniam impossibile est ut ex-  
 tranei, quique procul hinc habitant, pariter o-  
 mnes huc conueniant, utque nos singulatim  
 omnia quae hunc ad modum fiunt, ubique ma-  
 nifesta faciamus: quae ad haec attinent, euidenti  
 lege explicare visum est, quò non solum nostrae  
 aetatis, verum etiam omnis futuri aevi homini-  
 bus nostrum aequitatis iustitiaeque studium in-  
 notescat. *Innotescat uerò etiam quàm Imperatoris*  
 nostris aedibus, quique illis praesunt, siquid de-  
 linquant, non parcamus: *quomodoque si subditis*  
 bene sit, id nostrae esse opulentiae felicitatemque;  
*I ego me* & (quia non solum diuinarum domuum nego-  
 tia, verum etiam communia praesentis reipubli-  
 cae nos cognoscere par est) subditorum faculta-  
 tes, quantum ad curam, nihil ab Imperatoriis dif-  
 ferre existimemus. Statuimus igitur ut nulli glo-  
 riosiss. magnificētissimive diuinarum nostrarum aut  
 pietiss. Augustae domum (quibus & patrimonialis  
 & regia domus, quae ante nouas ecclesias sita est,  
 annumeranda est) curatores, aut chartularii, aut

prouisores, aut conductores, aut quicunque alii ad easdem diuinas domus pertinent, vel tabulas quæ nostram appellationem contineant, vel effigies insigniæ Imperatoria alienis ædibus aut prædiis, vel mobilibus defunctorum aut etiamnū superstitum rebus signacula imponere, vel aliorum rusticos suscipere, vel solutiones aliquas quæ ipsos aut etiam ipsorum proventus transferant, in Augustalem domum faciendas curare in posterū ausint: neque si etiam earundem domuum, prædiorum, rerum, aut rusticorum partem aliquam ad Augustas ædes pertinere contingat, hinc aduersus eos qui vnâ cum ipsis possident, fraudis læsionisque occasionem capiant. Quin & si quos rusticos, qui in aliorum mancipio sunt, in præsentī ipsos habere, aut quales diximus solutiones accepisse constet, simul ipsos rusticos restitui, simul ipsas solutiones irritas esse iubemus. Quòd si de his rebus aut etiam de aliquibus contractibus actionem se habere aduersus alios dicant, nequaquā reum ad se trahant, neque (id quod & absurdissimum & iniquissimum putamus) suarum controuersiarum iudices sedeant: liceat autem ipsis ut coram competente iudice, sub quo sunt qui actiones sustinēt, litem moueant, simulque ius suum obtineant. At si ipsos gloriosiss. magnificentissimósque curatores, diuinarū domuum quarū curam gerūt nomine ab aliis in ius vocari contingat, tum quidem si hīc actio instituatur, cōmuni & actoris & Augustalis domus curatoris

*Malim  
autem*



consensu vnus ex gloriosiss. nostris præfectis ad rei examinationem diiudicationemque eligatur: & si (vt fieri assolet) contentio huc insurgat, libellus supplex Principi offeratur, datúsque ab ipso iudex suscipiatur. si verò in prouincia aliqua, eius præses controuersiam sibi audiendamumat. Cæterum si quis chartularius, emphyteuta, conductor aut colonus Augustalium rerum occasione in ius vocetur, facultas sit actori, si velit, vt coram ipso Augustalis domus curatore, aut (si suspectū illum habeat) in alio foro coram eo coram quo communiter visum sit, aut etiam quem ex Imperiali iussu hîc nacti fuerint, actionem instituat. Quæ verò istiusmodi controuersia in prouinciis mouebuntur, eas cuiusque prouinciæ præses audiendas assumet. Sanè quæ iisdem diuinis domibus priuilegia iam cōcessa sunt, ea non in his, sed in litium sumptibus obseruentur, pro inducendis *nempe* (quo modo dicitur) legendis, & edendis, atque in aliis quæ circa lites fiunt sumptibus: vt nemo constitutum horum modum transgrediaudeat, iudiciorumque ministri eo contenti esse debeant. Illis verò etiā qui aduersus ipsas Augustas ædes, earū curatores, prouisores, conductores, chartularios aut colonos actionē dictāt, vt iisdē vtātur priuilegiis facultas fuerit: vt ne in hoc quidem (quo tamen legibus nostris constitutum est modo) illis esse inferiores videantur. Porro quia nonnullos esse scimus, qui quum creditores suos debitis fraudare volunt, res suas illis oppigneratas alicui

nostrarum ædium aut vendunt, aut donant, aut alio quocunque contractu perscribunt, & per illas medias in alios vel cognatos vel familiares aliquo contractus modo transferendas curant: vt hac ratione hypothecæ ius miserum in modum iis qui pecunias suas erogarint, fere desperat: dum diuinæ domus præfectus (per quem hæc facta esse dicuntur) propter potestatem quã habet, mouendam de his rebus actionem nõ suscipit, & qui rem percepit, contractum cum diuina domo initum præterdit, per datumque domui priuilegium à nemine actione cõueniri sustinet: *insuper etiam quia esse scimus*, qui domibus, locis, aut aliquibus vnus cuiuspiam Augustarum ædium officinis maiore aut quacunque mercede conductis, illarum rerum prærogatiua utantur: itaque creditores, aut etiam qui ipsis actiones intentant, & arceant & oblendant: idcirco iubemus nequis de reliquo subdolis commentis aduersus creditores suos vti audeat, neque per diuinam domum mediam cum alio donationem aut contractum instituat: *sciens* quòd nullum fructum ex versutia sua percepturus sit: quum res alienata ubicunque fuerit, siue penes diuinam domum, siue penes alium quempiam, nihilominus vendicari poterit, & omnia ei qui actiones aut etiam hypothecæ ius habet, integra atque illæsa, perinde ac si nihil interuenisset, seruabuntur. Ad hoc etiam siquid huius commenti causa ipsi diuinæ domui, eiusque procuratori captadæ beneuolentiæ ratione datum esse contingat, eo



qui dedit excidet, hancque (quâquam minorem  
quàm pro merito) remunerationem feret. Cate-  
rùm neque per earum ædium quæ ad Impera-  
torias domus pertinent, inquilinos, neque per  
alienos colonos, aut aliumquempiam, omnium  
diuinarum ædium præfecti aliquid faciendum  
conducant, neque illis patrociniū tribuât, aut  
quod *πατρόκιον* dicitur. (Merædem patrociniū significari

Quomodo aliter ἐλθ-  
σει καὶ ἡ  
ἐκκλησία  
καὶ exprimi  
possit, non  
video.

*autumo*) liberis aliquibus, exactionibusque obnoxiiis, aut decurionum etiam, quæ in vniuersum ad alios pertinent, prædiis capiant: ac verò ab his omnibus desistant. Et si tabulæ aut insignia Imperatoria istiusmodi prædiis, domibus, officinis aut locis iam affixa sint, hæc detrahant, aliiſque qui illa detrahunt, quasi nostro iussu id faciant, nequaquam contradicant. Ad hæc quietem agat, aduersusque inquilinos, & qui quocunque modo tenentur, coram competentibus tribunalibus moueri actiones sinant: ac nullum ad alienas cōtrouersias, aut res, aut ius, aut prædia horumue colonos accessum habeant, neque aduersus aliquos actiones cedant, aut has *ab aliis* assumant, itaque alios, vt istiusmodi actionibus obnoxios, in ius vocet. Etenim hanc iniuriæ rationē omnino tolli iubemus, etiam si donationis modo istiusmodi actiones ipsarum dominus in nos diuināsque nostras ædes trāſſerat, & quæ iusta videantur debita se habere dicat: ne *vide-* *liet* hoc commento aliis iniquitatis quicquam obueniat. Istiusmodi siquidem donationes nobis curæ non sunt, neque calumniæ opinionē

auferre & subire nostrarum diuinarū domuum procuratores volumus: vtpote qui singulis (vt dicitur) diebus nostra subditis donemus, magnāque rerum mobilium immobiliūque, & pecuniarum vim propè omnibus elargiamur. Facultas verò cuique sit vt quas se habere actiones dicit, eas aduersus obnoxios secundum consentaneè in hos obtinentem modum, nullo Augustarum domuum præfecto interposito, moueat: & quando sua per legem recuperarit, de his quocūque velit modo statuatur. Ipsas enim actionum cessiones, quòd fraudis & calumniæ ansam complectantur, & odimus & auersamur. Quapropter etiam si quæ huiusmodi in ipsas diuinas domus iam conscriptæ sunt, has irritas cōstituiamus, & nullam illas petitionem exactionemque habere cōcedimus, vt hi aduersus quos factæ sunt, inde prouenientibus actionibus liberentur, hancque pœnam iis qui has cessiones facere ausi fuerint imponimus. Si verò etiam ipsarum Augustarum domuū præfecti, aut chartularii, aut emphyteutæ, aut conductores, aut dispēsatores, aut qui alioqui ad illas pertinent, ob res priuatim ad ipsos pertinentes ab aliquibus coram competentibus magistratibus in ius vocētur, ipsos pròpiè obedire iubem⁹, & secundū procedēdi ex lege ordinē actiones suscipere, indeque manātib⁹ exactionib⁹ cedere, idque perinde ac si ad diuinas domus nihil pertinerent: ne hac potestate eos qui aduersus ipsos actiones habent oblādere, iisque quæ debent fraudare vi-



*I ego παρ' ἑω  
τέρω*

deantur. Adeò autem ab istiusmodi iniuriis diuinas nostras domus alienare cogitamus, vt cōtrouersias apud illarū magnificētiss. gloriosissimòsue curatores, siue in scriptis siue sine scriptis iā motas, vltèrius' procedere nō sinamus, extraquā si vtraque pars spōte id facere velit. Quòd sanè si vtraq; pars nō velit, *volumus* vt vnus aliquis nostrorum magistratuū, in quē partes cōsenserint, quēmue etiam nos assignauerimus, secundum hoc quod recens à nobis constitutum est, controuersiam à quocūque horum examinatā, quæque in illa fortè acta sunt, suscipiat, ac deinceps audiat, quæque legibus conueniant de ea statuatur. De oneribus profectò etiam, & metatis, & angariis, & viarum pontiūmque instaurationibus, de descriptionibus quoque & indi&tionibus tractare nobis visum est. ac, ne hæc indistincta maneant, consentanea quædam iustissimo nostro proposito de illis descriptio procedat. Quum enim priuilegia iam olim Augustalibus domibus data, ab his illas eximant, rectè animū nostrum subiit vt rei vtilem & necessarium ordinem imponeremus. Si etenim Imperatoriorū exercituum, qui in barbaros emittuntur, trāsitus, aut etiam nostro iussu, quò abūdè huic inclytæ ciuitati annonæ sit, aliarūue occasionū causa, specierum quandam contributionem fieri contingat: his omnibus non modò alios subditos, verum Augustarum domuum possessiones & habitacula profectò etiā obnoxia esse volumus. Ac sanè citra has causas ne diuinæ do-

mus, neque alius subditorum quisquam molestia afficiantur, iubemus: neque ut tale aliquid illata necessitate fiat permittimus.

## DE HAEREDIBVS.

## CONSTIT. II.

**D**Eo simul & iustitia nihil maius existit. absque his enim nihil vnquam commodè geri potest, & præcipuè in nostra hac republica. Exinde enim & rectè regnare, & subditos ad beneuolentiā neque non ad summā licet attrahere deuotionē. Eapropter quū & nos diuinitus perque iustitiam imperii sceptrā suscepimus: tāetsi multis vndique curis implicamur, quo magis & Romani quotidie virtutibus reddantur auctiores, & Barbari deuicti succūbant: non tamen penitus à sollicitudine nostra secludimus, ne nō in iis quæ priuatim vsui esse possint subditis, cōpetens accomodetur prouidentia. Ac quū multa quæ prius confusa erant, ad meliorem statum erexerimus, cōueniens esse putauimus & id quod longo iam tempore in successionebus neglectum fuit habitum, ad actionem Deo placentem reducere. Cognouimus enim quòd quidā oberrantes defunctorū perturbāt patrimonia, sed neque testamenta valere sinunt, neque item ab intestato successiones locum capere, mobilibus quidē rebus immittētes signacula, immobilibus verò imponētes titulos: ut hac ratione ipsis illorum successio ad crescat, inque ea decentem aliquem ordinem occupent. Quoniam verò impossibile est in tāta multitudine exactè ea quæ singulatim in

*Sequentes  
hæc tres cō  
stitutiones  
Haloander  
uertit: quas  
quia non Iu-  
stiniani, sed  
Tiberii esse  
Scrimgero  
credimus, ex  
Iustiniani  
constitutioni-  
bus huc  
transcripsi-  
mus, atque  
numerū cui-  
que in Scrim-  
gero ascri-  
ptum ordi-  
nauimus.  
Ponit autem  
hanc Haloand.  
in Iustiniani  
constit. 164.*



talibus eueniunt perdiscere , perpulchrum  
bis visum est si generali hæc lege ad certam redi-  
geremus formulam. Propterea sancimus vt vni-  
uersi citra inuidiam & rebus iuribûsque suis per-  
fruantur, & ad suos ista transmittât hæredes. Pe-  
nitus autem nemo omnium illorû inuadat pa-  
trimonia, aut horum successores damnis impli-  
cet, aut titulos siue signacula rebus præter legum  
nostrarum placitû imponat. Nam & successio-  
nes ab intestato quo quisque vocatur ordine cõ-  
firmamus, & vltimas horum volûtates legitimè  
consistêtes non subuertimus. Si enim sedulò ad-  
uigilamus sumûsque solliciti vt collatores bo-  
nis gubernentur legibus, & de eorum incolumi-  
tate multo maximâ potentia nostra curam sus-  
tinet: quomodo non in hanc quoque partē pro-  
uidentiam ipsis accommodauerimus, & alacri-  
ter nostrû ipsis impertiamur beneficiû: Hæc ete-  
nim placere Deo persuasissimû habemus, & hoc  
iustitiæ munus esse asserimus: persuasissimum  
quoque est, Imperiû per hæc nobis vndique mu-  
nitû & quietum futurû. Connumerator itaque &  
hæc nostra lex cæteris præclaris nostris facino-  
ribus: & subditi, pristinis liberati molestiis, & tan-  
ta à potentia nostra dignati prouidentia, Deo si-  
mul & post illum nobis gratias agant, diuinum  
numen placantes precibus, vt deuictis hostibus,  
aliâ insuper & maiorem ipsis securitatem im-  
pertiamur. Quæ igitur nobis placuerunt, & per  
hanc sacram declarantur legem, ea conseruanto  
tam gloriosis. sacrarum domuû curatores quàm  
quibus

quibus vel maximorum vel etiam minorum gerendorum magistratuum cura, siue in alma hac vrbe, siue item in prouinciis commissa est: publicationem bonorum iuxta & supplicium formidantes capitis, si sancita nostra transgressi fuerint. Præsentem itaque sacram nostram legem gloria tua in insignioribus locis huius almæ vrbis proponet, sed & vsa ad hoc iussionibus, transmittet in prouincias.

DE PROVINCIA RV M PRAESIDIBVS.  
CONST. III.

**N**on tantum decenter leges ferre summo bono est, sed etiam sancita accuratè custodire & ad effectum deducere, transgressoresque competentibus poenis subiicere. Quæ enim legum erit vtilitas, si in literis duntaxat consistât, non etiam per ipsa facta atque opera subditis vtilitatem de se præbeant? Ac scimus quidem quàm vehementer Maiestas Imperatoria collatorum curam gesserit, quum aliquoties definierit vt prouinciarum præsides officia gratis suscipiant, quò magis & ipsi, quum purè his vtuntur, æquum & bonum subditis impertiantur, & ex collatorum incolumitate omnium rerum copia abundet res publica. Sed hæc quidem per immodicā auaritiā eorū qui officia redimūt potius quàm suscipiunt, deuicta paulatim in obliuionem deuenerunt. Nos autem de iis propositas leges renouantes, sancimus vt illi magistratum gerant qui & bona existimatione noti sunt, & in

*Ponit hanc  
Haloand. in  
Iustiniani  
constit. 161*



exercenda iustitia plurimum reposuerunt fortitudinis: sed & vt citra vllum munus & largitionem magistratus suscipiant. Item vt tam collatores incolumes indemnésque conseruēt, quàm publica tributa diligenter expediant. Præterea vt neque per se, neque per assessores suos, aut cancellarios, domesticósque, aut quempiam eorum qui ad ipsos pertineant, quicquam à subditis accipiant, nisi in quadruplum velint (vt leges loquuntur) quod ab ipsis acceptum est dependere: sed contenti iis sint quæ lege ipsis deputata sunt è publico. Simulatque magistratu abierint, vt per solennes quinquaginta dies in prouincia assideant, sub publico versantes cōspectu, & omnibus actionem intentare volentibus respondeant. Lite verò intra quinquaginta dies non finita, si quidem pecuniaria sit, procuratorem dato: sin verò criminalis, ad terminum vsque causæ permaneto: iis qui in causa diiudicant (siue magistratus sint, siue à præfectis dati) nisi intra viginti dies quàm initium cœperit, eam litē finierint, decem libris auri mulctandis: lite nihilo minus secundum prædicta procedente. Siqui enim mala consciētia stimulatī vel clām aufugerint, vel ad sacras ædes decurrerint, substantia excident, secundum legem pro modo admissorum inter iniuria affectos diuidenda. Et quemadmodum procedens de hoc constitutio & \* ex vna parte, prout antea lege comprehensum est, stiterit: quæ pro collatoribus introducta sunt, ea firma permaneto. permanentibus videlicet & alijs firmis

quæ ad collatorum vtilitatē de præsidibus pulchre à Maieſtate ſancita ſunt Imperatoria. Quēadmodum autē eos qui hæc perperā in ſe admittunt punimus, ita & eos qui per hanc cauſam contra interdictum aliquid ab ipsis accipiunt, reſtitioni quadrupli ſubiicimus. Atque vt hæc ita cauermus lege, ex eo nobis in mentem venit, quòd pluris à nobis fit ſubditorum opulētia & medela quàm reditus qui exinde inferuntur Imperio. Contrahimus enim vnā cum largitionibus præſidū in arctum ipſa etiam ſuffragia quæ Imperialibus inferebantur rationibus, & magnum reddebant pecuniarum cumulū: quòd magis hac cauſa & reſpublica meliore ſucceſſu potiatur, & locupletior redeat, aliquot retro temporibus à nonnullis excogitatis præſtationibus liberata. Vna enim hæc res potētiae noſtræ ſtudio eſt vt prouinciæ & bonis gubernentur legibus, & tutò inhabitentur, neque non ex præſidum iuſtitia fructum capiant, & tributa publica ſine querela inferantur. neque enim aliter conſeruare licet rempublicam, niſi pientiff. præſtationes importentur in publicū (ex quibus & militares nutriuntur copiae, vt reſiſtatur hoſtibus) & per agros ac vrbes agantur excubiae. perfruuntur item reliqui ordines attributis ſibi ſalariis: reparantur quoque muri & vrbes. denique omnia alia proueniunt quæ communem ſubditorum vtilitatem concernunt. Quæ igitur nobis placuerunt, & per hanc ſacram declarantur legem, ea gloria tua in alma hac vrbe conſuetis locis proponet, ſed & ſolitis uſa iuſſionibus mittet per prouincias: vt o-



omnes intelligant quantum nobis respublica simul & subditorum nostrorum incolumitas curæ sit.

*Quarta non  
extat.*

*Ponit hanc  
Haloander  
in Iustiniani  
constit. 163*

DE RELEVATIONE TRIBVTORVM  
*publicorum.* CONST. V.

**P**Ræstantissima inter homines bona sunt iustitia & benignitas: quarum altera æquabiliter suum cuique tribuit, neque appetit aliena: altera ad misericordiam decurrit, & debitorum incommoditate egentes liberat. Hæc ornare firmareque imperium, hæc conseruare rem publicam, hæc pulchrè humanam nouerunt gubernare vitam. Vnde & nobis, ex quo diuinitus Imperii sceptrâ suscepimus, magno affectatum est studio vt vndique tam bonis actionibus conspicui simus: quod *magis* si vtilis nos præbeamus subditis, ex virtute & gloria remunerationem habeamus. Ac scimus quidē mutua illa & omni-modâ hominum exitia ad tantam inopiam possessiones redeiisse, vt neque reditus possint suis producere possessoribus, neque satis idoneè publica inferre tributa: atque hæc militari & alio necessario sumptu imminente, vehementerque nos impellente, dum multis vnde quaque bellis alluimur, vt crebriores pecuniarum collationes faciamus. Inde adeo non semel curas in eam rem impendimus, quam ratione fieri possit vt & necessitati faceremus satis, & subditorum egestati adferremus remedium. Quūque in multas nostra circa hæc distraheretur sententia, magis tamen obtinuit vt ad benignitatē respiceremus,

& Deo placentē collatoribus impertiremur medelam, & quod communibus deesset sumptibus, hoc in eius vicē introduceretur ex thesauris principalibus. Acceptam igitur & hanc nostram curam ferētes Domino Christo, & salutaris passionis neque non sanctæ resurrectionis eius præsentibus magni festi diebus cōdigna facientes, meritō & ipsi in præsentia hanc pro republica largitionem offerimus: per quam concedimus in vniuersum omnibus, agricolis pariter & collatoribus (idem autem dicere licet & de prædiorū dominis) integrum vnum canonem publicorum tributorum in quadriennium partiendum: hoc est, quartam quidem eius portionem pro nona indictione proximè initura, tantandem verò alterā & pro decima quæ hanc sequutura est, consimiliter & pro vndecima *et duodecima*, vnicuique quartam portionem: vna eadēque opera diminuētes & consuetudines quæ quocunque modo aliquibus hoc nomine præbentur. Remittimus autem his & præteriti temporis reliquationes, vsque ad finem proximæ præteritæ quintæ indictionis: ac sancimus nequa fiat exactio pientiss. à nobis condonatarum præstationum, siue maximam præfecturam respiciant sacrorum orientalium prætoriorū, siue præfecturam Illyricianam, siue præsidatū insularum, atque præfecturam militarium in Scythia & Mysia ordinū, aut sacras nostras largitiones, aut denique alium magistratum: interdicētes decurionibus & exceptoribus, scriniariis & cohortalibus, palatinis & exa



toribus, neque non susceptoribus, & quicumque  
vel exactionem vel susceptionem publicorū ex-  
pediuit aut expedit tributorū, ne per vafriciem  
excogitatis contra agricolas & collatores vtan-  
tur artibus. \* aut etiam prædiorum dominos,  
vt diuersos \* ex reliquis indultis pro se instituāt,  
aut constitutæ pecuniæ obligationes, aut fideiuf-  
siones, aut confessiones dolo malo suscipiant. Cō-  
stituimus etenim omnem contra munificētiā  
nostram factam aut futuram circūscriptionem  
irritam: quum illud constet, quòd siqui, nostram  
anteuertentes largitionem, ex reliquationibus  
iam inde à quinta indictione factis aliquid exe-  
gerint, neque id persoluisse videbūtur: omnibus  
modis publicis id rationibus inferent. Nam vt  
collatores beneficio afficeremus, præsentem ipsis  
benignitatem impartiti sumus: non autem iis  
qui publica tributa suscipiūt, & in suum lucrum  
conferre ea voluerint, præsentis ad tempus cano-  
nis indulgentiam instituimus: nullo modo em-  
bola (hoc est annua specierum transmissione, vt  
in condito & ad militares sumptus habeantur)  
diminuenda. Oportet enim vniuersum frumen-  
ti aliarūque specierum modum cōsuetō ac so-  
lito more & cōtribui & importari: pretiis quartæ  
partis per singulos annos à nobis vsque in qua-  
driennium collatoribus indultæ ad mensam  
publicam cum aliis quæ in auro ab ipsis contri-  
buuntur, æstimandis soluendisque è publico.  
Idemque hoc in Osdroena & Mesopotamia per-  
agetur, eorum gratia quæ pro reconditis & mi-

litari sumptu in speciebus conferuntur. Con-  
similiter & in speciebus quæ ploidæ, quasi nau-  
bus transportandæ dicuntur, quæ proueniunt in  
Lazica & Bosporo & Chersoneso. percipient e-  
nim harum pretia expublico, prout in mensis  
præfectorum ordinatum fuerit, vnde hæ impor-  
tantur: vt & ipsi nostra in hoc perfruantur beni-  
gnitate. Earum enim specierum illationem ne-  
gligere haud quaquam tutum est: quum & ine-  
uitabilis existat impensa, & publicas (vt ita di-  
camus) res in vnum conciliet. Credimus autem  
& ex hac nostra largitione magna reipublicæ in-  
cremēta futura, Deo omnia nobis fausta per hu-  
iusmodi actiones præbente, ea quæ pro subdito-  
rum à nobis vtilitate disposita sunt transcendere  
præsumētibus, tam de substātia quàm de ipsa  
periclitandis salute. Quæ igitur nobis placuerūt  
& per præsentem sacram declarantur legem, ea  
programmatis vsa gloria tua, tam in alma vrbe  
quàm etiam per prouincias omnibus manifesta  
faciet, vt neminem nostra lateat munificentia.



# 509 ZENONIS IMPE RATORIS DE NO-

VIS OPERIBVS CONSTITVTIO,

codem interprete.

IMPERATOR Cæsar ZENO, pius, victor,  
triumphator, semper & maximus & veneran-  
dus Augustus, ADAMANTIO præfecto vr-  
bis, & iudiciorum quiete fruente.

Hæc clausu-  
la huc non  
pertinet.

Requiritur  
hacten<sup>9</sup> hæc  
cōstitutio sub  
tit. De ædifi-  
ciis priua-  
tis, C.



Ræsentē ferimus legem, quæ  
sufficienter ostendat quomo-  
do & tua magnificentia\*. Ne  
verò qui in legem incidet, *in il-  
la intelligenda* adiutore opus ha-  
beat, ab elegantioribus reique  
publicæ cōueniētiōibus ver-

bis paulum recedentes, vulgò notioribus vsu-  
ri sumus. Cognouimus igitur ex illis quæ à ma-  
gnificētia tua ad nos relata sunt, ambigū a  
esse sacram illam legem quam immortalis nomi-  
nis pater noster Leo de iis tulit qui in inclyta  
hac vrbe ædificare vellent: ac iubemus vt qui  
suas ædes renouant, nequaquam veterem mo-  
dum excedant: ne qui ædificent, vicinorum lu-  
minibus & prospectui, contrà quàm antea res il-  
læ se habuissent, officiant. Quin & illud addam,  
quid obtinere oporteat si qui ædificat, ex pacto  
aut stipulatione peculiare ius habeat, quod ve-  
terem formā illi, si velit, mutare permittat. Sta-  
tuimus autem, si pactum aut stipulatio ædifican

Pro olov ma  
lim ota

tem iuuet, vt tum illi secūdum pacti stipulationisue vim ædificare liceat, tametsi vicinos, quibus pactum aduersatur, oblādere ita videatur. Quando porro mea constitutio dicit, cum qui ædificaturus est, inter suam & vicini domū duodecim pedum interstitium relinquere oportere, & plus aut minus addit, quod nimirum maximam certitudinem facit (nam quod huc atque illuc inclināt & anceps est, id ad tollēdam ambiguitatem non idoneum est) luculenter iubemus vt inter vtranque domum duodecim pedū intercapedo sit, quæ à structura fundamenta contingenti inchoet, atque vsque ad summam altitudinem conseruetur: tum qui in posterum hoc obseruabit, vt ei, siue nouā domum ædificare, siue veterem renouare, siue ex incēdio collapsam instaurare velit, secundum sacram legislationē in quantamcunque velit altitudinem domum suam tollere, & fenestras prospectorias (vt vocantur) & luminis tantummodo causa parandas secundum sacram legislationē facere liceat. \* nequaquam ex hoc interuallo concedi vicini prospectum maris rectum & non coactum, ex quocunque latere domus, quem vicinus stans intra sua, aut etiam sedens habet, neque inflectens se inter prospiciendum in obliquum, & sibi vim inferens, vt videat mare. De hortis enim & arboribus in priore legislatione nihil tractatū est, neque quicquam præsentī addetur, neque conuenit etiam. Nulli verò ædificaturo domum, si in medio angiportus aut platea duodecim pedibus

Huic vuln  
ri ex Harme  
nopulo me-  
deare. Mi-  
hi autē, quod  
et ordinem  
suspectū ha-  
beā, dum in  
meliora exē-  
plaria inci-  
dā, ista medi-  
catione su-  
persedere ui-  
sum est.



Recte fortas-  
se legas πιν  
ον, & χεν  
οι μοx, τυλ-  
χου πυυδου

516

latior sit, propterea partem plateæ aut angiporti  
adimere, & suo ædificio applicare fas esto. Non  
enim quòd quæ ad rempublicam pertinet oblæ-  
dere, & ædificatibus attribuere velimus, duode-  
cim pedum interstitium inter domos esse debe-  
re constituimus: sed vt ne angustiora inter ædes  
essent interstitia, & ampliora etiam, si ampliora  
essent, haberentur, ac essent vt essent, quum ve-  
tus spatium imminui non sinamus, vt ciuitati  
sua iura conseruentur. Si verò vetus ædificium  
ita constitutum erat vt minus duodecim pedi-  
bus inter vtranque domum interuallū esset, fas  
non sit vt ultra veterem statum & formā aut ex-  
tollatur ædificium, aut fenestræ fiāt, nisi decem  
pedum spatium in medio sit. Tunc enim (vt di-  
ctum est) prospectorias, quæ olim nō fuerint, æ-  
dificator facere non poterit. Fenestras autem lu-  
minis duntaxat causa parādas faciet ab area sex  
pedum interstitio in altitudinem: *ut tamen* lumi-  
nari fenestra ad dictum sex pedum in altitudinē  
præscriptum confecta, nequaquam in suo ædifi-  
cio id quod fictitia area dicitur facere, & legem  
circunuenire audeat. Si enim hoc liceat, rursū  
luminare fenestræ per fictitiam aream prospe-  
ctoriarū vsum explebunt, ac vicino incōmoda-  
bunt: quod fieri prohibemus: *ut tamen* nusquā ex-  
pactis aut stipulationibus ædificatoribus compe-  
tens auxilium, si quidem omnino tale aliquid  
sit, perimamus. Insuper, quū prior lex iubeat, vt  
domus antea incendio consumptas, tametsi al-  
teri prospectus in mare præstringatur, centum

pedes in altum attolli liceat: & hanc ambiguitatem tollentes, sancimus vt hoc ipsum obtineat similiter in exustis ædibus & renouandis, & quæ prius non fuerint nunc primum extruendis: vt id posthac etiam in iis quæ ignis nocumētum non senserint, sed propter vetustatē aut etiam quamcunque aliam causam ruinosæ nutent, obseruetur. Et à quacunque ædificanda domo in medio cōtrouersorum locorum centum pedum sit interuallum, itaque citra vllum impedimentum structura procedat, etiā si cuiuspiā ad alios pertinentis domus prospectus in mare corrūpatur. Qui verò è solis coquinis, aut (vt vocantur) latrinis, siue ad naturæ necessitatem secessibus, aut è scala etiam, aut pōtibz parietalibus ad transitū solummodo vtilibus, aut ex iis denique quæ βα-  
τέριοι <sup>α</sup> multi vocāt, prospectus in mare est, ei impedimentum ad ferri liceat, si quis intra centum pedes ædificare velit, dummodo duodecim pedes in medio sint. Atque hæc quidem obseruari placet, quando pactum alicui non suppetit quod ædificare permittat. Qui verò ex pacto cum vicino inito ædificant, his in eo quod vtrinque placuit persistendum est. Tunc enim non obseruato interuallo ad pactū structuras tolli sinimus: tamen si illis qui pacti sunt, aut qui in ipsorū domus successerunt, in maris prospectu noceatur: propterea quòd quæ iam ex pactis alicui iura suppeditant, ea per generales leges perimi non conueniat. Insuper placet vt quæ solaria vocantur, post præsentem legem non ex solis lignis &

Quasi scri-  
 ptum fuerit  
 πούμαπος  
 πωρὶς γί-  
 νεται τὰ οί-  
 κος.  
 Lego πῶ δὲ



asseribus fiant, sed Romanensium (quæ vocantur) specie ædificentur: ut etiam inter duo solaria sibi inuicem opposita decem pedum interuallum intersit. Quod si propter loci angustiam possibile non sit, alternatim solaria fiant. At si ipse angiportus decem pedibus latior non sit, neutra pars solaria siue meniana facere aggrediatur. Et quidem quæ quo dictum modo est fiunt, ea iubemus ut à solo quindecim pedum interstitio in altum distent, & nequaquam ipsis columnæ aut lapideæ aut ligneæ ad perpendicularum in solo substituantur, aut muri substruantur: quod ne qui sub solaribus in altitudine (ut dictum est) factis aer existit, is obstruatur, neque inde angustior angiportus publicusque transitus fiat. Vetamus verò etiam scalas quæ à solo incipiant, & in solaria ducant, in angiportis fieri: quod *videlicet* ex cautiore structura, eoque quod non ita inter se solaria propinqua sint, leuiora aliquando rarioraque, & quæ facilius restinguantur, ex igne ciuitati iisque qui domos habent pericula obueniant. Ac si contra nostram legem solarium aut scala fiat, nedum quod factum est, refringetur, verumetiam ædificator decem librarum auri multam sustinebit, & architectus aut redemptor, qui opus infortauit, alteras decem libras dependet, & artifex qui fecit, si ob paupertatem multam exoluere nequeat, ubi in corpore verbera exceperit, ab urbe propellatur. Adhæc iubemus ut nulli liceat multas deinceps columnas in publicis porticibus à milio (quod vocatur) usque ad capitoliū (quod vo-

cantꝫ aut domunculis , aut aliis etiam quæ inter columnas fabricari solent , ex solis asseribus obstruere : sed vt istiusmodi domunculæ cum parietibus latitudine plateam versus sex pedes , altitudine verò septem non superent : tum etiam vt per quatuor omnino columnarũ interordinia liberi à porticibus in plateas transitus relinquantur , & istiusmodi domunculæ siue officinæ extrinsecus marmoribus adornentur , quò ornamẽto sint ciuitati , & oblectamento prætereuntibus . Quæ verò in aliis vrbis partibus inter colũnas officinæ constituuntur , eas ad eam mensuram eũque modum confici placet , quam mensurã quẽque modum conducere ciuitati magnificẽtia tua iudicabit : tamen vt æquabilitas omnibus modis conseruetur , ne quod ab aliquibus permissum est , ab aliis prohibeatur . Illud item lege complecti visum est , ne probi viri calũniatorum subdolis commentis oblædantur . Multi enim inuidia ; non verò quòd iniuria afficiantur , iis qui ædificare volunt litem texentes , procrastinandæ ædificationis necessitatem inferunt : ita vt qui ædificare cœperit , deinde prohibetꝫ opusque intermittere coactus , & in iudicium tractus , qua pecunia domũ se erecturũ sperasset , eam in litem insumat , & ( quod omnium absurdissimũ est ) vbi victricem sententiam obtinuit , velut indissolubilibus aliquibus vinculis irretiatur , dum qui nouum opus nuntiaffet , obtẽta prouocatione vadimonia expectat , & quòd ædificationem impediatur , ex vicini incommodis voluptatẽ ca-



pit. Iubemus itaque, si in istiusmodi cōtrouersis aduersus decreta iudicis prouocatio instituat, vt simulatque subsidaria actio, siue scripto cōprehensa forma à iudice data fuerit, etiam vadi-  
monio nō obseruato, victori vnà cum victo, aut seorsū soli, ad magnificentiæ tuæ tribunal ingre-  
di, & aduersario, si absit, pro consuetudine voca-  
to, sententiam iudicis manifestam facere liceat: quò omni dilatione succisa, legitimè controuer-  
siæ imponatur finis: neque, si fortè hyems adsit aut appropinquet, dum longa constitutorū die-  
rum tempora expectentur, qui ædificare voluif-  
set, & non iure prohibitus esset, intolerabilia dā-  
na sustineat. Similiter etiam, vt si quis in' tali cō-  
trouersia, magnificentiæ tuæ iudicio non acquie-  
scens, prouocare voluerit, confestim consultatio  
(quo modo vocatur) fiat, nullāque intermissa di-  
latione, in sacro nostro palatio & ipsi & victori,  
prout fieri cōsuevit, sentētia cōsyderāda detur.  
Sciant verò omnes qui nouū opus nūtiare ædi-  
ficatoribus tentant, quòd si causa cadant, ipsis &  
omnia damna quæ obuenerint, & materiarum  
quas litis tēpore corruptas aut deteriores factas  
esse constabit, pretium refundent. Qui autem nō  
iure ad ædificandum aggressi fuerint, hi si iudi-  
cio superabuntur, isti qui opus nouum nuntia-  
uerit, eaque de re iudicium illos sustinere coege-  
rit, damna resarcient. Cæterum omnes istiusmo-  
di lites vnus magnificentiæ tuæ tribunalis sen-  
tentia diiudicari iubemus, & ne alius quisquam  
gloriosorum magistratuum istiusmodi contro-

Lego πρὸς  
ὁμοῖον.

uersam audiat, neque eorum aliqui qui de istius  
 modi controuersia contendunt, militiæ aut fori  
 exceptione vtantur. quò *ideliæt* litigare aut mul-  
 ctas quas gloriosiss. vrbis præfecti datuæ ab ipso  
 iudicis sententia dare iusserit, perfundere nō co-  
 gantur. Verùm qui iudicio superatus est, per co-  
 hortem magnificentiæ tuæ exactionem sustineat:  
 ita vt in hoc nullus fori exceptione vti possit. Hoc  
 verò magnificencia tua prouideat, nequi operū  
 redemptores aut artifices, vbi opus aliquod in-  
 choarint, id imperfectum relinquant: sed ipsum  
 qui inchoarit, aut capta mercede perficere opus,  
 aut quod inde ædificatori obuenerit damnum,  
 quantūque ipsius interest opus absolutum nō *Inferendo*  
 esse, illi dare cogat. At si fortè pauper sit qui id de *ἀνὰ πλὴν*  
 linquit, verberibus cæsus eiiciatur vrbe. Nec ve- *πῶς ἀξ' ἀσθε-*  
 rò alius eiusdem artis quod ab alio cœptum est *νισκῷ induco*  
 adimplere prohibeatur. Quod sanè artifices re-  
 demptores aduersus ædificatores ausos esse intel-  
 leximus. qua re intolerabile damnum ædificato-  
 ribus machinantur & inferunt, dum neque ipsi  
 quod opus facere cœpissent, huic finē imponunt,  
 neque alios id ipsum opus consummare sinunt.  
 Qui verò cœptū ab alio opus ob hoc ipsum quòd  
 ab alio cœptum sit absoluere recusat, similem &  
 ipse cum illo qui opus interruptum reliquit pœ-  
 nam sustineant.



## ERRATA SIC CORRIGITO.

Pagina 3. versu suspendi, lege debeant. P. 7. v. pignus, expunge si, & parentheses notas. P. 22. v. Vt, l. notus. P. 25. v. deceant, l. statuat. P. 27. v. suscip. l. esse monens: hæc. P. 37. v. dam: incoëptione. v. perm, incoëpto. P. 49. v. plius, l. adaugent. P. 56. in margine, l. Abrogatur. P. 58. v. 3. lege cepissent. v. tria, l. ille hoc vnum, sed. P. 63. in marg. l. βοηθημα. P. 67. v. quibus. l. obtigerit. in marg. l. 4. Pro. P. 76. v. nō, l. quōd. P. 100. v. absurditatē hoc ingentem natur. P. 113. v. piscat. l. remoras pisc, & c. in marg. l. transfer. P. 118. v. Non. expunge, neque. P. 123. v. tant. l. ultio. P. 145. in marg. l. Recurre. P. 146 in marg. 19. & 80. P. 157. in marg. l. ἀναφέρειν. P. 172. in marg. l. ἐποχῶν. P. 173. in marg. l. crim. pecul. C. P. 179. v. à, l. ac. P. 197. in marg. ad 111. conf. P. 246. in marg. debet.

AMERICAN  
ANTIQUE SOCIETY  
Incorporated



**БІБЛІОТЕКА  
ГР. КАТ. КАПІТУЛИ  
в Черонині**

1875

 $a\frac{1}{2}$



